


ВАСИЛИЙ  
ТОРОПОВ

# АСКИ ОЗ ЗЭР



КОМИ  
НЕБӨГ  
ЛЭДЗАНІН  
2005



❧❧ ВАСИЛИЙ ТОРОПОВ ❧❧

*Висътъяс*

*Серпасалис Л.В. Юшина*

**Торопов В.П.**

Т61 Аски оз зэр: Висьтъяс.– Сыктывкар: Коми небӧг лэдзанин,  
2005.– 144 л.б.

ISBN 5-7555-0828-3

Василий Тороповлӧн со бара петӧ дыр виччысяна выль небӧг. Восьтан сылысь медводдза лист боксӧ и окотаыд босьтӧ лыддыны висьтъяссӧ помӧдз. Гижӧдъясас паныдасян ас коддьӧмъясыдкӧд, авторыскӧд кутан висьны шӧр геройслӧн олӧм вӧсна. Ӧд небӧгыслӧн темаыс быдӧнлы матысса – мортлӧн сямлун да лӧклун, сьӧлӧм дой да муслун. Висьтъяссӧ донъялан ачyd, пыдди пуктана ёрт.

84 (2Рос.Ком)



## САВА БАТЬ

Война помасьөмсянь коли көкъямыс во. Öти гожся лунö Сюзь Аликкөд вуграсим Öмидз ю вомөн пос вывсянь, кор вөр дорсянь мыччысис ар нелямын вита мужичöй.

– Здоровеньки, хлопчики!– матыстчөм бöрын чолөмасис сийö. Сапöгъясыс да паськөмыс бусөссьөма. Дерт, подөн воис районсянь, миян грездö некутшөм машина оз ветлы, пöпутной вöляяс кө оз веськавны. Пос помö пунктис нопсö, тубрассö, содзнас юис бурпöt, мыссис ыркыд ванас, вöлись юалис:

– Это деревня Кырйыв?

– Да,– вочавидзим ми.

– А к кому ты идешь?– смелмөдчис юавны Алик.

– В Кырйыв, к матери Александра Федоровича.

Ми вель дыр тунъясим, кутшөм мам дорö воö тöдтөм мортыс. Сэссия гөгөрвоим жö: верстьö мужичöйяс пиысь Öльөксаныс грездын öти и эм, Педөр Öльөксан. Алик бара суйсис сёрниö.

– Александр Федорович... Это Педөр Öльөксан. Он раненый, без одной ноги и руки. Вот его дом, видны два окна,– индис юасысьлы грезд помлань.

– Александр дома?.. Живой?.. – тöдтөм морт кватитис көлуйсö, котөрөн уськөдчис кыр йывлань.

– А ме шпанаөн думайтi, повзышті быдөн.– Алик вель ыджыд ёкышöс лэптис.– Мися, мода вылас юасьö, мед не вузавны асьсö.

– Шпана кө,– шуа сылы,– осьсаинö эз пет, вөръясöд пышьялис.

Пышйысьяс йылысь сёрниыс збыль паськавлис, тöдтөм йöз пö узлөмаөсь бокуса пывсянъясын, зорöd увъясын. Оперъяс ветлөдлисны грезд гөгөр, некодös тай эз кутны-а.

Кызди ваö из шыбитөм бöрын разалöны кытшъяс, паськалис выль юөр: «Грездö пленной воöма». А Педөр Öльөксан ордын бисö асылөдз эз кусöдлыны.

Вөлөмкө, Öльөксан дорö воöма войнадырся другыс. Фронт вылын кык во вокъяс моз олөмаөсь украинаса да коми зонъяс,

Саватий да Ёльёксан. Педёр Ёльёксан миянлы висътасьліс нин та йылысь школаын, олёмён пё уджйёза ёрт водзын. Пасьмунём снаряжсянь падера төлөн моз Ёльёксанёс шыбитас гуранё, тыртас муён, кулёмён нин лыддясны. Сава другыс кималасён корсьёма войнас, кыскёма мыш вылас...

Аръявыв враглысь пиньён-гыжйён мырддьём мыльк йылын кутчыясны кык лун, сідзи и оз воны отсөг вылө, веськаласны пленё, төлысь чөж пленнёйясёс видзёмаёсь сутшкасьысь сутугаён потшөм йёрын. Ывлаын шляка, йёз тшыгёсь, гожся ротйысьём паськёмыс муртса өшйё выланыс, унджыкыс кёмтём. Мед шоныдджык вөлі, вой кежлас водавлёмаёсь өти чукөрө. Асывъяснас асьныс жё кыскавлёмаёсь кулёмаясёс, сюсьджыкъяс пөрччөдлёмаёсь налысь туянаджык кёмпасьё.

– Пом, Ёльёксан, ме водзё ог вермы... – унаысь норасьлёма Саватий татшөм здукъясьё.

– Мыйла пом, – пыр өлөдлёма ёртыс, – ловъяось на да.

Лым сора зэра вой отсалас петны вөля вылө, воштөдчыны матысса вөрө.

– Кысь нё тэныд сымда выныс, лы-кучикыд и эм-а? – шензьёма ёртыс бөрся вөтчигён Сава.

Мөдыс, ловсё өлөдыштём бёрын, тойлёма сійёс водзё, кызд позьё ылөджык мунны: төдісны, дерт, мый суөдасны кө, баябөжас пуля веськалас, либө понъяс ловъяывысьыд косявласны.

Тшыг нисьё пөтөсь, кык друг вежон чөж лёкинъясөд келалігён дзикөдз укшальмасны, сійён и шуасны кежавлыны восьсаиннын тыдовтчём өтка керка дорө. Водзджык на өтамөдныслы көйыясны: кодныслыкө мойвиас ловйён кольны, юөртны семьяыслы. Сувтовкерасны шойччыштны, Ёльёксан друг юалас:

– Кула кө, Сава, кытчө гижан-юөртан либө волан победа бёрын?

– Коми, Кырйыв. Это я не забуду. А ты?

– Отруби, Полтавской, Савушке.

Нюмунасны өта-мөдныслы и бара кырсеясны водзё.

– Кодысь нё дзебсяянный?! – кутшөмкө сиктын житник дорсянь шысяс мужичөй гөлөс.

Вот и сибөдчисны гусьён; вөлөмкө, найёс казялёмаёсь нин. Горөдысьыс нопъя и ружьеа, мөдөдчёма мөскыслы турунла. Сёрнитчасны. Висьталас: меным пё веськодъ немечьяс и партизанъяс, верманнды шойччыны, плита пач вылын пось чай эм.

Вёлёмаось на тай и асланым йоз пиын гадьясыд. Вой шөр гөгөр Ольоксан кылас кильчө өдзөсөн гольснитом, тувкнитас өртсө, уськөдчасны сарай пыр. Би ньөвьясөн мөдас сьоласьны автомат. Пышйиганыс, войся пемыдас, и торьяласны кык друг... Сэсянь Сава кутас лыддыны Ольоксанос виомаөн.

Кык лун чөж вөрьясын гөгралөм бөрын киас ранитчөм Педөр Ольоксан веськалас партизаньяс дорө. Тышкасяс война помөдз, йоз муө коляс киос да коксө, Саваос жө немечьяс төлөдасны рытиввывлань. Мукасө ас вывтыс вуджөдас, лыддыны кө, некутшөм дозийө оз төр. Война помлань, лагерыс мездөм бөрын, выль гөснеч виччысьома: пленө веськавлөмысь гольгөдасны асиввылө. Көкьямыс во ковмас уджавны шахтаын.

Көкьямыс во быттө вошөм морт: удж вылө да баракө — өти туй, весиг письмө гижны абу позьома. Но өти лунө чушкан поз моз шызяс-гызяс лагерыс, удж вылө некод оз пет. Кывсяс: кувсьома медыджыд мортыс, кодос нимтисны Вождьөн да Батьөн, код вөсна ньөти думышттөг лыдтөм-тшөттөм морт воськовтлис враглөн пуля улө, тшыгьявлис да кадысь водз пуктывлис ловсө. Мыш саяс неыджыд нопторйөн Саватий Иванчук воськовтас дзуртысь көрт өдзос пыр, мед кымынкө лун бөрын аслас чужан муас лэдзчысьны пидзос вылас, бөрдны сир курыд синваөн.

— Сиктын ловья морт эз коль. Юр сюянин абу жө. Морт вит-ө-квайт волисны тани чужлөмьяс пиысь, бөр муналисны, — татшөм юөрөн вочаалас Саваос төдса пөль. Вөлөмкө, сиктыс некымынысь вуджлөма киысь кио; медбөрьяысь бөрынтьчигөн немечьяс виомаось став ловья ловсө, сотөмаось, мый вермө сотчыны.

— Со эсийө мыльк йылас салдатьяс чукөртисны да гуалисны йөзлысь колясьяссө. Бать-мамыд да чойыд, пөди, сәни жө. Коло пальөдчыштны тәныд, төдсаяс дорын олыштны, эмось кө, — шуалис дед дзикөдз нюкыртчөм, измөм сьөлөма Савалы.

Сәки и усяс төд вылас Педөр Ольоксанлы сетлөм кывйыс. Шуас ветлыны Комиө...

— Кольччы, уджыд тай быдлаын удж, — мөд ли коймөд луннас Ольоксан өлөдас шөгө усьөм другсө. — Йөз миян бурөсь, видзөдлан, кажитчас кө и... вывсяныд тай, ме серти кө, морт кодьөн петкөдчан. Велалан миян ног сөрнитны, гөтыр аддзам, ас мортөн лоан.

— Александр, муса друг, өтчыд мездылин нин смертысь, бара на... — Савалөн гөррдзасис горшыс.

— Кыкнанным ми мездим өта-мөднымос, бара со өтлаын. Ловьяось.

– Сідз эськө да... Морт сямасо талялісны менсым, овны оз косьйыссы.

– Ловъяяслы колө овны, Саватий, водзө олөмсө пыкны. Мужукуловыс миян пөшти эз жө бергөдчы, а гач новлысь-ястөг ок сьокыд сиктад. Томъяслы мый, гаж налы колө, борд-сялыштасны, энөвтөны чужан позсө. Бөръя кадө кывсьө: дзикөдз пө бырөдасны грезднымөс, ичөт колхозсыд пө грөш дон пөльзаыс. Ми кутчысям на. Тэ со воин, быдсяма уджө велалөмыд. Ньоти ог пөръясь, Саватий, видз-му миян вына, уджтө водзөсөн оз коль. Война воясө тані йөзыс абу сэтшөма вингыртөмаось, тшыгла некод абу кулөма. «Чарла» колхоз, мамө шуө, поставкаясөн районкодсьө мездывлөма. Ачыл думышт, рөдвуж тэнад абу, а тэкөд ми, коть абу өти нень-помсясь, вокысь вокъяс.

– Сідз, Александр, вокысь вокъяс... – Сава куньөма синьяссө, юрсө мыджөма кияс вылас.

– Колө жө, Савушка, Комиөдз воин, Кырйылөдз. Ме өд тянө некымынысь гижлі, военкоматад и. Вошөмөн лыддьөны, сиктсьыс пө пөим чукөръяс кольөмны.

Кырйылын нель-ө-вит лун олөм бөрын измөм сьөлөмыс Савалөн небзыштас. Өльөксан счөговодалө, колхоз правленньө кык керка кост сайын и эм. Гөтырыс и мамыс зэв бур йөз. Узьлыны гөсьтлы нейджыл жыртор лөсьөдасны, посводзянь торъя өдзөсөн. Воөм бөрас, мөд луннас жө, колхозса пред Опонь Васька пыралас. Кутшөмкө пө зимогор воөма миян царствоө, оз пө и петкөдчыв. Воласны и районсянь погона йөз.

– Аски удж вылө пета, – юөртас өтчыл Сава чай юны пуксигөн. – Дыр-ө кута дась нянь сөйны, а, Александр?

– Ланьт, нем абусө эн баит. Эн на пуксьыв да...

Өльөксан кө контораын, Сава уджтөг эз пукав. Пес поткөдліс төвйөмөн, пывсянысь джоджсө вежис, дзоньталіс вевтсө.

– Конюкө корө предыл. Висьысь нывбаба пө сэні. А вөвьяс дорө ме сибала, ичөт дырйи ас коддьөмкөд гожөмьясын би дорын и колявлім войяссө.

– Но, ачыл төдан, – Өльөксанлы өртыслөн юөрыс лоас виччысьтөмөн. – Сөмын тэ сыкөд виччысьөмөнджык, мукөддырйи нем абусыс крукаяс-пестыяс, кокни киа и. Грездын Лука пөльөс и пыдди пунктө, мукөдыс сылы эм коть абу. Гөтырыс сэтшөм жө, мый колө и оз сы пельөдз вайөдө.

– Оз кө мөд ладмыны делөыс, менө некод татчө эз көртав. Зэв нин окота, Саша, ас шодысь уджалыштны, мед эськө мышсяньыл беддьөн некод эз тойлав, мед эськө морт туйө тэнө пуктісны...

Удж вылө петтөдз, кор мамъяс гортын на ноксьоны, миянөс, зонкаясөс, ыстөны конюшня вөвла. Водзті вөлі бурпөт мырддысям, кодлы бурджык вөжжи ли мегыр сюрас чукөрысь, а өні став доддясян көлуйсө өшлөма стенө дорөм тувъясө, сийөс деревчиясө гижөма вөвъяслысь нимъяссө. Конюшня помө пөвъясөн торйөдөма Мор нима ужөс, кодөс кыськө ылысь вайлісны чибөөн, машина дон пө сувтөма колхозлы. Тайө Опонь Васькалөн вөлыс, чуньөн чуткыны сийөс некодлы оз позь. Морөс Сава вердө да быд лун чышкалө кузь воропа роскөн. Конюк водзвыв юалас миянлысь, кутшөм удж вылө чойыд ли мамыд лөсьөдчө, сы серти и вөв вөзъяс. Ичөтджыкъяслы отсалас сийөсавны, доддявны, зэлөдны супоньтө.

Верстьбяслы сьөлөм вылас жө воөма Сава дядь (сідз сийөс кутісны нимтыны грездын), велөдөны сийөс комиөн баитны. Босьт пө менө ас саяд, шмонитөны мукөддырйи. Опонь Агни тай дивитыштас пөдругаяссө: көнкө пө пышьяліс-ветліс, ловйөн кольөма, бур йөзыс ловъяснысө пуктісны-а. Ещө пө ськөд ворсөдчаннуд, пленнойыскөд. Пөди, ас йөз дорас оз лысьт мунны да татчө кольччис.

– Өвсьы, Агни, – өлөдөны сийөс, – бур олөмысь эз лок татчө, сьөд вөр шөрө. Өльөксаныд өд төдө, ставсө висьтавліс сы йылысь.

Өти луно казялі: Сава дядь гөгралө миянкөд орччөн сулалысь нель пельөса важиник керка гөгөр, мыйкө довкйөдлө юрнас, муртасьө. Сэні некод эз овлы, ворсігъясө ми, челядь-посни, дзевсьывлім сэтчө, а төвнас чеччавлім вевт вывсяньыс. Регыд сэсся и тотшкөдчыны мөдіс пытшкас. Сувтөдіс выль куричьяс, вөчис посводзтор – овтөм керка ловзис, чача кодь лои. Сэсся мыйкө и шордорса кузнечайн клөнөдчыны кутіс. Сюзь Аликкөд ми кежавлім сэтчө, пөльтчан мекнас пушкыны.

Грездын миян өти улич и эм, керкаяс өта-мөдныслы паныдөн видзөдчөны. Өтчыд Алик пырис миянө, ньылөдөма. Педөр Өльөксан тшөктөма колхоз правленньөө йөзөс чукөртны рыт кежлө. Уськөдчим конюшня дорсянь. Киын майөг кызта бевд, камөдам керка стенъясө, весиг өшинь стеклөясыс зильмунлөны. Асьным мый вынысь горзам: «Собранньө! Скод вылө!» Шарьялам ыжъяс моз, гашкө, дасөн нин чукөрмим, понъяс тшөтш гузьялөны миянкөд. Аликкөд ми кежим Сава керка дорө. Сийө кильчө помас пукалө. Видзөдліс миян кокъяс вылө, шпыньмуніс. Аликлы мый, ыж ку пасьта кө муыс кушалас, сийө көмтөг нин ветлө, кокъясыс сьөдөсь, потласьөмаөсь. Ачыс некор оз вись. Сава дядь казяліс менсьым киссьөм көмкотөс, юалө:

- Это что?
- Башмак, – шуа.
- Я вижу, башмак. Чего он просит?
- Рок, кашу, – бара шуа сылы.
- Сейчас же сымай! Рок! – стрёга видзёдліс ме вылө.

Кильчө лабич увсъис перйис паличө пысалөм кок лапа модаа көрт, регыд и тувъяліс. Ачыс дугдывтөг сёрнитө роча-комиа кывъяс сорлалөмөн. Аликкөд сералам гораа, ачыс тшөтш вашъялө. Өтырышъя юалө, кыдзи пө тайөс шуны комиөн.

Мукөддырйи и дөсадитчывлім сылы, грездө воөм выль мортлы, но Сава дядь лёк кыв эз шулы, непөштө уськөдчыны. Көри-тана видзөдлас синмад, мыйкө шуас негораа, аслыд жө и оз ло лөсьыд. Гөгөрвоө челядьдыртө. Дырджык кө ог пыралөй сы ордө либө ог волөй конюшняө, пыр и юалас: кытчө пө бара вошавлінныд, молодечъяс, вунөдінныд пө Сава дядьөс. Зонка-яс пиысь сійө мыйлакө торйөдіс менө, гашкө, сы понда, мый тшөтшъяясысь вөлі вийөрджык, тушаөн ичөтджык и.

Колхозъяс бырөдөм бөрын миян грездын лөсьөдісны совхозысь торъя бригада. Опонь Васька бригадир пыдди. Собранньө вылө чукөртчөм йөзлы ыджыд гөлөснас юөртис: өні пө ми рабөчөйяс, трудодень пыдди кутасны мынтысьны сьөмөн. Сөян-юан юкны оз мөдны, ставсө ньөбны ковмас. Мед пө жель эз вөв босьтөма юасьтөг-висьтасьтөг. Но киссьыны мөдөм колхозлысь нимсө вежөм бөрын олөм эз бурмы. Өмидз ю вылө вөрпункт восьсьөм бөрын кыз уджсө мыркысь йөзыс кутісны вуджны сэтчө. Пөльяслөн-пөчъяслөн вотчинаыс кутіс чинны. Гортсянь ылынджык видзъяс вунөдісны, найөс леторосөн кыскис. Не-важөн на вөдитөм муяс вылысь кутім тшак вотны. Унаөн мөсьяссө сдایتісны яй вылө. Бригадир ещө на скөрмис (выв-сянь индөм плантө колө тыртны), лун-лун войлөдлө томъясөс да пөрысьясөс, гөгралө Мор вылас. Ме унаысь казаявлі, кыдзи рытгорувьясын Васька кыйөдө удж вылысь воысьясөс, озө мыйкө киняулас ли моздорас вайыштны. Мый эськө и ваян, турунторйысь кындзи. Суөдас кө, асьтө жө тшөктас нөбавны скөт картаө. Либө домалас седлө дорас көрталөм вөжжи-гез дорө, вөвсө лэдзас скачөн. Сылы мый, медтыкө мырддьөма вөлі, турун нөбсьыс көть өти сі оз коль. Штрапөн да судөн пыр грөзитчө. «На виньды!.. Вир юысь! – өтчыд горөдіс Опонь Васькалы Сюзь Аликлөн мамыс, мынтөдіс ташкасө да сьөвзис ныр-вомас вөлыслы. – Мөд синмыд мед тшыкас». Татшөм сөрнинад Васькаөс он повзьөд, эз этшаысь кывлы.

Томджыкнас на Опонь Васька висьлөма төлысь висянөн (лунатикъясөн пө тай сэтшөмъяссө шуөны). Төлыся войясө пө найө вөтын моз ветлөдлөны, а асывнас нем оз помнитны. Сідз

отчуд войпукысь ныв-зон казяласны Васькаос вой шор войо шойтысьон улыс дором-гач кежсьыс да повзьодасны, а оз волом позь. Васькаид сунгысьо-усьо ытшкөм турун вылас да чорыд турун занас бытшкас веськыд синсө. Син полатө сэсся война вылө оз босьтны ни. Агни вылө готрасяс. Онi Мишка отка писө быдтöны.

Аликкөд көть чорыда лөгасьлам Опонь Мишка вылө, кымынкө лун бöрын бара нин миян дорө зыртчө. Мишка кык арөсөн ыджыджык миянысь, кык воөн оти класс вуджө. Некодысь оз пов, школаө ветлө көсийом сертиыс. Батыслы тай шуома: он кө пö сетöй пищальон вöдитчыны, школасө дзыкөдз эновта. Мишка шоча пукавлис бөрья урокьяс вылын, водзджык петас да мыйкө пыр нин лектор вочас: му вомөн туйсө пасьялан лыс лапьяс мөдлаө сувтөдлас, вөр туй вылө вөчалас коньясянъяс. Отчуд «белöйон» да «краснойон» ворсигөн менө разведкаө ыстисны. Кысся вöли кодлөнкө град йöрын бөрөздаөд, эг и казявлы, «плөнө» ачым скюри: гид вывсянь Мишка чеччыштитис вылө, мусö лөдө ныр-вомө, тайкө пöдтас. Сэсся йөршитис тыртөм көбрегө, пукав пö, кытчөдз допрос вылө ог корöй. Трустыд, каличалөма ывласянь, сэсся и вунөдөма ме ылысь. Вой шор кадө мамө корсьны петөма.

Онi Мишка тар койт вылө нуөдчө, пашня сайын пö и ворсöны мича лэбачьясыс. Вой шор бöрын лысьясысь вөчөм чомйö пырим. Тарьяс регыд и воисны, мөдисны пелкйысьны петукьяс моз. Отчуд лыйөмөн Мишка кыкөс чергөдис, отисө меным сетис. Та бöрын меным окота жö лои вöравны. Йирк дорын миян ошалө пищальыс, война вылө мунигөн батьö сэтчө пуктöма, ствол помсö тупкыштöма рузумторйон, но мамө оз на тшөкты вөрзьөдны. Мишка вылө пö ыстысян, кузь мужик вылө.

Но, волөмкө, пищальтө вөчны аслыд позьö. Мишка жö велөдис. Пуысь лөсалим приклад, дорим сэтчө ыргөн трубка, оти помсö лямөдөмөн. Шуим видлыны гумла вылын, көнi лунмөд вартөм шы эз кыв. Вөвзөр, төвбөж да төрича вөрөкьяс вылө велалөмаөсь вөр гулюяс. Куим зонка дзессим рынышө, кыйкьялам кольтаяс пырталан розьөд, кор гулюяс сөрөм потшьяс вылысь лэччасны пөткөдчыны муö. Топөди ружье помөс пельпомө, синмөс куньөмөн витi лэбач чукөрö. Алик чиркнитис көрөбнас топөдөм истөг тувйö. Пельпомө дзенөбтис, ружьеой рузь-разь лои, киö ощөпек тор кольөма. Мишка, тыдалө, проксö вывтi пуктöма. Веськыд певйöй лыөдзыс чашнитчөма. Ниртыштитi зөлитысь чужөмөс, ки пыдөсöй вирөссис жö. Вартан машина сайысь мыччысис Сава дядь (сийö дзоньтасьөма бокинджык), больничаө тшөктис котөртны. Певйөс кардьялис-

ны, а чужомо нэм кежлө колины съод чутъяс. Енмыс вөлөма на. Синъяс дзоньось колисны.

Мамөлы удж вывсьыс воигөн висьталөмаось, пөпуттьо льом пу ньөр бертөма. Пешалис кок костас, лөсьыда и швичйөдліс куш яйө. Мыжа да нем ог шыась, сөмын синвайй шорөн лэччө. Мамө бөрдигтыр шуалө: «Калекаө вөчан асьтө, кодлы колан сэтшөмыс... Вөля босьтөмныд...» Кыла: горт дорсянныс Сава дядь матыстчис.

– Öнi, Андреевна (сiдзи мамөс шуө), вөралысьыдлы быть нин ковмас збыль ружье дөверитны, асьнысө и йөзөс вермасны кувтөдз дойдны ас вөчөм пищальяснад.

– Сава дядь, – мамө шыбитіс ньөрсө, ачыс пыр на сыркьялө-бөрдө. – Сава дядь, тэ көть мед чиршөдлыштін этатшөм батытөмъяссө, тэнө став зонкаыс грездын кывзысьө. Мый көсьясны, сійөс и вөчөны. Этійө гачтөмыс сөмын лөк вылө велөдө ичөтджыкъясөс, батыс кодь жө. Кодкө луно Лука чожлысь гымгасө пыркөдөмаось.

Гачтөмыс – сійө Опонь Мишка, школаө пыртөдз төв и гожөм гачтөг ветліс. Пидзөс улөдзыс дөрөма, вывтыс кок под йылөдзыс шабур вөнялөма гесторйөн. Кымынысь абу гачөдлөмаось, пыр пөрччөма, өтчыд весиг черөн тшытшөма. Ыджыдъяс пысь öнi на кодсюрө гачтөмөн нимтөны, а ми огө лысьтөй: Мишка лысьөмтө пыркөдас. Кывзысьтөмысь да асныралөмысь аслыс Мишкалы батысянныс чорыда жө сюрлө. Мамыслы мездысигас и.

Шойччан луно кильчө помөс шуи дзоньталыштны – содъясыс люги-леги вөрөны, ва гозйөн полан кайны. Косявны косялі, а бөрсө лепсавны некыз ог вермы: содъяссө кутан бокыса кыз пөвъясыс дзикөдз сисьмөмаось, көрт тувсө оз кутны.

– Дзоньтасян? – эг и казявлы Сава дядьлысь матыстчөмсө.

Сусед водзын пыр на яндзим коркөя лунсянь, кор мамө «бусөс» пыркөдіс.

– Со сисьмөма ставыс, – синмөс лэптывтөг вочавидзи сылы.

– Вежны колө пөлөса кыз пөвъяссө, – Сава дядь дзык нин комиөн сёрнитө. – Көнкө вөліны пес вевт улын.

Кык мужикыд регыд и помалім уджсө.

– Но, – мамө нюмъевтис кыкнаннымлы, – зэв тай бура да мичаа вөчөмныд. Час, пывсян ме ломта тiянлы.

Водзджык ми васө зэв ылысь новлім. Сава дядь öнi өшмөс гарйис; потшөсас, миянладорө, дзирья сувтөдіс. Ас йөзөн миянөс лыддьө. Мамөлы вөвла ветла конюшняө, өтлаын и доддялам, өтлаын жө воам горт дорөдз. Мамө пасьтасьөма нин, виччысьө кильчө помын: «Сэні, пызан вылад, сөйыштө өтлаын, пач трубатө тупкыны эн вунөдөй...»

Ме повзи Сава дядьос пывсянас пасьтөмөн аддзём бөрын. Адөй-адөй, пөлөса рубечьяс, крестасьөмөн, водзас и мышкас, өти задьяс яйыс ньөти абу, вөсни гөрд кучикөн эжөма лыыс, шуйга гыррдза дортыс прөйдитлөма пуля, чорыд йөг артмөма.

– Ставыс тайө кольөма, Виталей, – казяліс менсьым шензьөмөс, шысис вылыс джоджын корөсьөн өвтчигөн. – Онитө лөсьыд нин, ов да ов, а кольөм дас кык воыс менам олөмын – сьөд вой. Көсьян да он вушты паметьсьыд. Кино видзөдны ог вермы, көні петкөдлөны сэтшөм страксьө, тірзян висьмө уськөдө.

Төв шөрын Сава дядьлөн пач сводыс усьөма-киссьөма. Пыри сы ордө, керка тырыс тшын, ачыс сьөд чужөма, жөчыс вөчөм ящик кодь пач йитө труба дорас.

– Мед локтас мянө, – висьталөм бөрын тшөктіс корны мамө.

Ме и ачым абу паныд, оліс кө өтлаын. Нинөмла өтнаслы торья керка ломтыны, ньөти мянөс оз дзескөд. Но сійө челядь моз родө. Мамө тай пеласигөн корас сьөдасьөм новлан көлуйсө, өти сайын пө пыдзырта, Сава пыр өтмоза вочавидзө: неважөн на мыскалі. И йөзыс грездын, мөвпала, лөксө оз адзыны сыыс, гашкө, Опонь Агниыс кындзи. Тшөкыда тай юасьлөны менсьым: кытчө пө Саваыдкөд талун ветлінныд, мыйкө пө бара лунтыр тотшкөдчинныд.

...Мамөн лөсьөдөм вольпасьө Сава дядь эз вод, ме дорө, пөлатьө, кайис. Садьми войнас, орччөн куйлыс пессьө-нөйтчө, чужьясьө, тувкөдө менө бокө, ачыс брөд ваөдз пөсялөма. Сывйышті голяөдыс, гораа чукөсті нимнас. Вөлісь садяс воис.

– Уф, Виталей, тэ тайө. Бара этійө лөкьясыс мөдлісны талявны. Поньяс и... Кор нин ме мынтөдча найөыс... Вай узямө, мамтө тай, көнкө, садьмөді.

– Отнасөс коркө сідзи и личкас висьөмыс, – асывнас вочавидзис мамө, кор висьтаси войся вөвлөмтор йылыс. – Висьтав, мед узьлас мянын, олас көть, сэтшөма артманныд да.

Аслас керкаын вөчасьөм бөрын Сава дядьос мырдөн колө нуөдны чай юны, узьмөдчыны. Пачсө эськө лөсьөдіс, шөнтіс оланінсө, да уль ру гөвкьялө керкаас. Джаджьяс вөчалөма стеньясас, мыйсө сэтчө абу пыртлөма косьтыны: куран пинь вөр, чер воропьяс, льөм пу майөгьяс пияс вылө, джодж шөрас панөма додь, прөйдитны некыті. Оти рытө дыр игөдчөм бөрын (дивитас пө мамыд, йөзьянь пө абу лөсьыд) синмас висьталі, мися, мамө корө, мися, йөзас сідз нин кывсьө – Сава пө олөм вылө пырөма Палаш ордө.

Уна-ө өтка мортыдлы колө! Сава дядьос быттьө вежисны өтлаын овмөдчөм бөрын, нюмсера чужөмас вирпас чепөсйис,

басниаджык лои. Тулысын Чалкоён град йёрсö гөрис, ми мамөкөд картупель пуктім.

– Вай, Виталей, тiянлысь тшөтш гөрыштам,– шыасис ме дорö, ачыс мамö вылö видзöдö.

– Тiянлысь пö... – серам сорөн вочавидзис мамö.

Рытнас жö и вомалис Опонь Агни. Буретш лук град лöсьöдiм. Агни аняби моз шалсiйö улич кузя, тайкö сойясыс мынасны пельпомсыс öвтчигас.

– Гөрöмаöсь нин кодакостi, град лэптанныд. Пöди, пленнöйыд гөрис? Мый сэсся тiянлы, вöвъяс ас кийнöсь, кор ковмас, босьтанныд дай.

– Мый сэсся миянлы,– коссö веськөдтөг вочавидзис мамö.– Сава дядь тай отсыштіс.

– Сава дядь... – Агнилөн пиньясыс лудöны, окота зыксыны. Но тайö пöриö сiйö регыд броткис, сы вöсна мый мамö оз пырöдчы зык-шумö, а öтнаслы, некод кö оз лöдсав, абу жö окота. Бытьö Агни оз тöд, мый Сава дядь öткөн олысь уна нывбабалы нин гөрис град йёрсö.

Öтчыд Сава дядьöс казялі карта сайысь, кер чукөр дорысь.

– Зэв бур вөр пөрöдлöмаöсь, конöд. Нем на и абу лöма,– картузсö лэптыштіс плеш вывсыс, видзöдiс ме вылö.

Вөрсö бать на дасьтылöма, чукöрсö вевттьылöма тьöскөн. Кöсйылöма пöдлöжитны керканымöс, да войнаыд талаялöма. Сэксянь керьясыс пыр на виччысьöны. Мамö пес вылö ньöти пу эз пилит, кöть сьökыд воясö ас вылас даддьөн кыскалöма.

– Со мый юрö воис, Андреевна,– рытнас пызан сайын шыасис Сава дядь, лабутнöя пуктіс паньсö, пызан вылö жö челядь моз лöсьöдiс кияссö. – Көн на олөм помыс. Виталейным быдмö, колö, буди, вильмöдыштны керкатö, вöрыс сiдзжö сiсьмас. Öнi, дерт, ог на, град йöрын пуктöма, арнас позяс. Гожöмсö кык мужичöй (мöднас менö лыддьö) став коланасö дасьтам. Недыр кадтö позяс вöчасян керкаын олыштны.

– Ме ог тöд,– мамö пуктіс жö паньсö, видзöдліс кыкнаным вылö.– Судзсям-ö, вермөдчам-ö. Важтö косялан, сибдан сэтчö...

– Ме нин артышті, кыті да мый колö вежны.

Кыдзи шуис Сава дядь, сiдзи и лои. Град йёрсö идралөм бöрын квайт мужик öти луно разисны керканымöс. Мөд луно пөтшвасö лöсьöдiсны. Коймөд луно помеч чукөртiм. Шондi лэччытöдз на виль нитш вылö тэчисны стенъяссö, сигөртiсны, вевтисны. Йöз разöдчөм бöрын вель дыр на пукалiм куимөн. Сiйö рытö йöз сорыс мамö кылöдыштіс жö курыдтортö, бандзибъясыс гөрöдыштöмаöсь, томджыкөн петкөдчö. Чеччис пызан

сайысь, мышсянь кутыштліс пельпомъясод кыкнаннымос. «Не кө Сава батыд, Виталей, лысьтім өмөй кутчысьны татшөм ыджыд уджө? Шойчөй бура да вөлись кутчысям пытшсө лөсьөдны», – мамлөн синъясыс вазьөмаось, сьөлөмыс небзьөма, но сёрнитө кыпыда, лов вылас кыпыд и.

Ноябр кежлө мышким да шонтім выльмөдөм керканымос. Уджыс, дерт, сюри, Сава баты мукөд войсө, буди, эз и водлы-а. Ывласянь видзөдлан, керкай төдтөм лоөма, вылын да кыпыд, вичкоюн моз гора пытшкөсас. Пидзөс вылын гөбөчын кысьясьлім, өні копыртчытөг позьө ветлыны.

Суседкөд мөс лөсьөдім шөриөн. Көрымнад сьөкыд, да өні унаөн кык семья вылө өти пемөс видзисны.

– Шөринад шөриа жө и эм, – Сава баты зумыш пырис ывлась, пуксис лабичө. – Ог гөгөрво, мый понда сусед кырласьө-потласьө: то сылы картасө зыртны он куж, то не сэтчө куйөдтө шыблалөмыд. Өтнанымлы лөсьөдам, – пукыштіс да содтіс. – Виталейлы – пон, Андреевнаны – мөс, Савалы – ыж.

– Ойя, дөза уна тай көсьянныд чукөртны, – мамө шыасис пач дорсянь. – Пон да кань миянлы тырмас.

– Оз! Йөвла ветлан, сусед пыр нин тэнө дойдыштас: то турунтө омөльөс вайөмыд, то өти воө кукань чужө, мөд воө – бычө.

Мөскөн сьөкыд, мөстөгыд омөль жө. Мөснад йөлыд пыр аслад, а сійө Сава батылы зэв ёна колө, кынөмнас нёрпалө да. Шуим лөсьөдны мөс. Сава баты тулысын, пышйөм вөвъяс корсигөн, Өмидз ю дорысь прамөй ыджыд кушин аддзөма, гөгөр кералөма летороссө, весалөма лөп-ёгысь, арнас додь-мөд пурйөн кылөдіс. Турун и пес. Васька эськө воліс жө, но эз крукась: совхоз граница сайысь да власьтыс эз тырмы.

...Ружьетө, гумла вылын вөралөм бөрын, мөд арөдз на лои виччысьны. А понтө, Серко нимаос, Лука пөльлысь, мамлөн чожлысь, вайөді. Ылыс видз вылын Серко мекөд жө, чиркъясөс, визяордаясөс войлөдлө.

– Нем, тыдалө, төлкыс оз ло, – норася Серко вылө бипур дорын ноксысь Лука пөльлы. Быд гожөм тані сійө пусьө, косяс төчитө, уськөдчылө на и куртны, и чөвтны.

– Лоас. Ай понйыд дырджык оз кутчысь аслас ремеслөө. Уна ме найөс видзлі, бурыс и омөльыс веськавліс.

Өти асылө дырджык узим: зэръяс понда уна чукөрмис да ытшкыны эг петөй. Пөльө менө чукөстіс вольпась вылысь.

– Сэтөр увъясла кежавлі. Понйыд көндозмөр камгө-увтө, шулін, төлк пө оз ло. Лэбачыс котсыны мөдіс, да Серкоыд пыр жө энөвтис. Эн-ө чиршөдлы мыйыськө?

Юрö воис понлөн тулысын дурöмыс. Шондöдыштöм бöрын сусед ывла вылö лэдзис чипанъяссö. Сійö жö лунö пон тепыр-тöма öтиöс, вайöма кильчö помö.

– Гортö тай прöмыстö ваялö!– скöрысь сэки шуис мамö.

Сава бать эськö пыр жö нуöма вежöдсö, но Серко бара на мунöма тöдса туйöд, бара на мöдöма войлöдлыны котсьысь-видчысь чипанъясöс. Сусед колскöма беддöн кык пель костас. Сы бöрын кылас котсöм шытö Серко, бöжсö лэдзö да уньыртö-пышйö. Бедь-шатытö пö найö дыр оз вунöдны, вермас пö понйыд дзикöдз торксьыны,– висътасьöм бöрын шуис Лука пöль. Вот мыйла, вöлөм, Серко энöвтöма кöндозмортö.

Сава батьöс вöрад оз ёна кыскы, петалас кö, ёнджыка пуяс вылö гоннялö, вöчасны бöрийö. Коркö пырмунигмоз съöла лыяс; тулысын ойдöм видзьяс вылысь кымынкö жыдач кыйлис. Да и некор сылы: то конюшняын гартчö, то кузнечаö нуöдласны, прöст кад сюрыштас – горт гөгöрын ноксьö. А выльсö кыпöдны да важсö дзоньтавны сиктын некодлы. Пöрысь йöз асьныс öдва ляшмасьоны, асьнысö беддöн пыкöны, томъяс велöдчыны мунасны, а бöрсö оз бергöдчыны, кöть и сьöмтортö сетöны уджсьыд.

Регыд Серко петкöдлис асьсö бур боксянь. Пес керавны грездын олысьяс бöрийылöмаöсь орчча сиктö мунысь туйбокса козья вөр, вель ыджыд нин кушин артмöма. Шöрас пашкыр пожöм кольöмаöсь. Татысь Серко öтчыд кыпöдис меж кодь ыджыд дозмөрöс. Абу на йöй вöлöма чукчиыд, öтка пожöмö сапкысис-пуксис, небось он сибöдчы, вылисянь гөгөр сылы тыдалö. Куимысь понкöд тыртөг бергöдчим. А кыйны быть кöсийи мудерöс. Нельöдысь муні да пожöм улö ланьтöдчи, мися, пон кö кыпöдас, бара татчö пуксяс. Сюри öд! Петі туй вылö, радöй морöс кудйö оз төр. Опонь Мишка буретш тшак вотны ветлöма. Аддзис кыйдöсöс, ю дорö нуöдö, пражитам пö прöмыстö. Коркö войколөн вуграсигөн вежаньыслысь петуксö узянинсьыс вайис. Сювьяссö кырöдöм бöрын кабыр сов гыркас кисьтис, сёйөн ляпайтис, куштытöгыс биö шыбитис. Но тайö пöрийö Мишкакөд öти кывйö эг воö. Сэсся öд менам тайö вöлі шудасьыс-шуда луныс. Сава бать мый дыра и любуйтчис, абу на аддзылöма татшöм ыджыд лэбачсö...

Школаысь воём бöрын Сава бать дорын нокся, мукöддырий отсая сылы. Велалі аслам киён чер вороп лöсийыны и туис вöчны, пила кеслыны и дорны көрт тув. Карö лэччан воö чөмодан вöчи панераысь.

Коркö тулысын миян ордын узис сельпоысь заготовитель, Сава батьöс вöйпöдис бадь кырсь кульны. Ыж куяс дубитöм вылö пö сійö мунö, и плансö пö зэв ыджыдöс сетöмаöсь, на-

жоткаон пö ог дойд. Лунъяс кузьöсь, рыт-асывъясын позьö пöсь петгöдз уджавны. Да и паськыд коръя баддыс грезд гөгөр, Öмидз ю пöлөн, вель уна вöлöма, мукöдлаас чукөрөн быдмö, керка кер кызтаöсь. Му дорсянь кыртöдан ки пыдöс пасьта, зёлöдан бöрынътчигтыр, йылöдзыс лыштсьö. Кöртим кольта-ясö, дзонь чипас чукөрмис керка дорö. Заготовитель воис тележкаа тракторөн, Сава бательы шуö, тэнö пö военкоматö корисны. Мамö повзис, да и ачыс Сава бать вежсис чужöм вылас. Вöлис кö телепон, юалин, мыйла корöны, кутшöм паськöмөн петны гортись. Век жö ноптор лöсьöдисны мамököд, колльöдм Öмидз ю дорöдз. Аскинас öшинь улö сувтис зэв збодер вöла, кокныдик кык кöлесаа доддын Сава бать барин моз пукалö. Наперво пызан вылö пуктис сьöм папуша, сэсся зепсьыс перйис дзирдались орден. Шуö: «Савалы «Слава» орден сетисны». Вот мортыс, орден сетöмаöсь, а сийö зептас вайис. Йöзсянныс пö, гашкö, абу лöсьыд. «Öльöксан, пöди, гижасис, öтла-ын öд сийö тышас вöлим, корлыны колö мортсö». Асылöдз кык друг пукалисны, казътылисны важсö...

Вой узьöм бöрын Сава бательы бара выльтор воöма юрас.

– Ог-ö ми Виталейкöд... либö куимнанным мыйкö дыра кежлö зновтлö Кырйылöс, петавлö паськыдинас. Йöзлысь олöмсö видзöдлам. Виталей во бöрын школа помалас, некöни на жö эз вöвлы. Андреевна дай. Турун пуктöма, картофель босьттöдз позьö шутётлыны, меным гуйысь оз ков мынтысьны ни, – Сава бать öтарö-мöдарö ветлö джодж кузя, лов вылас кышад.

Сэтшöм виччысьтöмөн лои Сава бательн шуöмыс, мамököд чöv пукалам. Первойөн сэсся шыасис мамö:

– Коді нö миянös виччысьö? Тöдм кö Матвейлысь дзебанинсö, тальыштим гусö-а. Без вестиыдлысь... Виталейкöд, буди. Кутшöм нин ме ветлысь, пöрысьö-нэмö. Сэсся öд скöt, овмöсыд, код ки вылö колям.

– Мöскыд буретш сулалö, ёна тай сьöкыд рыт-асылын лэдзны да йöртны, суседкаös медавлам.

Мамö зэв мелia видзöдлис Сава бать вылö, малыштис пельпомöдыс.

– Ветлö-ветлö. Ме кута виччысьны тianös...

Кык вежон чöж Сава батькöд тöдмасим Москваөн, кежавлим Ленинградö, удитим волыны Украинаöдз. Квайт во бöрын, воддза волöмсянныс, чужан сикт местаыс вежсьöма, кыпöдöмны скöt видзан кузь фермаяс, йöзлы оланin. Сиктас вотöдз зэв ыджыд обелиск, кытчö гижöма война воясö усьöм-виöм йöзлысь нимъяссö.

– Со, видзöдлы, – Сава бать чуткис чуньнас öти гижöдö, – водзджык гуалöмны.

Ме лыдди: «Иванчук Саватий Петрович. 1908–1943».

– Турун моз ытшкисны йөзтө, код төдас, кытөнъя кодлөн лыясыс туплясьоны, – сөмын и шуис асьыс нимсө киритігмоз.

...Вежон кымын кадыс коли локтөм бөрын, семьянымөс бара ускөттө суис. Со кызди ставыс пансьома. Кольөм кадө Мишка ветлөма школаө арся экзаменъяс вылө, юасьтөг-вись-тасьтөг вайөма гортас микроскоп. Керкаас пыртны оз лысьт, пывсянас кутасны видзөдчыны посниджык челядькөд. Кыв-сяс-паськалас, дерт, сэтшөмторйыд. Школаса велөдысь вись-талас батыслы, вермасны пө судитны тиянөс пи вөснаыд. А батыс, шома юрнас, бедь чегъясьтөдз вартас писө, кык лун чөж кок йылас оз сувт мөдыс, крөшки гыркас оз кылөд. А коймөд луннас өшөдчас сараяс. Опонь Васька писө дзөбөм бөрын регыд кежас шойна вылө, казялас: крестас дрөбйөн лыйө-маөсь. Явитас милицияө. Öтчыд рытгоров погона куим мужичөй пырисны миянө. Вөлөмкө, Сава бать вылө грекуйтөны. Босьтисны ружьесө. Грездын, дерт, эз эскыны мыж лэптөмө, но сэтшөм эз ло лөсьыд куимнаннымлы, көть керкаысь эн пет. Кывсьыліс: Агни пө вөрөжитчөма, картыс усьома казенной домысь петөм морт вылө. А коді сэтшөмыс, миян Саваысь кызди? Узьөм ни олөм, сэтчө жө Опонь Агни луннас некымынысь прөйдитө миян керка дорті, гөлчитө мисьтөм кывъясөн. Сава бать куимысь нин подөн ветліс допрос вылө. Кодсюрө бабаяс пиысь энотны Савалы грезднымөс тшөктасны. Водзджык кө пө эг мун, өні некытчө ог вөрзы, нем абусыс ас вылө мыжсө ог өшөд. Педөр Ольөксан сэтшөм слава лэптөмысь тшөктө вөлі Васька вылө судө сетны, но кутшөм начальник Сава кодть доръяс, а Васька жө коммунист; депутат. Ок, вылө нырсө чатөртөмөн ветлө.

– Со өд кызди, Виталей, олөмад овлө, – Сава бать жугыля шыасис ме дорө кильчө вылын пукалігөн. – Ме өд и гусө Опонь Мишкаыдлысь ог төд да и шойна вылас эг на кежавлы, көть дінтіыс прөйдитла. Туйыс сәті муно да, вөрас ог пыр.

...Карын нин велөдчи, юөртисны Опонь Васькалөн кулөм йылысь. Пи бырөм бөрас Васька ещө на ёнджыка мөдөма юны, став лөксө гөтыр вылас веськөдөма. Агни шоча и узьлөма гортас. Öти рытө, районысь воигөн, Васька, грездө кежөм пыдди, кольмөм юрөн вөвсө мырдөн кежөдөма турун кыскалан туйө. Веж мороз дырйи верст кызь кайөма Öмидз ю пөлөн. Корадод-дяс и чорзьөма, асьявыв вөлыс вайөма конюшня дорө. «Мый корсис, сійөс и аддзис, – ньөти повтөг шуөма бабаяслы Сюзь Аликлөн мамыс. – Коркө пыравла өграда пытшкас крестас кудзавны».

...Бөръя во велөдчи карын. Думъяс: велөдчөм помалөм бөрын кутчысьлыны Кырйывса видз-му овмөсө. Зэв нин сәни местаясыс гажаоьс. Оз вермы лоны, медым эновтөм видз-му местаясын коркө ковмис тыла ректыны!

Коркө рытсёрө общежитиеө пырис нопъя мужичөй, порог дорын пөрччис шапкасө, копыртчылөмөн чолөмасис.

– Одва и аддзи оланінтө, Виталей. Лолөй тыри посъяссө кайигөн.

– Сава бать!.. Тэ!.. – уськөдчи пызан сайсянь, отсалі мынтөдны ноп волыссө.

Вөлөмкө, гортсянь ләнзаводө вит вөла доддьөн вайөмаоьс арнас тыөдөм шабді, куим вой узьөмаоьс вөлөкын.

– Аски бөр вөрзямө. Пызь вөйөны, но унасө ог босьтөй, вөвъяс сувтөмаоьс и туруныс этша. Кыдзкө, гашкө, гортөдз воөдчам, – Сава бать сёрнитө и нопсыс пызан вылө гөснеч ректө. – Чөсмасьөй, мый шедас пиньыдлы, төвнад да ставыс кын.

Пув и солалөм тшак, кынтөм йөв көрышъяс, пөжалөм сьөла клупъяс, шаньга и пирөг – быдтор пуктөма мамө.

– Көнкө пө тшыгөсь, майшасьө мамыд.

– Сюра-тошка мужикъяс, – шуа сылы, – тшыглы ог жө кулөй. Стипендия босьтам, гортъясянь отсалөны, мыйтакө асьным најөвитам: шойччан лунъясө роддомө пес пилитны медам, кыкысь вердөны, сьөм сетыштөны и. Асьныд, – юала, – кызди оланьыд? Мамө?

– Мый сәсся мянлы, олам. Пес-ва вермам вайны-пыртны. Туруныд мөслы эм жө, тырмас. Лункосмөсөн нянь вайөны лавкаө. Ме кузнечаө ветлася. Мамыд бабаяскөд лыс пызь вылө коз лапъяс кералө.

– Арнас нө Серкокөд петавлінныд вөрас? – юала Сава бательс төварышъяс водөм бөрын, ачым синмөс ог вештыв сы вылысь. Чужөмыс сьөдөдөма, кайлы кокыштмөн яйыс абу кольөма, амысь кодь нырыс да чусмөм лөзоват синъясыс и петкөдчөны.

– Гортсянь ветлыштім, кокъясным кыкнаннымлөн дженьдаммисны, Виталей. Сө джын ур да сымда кымын жө сьөла сюрлі. Ур куяссө тэныд вайи, вөчи и быдөн, – нырагезйө пысавлөма, ләптис пызан вылө, – шапка вур, бур шапка. Көнъямыйя сәсся кыйсьөмыс... Велөдчөм бөрад кытчө и ыстасны тэнө. Армия на дай...

Войбыд пукалім пызан дорын воча, но сёрнинымөс эг помалөй, мыйкө сідзи коли өта-мөдлы висьтавтөм.

Водзвыв тай он тѳд, кыдзи бергѳдчас олѳмыд. Сэки пукавсьѳма Сава батькѳд медбѳръяысь, кык тѳлысь бѳрын воис телеграмма сылѳн сьѳкыда висьмѳм йылысь, и ловъянас эг нин сулы...

«Сава баты! Сава баты! Тэ пырин мян семьяѳ дядьѳн, а лоин бурсыс-бур батыѳн. А кутшѳм вѳлі аслам батыѳй, висьтавны ог куж, сідзи и эг аддзыв синмѳн, весиг фотокарточкаыс сылѳн абу кольѳма. Менам чужтѳдз на нуѳмаѳсь война вылѳ, да регыд и юрсѳ пунктѳма. Усьѳм йывсьыс ичѳтик кабалатор мамѳ кранитѳ».

Шог юѳр воѳм бѳрын котѳрти аэропортѳ, петкѳдла телеграммаѳс, а сэні мян вожѳ мунысьяс сѳ сайѳ морт чукѳрмѳма. Васѳд ру вѳсна енэжыс быттьѳ мулань лэччѳма, ѳшйѳма вѳр вылѳ, прамѳя оз и югдыв ывлаыс. Пажынѳдз аэропортын бергала, сэсся машинаяс юася кар сайын. Джын туйсѳ эськѳ вуджан кызкѳ, а мѳд джынсѳ... Думыштан, да юрсиыд сувтѳ. Коді вуджліс Поѳл да Палазъ вѳлѳкъяс, венліс Керъѳль да Грива чойяс – нэмсѳ оз вунѳд.

Гортѳ вои кѳкъямысѳд луннас. Мамѳ паныдасис кильчѳ помѳ, буретш вала мѳдѳма.

– Виталей... Сава батыд... эновтис мянѳс, – ведраясыс гульголь урины муѳ, юрыс лѳткысис менам морѳс вылѳ. Мамѳлѳн синъясыс вѳйѳмаѳсь, быттьѳ ачыс чинѳма тшѳтш, пельпомѳдз и лоѳма меным. – Рытнас дыр эз лок вѳчасян керкасыс, пызан вылын сѳян лѳсьѳдѳма, ойбыртлі и быдѳн, сэсся Серкоыд мѳдіс омлявны. Петавны шуи. Биыс сотчѳ, а некутшѳм шыяс оз кывны. Сійѳ верстак дорас нѳрѳма, сэтчѳ и кѳдзалѳма, коньѳрушко. Аски ѳкмысѳд лун, кодравны ветлам.

Вѳлѳмкѳ, апрельын ѳна шѳндѳдлѳма, сылѳма кыз лымйыс. Вѳр юяс вѳссьѳмаѳсь. Сэсся бѳр кѳдздѳдѳма. Вежѳд абу на, буретш заптылѳм турун бырѳма, уськѳдчасны зорѳд пыдѳсьяс куравны, тшытшны да пуны эновтлѳм идзас. Дѳдъ кымын турун Сава батылѳн кольлѳма ѳмидз ю дорѳ. Сэтчѳ и мунас, кѳсьяс кылѳдны пурйѳн. Тувсов ва вылын абу вермѳма пурсѳ веськѳдны, визулыс нѳрѳм пу улѳ сюяс, путкыльтас пурсѳ, ачыс йиа ваас бузгысяс-усяс. Эновтны эськѳ сылы турунсѳ, асьсѳ видзны, да уджыс тай жалъ лоѳма, косьтысьѳм бѳрын бара на пырѳма мездысьны. Дѳбелькиѳдз кѳтасьѳм паськѳмыс дорѳма, вылас пѳ чегѳ, ѳдва и воѳма гортѳдз. Неуна личѳдыштѳм бѳрын Педѳр ѳльѳксан мѳдлѳма корсьысьны, мед Сава батыѳс мѳдѳдлыны бурдѳдчыны лунвылѳ, но нинѳм абу артмѳма.

Дасѳн кымын аскинас воим шѳйна вылѳ. Кымынкѳ сьѳд кырыш куркскигтыр лыбѳдчисны муысь, пуксялісны матысца пуйсѳ.

– Серкойд тані жö, Виталей, – нюркйöдлгтыр көрт ограда пытшсянь шыасис мамö.

Төлка понйыд батыöс дзебысьяс мунöм бöрын выльöн лэптöм му вылö гаровтчöма көлачö, абу и вөрзылöма шогысла, кырнышъяс кокалöмаöсь нин синъяссö.

Гортын нин мамö висьтасис:

– Лöсьöдчöма нин кувны, шонъянöй, кылöма пытшкöснас, көть некор эз гаравлы. Ачыс вöйысис карöдз шабдi лэччöдны: Виталейöс пö окота аддзывны. Горт пöвъяс водзвыв дасьтöма, сöмын дор көрт тувъясөн. Öтчыд пыралi кузнечаас, кутшöмкö көртъяс нюклялö, сусед пö коколюка тшöктiс дорны. Öградасö нин дасьтöма, мед некодöс не дöсадитны. Со мый ыждаöс вöчöма, меным вылö дай.

– Но, мамö, – горшöй гөррдзасис аслам, доршасьö синваöй, – ставөн сэсся другөн ог кулöй.

– Сидз эськö да, – мамö пыдiсянь ышловзис.

Педөр Öльöксан сой пöвнас чышкалö жö синвасö.

– Зэв бура батытö дзевим, Виталей, – юрсö лэптывтöг шыасис сийö. – Сикткодъяс колльöдiс. Районсянь ворсысьяс волiсны и...



## Я Н Д Ы С Ы Ы С Ы

**Р**аминик мортыдлы ёна жё сюрлө нинёмсыыс гөрдөдлыны. Торйөн нин нывъяс водзын век шойёвошөма, мукөддырийыс көть му пырыс мун. Дас көкъямыс арөсөдз сойбордйөдыс нылөс эг кутыштлы, непөштө колльөдны рытын, сывйыштны либө окыштны. Тыдалө, рамлунөй мекөд өтлаын чужлөма и өнө век вирын. Велөдчигөн тай коридор шөрөд мунны вөли оглысыт, стенсө нирта, йөткыштөм-конйыштөмысь пола.

Армияө босьтисны, тшөтшгьяясөс пөдругаясыс колльөдөны, кодсюрөөс весиг гөтыргьясыс, а менам төдса ныв абу.

Мыйтакө служитөм бөрын миянөс вуджөдісны мөд местаө, сәні ме и төдмаси Миша нима коми зонкөд жө. Быд вежон вөли письмө воө пөдругасынныс, гораа лыддьө меным. Гөтрасьны нин көсйылөма да бать-мамыс өлөдөмны, кутшөм на пө тэ жөник армияө ветлытөг.

– Нинөм, кык вотө виччыяс, – частөкодь Миша ышловзъывліс нывлөн фотокарточка вылө видзөдлігөн. – Зоя – надежнөй морт. «Зоясө» ёртөй кымынысь и перйывлө тумбочкаысь, водігөн на дыр дзоргас пөдругаыслөн чужөм вылө, волялысь чорыд бумагаторсө инмөдлас чужөм бердас.

– Аддзөмыд тай майшасянтор, удитан, – өтчыд шусис менам.

Быттё ваймөм бипурийө шыбитөм кос лыс, дзажнитчисөзйис ёртөй.

– Водз чеччөмысь да водз гөтрасьөмысь некод на абу каитчылөма.

– Водз чеччө да этша печкө... – эг удит помавны шуөмөс, бара вомалис:

– Нитшсялөма шусьөгыд, төрытгья лунөн олан. Сиктын миян вит-ө-квайт бурлак зон ас кадө төв чужъялісны, вуджисны комынысь. Думайтан, мыйкө меж сьөлөмгьясаныс налөн коли нывъяс дорө? Мед бара эз. Рытгьясын «печкөны» вина дозйысь. Да мый тэныд висьтала, – кинас шеныштіс сынөдсө, шебрасис юр вывсянныс.

Көкъямысод классянь нин Зояыскөд сиктас гозъяөн шуомны да, позьö и гөгөрвоны морттö. Ме, дерт, радейтчöм йывсьыд видзöдлi кинояс вылысь, книгаясысь лыддьывлi, но öд сәни абу ловъя йöз. Öтчыд тай кино вылын орччөн лöсъявлis ме кодъ кымын жö арлыда ныв, зэв кыз көсаа. Рытывбыд көсынътчöмөн сы вылö видзöдi, көсья нин вöли малыштны кисö, да эг лысьт. А мöдар бокын ныла-зонма, залын бисö кусöдöм бöрын, пыр жö сывйыштчисны. Кино бöрас нин мыйтакö вöтчыштi «кыз көса» бöрысь, мися, висьтала гоз-мöд кыв, но он на босьт – бара уйкнитi полысь кычи моз, көть нылыс вöли оз тәрмась и кымыныськö бергöдчылis меланьö.

Татшöм сёрни бöрад, дерт, эг лөгасьö Мишакöд, ёнджыка на мöдiм ёртасьны. Сийö и öтчыд ышöдis менö тöдмасьны Настя нима нывкöд, весиг сылы письмö панны отсалis.

Дзöнь тöлысь виччыси воча кыв, кыз шуласны, öтвет ни привет. Эн пö лэдзчысь, шуö Миша, водзö гиж. Ачым сiдзи жö мөвпала, син саяд нинöмысь яндысьны, көть, шуам, и тöдтöм морт. Рытывбыд жуглi юрöс – гижа да бөр косявла. Сэсья фотокарточкаöс тшöгш пунктi конвертö. Военной формаөн молöдеч кодъ, туша и рожа эм, морöсын öтар-мöдарас значокъяс. Велькыда висьтала: служба меным сетчис кокниа, велöдчигөн на бура лыйси, кужи вермасьны. Быдтор, тыдалö, колö вöчны ас кадö, öнi ме тайöс бура гөгөрвои и аттьöалi ыджыдджык ёртъясöс. Мукöддырйи вöли жаль босьтö ёртöй вöсна, көть, шуам, сэтшöмыс и эз öтнас вöv. Марш-бросок бöрын укшаль вöv моз пошиктö, ньылöдöма, көть пыдзрав паськөмсö. Либö турник вылын – зэвтчылас кык-ö-куимысь, жнөпкыяс сю мешок моз. Ачыс шогалö жö: «Вот, – шуö, – физкультура урокъяс вывсьыд пышъялöмыд мыйөн бергöдчö». Сiдзсö ён тэчася и шыльыд, боксянь кө видзöдлыны, да вынйöрыс, тыдалö, этша, дыр уджöдтöм вöv кодъ. Детдомын тай миян вöли Чалко нима вöv, сэтшöма тшöгöма сёян колясьяс вылын, мый вожъяс костö öдва тöрö, а выныс каньысь абу унджык. Мишалы ёна жö лои асьсö песны, уна и пöсь лэдзис, и зильöмыс весьшөрö эз вош, ордысьöмъяс бöрын строй водзын ошкисны.

Коркö-некоркö и менам ним вылö воис письмöйд, нывсянь медводдза письмö. Муртса удитi восьтыны конвертсö, Миша быттö пу йылысь уси, кватитis тетрадь листсö. «Пöрадок, – шуö, – водзö вылö пыдысьджык, сьөлöм дорсьыд перйи кывъястö, сәки и ачыс пöсьджыка гижас».

Педучилище помалöм бöрын Настяöс мөдöдöмаöсь Мишаяс сиктö, абу кокни пö уджавны первойя вöтö, но веськалöма бур коллективö, кыкөн пö школа бердас олам.

Сідзи и кутім письмѡасьны, ме быд вежон ыста, Настя кык вылѡ ѡти воча кыв сетѡ. Збоймыштѡ да ѡти письмѡ помалѡ татшѡм кывъясѡн: кутла и окала – салдат Иван Молчанов. Дзонь тѡлысь бара ѡтветыс эз вѡв. «Зэв тай збой вѡлѡмыд, – сэсся гижис Настя, – и киясыд кузьѡсь, ылысянь кутлысян», но помас пасйѡма: «Адзысьлытѡдз. Настя». Татшѡм кывъясыд и менсьым сьѡлѡмѡс вѡрзьѡдісны.

Кадтѡ тай сйѡс он пык, котѡртѡ, служитны коли куим тѡлысь. Календар лист вылысь Миша быд рыт пѡлѡсѡн визьнитѡ ѡти лыдпас – ѡти лун вылѡ чинѡ урчитѡм кад, – пыр частѡджык и частѡджык гаралѡ гортѡ мунѡм йылысь. А ме... Менѡ кодѡ виччысьѡ? Кыдз шуласны, дом ни лом, бать ни мам. Дерт, пу дорысь эг ло, мам и бать жѡ вѡліны, сѡмын тай ѡнѡ синъясѡс куня, да вуджѡръясѡн моз сувтѡны водзѡ.

Чужѡм бѡрын бать эновтѡма миянѡс мамѡкѡд. Мамѡ юны кутѡс сы бѡрын, первой ѡтнас, сэсся кутшѡмкѡ уска дядьѡ кутѡс воыны, и ме лишнѡйѡн лои налы, пируйтѡм бѡрас пызанывьса колясясѡн пѡткѡдчи. Ѳтчыд ыджыдкодь калбас тор сйѡи питшѡгѡ, дзѡбси шебрас улѡ да йири. Уска дядьѡыд гѡгѡрвоѡма, зяткис-печиктѡс палич кодь чуньнас плешкѡ, думышта да, ѡнѡ на кыла дойсѡ. Кодлы норасян – мамѡ код, нискѡ-узьѡ диван вылын. Кымыныськѡ волѡсны тѡдтѡм йѡз, янѡдлісны сйѡс, но нинѡм эз вежсьы. Сэсся ѡти луно мамѡ нуѡдіс менѡ гортысь (сэки эз вѡв код), кольѡдіс кык судта керкаѡ, кѡнѡ вѡліны ме кодь жѡ и гырысьджык челядь. Аслас вѡлі шорѡн визувтѡ синваыс, бурдѡдча пѡ да бѡр босьта, кутам ѡтлаын овны. Вит арѡссянь сідзи и некод эз воы ме дорѡ, и ѡнѡдз, кѡнѡ бать-мамѡй, ѡг тѡд. Детдомын вердісны и юкталѡсны, пасьтѡдісны и велѡдісны государство тшѡт весьтѡ, ГПТУ помалѡм бѡрын босьтѡ стрѡительлысь специальносът.

– Но мый, телеграммасѡ кучкамѡ ѡг? – демобилизуйтчытѡдз кымынкѡ лун водзын юалѡ Миша, аслас вомыс пельясѡдзыс, быттьѡ кок пѡвсѡ гортсьыс нин лыддьѡ, сой пѡвсѡ муса ныв сьылі вывсьыс.

Татчѡ мый ме вочавидза?

– Тэныд лѡсьыд, виччысьѡны ѡтарсянь и мѡдарсянь, – шуа сылы, – чужан муад мунан.

– Тэно быттьѡ оз! Настяыд нѡ! – чуймис ме вылѡ. – Гижѡма тай – адзысьлытѡдз, сідзкѡ, надейтчѡ, виччысьѡ. Кыдз нѡ адзысянныд, он кѡ сы дорѡ мун, али татчѡ сйѡс виччысян, бѡб. Сиктыс миян райцентр и зэв гажа. Муса нылыдкѡд ставыс мусмас. – Ещѡ на мыйкѡ висьтасис, и сэтшѡм пѡся и сьѡлѡмсянныс, мый ме небзи, смеллуноѡ содыштѡс, дыр эг мѡд гадайтны. Пуксим Мишакѡд ѡти вагонѡ и куим лун мысти местаѡ

воим. Сійö öшинь пыр на казялöма сьёлöм косьтысьсö, поезд сувттöдз на лэбыштис-пегис. Меным быть тшöтш пет, энотчан кö, поездыс водзö гольöдас, вит минут и сулалö танi. Быр-бар видзöдлi гөгöр, сувтовкери, сэки и небыдик кияс мышсянь тупкисны синъясöс.

– Настя?!– кыткö вöрзыштис пытшкöсöй, сюся бергöдчи шуйга пельпом пыр.

– Ме, Ваня.

Настялөн киясыс лэдзчысисны менам пельпомъяс вылö, а ме ог тöд, кытчö воштыны киясöс, сулала быттö командир водзын. Оз тусь кодь мича ныв локтöма меным паныд, бандзибъясыс гөрдöдыштöмаöсь, кокныидик төвру ворсöдчö дженьыда тшöтшöдöм гарчикыля юрсинас, лөз чутъяса еджыд платтö вералö син водзын, а кывйöс менсым быттö кöрталöмны вом пытшкö.

– Здравствуй, Настя,– сэся тай мыччи жö киöс.

– Здравствуй, Иван Молчанов,– серам сорөн вочавидзис сійö.

Сидзи ми мыйкö дыра сулалыштiм киясöс öта-мöднымлысь кутöмөн. Миша друг бара мездис, сиктö попутной машина сюрöма, чукöстис.

Рытнас ёртъясö, рöдвужсьыс кындзи, воалисны и том йöз, Мишалөн тöдсаяс, кык пызан гөгöр чукöрмис. Орччөн мекöд веськалис зэв вылын морöса ныв, ковтаас вевдор кизьясыс сидзи и чашкалöны, дасьöсь орны. А чужöмыс! Быттö циркульөн гижтöмны вöчигас, сэтшöм гөгрöс, но төлысь и эм! Водзвыв висьтала: тайö Маша нима нывсö ас коддьöмыс Тöлысьөн и вөлöм нимтöны, а сійö пыдди оз пукты, оз лөгась ни.

Но мыйла нö Настя абу танi?..

– Но, мöдiм,– Мишалөн батыс кызöктыштис, гөгöртис юрнас пукалысьясöс да содтис:– И мед водзö татшöм молодчьясыс дзонь-здоровөн бергöдчалисны служба вывсьыс.– Бара кызöктис, но нинöм эз шу, тэрмасьтөг кымыньтис стопкасö. Тiнь-тонь шыяс торкисны здук кезлö пуксьылöм чöвлунсö, госьтъяс уськөдчисны сёян-юан вылö.

– Но, водзö,– бара кызöктыштис Мишалөн батыс,– кыз шуласны, мöд син пöвтö.

Сэки пырис Настя. А бöрсьыс моряк, тыдалö, регыд на жö воöма армиясь. Пукалысьяс топöдчышталисны и выль воысьяс сидзи и лöсялисны орччөн. Зонмыс пызан вомөн киасис мянкöд, мöдис ухаживайтны Настя бöрся. Менö пыр жö пöсьö шыбитис.

Винатö юны меным некор на вöли велаvны, гашкö, гозмöдысь на и видлi кöрсö, и татшöм компаниеö эг на веськаvлы. А öни кодкö быттö тойлис мышсянь, мися, мужик юр жö

новлөдла пельпомъяс вылын. Мөд стопка бөрын ещö на содты-сим. Вирöй кутис котравны юрсянь кок улөдз, аслым сэтшөм лөсьыд лои, а Настя мыйлако ылынджык мөдис шыавны. Топөдчыштөм бөрад орччөн пукалыссиянь шоныдыс пачысь моз шлыньгö, и кийс нин мышсянь кутыштö менö. Уна и пöсь вөлöма ён морöсас, чилөг гөлөс юрöбтис дзик пель дорын:

*Не плачь, девчонка, пройдут дожди.*

*Солдат вернется, ты только жди.*

Кывъясыс тöдсаёсь да некымынысь сьылим öтиторсö. Сэся нинөм ёнасö ог помнит. Миша тай шуö аскинас: «Тöлысь-Машакöд пö кутлысьны мөдлин, сэся Аркадий-моряклы посводзын мыйкö ёна доказывайтин. Öдва пö и янсöдим сы дорысь».

«Но и дурак жö ме!— кызд сöмын эг омöльт ачимöс,— пер-вой лунсянь петкөдлi гут и бан, ещö йöз водзын. Кызди бара Настякöд паныдася-а?» Син водзын сувтисны челядьдырся вояс, мамөлөн оласногыс. Но мый лоис, он бергөд, колис сöмын бурджыка нырö тшупны, мед нэм чöж кылi...

Выль местаын медаси уджавны ПМК-ö, сась жö и сетисны общежитие. А Миша, кызди и вöли армияын, руль сайö пуксис. Сюсь мортыд тöлысь мысти воөм бөрас гөтрасис. Сиктас вöли ёнджыкасö лэптöны кык да куим судта керкаяс. Тöлысь-Машаыд жö вөлөм уджалö штукатур-малярөн. Видзöдлан сы вылö да кажитчö: быттö тэрмасьомаöсь сийöс вöчигөн, юрсö гöгрöстөмны да сiдзи и пуктöмны кык пельпом костас — голяыс оз и тöдчышт. Кос туй местасö дзик жö вунөдöмаöсь босьтыштны, вывсянь улөдз веськыда лөсийöмны. Ачыс көсийö на висьтавны мыйкö, а чужöмыс вашнитчö-ловзьö нин, и тэ быть жö сылы воча серöктан.

Нывъяс уджалöны удвор судтаас, а ми, тэчысьяс, регыд жö нин кутам сигöртны керкасö. Бригаданым уджалö пöдрадөн, ставөнлы, кодi ноксьö тайö объект дорас (сiдз керкасö нимтö прораб), гижöны öти, öтувъя наряд. Көдкö мыйöнкö кольччö кө, шуам, мый вöсна кө норма оз тырт, ставнас бригаданымöс дойдö. Медводдза лунъяснас ме ёна жö мудзлi, ки пыдöсьяс вossьылisны кепысьтөг уджалöмысь. Дыр-ö нö практика дырйи уджалим, и то унджык кадсö не асланым специальностьт серти: то колана стрöйматериал кыскавны ыстасны, то лөп-өг нөсил-каясөн новлыны керка пытшкөссьяс, то ещö сэтшөмтор тшөктасны вöчны. Лыда кирпич, гашкö, и пуктылi стенас. Кубикъяснад, дерт, велөдчигөн пызан вылын ёна ворслим, мастер вöли сiдзи тшөктас пельöс панны, мед пö киясыд асьныс тöдисны, кытчö колö кирпичыс, кызди бур гудөкасысьылөн

чуңьясыс аддзёны колана кизьяс. И өні, тайё лунъяснас, думён кымынысь аттьёалі сійёс. Медводдза планёрка вылын прораб индіс менё бригадир борд улё. Наставникёй оз уна большы удж вылын, киясыс ворсёны, и менсым уджёс удитё донъявны. Зэв лабутнёя шуышталё: «Бергёд этиё кирпичтё, кызджыка раствортё ляпнит...» Тэчан мыйтакё, помсяньыс тшөктас видзёдлыны, мед кызд веськалё эз пуксыны кирпичьясыс. Ачыс зэвтём шнуртөг уджалё, сэтшөма нин велалёмаёс киясыс да синьясыс. Прорабкөд сёрниысь өтчид кылі сійё вомысь: ничево пё артмё салдатыслөн. Тайё нин зэв буртор.

Тадзи менам заводитчис ашёр уджой. А вот мый вёсна локті тайё сиктас, ставыс ори, ори медводдза лунсянь. Удж вылын кадсё ог и аддзыв, а рытъясыс во кузяён кажитчёны. Сэсса берег дорё велалі, вугыръясён мөді ноксыны. Товарышъяс общежитиенысь ветласёны да номсөдлөны юкваён и чериён. Сёйышта удж бёрын, быттьё сюрён сэтчө кыскё, толь пластьясысь весиг чомтор вёчышті. Мишаяслөн кузь гёна латшөг кодъ Лапъяпельыс велаліс ме дорё, кок кыскыны оз сет, отлаын рытйысам. Детдомын пыр понйыд вөлі да ичөтсянь радейта найёс.

Өтчид лэччим Лапъяпелькөд вуграсыны. Пукси бипур дорё, Настясянь письмөяссё куті лыддыны (кымын пөв нин), Лапъяпель чокышсис, гөнсё сувтөдіс, но гөлөс эз сет.

Төдсаяс вөлөмаёс, пемыдсянь быйкнитісны куимён – Миша гозъя да Настя.

– Со көні зимогоритё. Он-ё нин кывбуръяс гиж, кабалаясён вөдитчан, – Миша бедьторйён мөдіс чукөртны разалём сэрапомъяс.

– Төдмасы, кызди да кутшөмджык сам дасътыны-лөсьөдны, чериыс ёна грамотнөй лоёма, – пөръяси да өдйөджык дзеби бумагаяссё зептё.

– Уджтё тай лоас вежны, – вак-вакён серөктіс Зоя, – эн жё бара вунөд миянөс, магазинсыс кө ог вевъялө черисё ньөбны. Чеччы, пөльё, со кутшөм кодзула рытыс, прөйдитчам отлаын, гашкё, ыджыдджык чери самасяс... берегсыс, – пельпомъясө тшапасыёмён Зоя мырдён сувтөдіс менё, төрөдіс Настя да ас костас. Неуна и муныштім, Миша кольччис миянысь, сувтовкерим и ми.

– Көн мый сәні пемыдас! – чукөстіс Зоя.

– Көмкот көвійөй разьсис, пысавны некызд ог вермы.

– Пропадътін тай, – Зоя скөрысь моз бергөдчис бөрвыв, мианлы шуис: мунё пө ті, вөтөдам.

А рытъя серпасыс збыль вөлөма мича. Лунвыв бана керкаасын öзйысь бияссиянь кыркөтша берег дорын (югөрыс оз си-

бав да) ваыс сьодон мурквидзё, а юлөн мод джын отыс быттьо эзысь чери сьомон киськалома, вералё син водзад. Гөгөр унмё вöйтчöма вой кежлас, сöмын буждысь берегысь торъялом му ёкмыльяс тельснитчöны ваас, здук кежлö торкыштлöны чöвлунсö.

Судзöдчöмөн кутчысьыштöма Настялы сойбордас, мөвпала – кызиджык панны сёрниös, прамöя нин ылалим, а некоднан-ным на вомös эг восьтылö. Настя шыасис водзджык:

– Мыйкö, гашкö, висьталан?

Ме падмыштлi здук кежлö.

– Этiйö рытыс пыр на син водзын, – нурбыльтi негораа, сэсся содтi:– Морякыс и... Кань моз тай нювсьö вöли...

– Ещö мый содтан?..

– Винаыс тшöтш и...

Настя топöдчыштiс ме дорö.

– Ме сэки сёрмыштi неуна, челядь бать-мамкöд собрание вöли, а Аркадийыс туй вылын суöдiс.

– Гашкö, и виччысис, важөн нин пö посйысьö да, – менам дрöгнитыштiс гөлöсöй, висьталi юрö воом медводдза кывъяс, веськыда синъясас видзöдлi Настялы. А сiйö вочавидзис ньöти шöйөвоштöг:

– Гашкö и. Сiйö сылөн делö. Тэ ногөн, кратайтчыны ськöд кута улич вылас, либö сэнi – йöз пыткас. Зэв шань мортыс... кодлыкö веськалас. Вот тi кутшöмöсь, зонъяс... Сэсся нö гөтра-сян, шуам, да ен ув пельöсад ли мый гöтыртö пуксьöдан, мед некод оз видзöдлы, некодкöд эз сёрнит.

Мый ме татчö шуа?! Этiйö Аркадийыс кö вöли менам места-ын, дерт, зептас кывъясла эз пыр. А менам со сёрни оз пансы некыдз...

Настякöд сэсся эг паныдасьлöй куим вежон. Аддзылi Зо-яös да сiйö висьталiс, мый Настя мамыс дорö карö мунöма, но регыд бөр кöсйöма локны, мод джын отпускнас кутас веськöд-лыны пионерскöй отрядөн.

Удж вылын менам ставыс лючки-ладнö, собрание дырйи начальник гарыштлiс бур боксянь. Дас квайт квартираа кык судта керка кöсйысим кодзыдьясöдз помавны, сiйөн и субöта-ясö тшöтш мырсям. Сэн жö кымынкö оланiн виччысям асла-ңым уджалысьяслы.

Öтчыд субöта рытö нывъяс корисны отсавны кöбылка пырт-ны, посйысям пö аскиа лун кежлö. Пыри жыръяс и синъяс паськалiсны: джодж шöрас вольсалöм газет вылын восьталöм консерв банкаяс, нянь, вина тшöтш. Чукöстысь нылыд казялiс шемöсмöмös, серöктiс: Тöлысьлы пö арös тотшкö талун, мед пö выльысь не чукöртны, тан и шуим пасйыштны. Ме модлi жö

огӱдчыны, но витнанныс кытшалісны кодзувкотъяс моз, воштысьны лои некытчӱ.

Тӱлысь-Машалӱн керкаыс дзик матын вӱлӱма менам оланінсянь. Колльӱдін кӱ пӱ, пыралам?— зэв мелі видзӱдлас чӱвтліс дзиръя дорас. Ме педзышті виччысьтӱмла, но нинӱм кӱсйысяна эг шу. Вежся пӱ да клубӱ муна,— пыригмозыс нурбыльтіс Тӱлысь.

— Эй, пач тэчысь, манитчышт,— общежитиеӱ вотӱдз тӱдса гӱлӱс сувтӱдіс туй шӱрӱ.

Аркадий-моряк вӱлӱма.

— Некутшӱм ме абу пач тэчысь, ме стрӱитель,— шуа сылы, кор ныр на ныр сувтис ме водзӱ. Прамӱя чушкӱма, но кок йылас зумыда сулалӱ.

Коркӱ пыраліс общежитиеӱ ӱртъяс дорӱ, буретш вӱлі плита пач дзоньталам. Мӱдысь суӱдіс сэтшӱм жӱ удж бердын: ва вайис машинаӱн, а ми ыджыд ворйын зыръясон раствор гудралім — машинаыс эз уджав. Гашкӱ, сы вӱсна и нимтӱ менӱ пач тэчысьӱн.

— Сэсся дыр-ӱ кутан йӱз чӱс туйӱд ветлыны,— юаліс кыдзкӱ быттӱ нюмыртчылӱмӱн.— Ӑтиккӱд колльӱдчан, а Настякӱд миян костӱ ныртӱ сюян. Этайӱс эн аддзыв,— нӱш кодъ кулакӱс муртса нырӱ эз тшукӱд.

— Ме бара некутшӱм костӱ ог пыр,— веськыда видзӱдлі синмас,— а сэтшӱмыд менам эм жӱ,— этша вӱлі юрын да збоймышті, аслам кулак вылӱ жӱ видзӱдлі.— Настя корис армиясянь, со и локті, арнас лӱсьӱдчам ӱтлаасьны.

— Мед бара он ӱтлаасьӱ, пач тэчысь! Миян ставыс нин артыштӱма, неважӱн ветлі гортас, мамыс зятӱӱн лыддӱӱ, а Настя абу паныд... Так что выль ордым таль, пач тэчысь.

Плита пачысь кындзи прамӱй пач тэчны ог куж, но ӱні «пач тэчысь» кывйыс ӱна нин эльтчанаӱн да увтыртанаӱн петкӱдчис, сійӱ и нем думышттӱг синмас крапки-шуи морякыды:

— Тэ, Аркадий-фекалий, гашкӱ, мамыскӱд... мый эн сёрнит да, а ми Настякӱд арнас гӱтрасям.

Морякыд комхозын уджалӱ, цистернаяса кык машина мортыдлы дӱверитӱмаӱсь, ӱтарнас коланіӱ ва кыскалӱ, мӱднас закод куйӱд петкӱдӱ. Куйӱдсӱ пӱ ачыс рочӱн нимтӱ — фекалияӱн, сы вӱсна и кодсюрӱ син саяс Аркадий-фекалийӱн нимтӱны.

Ог тӱд, тайӱ кывнас шуӱмысь или воддза сёрниысь мортыдлӱн вирыс пuzис, нем виччысьтӱг лӱсыштис шуйга кинас. Витис, тыдалӱ, щӱка лыӱ, да ас кадӱ удиті копыртчыштны, шапка лӱбовтис юрысь. «Шульгич»,— мӱвпышті шапкаӱс

лэптигөн. А морякыд сэтшөма ярмөма, кымөс увтыс сөйө менө сингыяснас, кулакъясыс рөтшнитчытөдз кабыртчөны. Ме кватиті шеныштчөм кисө, песовтчөмөн лөсьөді сылы мышкөс, бруткөбти-шыбиті ас вывті. Зэв лөсьыда тімбыльтчис ластва вылө, но пыр жө брынситіс мач моз кок йылас. «Тэ-э приёмъясөн, выныд абу да!» – скөрмөм өш моз, кияссө водзас кутөмөн, лөсьөдчө морөспань улө зяткыны. Кор сибөдчис матөджык, ме лажынытчышти да сэтшөм жө ногөн бара шыбиті юр вывті. Видзөдлі гөгөр – лов некөн оз тыдав, сөмың Төлысь-Машъяслөн өшинь занавесыс быттө вешыштіс, кежи общежитиелань. «Лыясыд эз чегны, а мөрччыштіс кияснад шенасьомысь», – аслам лов вылын абу жө лөсьыд. Армияын өна шыблавлім өта-мөднымөс, өтчыд сойөй весиг песовтчыліс, но мед тадзи, лөкысь, менам эз на вөвлы. Ладнө көть некод эз аддзыв, сэтшөмтор йывсьыд кыз на ещө эськө пөльтисны сөрнисө.

Мөд рытнас пырті инструментөс будкаө, а сәні Төлысь-Маша, зеркалө пыр, тыдалө, видзөдчөма, өдйөджык дзөбис зэптас, вом доръясыс өзйыштөны и.

– Ваня, – сувтіс меным паныд, – тэ мөй тані на? А ме прорабтө виччыся, көсийс пыравлыны, вунөдіс, дерт, лоас мунны жө.

Гашкө, и виччысис, а гашкө, и мог пыдди висьталіс, мед өтлаын лөсявны туйын.

– Кутшөмөсь ті, зонъяс, сьөлөм косьтысьяс, – шога висьталіс кок улас видзөдіг, кор сувтовкерим керка дорас. – Мегурьяс моз люкасянныд... А мый вөсна. Пыр тиянлы ылысьджык да вылысьджык колө.

Ме нинөм эг вочавидз, да и мый шуа, сідз нин кө лөсьөдөма му пуксьөмсянныс, став ловъя ловыс пройдитө тайө кадсө. Он көсий да люкасян, и мыжавны тані некодөс. «Аддзылөма, морыд, төрытъя дурөмтө».

Ачым лунысь-лун виччыся Настяөс. Ме эг на и төдлы, мый велөдысьяслөн сэтшөм кузь отпускыс. Сән жө наставник өтчыд куритчигкості юөртіс, регыд пө квартираяс кутам юклыны (бригадирным – профкомса член), юалө – кутшөмөсь пө водзө кежлө планъясыд, позьө пө заявление гижны...

Буретш шиферөн вевттим «объектсө», лои туй вылө видзөдлөм. Аркаш да Настя шалкйөны орччөн. Ме, дерт, сөрнисө налысь эг кыв, но казялі: моряк зільө кутыштны нылөс сойбордйөдыс, а мөдыс быттө төдлытөг быд пөрийө мынтөдө кисө. Настя, төдчө, гожъялөма, ещө на шаньмөма. «Кор бара воөма-а? Дерт, пөди, талун, төрыт өшиньясыс битөмөсь на вөліны».

Рытнас дыр сулалі кильчө посяяс вылас, сьёлём вылын сьёкыд, думайтсьё – Настя абу отнас. Кыйкнитлі өшинь занавес костодыс. Сідзи и эм. Аркадийкөд сулалёны паныдөн, отыслөн кысян киас, модыс вашъялө, дөрөм кизьяссө разялөма, мед тельняшкаыс ёнджыка тыдаліс. «Коркө од мунас жө, – думайта, – оз кө вой кежлас кольччы». Гашкө, дасысь куритчи, кодкө прөйдитас уличаод, саймовтчыла керка пельёс сайё. Настяёс, аддза, очсөдлө нин тшөкыда, а гөсьтыд муном йылысь оз и думыштлы. Сэсся выль папирос өзтигкості өшиньыс ывла рөмыскөд откодясис, грим-грам кыліс посводзас, чорыда клопнитчис ывла одзёс. Нускигтыр, гырысь воськовьясөн моряк ылыстчис школа дорысь.

Выль велөдчан во заводитчытөдз Настякөд отчюд и паныдасьлім. Оні удж бөрьясын вадорө лэччөм пыдди моді клубө котравны. Клубса веськөдлысь некымынысь воліс общежитиеө, зэв пө лөсялө тэнад гөлөсыд Төлысь-Машакөд. Тыдалө, Мишасын менсьым сьылөмтө кывлөма. Гырысь класса челядькөд тшөтш нокся, вермасыны найөс велөда. Отчюд Аркадий пырис миян жырийө, дыр видзөдіс том йөзлөн ыкпашьөм вылө – эз вермы кутчысьны, шыбитіс паськөмсө, тшөтш видлыны көсийө. Окмысөд класса зон син лапнитігкості таг мешөкөс моз шыбитіс мат вылө. Звирк сувтіс, кокьяссө паськөдөма, быттьө лайкьялан палуба вылас на сулалө, оз эскыссы мортыдлы, ещө көсийө видлыны. Сійө жө зонмыс зэв кокниа чергөдіс модысь. Аски жө пө тшөтш локта, эз лөгась морякыд.

Сійө луннас Настя вөлөма велөдысьяслөн собрание вылын, чукөртчылөмаөсь район пасьятаысь, кыкнан киас нөбалө книга стопаяс.

– Но мый, кавалер, – пуктіс книгаяссө мостки дорышө, тыр синьясөн видзөдіс ме вылө, – зэв нин гажөй быри, он и петкөдчыв.

Тадзи некор на эз сёрнитлыв мекөд да мыйлакө шуөмыс кажитчис дэльөдчөмөн, быттьө кыткө гөрыштіс пытшкөсөс.

– Метөг тай тырмө гажөдысьыд. Көсийөм серти ставыс оз артмыв, – бөрас эськө гөгөрвои, мый эз ков тадзи заводитны, да киссьөм ватө тай он курышт – ас вылө ставыс бергөдчис. Настя чөв олыштіс, синьяссө лэптыліс ме вылө, тэрмасьтөг шуис:

– Мөдарсянь, инө, менам сёрниыс пансис, коліс, инө: өти ныв нимлун думыштөма тэ вөсна, сэн жө колльөдчан... Косясян. Тадзи?..

– Настя! – горөді, көсья вөлі книгаяссө нуны отсавны, а сійө вочавидзис өти кывйөн «Ачым», босьтіс книгаяссө, эновтіс менө места вылө.

Сентябр шөр, а арлөн воөмыс омөля на и төдчө. Асывьяс-нас, дерт, гыөртлывлөны борьяс, джынвийё вижөдөма пуяслөн паськөмыс, кеньсялыштлөны и васөдіньяс, но луннас, шондї кыпөдчөм бөрын, поводдяйс, кыз шуласны, вый войталө. Но став тайө кытшалысь мича рөмыс меным кажитчө өткодя сьөдөн.

Юрө волісны мөвпьяс сиктсө эновтөм йылысь, а пытшкөс-са гөлөс шуалис мөдтор: удж вылын пыдди пуктөны, кутшө-макө велалі нин йөз дорас, нель төлысьөн удиті пасьтөдны ачымөс... Татшөм здукьясө син водзө сувтліс мыгөрыс Төлысь-Машалөн: «Зэв на и бур, өглаын уджалам, рабочөй класс жө», – думөн шуавлі аслым, но пыр жө сійөс сайөдліс мөд – тшөтшөдөм гарчикыля юрсиа Настя.

Өтчөд начальниклы менам срочнө ковмысьөма, ыстөма ас-сьыс машинасө. Пыри торкөдчыштөм бөрын, а сәні... Настя пукалө. Дерт, пөди, бара гөрдөді, жарө тай шыбитіс-а.

– Со Молчанов, зэв прамөй морт, – висьталіс начальник Настялы, сәсся меланьө бергөдчис. – ПМК шефствуйтө Анастасия Васильевна класс вылын, көсий карө нуөдлыны челядьсө экскурсияөн, өтнас оз вермы справитчыны комын мортыскөд. Вай ветлы, салдат, субөта-вөскресенньөсө.

Сэтшөм виччысьтөм лои юөрыс, нинөм на эг удит висьтав-ны, начальник бара Настялы:

– Автобус лоө, петөм йылысь асьныд шофөрыскөд сөрнитчөй.

Лэччигөн Настя сөрнитіс мекөд, быттө нинөм миян костын сэтшөмыс абу вөлөма. Вөрзытөдз на вөлі юалө: кызди пө тәнө челядьыс кутасны шуны – дядя Ваняөн или Иван Васильевичөн.

А карын миянөс виччысьөмаөсь нин. Неуна шөйччыштөм бөрын (сэк кості Настя котөртліс мамыс ордө) турбазаын уджалысь нывбаба лунтыр новлөдліс да висьтасис кар йылысь. Рытъядор челядь купайтчисны бассейнын. Көть и мудзисны, зэв колины дөвөленөсь. Сөр рытөдз өта-мөд вежмөн юксисны лунся аддзылөмьясөн.

– Вот кытчөдз сөрмим, мамөлы көсйыси ужын кежлө воны, көнкө, вой шөр кад, – ывлаө петөм бөрын Настя видзөдліс часі вылас, босьтіс менө сой пөлөд и ми вель дыр мунім карса уличьясөд.

– Пырам шөйччыштам, али... – юалана ме вылө видзөдліс Настя, кор сувтім нель судта керка дорө. Тыдалө, мамыс оло тані.

– Зэв тай ывлаыс лөсьыд, и паркыс со орччөн, – тэрмасьөмөн вочавидзи ме.

Паркын, дерт, тайо каднад некод зз вöv, джуджыд берег вывсынь сярвидзисны-тыдалисны мöдлапöвса бияс.

– Почёт пöv вылö ляскöмаöсь, эн на, поди, аддзыв асьтö, – первойон шыасис Настя скамья вылö пуксьом бöрын. – И тöдан орччөн кодкөд... Аркадийкөд. Тöрыт вöли муна клуб дортi, весиг нюмöй петiс, мися, шöрас, буди, ачымöс лемöда, – сэссия неуна чöv олыштöм бöрын вомгорулас заводитiс:

*Мöдлапöлын кык пон увтчö,*

*Шарик да Буянушко.*

*Менö кык зон радейтöны,*

*Аркаш да Иванушко.*

– Настя! – кыпöдыштi гөлöсöс, быттö сiйö ылын да оз кыв. – Настя, ме öд тэ йылысь пыр думайтi, тэ көть... – коскöдыс сывйыштi, топöдi ас бердö.

– Оз ков талун сiйöс, – юрсö пöлынтьыштiс пельпом вылö. Ме бергöдчи сыланьö, шамыртi кыкнан киön. Паръяс аддзисны öта-мöднымлөн, он гөгөрво, коднымлөн сэтшöма чеччалö сьөлöмыс, пöди, кыкнаннымлөн гыпкöны. – Уп, пöдтiс татчö, – Настя лолыштiс кузя, но зз мынтöдчы сывйысь – тадзи öмöй окасълöны.

– Став кольöм кад пыддиыс...

Настя зэв кыв-вора вöлöма: то лыддьöма выль книга, то челядьдыр вояссö казътыштас, то удж йывсьыс висьтасьö. Ме ёнджыка дакйöдла да топöдла ас бердö. Гудыртi жö ассьым олöмöс, но нем сэтшöмöс эг аддзы öнi кежлö да шуа, мед Настялысь серамсö петкöдны, мися, детдомын öта-мöднымöс инкубаторскöйясөн шулим. А сiйö эз серöкты, бура шуис:

– Детдомын быдмылöмыд, а зэв на и вежавидзысьөн кольöмыд...

И сэтшöм мелiа шонтыштiсны менö сылөн татшöм кывъясыс.

Сёрни-басни костад да кутчысьлигад эг и казаявлöй, кызди войыс коли: асьявылыс первой лөзöдыштiс, сэссия алöйгöрдмис.

– Ой, Ваня, шондiыс öд мыччыяс, янöдас татчö, вöйдурьясöс. Вай котöртам, ещö мам дорö пыравны лоас.

Унатор йылысь на лои Настякөд сёрнитчytöм, көть войбыд пукалим. Пыр тай сiдзи овлö – вунö медся коланаыс, бöрас казялан. Со зептын нямрасьтöдз квартира вылö заявление новлöдла, петкöдлытöм жö лои. Шуöны тай: гөтрасьöм бöрад (сэтчöдз кө быттö лоас) семьясьыд нельöнöс лыдды, дерт,

ичёт видзсысьö тшöтш артыштöмөн. А гашкö, тайö войыс нинöм на оз висьтав, гашкö, аския лун вылö тöждьясыс кыр увтi визувтысь ю вылö на гижöма.

Настялөн мамыс том на вөлöма, нелямынысь, гашкö, не-уна вуджöма. Пырöм бöрын кияснас клопнитiс бокьясас:

— Асылысь нин, али рытысь на оланнды, гегдöмаöсь?

— Кыдз кöсьян, мамö, сiдзи и шу, а ми парксянь локтiм. А этайö, мамö, менам верöспу, Ваня Молчанов. Тöдмасьöй. Садь быртöдзыс радейтö менö, ог пö вермы тэтöг овны.

Первойысь пыри да эз жö ков сiдзи Настялы шуны.

— Сiдз, дерт, колö, адзиннды кö öта-мöднытö,— гöгыля сера халата нывбаба мыччис меным кыкнан кисö, зэв мелiа видзöдлiс синьясö.

— Ми, мамö, тэрмасям,— Настя сувтсөн и юис чай стöкан,— бумага вöчан заводö ещö ветлам, ог тöд, дыр-ö лоö, гашкö, огö удитöй и пыравны бöрыннас.

Гортö вөрзим рытьядор. Кык лунтö кар кузя гыöмысь да ещö узытöм войысь Настя дзикöдз укшальмöма, первой кока-сьыштiс нырнас, сэсса юрсö пöлыньтiс менам пельпом вылö, ланьтöдчис. А ме кутчыси, туй чöжыс челядькöд сылi пемыд автобусас.



## ВИЧЫСЬ, ВОЛА...

«Эн манитчы, Май праздник бõрын и лок, — конвертсõ разбõм бõрын Ким лыддис неыджыд бумага лист вылысь. — Кывсьõ: дыр бõрын таво кõсийõны восьтыны вõрса лбачьяс вылõ вõралõм. Арнас казялõ дозмõр койт, ветлам войколõн, ловтõ ыркõдыштан...»

«Сё пасибõ, Паша, тэ кõtь менõ он вунõд, дерт жõ вола. Колõ õд бать-мам гу тальыштны, и вõрõ петавлам...»

Сийõ жõ лунõ Ким кучкис кык кывъя телеграмма: «Виччысь, вола».

Кык ёрт, Павел да Ким, õти сиктысьсõсь, õти арлыдаõсь, быдмисны вокъяс моз, помысь гõгъяясõн найõс шуисны суседьяс. Велõдчигас дас во чõж пукалисны õти парта сайын, õти лунõ мунисны армияõ, служитисны õти частыын, õти лунõ жõ и гортас воисны. Ким помалис стрõительнойõй техникум, уджавны кольõдисны карõ. Павел — механическойõйõс, õнõ совхоз гаражын механик. Кимõс водз энõвтисны бать-мамыс, и Павеллõн рõдвужыс пиыслысь ёртсõ лыддисны ас мортõн, пи мозыс жõ пыдди пуктисны. Мед кõtь олисны õнõ торйõн, ёртасьõмыс налõн эз ор. Быд гожõм Ким семьяыскõд колльõдис отпускõ чужан сиктас, горт гõгõрыс ноксисны, вõдитисны град йõрсõ.

Праздник бõрын дзик пыр Ким вõрзыны эз вермы, тэрмõдлан удж кутис. Сэн жõ газетысь тõдмалис: вõралõмыс сёрõнджык вощьõ, сийõн и эз сэтшõма майшась. Петис вежон мысти.

— Унджык туйсõ автобусõн мунам, — воан луннас жõ Павел такõдис ёртсõ, вõрõ петны сылõн ставсõ нин дасьтõма. Любуйтчис Кимлõн выль ружьён.

— А мен озджык татшõмыд кажитчы, куроكتõмыд. Курокъяс пыр октõмаõсь, тэрмасигõн верман и вунõдны найõс игнавны, увйõ ли кинад тõдлытõг инмõдчан. Микол Иван тай кольõм арõ коз улõ пырõма зерысь, ружьесõ орччõн сувтõдõма. Кыдзи артмõма, ог тõд, пезьдõдõма пеляс, вермис и юрсõ нõбавны.

Машинаысь петõм бõрын ыджыд туй вылысь кежисны вивирка кузя.

– Нюр шöрын яг гривка эм, – Павел паніс сёрнисö койт йылысь, – чукарь вит-ö-кwait чукöртчöмны вöлі сёр арын нин, кöндозмөръяс и. Тэрмасьны мянлы некытчö, шондi лэччандор ставсö тöдмалам. Сэки найö чукöртчöны сыланінас, пуö пуксьöм бöрын чорыда швачöдöны бордъяснас, позьö лыддыны, кымын воас. Эн вунöд Закар видз дорсьыд койттö, катшарака мында вöлі лэбачыс?

– Öні нö мыйкö колис эз? – Кимлөн кыпид лов вылас, ньöжйөникөн восьлалö ёртыс бöрысь. Вöрын лөнъ, сынöдыс сöстөм, нитшкаинтi кок шыяс весиг оз кывны. Козъя вöрын му увсьыс кынйирыс абу на сылöма, сэни ыркыдджык.

– Абу. Сэни вöрыс нин абу, – Паша сувтовкерис визиркаяс крестасянінын столб дорö, буретш сэтi налы колö вöлі кежны веськыдвылö. – Сулышт, быттьö этйö пусö лöсыштöмаöсь.

Кыкнанныс матыстчисны пожöм дорö. Збыль, лöсасыс вöлі неважөнся, весиг абу на и сирзьöма.

– Кодкö ветласьöма тулыснас нин, но лымъя на вөлöм, адзан – нитшкыс абу талясьöма. Код морöс новлөдлöма татi. Эз кö керка вөр корсьны, яг гривка вылас зэв мичаöсь пуясыс, сись кодъ веськыдöсь и.

Ёртъяс кежисны визирка вылысь. Неуна и муныштiсны – бара выльöн колыштöм пас, а сысянь водзö ещö на тыдалö.

– Кодкö бура туясьöма, Паша.

– Да. Öтарсянь и мöдарсянь пасйысьöма, пуяссö кыкнанладорсянь лöсыштöма, сiдзкö, пырöма и петöма татi.

Яг гривка дорö вотöдз на ёртъяс казялісны мыр дорыс чаг-ёг, пөрөдöмаöсь кос пожöм; орийöдлöмаöсь кражъяс вылö. А со и бипур места, лысьясысь вольсалöм шойччанін, бокöджык лэбачьяслысь кишка-рушкусö кырөдöмаöсь. Гөгөр туплясисны сьод да руд гөнъяс.

– Всё, дорогой, тані нем нин вöчны. Весиг сювъяссö лэдзöмны, мед кокниджык вöлі нöбавны.

– Гашкö, висьтасьлін кодлыкö, ошйысьлін?

Павел кыкнан кинас тупкис чужöмсö. «Вот и кори карсянь гөсьтös, пөръялöм лои...»

– Тайö Кирö Öльöксанлөн уджыс, сійö кадысь водз кыр-салö, законтö эз и признайтлы. Коркö сёрнитi гаражын, ме пö во дас нин ог петав. Вай биасьлам, другö, нуръясьыштам, мыйкö водзö вылö думыштам.

Сёян-юанкөд тшöтш Павел перйис нопсьыс вина доз.

– Праздникнас эг и видлы, кызкö сiдзи и коли.

– Ме öд босьтi жö, карсянь на вайи, – Ким перйис жö дозсö, сувтöдiс орччөн.

– Эн майшась, Паша, нем ог воштöй. Öтлаын вай кылö-дыштам, вонас öтчыд тай аддзысьламö, аски шойччан лун.

Абу прамöй вина юысьяс вöлöмны. Чай кружкаö чольсни-тыштисны неуна, бөр дзэбисны дозьяссö.

– Вот мый, Кимушко,– Павел видзöдлiс вөр йылöд шондi вылö,– Катыд нюр дорын дозмөр кык-куимыд пыр эм, рытъя сьылöм кежлö, дерт, ог веськалöй, асыв кежлас пыр воам. Тэр-масьтöг на и позяс мунны, верст дасысь унджык оз ло. Кыдзи кокъяснад?.. Гөснеч пыдди кöть колiс öтиöс лыйны...

– Метö ничево, котрала быд асыв. А сiдзсö сэнi эг на вöвлы.

– А сысянь асывсö петам автобусөн воан туяд, гашкö на и машина веськалас гортöдз. Нюрыс меным тöдса, быд ар тури-пув вотлам. Вермам на и тэныд неуна чукöртыштны, тулыснад сiйö небыд, абу сэтшöм шома ни.

– Сiдзкö, миян Сыктывланьö колö сетчыны,– Ким видзöдлiс киас вöнялöм компас вылö.

– Да. Унджык вотчысьыс ю кузя мотора пыжъясөн волö-ны. Нюрыс кузь, но абу сэтшöм паськыд, местаясөн оръясьлö вөрөн.

Тулысын став ловъя лолыс чужö-ловзьö-гöрддзасьö, оз весьшöрö тулыстö волөн асылөн шуны. Кытисюрö лымъя на, а кузь кока номъяс чукöръясөн гыöны сынöдас, кодзувкотъяс дзоньталöны асьыныс карьяссö, коръя пуясын потласьöны гарьяс. Ким чипсасьö мунiгмос. Öтчыд сьöлаыс муртса юр вылас эз пуксьы, но лыйны эз удит, найöс казялöм бöрын жбырк-нитiс-пышйис.

– Пöлинö, дозмөръясыд тулысын дыр-ö ворсöны?– ружь-есö волысалиг юалис Ким.

– Кор кызлөн корйыс көпейка ыжда лоас, сэсся рудъя-сыс пуксьöны пöжсьыны, а сьöдъясыс лысöны.

Козъя вöрысь ёртъяс казялисны: кодкö руд кепысь кодъ сунiс пу йывсянь увлань, но муö эз пуксьы, весиг эз инмöд-чыв, лайкнитчис лэбигас, коз дiнö тепыртчис. Сэсся тэр-масьмөн, челнök моз, увъяс костöд уськöдчис вывлань. Не-дыр мысти стöч сiйö жö местаö воис мöд, вывлань жö кайис. Здук мысти сьөрсьөн-бöрсьөн лайкнитчисны бара водзö.

– Эня-ая жö,– шыасис Ким, тöдiс, дерт, палюръясöс.

– Дерт жö, öнi öд, кыз шуласны, чаг чаг вылö, тулыснад.

Тадзи сёрни кост кык друг дженьдöдiны туйсö, петiсны Сык-тыв берег вылö. Павеллы татi град йöрас моз ставыс тöдса.

– Неуна вылöджык петiм,– сувтовкерис сiйö.– Нем зськö да, Чомтёлъ лоас вуджны, ёна-ö паськыд таво. Гожöмнадтö позьö воськовтны-а.

Видзьяс вывтї Чомгѣль паськыда ойдѣма. Вывтаса места-  
ысь вѣралысьяс казялісны пѣрѣм коз, тыдалѣ, кылѣдѣма ваыс  
да крукасьѣма бадь кустьясѣ. Оти киас беддѣн водзын мѣдѣдчис  
Павел. Ким тальччис увѣя кер мѣдар помѣ, мед эз путкылясь.  
Павел ѣдѣбсьѣмѣн бѣрѣьяысь воськовтїс кузьджыка, мед коз  
помсянь воѣдчыны берегѣдз. Сѣки, ѣти здукѣ, быттѣ гымыштїс  
и чардыштїс, югнитлїс син водзас, сѣсся пемдїс бѣр. Киняувсѣ  
быттѣ пѣсь кѣртѣн дзужалїсны. Кымыньѣн нюжгысис ластва  
вылѣ, шуйга кыыс песовтѣмѣн улас веськаліс. Лыбѣд-  
чыштлимѣн мѣдлїс перїыны кїсѣ, но эз вермы – сойыс эз кы-  
зысь. Бокыньтѣм бѣрын мѣд кинас веськѣдїс шуйга сойсѣ –  
дойыс ѣнтыштїс сѣлѣмас, курыд-шома дуль чукѣрмис вома,  
сос помыс и бокыс нин кѣтасьѣма. «Кїѣй оз уджав, вир петѣ», –  
садьсѣ эз вошты, но нинѣм эз гѣгѣрво, кыдзи да мый ставыс  
артмис.

Кор ружьеыс киас пезьдїс ачыс, Ким муртса эз усь ваѣ.  
Казяліс, кыдзи кымыньѣн сунгысис ѣртыс, повзьѣмысла ѣдва  
и вуджис пу кузя. Вѣлісь юрас воис: сѣла бѣрся вѣтлысьѣм  
бѣрын вунѣдїс октѣм куроко игнавны, и ѣні, тыдалѣ, кустьяс  
пытштї вуджигѣн крукасис пезыныс.

– Вии тай, Паша! – бѣрдан гѣлѣсѣн шыасис сїѣ, копыртчис  
ѣртыс дорѣ. – Начки тай, муса друг! Ойя жѣ нин!

– Мый лоны – лоѣма, вай поткѣд соссѣ, вирсѣ колѣ сувтѣд-  
ны, шорѣн со лѣччѣ, – Павел шуалїс веськыд бок вылас куйлїгѣн.

Повзьѣмвывсьыс да тѣрмасьѣмла Ким нем оз путьмы: то  
пуртыс оз сюр, то кѣвтор оз аддзы, сѣн жѣ пемдѣ нин, кы-  
мынкѣ кодзув енѣжѣ мыччысис. Кыдзкѣ-мыйкѣ зѣвтїс жѣ пель-  
пом увтїыс. А водзѣ, увлань, сойыслѣн артыс оз тѣдчы, быттѣ  
нярѣян улѣ сюрлѣма, сѣтшѣма дрѣбитѣма зарадыс. Рысь кодь  
еджыд лыыс балсвидзѣ. Кымынкѣ дрѣб тусь тшѣтш боксѣ чїш-  
нитѣма, кучиксѣ. Кимлѣн бинт вѣлѣма нопѣяс, да сїѣ мѣй  
тырмас та ыджа дой кѣртавны, вывсяньыс лои чышѣянѣн  
гаровтны.

– Медводз, другѣ, би колѣ пестыны, со кодзулалїс, кынмам  
татчѣ, вѣлісь думыштам, водзѣ мый вѣчны, – пиньяссѣ  
топѣдѣмѣн тшѣктїс Павел, но эз скѣра.

Чай пузьѣм бѣрын Ким мыччис ѣртыслы дзонь кружка тыр  
водка.

– Ваѣн ли мый сорин, вина кѣрыс ѣдва кылѣ?

– Муртса шонтыштї. Сїѣ мыйкѣ бѣрад... Со ещѣ юышт.  
Паша... эг жѣ ѣд нарошнѣ, эн кѣть думайт. Мый нѣ кутам  
вѣчны... Аминьѣ.

– Эн лѣвт, ради бога! – стрѣга вѣчавидзис мѣдыс. – Ме ар-  
тыштї нин. Мунны, пѣди, ме дзик пыр ог вермы, юрѣй тай

дурмыны мөдiс. Нөбалөм-кыскөм йылысь и сёрни абу, мейн – көкъямысдас кило, тэын – эм жö квайтымыныс... Да и туйыс абу дженъыд.

– Паша, да мый тэ, коля ли мый өтнадтö?..

– Шуа, кывзы бура. Менö энөвтлан татчö, сөмын пестö ещö чукөртышт, ватö вай, мыйкө горшöй эз веськав. Лэччан берег пөлөн, сөмын некытчö эн кеж. Воас нюр, кытчö ми и ныр-визьтö кутим, кытшовт сийөс, мед, ылынджык кө лоö. Верст вит сайын тасянь турунасян керка, бура тыдалö берег дорсянь. Пока тэ воан сэтчөдз, югдыштас нин. Керка дорөдз машинаөн пыравлөны. Сэти петан төрытъя автобусөн воан туяд. Некутшөм вож оз кеж, войвывлань пыр веськөдчөма.

Вөрзытөдз Ким чукөртiс пес, лыс лапъяс чегъялис Паша-лы бок улас. Корис не вунөдны сой көртөдсö разьөм йылысь.

Ю берег пөлөн пыр нин чукльөдлысь-мукльөдлысь ордымыд эм, гожөмын мыйта морт прöйдитö. Сюсь восьласөн, кыткө и котөрөн сорөн Ким кырссис-лэччис Сыктыв берег кузя. Юрас өти мөвп: кызд позьö регыдджык Пашаөс вайөдны больничаö. Неыджыд көджъяс туйыс орьөдлис веськыда, бара петкөдiс дорö. Со и югдiс вөрыс, шочиник латшкөс пожөмъяс тыдовтчисны водзын. «Сiдзкө, нюрыс заводитчö, регыд банькаыс тыдовтчас. Мыйла Паша эз тшөкты нюрсö веськыда вуджны? Медтыкө ыджыд туйö меным петны».

Кузь нюр кытшовтөм бөрын Ким вель ылö нин мунiс, паськыд видзъяс воисны, а турунасян керка некөн эз тыдав. Ещö на өдсö содтiс. Югдiс ывлаыс бура нин и мунны кокниджык: вөр кост вуджан – бара видз. «Оз вермы лоны, мый вит верст эг мун», – думыштiс ас кежас да бергөдчис бөр. Нюр дорсянь дзоръялөмөн вылысь прöйдитiс, а банька сiдзи эз и тыдовтчы. Ещö неуна лэччыштөм бөрын (кадыс мунö, сысянь отсөг виччысьö вирөн ойдөм ёртыс) видзөдлис компас вылө, шуис веськыда петны вөрөд. (Водзвыв висьталам: йи улысь чери кыйысыяс төвнас на сотлөмаөсь турунасян керкасö). Посни пожөма ягын лымйыс сылөма, но ялаыс абу на косьмөма, көкъясыд вильскөны.

Шондiыс вөли вылын нин, кор Ким петiс паськыд туй вылө, енэжин кымөр чир абу, гажа лун пуксьөма. Öнi сөмын кылис жуявтөдз мудзөмсö, көкъясыс лөталөмаөсь, төрытсянь пöшти пыр кок йылын, кымын колода вуджөма, тiль прöйдитөма, а гортөдз кызз гөгөр верст на. Паськөмыс со косясьлөма, гачыс ныйтчөма, чужөмыс зөлитö и. «Мед көть кутшөмкө машина веськалис, – майшасис канаваысь юыштөм бөрын. Сылы өд бөр на бергөдчыны, кодi петкөдлас куйлысь ёртыслысь местасö. – Кыззи бара висьтася Паша бать-мамлы-а?...» Кымыныськө

сувтліс жö туй вылö, быттьö збыль машина жургöм кылö, видзöдлас бöрлань – некöні оз тыдав. Буретш ещö шойччан луннад. Шулöны тай: неминуча öткөн оз ветлы. Ким пöрччис сапöгъяссö, но кöмтöг мунны изйөн вольсалöм туй кузя, вöлөм, ньöти оз позь. Бөр лои кöмасьны, косджык нямöд помъясөн кокъяссö гаровтны. Паськыд туй шöрöд тапиктысь мортöс позис код мортөн чайтны, усяс кö, гашкö, и сувтны бöрсö оз вермы. Верст кык-куим коли сиктöдз – Ким некутшöм шыяс эз кыв – орчöн лöз «Нива» сувтис, веськöдлысь восьтис öдзöссö. Ким нем эз юав ни висътав, вöйтчис пуклöс вылö.

– Öтнад тай?– недыр бöрын воис сылөн пельö.– Кöні нö Павел Егорович? Ещö на кольччис, али лои мыйкö?

Тайö вöли Миша Куранов, совхозса тракторист, вöрын жö коллялöма войсö. Тöрыт муртса эз суöd найöс, аддзыліс механиккöд автобусысь петöмсö, вөрö кежöмсö. А талун мортыс ноптöм и шапкатöм, ружьеыс абу сьöрсыйс ни.

– Неминуча Пашакöд, колö машина и врачöс... Лöпбöжын, – мырдöнсор вочавидзис Ким, юрсö торйöдліс пуклöс мыш дорысь.

...Но, а Павел? Во кузя кажитчис би дорын луныс, пессö нин ставсö сотис, дзонь рач чай косьтис. Кымыныськö видзöдліс жö часі вылö. А кор виччысян кадтö, сійö быттьö сувтöма, ещö на дырджыкөн кажитчö. Изйöмис нин вир-яйыс лыс вылын куйлігөн. Зэлыд кöртöдсö пельпом дорсьыс разьöм борын ёнтöмыс киас лöньыштліс, но недыр кежлö. Öні быттьö кысян емöн сутшйöдлісны гыррдза дінтіыс, чуньясыс мöдісны лöзöдны. «Тыдалö, вир сөнъясöй оръясьöмны». Мырдөн сорөн пуксьыштлöм бöрын юрыс мöдіс бергöдчыны, син водзыс гудыртчыны. «Мед кöть дойыс эз пежась, мед кöть орöдтöдз кийй эз ло. Эз жö öд ылав Кимыс, позис нин кольöм каднас кык пöв бергöдчыны. Турунасян керкасö некыдз эз вермы ордйöдны. Али нö аскöдыс мыйкö лои... повзьöмысла».

Кор шондыс бергöдчис рытланьö, Павел шуис пискöдчыны турунасян керка дорö. Став колуйсö колис места вылö, раничöм кисö тасманас домалис голяас, веськыд киас босьтис бөдь. Мунны позьö, сöмын оз ков тэрмасьны, мед сойыс оз тракйысь, мед эз вильснит да усь, а то вермас садьсö воштыны. «Эз жö ков вежöнасьны воысьяскöд. Керка дорсянь нюрсö веськыда кераласны Чомъяльöдз али берег пöлөн каясны», – мөвпыштис нюр дорö воөм бöрын. Ачыс öні шуис веськыда нюрсö вуджны, гөгöртны кö, прамöй ыджыд кытш лöö. Сэн жö быд во тани вотчö, кынйырыс, көнкö, эз на небзый.

Татшöм мичаөн нюрсö Павел эз на аддзыв, буретш вöлөм дзордзалö багульник. Тулысын, збыльысь, таті эз на и прöйдит-

лы. Турипув тусьяс төвйом бөрын былькнитчөмаось нитш пытшкысь, дзирдалоны вутшъяс вылын дзевсыны нин лосьдчөм шондї водзын. Руд, васод нитш вылын бура төдчисны чипанлөн кодь креста кок туйяс – турияс кузь кокъяснаныс отарө-мөдарө мурталомны нюрсө. Көнкө ылынджык, вөр дорас, кыліс налөн курксөмыс. Сэні жө, кос пуяс вылын, кыліс таръяслөн варовитөмыс. «Со кызди ставыс бергөдчис», – сувтовкерис пожом дінө Павел, нёрынтчис пу дорө. Юрыс мөдіс дурмыны, пельясас кыліс буалөм. Мукөддырйи нюр вылын быдмысь пуясыс кажитчисны пөлөсөн, быттө кодкө ыджыд вынөн көсйис пөрөдны найөс да помөдз эз вермы. Ещө неуна муныштөм бөрын пуксис вутш вылө, водзвыв пуктис бедьсө ас улас. Турипув тусьяс тыдыштисны ру пыр, кималасөн дебляліс нитшсө, кымынкө тусь скойис вомас. «Мый нө синъяскөд лои, некор на тадзи эз вөвлы. Али юрөй дурмө да сыысь... Колө өдйөджык вуджны нюрсө, кодкө, гашкө, и эм банька дорын, сэні шоч вой узысьыд абу. А колөкө, и машина нин воис. Оз вермы лоны, медым Ким ылаліс, ыджыд туй вылас век нин петіс».

Сюсөджык пыдди восьласыс дзикөдз надзмис, көсйөм сертыс эз артмы доймөм мортлөн. Кокъясыс быттө сөйысь, муртса кывзысьоны, бедь оз отсав ни. Синъясыс мөдісны пөръясьны и: муыс кок улас быттө ылынджык кажитчө, катласьө, быд воськов колө виччысьөмөн вөчны. Юрыс, дерт, мыжа, сэтшөма жуныгө да, восөдны көсйө и. А нюр помыс дзик нин матын, стенөн сулалысь вөрыс, гашкө, сө воськов сайын. Вөр кост вуджан – сэні и керкаыс. «Ещө шойччышта и...» – Павел кокныдыка лэчысис лабич кодь вутш дорышө, вутш чук йылө тшукис юрсө. Нырсө гильөдана бус разалө гөгөрыс, пөдөм дукөн өвтө. Кокниджык лои лов вылас, надзөник куньсисны синъясыс. Мудзөмыс да нюрывса кузьмөс коръя турунлөн лөк көрыс дзикөдз мырддисны вынсө. Абу өд весьшөрө важ йөзыс шулөмаось тайө буса быдмөгсө зын турунөн, лөк дука турунөн.

Ывла рөмыс вөлі вежсьөма нин, кор гортсаяс воисны Чомъель дорө. Миша Куранов жө и аслас машинаөн гольгөдіс фельдшерөс, милиционерөс да Пашалысь батысьө. Катшыс понйыс өна жө вөзйысис, но сійөс эз босьтны, игналісны посводзас. Пашалөн батыс турун пуктөгөн бригадиралө Лөпбөжын, быд куст ув төдса. Воисны отсасысьяс, а отсөг сетны некодлы. Чусасысь бипур дорын кыкнан вөралысьлөн көлуйыс туплясьө, а ловъя лов абу.

– Татчө со лыс вылас куйлігөн коли, – шогпырысь шыасис Ким. – Сідзкө, эз вермы виччысьны, ачыс напуститчис, но кодарлань...

— Кодарлань... Гортлань, дерт!— скора шыасис Ёгор дядь.— Тыдало, нюр вомон веськыда вуджом, берег кузя ко лэччис, паныдасис эько.

Кытшовтисны матигогор, чуксасисны, некод некони эз шыась, ставон веськодчисны Кузь нюрлань. Ёгор дядь водзас. Кытосюрё пушyd нитш вылын тодчисны кок туйяс, сийон и содтис мунап одсо олома морт. «Дойдитис ко керка дородз, бур на, нюрюд вермо на и порьявны». Нюр дорышын Ёгор дядь сувтис места вылас. Нюр модарладорын кылис понлон киньзигтыр увтом.

— Лешакё, Катшыслон голосыс. Готыррой, тыдало, лэдзома посводзысь. Эз, дерт, тод, мыйла игналисны сэтчо. Эз вов гортын да.

...Павел вотын моз кылис увтышталомьяс, сэсья дзикодз садьмодис Катшыслон сарога кывнас чужомсо нюломыс, восьтис синьяссё. Неылын кылисны и морт голосьяс. Эз гогорво, кони да мый сийо, мышкыс со котасьома, йирмог босьтома. Вунодлис и доймом сой йывсьыс, косийс пуксьыны, но юрыс бор уси вутш выло, сэтшюма ёнтыштис позялом кийс. Модысь одобсис веськыд ки вылас мыджсьомон, сэки кодко отсыштис мышьяныс.



## ДЗОЛЬ ВАНЬ ДА ФЛОТ ИВАН

---

**Н**о мый, батьяс, бурасинныд эн-ө? – первойон шыасис мудод вылын орччон пукалысь мужичойяс дорё Тая Бусова. – А ми ЗАГС-ө шыодчом пыртим. Тöлысь бöрын корисны. Сыдз кö Ваняос армияö босьтасны, позяс пö и водзджык гижсьыны. Мамъясыд тай нинöм оз шуны-а. – Тая дзирнясьыштит джуджыд каблукъяс вылас, сойбордйöдыс топöдыштит асланьыс зонмös. Мöдыс, Ваня Лысов, паськыд пельпомъяса, дзонь весётон содаджык нылысь, парьяссö топöдöмөн видзöдис аслас батыс вылö, нинöм эз шу.

Кольöм воö ныла-зонма öтлаын помалисны школа. Тая öни карын фельдшерицаö велöдчö. Ваня Лысов аттестаткöд тшöтш босьтит трактористгыльсь право, уджалö совхозын. Öти воö чужлöм, весиг öти тöлысьö, чоя-вока моз быдмисны, ёртасисны. Бöръя воясö велöдчигөн ёртасьöмыс радейтчöмö вуджис. Мунöны и вооны – пыр öтлаынöсь. Син сайын и син водзас найös гозмольөн и шуоны. Ваня несмелджык, яндысьö татшöм сёрнияс дырйи, быттьö мыйöнкö мыжа, вирыс чепöсийö чужöмас. Тая, мöдарö, юр вундысь кодь збой, колана кывла зептö оз пыр. «Мый гöрдöдін пельöдзыд, гижсям да збыль гозмольөн лоам», – серам сорөн висьталас шмонитöмъяс вылö, сывйыштас на коскöдыс зонмös.

Сёрнисö öтлаасьöм йылысь томъяс панлисны тöвнас на, кор Тая волис гортас каникул вылö. Кык семья сэки сöгласö эз воны, торйөн батыясыс пыкисны. То öтиыс ыстысис: том на пö, армия эз прöйдит, то мöдыс – велöдчöмсьыс пö ылаласкöдзалас. Гашкö, и мöдтор öлöдис найös ныла-пыслөн гозйöдчöмысь, кöть ылöсас ыстысисны öти-мöдтор вылö.

Кык бать, кык сусед, кык годок – Бусов да Лысов, сиктса ног Флот Иван да Дзоль Вань, нель-ö-вит во нин пенсия вылынöсь. Став олөм-вылöмыс паньтöмъяслөн прöйдитис öтамöдныслөн син водзас (не кö лыддыны öтиыслысь армияын служитöмсö), уленик потшöстор торйöдис керка-картанысö, град йöрьяссö. Мукöддырйи сусед кост сёрни пансьывлис кильчö вывьяссянныс.

— Но мый, Флот, — чилөг нывбаба гөлөсөн горөдчас Лысов, — асывсянь пушкан-куритан, тшыкөдан сынөдсө, сідз нин со ывлаыс гудыр.

— А-а, кык нэм не овны, — өвтыштас кинас, шыасяс мөдыс. Быттё сідзи и колө, оз лөгас ни пыдди пукты тадзи нимтөм-сьяс. Оз өтнас суседыс, сиктын ставөн Бусовөс нимтөны Флот Иванөн. И оз весьшөрө, морфлотын служитөм бөрын көвъясис прөзвищыс. Бусов гордитчө тайөн, өні на пөперега визя дөрөмсө нарошно тыдөдө, вылыс дөрөм юрйылыс пыр кизявтөм. Бур, мый море дорын олысь ёртыс, кодкөд өтлаын служитисны вит во, выльысь-выль татшөм дөрөмсө мөдөдө.

Но а Лысов, поэё шуны, кок йылас сувтөмсянь новлөдлө «Дзоль» нимсө. Куим вок пиысь арлыднас медыджыд, а тушанас медся латшкөс. Дзолжкөн и шуис мамыс, сэсса велөдчигас сідз нимтисны ёртъясыс. «Эн майшась, Дзолжк, — частөкодь бурөдліс мамыс, — война помасяс, бурмас олөмыс бөр, вөтөдан тшөтшьяястө. Ме тэнад кадө дыр жө «сулалі». Быттё өні мамыс ыджыд, гезторйөн вөнялөм купайкаыс пидзөсьяссө туйө, быттё йиалөм зөр кольта, мышсяньыс кө видзөдлыны. Но мыйкө, тыдалө, эз тырмы Ваньлы нюжавны вывлань, армия мунігкежлө (буретш вөлі война помасян во) туис-быдмис метрөн джынйөнөдз. Дзөнь кык весьтөн ляпкыдджык суседсыс. Вот тэныд и өти восяөсь.

— Годок, — водзжык мыйкө юавны ли висьтавны көсьяс Дзоль, а мөдыс, абу кө ас руын либө юыштөм юра, крапкас-вомалас:

— Кутшөм ме тэныд годок! Ме тэысь дзөнь армияөн ыджыдджык, флотскөй службаөн. — Юрсө чатөртөма вывлань, гренадёр кодь, зэрлөма небось. — Став том кадөй сэні прөйдитіс, а тэ... тані нювсин нывъяскөд.

— А мый ме... — оз лөгась Лысов, гөлөс оз лэпты ни. — Кияс кресталөмөн эг жө пукав... Мед босьтисны армияас дай, быдсяма уджыс сэні эм. Наполеон тай меысь ки вомлөсөн и содаджык вөлөм, туйлөма... Мый водзжык гөтраси-а...

Войналөн гым-чардыс Коми муын эз кыв, да бордъясыс тай кузьбсь да чорыдөсь вөлөмаөсь, ад вомыс паськыд и. Тшыг нисьө пөт лун и вой уна мырсьысьөс чышкыштіс-нылыштіс. Торйөн уна челядя нывбабаөс бертіс. Лысовъяслөн мамыс, кодзувкот кодь визув да пельк, акань кодь мича Палаш, кутчысис-кутчысис да эз вермы ас вывтис ставсө вуджөдны, помасис.

Картупель пуктисны вөрпытшса эндөм муө. Кыті путкыльтчө эжаыс, кыті оз. Ставөн төдөны: көйдыс юр татысь он босьт, да плантө тай колө тыртны. Бригадир Руч Ольош бедьён ше-

насьо, тшөктө кион путкылявны пластьяссө. Удж бөрын Палаш гум турун нетшкыштіс му дорысь. Бөрөзда помын дас кымын картупель казяліс – кодкө ведрасыс коляссө кисьтөма. Өтиөс тыртыштіс мунас, мукөдсө, гөгөр видзөдлөм бөрын, питшөгас суйис. Рөкыд вылө (он тай водзджык төд, кытчө усян) Руч Өльөш мөдар му помас вөлөма.

– Ёна нин тай асьтө тшаппозйон лыддян, – гортө мунысь туй вылын Өльөш паныдаліс Палашөс. – Төрыт игөдчи дыркодь, эн восьты...

«Сө ен, абу казялөма», – өзьян чужөма нывбабалон визьнитіс юрас.

– Өльөш, вай эновтчы! – гораа шуаліс Палаш, кыліс мышсянь воысьяслысь гөлөсьяссө. – Этша тэныд челядътөм нывбабаыс. Регыд пиөс мөда гөтравны.

...Руч Өльөш регыд и ветліс гортсыс. Локтіс беддөн, чотыштө. Сэссия тай эз и мун бөрсө-а, көть унаон адзылісны вөрысь бедьтөг котралөмсө, ыджыд нөбийон ташликайтчөмсө. Займитіс озырджык вөралан угоддьояс. Том, ен, чиршөдлө нывбабаясө, шоч лун абу гудыр юра. Коді оз сибөд, кызд кужө, дойдө сійөс. Талун со беддяыд котөрөн лэччөма. Палашөс сувтөдіс колхоз правленньө дорө. Зверыд, мед көть му вылас дөжнөдліс. Нывбабалон кок увсыс муыс бергөдчө, да кытчө вошсян. Өльөш ачыс кыскыштіс Палашлысь вөнъ помсө – дас кымын картупель разгысис-усис питшөгсыс. Квайт төлысь кежлө мөдөдіс Палашөс. Тюрмаө ветлігкості кык ичөтджык писө гуалөмаөсь. Отравитчөмаөсь тшукин тшакон. Чуқырөсь шляпааяс тай тулысын медводз мыччысьоны том пожөма ягын. Сөрөнджык чорыда ранитчөм верөссө госпиталын дыр куйлөм бөрын лэзасны гортас. Томиник салдатлы колльөдны тшөктасны гортөдзыс (код төдас, гашкө, төдісны, мый абу нин дыр олысь). Медбөръя вөлөк вуджигөн вөв доддын лолыс петөма, керкаас кулөмаөс пыртөмаөсь. Кызд татчө өти сьөлөмыд оз пот, кык кө вөлі-а. Вежон мысти Палаш ачыс эновтіс вольной светсө.

Бусовъяс семьяө батыс усьөм йылысь юөр воліс война медводдза воө на. Өтка пиыскөд мамыс кокниджыка вуджис сьөкыд вояс. Көть войсө эз узьны, а мөскысь эз ордчывны. Гожөмбыд, лымъявтөдз турун моздортөг гортө эз бергөдчывны, чукөртлісны төв кежлө гусьон и явө. Вежавидзөмөн мамыс меліа чөвтліс синьяссө пиыс вылө, керкаысь петігөн гусьоникон кинас креставліс Иванлысь мышсө. Батыс кодь жө, Бусов өтитор кыкысь оз висьтав, шуас гырыся, посньөдчыны оз радейт. Школа эновтөм бөрын ыджыдъяскөд радын уджалө. Война вылын коксө воштөм, сиктса медводдза трактористкөд

лун-лун лепсалёны-дзоньталёны киссьём трактор. Гортё кок увсянь юр вылөдз жуж съод воё.

— Нем уджсё вөчан, асьтё песан,— неётчыдысь шульвліс мамыс.— Чөс туйөд прөйдитны он удитлы-а. Руч Өльөш, кывсё, быдлаті гурйысё.

— Мыйла нем удж, мамё. Вежонён кок йылё сувтөдім тракторсё, ловзьөдім, а кык лунён төдан мыйта сійё гөрис, кляча вөвъяснад эськё нем эн вермы вөчны. А вөрад петавла,— ас сертиыс ён гөлөсөн помавліс сёрнисё Иван.

— Эн көть китё лэпты, паныд сюранныд кө векни туй вылын,— дум вылас мамыс кутіс Руч Өльөшсө.

Мөдыс нем эз вочавидз мамыслөн майшасьём вылө. А паныдасьны Бусовлы Өльөшкөд буретш веськалі дзескыдінын. Гөрбыльтчөма съөкыд ноп вөснаыс, Руч вөлі прөсек кузя вуджө егыр вомён. Иван ылісянь на казяліс сійёс, нөрөвтчис коз дорө.

— Кхы,— кызөктіс Бусов, воськовтіс трөпалань.— Мися, коді йөз чөс туйөд шөйтө-а, ас сиктса, вөлөма.

— Вай эн ыршась, вөрыс паськыд. Ставыс тырөма, некод таті оз ветлась,— Өльөш повзьыштіс, казяліс, кызди сы водзын сулалысьлөн пищальсё кутысь кыис зэвтчис. Тані, дзескыдінын, адззылысь-төдлысь абу, быдтор вермас лоны. Но регыд збоймис.— Кывъястө бөрйы, зырым бедь. Төд, кодкөд сёрнитан. Ме вир кисьті, а тэ... сарайясын вонъяс гурьян.

— А тэ, бөжтөм руч, мича бедьтө талун вунөдөмыд, али йөз водзын сөмын ошйысян вир кисьтөмнад? Бурдасны, дерт, лөсасьяс, нитшсяласны ордымьяс, сәті ветлысьясыс кө мөд удж вылынөсь, кодсюрөлөн лыясыс нин абуөсь.

Руч Өльөш грөзитчигтыр ылыстчис, а Иван пыр на броткөдчис вомгорулас: «Кодлы война, а кодлы... Дзольяслысь семьясё орөдіс. А кымынөс дзерөдө, сійё пыр прав, закон сы дор. Кыдзи бара видзөдлас ловйөн кольөм воысь мужичөйяслы синмас, оз кө пышйы татысь...»

...Палаш кулөмсянь коли во. Вань вежаньыскөд да сусед гөгөрсьыс кодсюрө ветлісны шойна вылө. Нель мыльктор орччөн, регыдъя кадөн өти семьяысь нельөн гуё пырисны. Том мортлөн сәтшөма нормис сьөлөмыс, бөрдөмысь өвсьыны оз вермы, кык костын вайөдісны гортас. Удж вылас и сөмын лолыс ыркавлө, гортас некод оз виччысь. Арнас ветліс жө кымынкө лун школаө, лои энөвтчыны бөрья восьыс.

Колхозын уджалысь оз тырмы, а Дзольлөн ки помсьыс быдтор артмө. Удж бөрын на нывбабаяс пиысь кодсюрө чукөстлас кыткө выльдыштны, лөсьөдыштны. Отчыд, рытгорув нин, Бусов нүөдіс пес вөр вайны отсавны. Вой шөрөдз лои манитчыны киссьём тракторнад. Винаён, дерт, вештысисны. Бусовлы мый,

эз и тӧдчыв, а суседыс потшӧс кузя ӧдва кильчӧ помӧдзыс воис, сэтчӧ и пагалі. Эз кӧ понйыс мезды, гашкӧ, сэтчӧ чорзис. Садьӧ воис асьядор, Катшысыс летйӧ-быгялӧ скӧрысь увтчигтыр, купайкасӧ сыри-леткиӧдз чашйӧма-косявлӧма.

— Гӧтрасьны колӧ, Ваня,— ӧти рытӧ вежаньыс, мамыслӧн чойыс, Дзольӧс суис ыж шыраніӧ.— Дыр-ӧ тадз кутан овны. Аслам овмӧс, быд пӧрйӧ ог вермы отсавны тӧныд.

Сідзи и эм. Вежаньыс — мунлытӧм ныв, эз жӧ удайтчы виччысьны тӧдсасӧ. Комын арӧс виччысьӧ, а лыясыс пӧ дзуртӧны нин. Ӑтка морттӧ война чӧж таргайтисны вӧрти да ва вывтӧ.

— Эн орӧдчы овмӧссьыд, бур сьӧлӧма тӧварыш корсям. Мый сӧсся вӧчан, сэтшӧм нин кӧ мяян чассьӧным. Катяыд тай карын велӧдчӧ-а.

Дзоль Ваньӧс он ӧткодяв Бусовкӧд. Клубын сійӧ быттьӧ став нылыскӧд тӧдса: то ӧтиӧс крукыштас, йӧктас бурпӧт, то мӧдӧс нин бара бергӧдлӧ. Сідз жӧ и вежлалӧ найӧс колльӧдчигӧн. А ичӧт Вань ассяыс на томджыкъяскӧд пельӧсын доминоасьӧ либӧ картіӧн ворсӧ. Сӧсся тай нывъяс ышмасны да сой пӧлӧдыс кыскасны вежлыны мудзӧм гудӧкасысьсӧс. И сӧки сійӧ оз видзӧд йӧктысьяс вылӧ, гарчикыля юрсӧ боклань бергӧдӧма, шочиника тапйӧдлыштӧ веськыд кокнас. Но вильшасьныд, кӧсьяс кӧ, кужӧ жӧ.

Гожӧмнас спектакль дасьтисны клубын. Ӑтилаын колӧ вӧлі кутчысьлыны да окыштчыны ныла-зонмалы. Репетиция дырйи Дзоль сывйыштӧм пыдди полігтыр кисӧ пуктас Митрӧш Катялы пельпомас, копыртлас юрсӧ. Ёртъясыс сералӧны: кын морт ли мый пӧ тӧ. А сцена вылын, йӧз водзын нин ворсигӧн, кыкнан кинас шамыртис Катяӧс, ставлы кывмӧн окыштіс ӧтчыд дай мӧдысь. Ёна и клопайтисны видзӧдысьяс. Янӧдін пӧ,— клубысь мунігмоз шыасис Катя. А мӧдыслы быттьӧ сідзи и колӧ, быттьӧ ӧти лунӧн збоймӧма, бара на топӧдіс ас дорас нылӧс, лемасис парьяснас сылы вомас.

— Карад регыд дзольястӧ вунӧдан... Мӧд гожӧмӧдз он волы.

— Ёна тай ме ыджыд, вуджӧрьястӧ видзӧд, ӧткузяӧсь. Он и аддзыв, прӧйдитас кадыд. Помалӧм бӧрын ас сиктӧ воа.

Митрӧш Катя топыдик тушаа, но абу косыд. Кор мыйкӧ юаласны сылысь, веер кодь синлысьяссӧ чӧвтас вывлань, сӧтӧр тусь синъяссӧ лапниттӧг кывзас тӧнӧ, вӧлись шыасяс. Сои кызта кӧсаяссӧ юр чук йылас гартӧ. Гожӧмнас кымыныськӧ пӧдругаясыскӧд Дзольясӧ пыравліс. Пӧди, мед эз думайтны: вӧйысьӧ пӧ.

Мӧдысь Дзоль Вань нывлӧн сывйӧ веськавліс гумла вылын. Кольтаяс новлігӧн Ӑнтип Лена конъяліс зонмӧс, ачыс вылас вувзысис, тайкӧ пӧдтас морттӧ. Иван нем оз вермы

вöчны, бөръяпом кутчысис зумыд сёркни кодь морösъясас, пескыльтчис выныштчöмөн, ас улас топöдiс. Лена серам сорөн шуалö: «Ён тай вöлöмыд, мича и. Позьö нин гöтрасьны». Лена эз вунöд: кольöм тулысö чарöм кузя том йöз курасьны ветлисны. Дзоль сэки первойөн казялис Митрöш Катялысь дзикöдз укшальмöмсö, аслас дадь бöжö домалис сылысь дадьсö. Öтлаын пö кыскам. Аслас эськö туруныс медся уна вöли.

Öнтип Лена еджгов юрсиа, шылъыд яя кисьмöм нин ныв. Чöдлач рöма синъясыс пыр ворсöдчöны. Школа помалöм бöрын сиктысь эз мун, эз эновт висьысь мамсö. Öни öтлаын ськöд куканьяс видзöны. Клубын йöктигөн ёнджыкасö бергöдлö сийöс, колльöдлö и. Но кывсис: порогсö вуджны кавалеръяс пиысь Лена некодöс на абу лэдзлöма, кöть сиктын вöли сэтшöм мода – колльöдчöм бöрын зонъяс пиысь кодскюрö эновтчылисны нывъяс дорö асылöдз, сарайö зэвтöм вонийын öти шебрас улö. Ставөн тöдiсны, кодi кодкöд радасьö, но нем сэтысь лёксö эз аддзыны, кöть гозийөн узылысьяс пиысь ставөн эз лоны гозъяясөн. «Чурка»-кагаяс лöсьöдöм мода эз вöv.

Кöть кисьмöм трактор, а укшальмöм вövъяссьыд пыр нин ёнджык. Отсавны корысьыд пыр эм и. Удж бöрын Бусов то пес кодлыкö ваяс, то турун кыскыштас. А удждон – öти: курыд ва. Неöтчыдысь Иванлөн мамыс вой шөр войын порсь-палиён вайöдлис писö гортас, чеччöдлис аляваöдз коддзöмаöс шоныд вольпасысь, ныв ли том дöва дорысь. Кадыс вöли сэтшöм: муса зонъяссö да верösъяссö виччысьны надеяыс воши, сийөн и кодскюрö верös пыдди пыртiсны нэриник на зоньясöс, ар дасөн ассяыс томджыкъясöс. Унджыкыслы, дерт, мойвиис позтöм көк моз нэм помсö виччысьны.

Дзоль көсийö нин вöли эновтны овмössö, орчча лесопунктö сетчыны, да вежаньыс пыр дольö: «Пövтö лöсьöд, пövтö. Орöдчыны кокни, а чукöртны-лöсьöдны дзик пыр он вермы». Öни эськö Иван мössö лысьтö ачыс и көлуйсö песлалö, но мамыслөн чойыс быд лун на жö пыравлö, кор асывнас, кор удж бöрын. Кодкö лунö тай Öнтип Лена (Иван ветлис кукань картаö ляснияссö дзоньтавны) шуö: он пö тай тыдавлы, али гöтрасин нин. Гöтраси пö, – шмонитiс сэки Дзоль.

Субöта рытö вежаньыс мырдөн тшöктiс вöччыны Иванлы, қорасьны пö мунам.

– Кытчö нö нуöдан? – серам сорөн юалис вежапиыс, аслыс окота жö тöдмавны, кыдзи-мый қорасьлöны.

– Этша ли мый сиктын вожа «кыддзыд». Ленаясö ветлам. Оз тусь кодь тай, öтарö-мöдарö оз шыблась, уджалö бура и.

Гашкö, дас пöv вежаньыс ас кежас лыддьöдлис сиктысь чышъян новлысьясöс. Думсьыс сувтлис нин комын арöса дöва,

зэв авъя нывбаба вылө, бөръяпом думыштис: гашкө, вежачиыс бөрыннас норасыны кутас сы вылө. Сійөн и нуөдис Өнтипъясө.

Дзоль полыштис Ленаыс. Медводз, дерт, сы понда, мый ачыс дзонь весътөн ляпкыдджык сыыс. Оз-ө мөдны серавны йөзыс орччөн мунигөн. Сэсся өд быттьө төдчыштис Леналөн Бусовкөд радасьөмыс. Өни суседыс армияын, быттьө гусясьөм-кодь артмө.

Сиктад ставыс син водзын. Муртса на пырисны Өнтипъясө, эз на удитны могсө висътавны, Бусов Иванлөн мамыс пырис. Юрнас матичө муртса оз тшук.

– Бергөдны вои!– кыз гөлөсөн шыасис порог дорсянь. Тыдалө, өшинь пырыс казялөма вөччөм прөйдитысьясөс.– Көнкө, письмөасян салдаткөд, надейтчө,– скөра видзөдліс Өнтип эняныла вылө, сэсся бергөдчис том мортлань, видзөдласнас мурталіс Дзольөс, өткодяліс невестапуыскөд.

Корасысьяслы ни бергөдысьлы сійө рытө Лена нем эз вочавидз, но өтрасөн кольөм бөрын дыр мөвпаліс олөмсө вежөм йылыс. «Бусов, дерт, ён, өтка пи, да код төдас, кызди на олөмыс сыкөд паняс. Армиясянь ыстыліс өти письмө, гөтрасяс пө воөм бөрас. Но кывсис и мөдтор: сэтшөм сяма письмөяс воөмны и мукөд нывъяслы. Өтка том дөвалы зэв жө бура гижөма. Енмыс төдө, код вылө сувтас служитөм бөрас, вит во бөрас. А Дзоляыс? Тушанас ичөтджык... Зэв өкуратнөй, мый босьтас, сійөс и вөчө. Оз баквалитчы ни. А любовыс? И сійө лоас. Ассянь»,– бөръяпом такөдис асьсө. Мамыс тай думъясө вөйтчөм өшинь дорын пукалыс нылыслы шуис өтчид: пу йылыс пө турияс оз корсьлыны.

Кымынкө лун бөрын Лысов Вань Леналөн кавалерьяс пиыс медводдзаөн вуджис Өнтипъяслыс порогсө дай кольчис вой кежлө. Сиктө волісны карса артистьяс. Дзоль ветліс жө. Клубыс воигөн кодкө кутчысис сойбордьяс. Лена вөлөма.

– Да мый тані кынтөдчам, пырам керкаө,– кильчө помын сулалыштөм бөрын корис Лена. А вежон мысти ачыс нин көзяитіс Дзоль ордын.

Сёрни-басни, дерт, томъяслөн өтлаасьөм йылыс сиктын кыптыліс, сытөг эз коль. Өтияс мыськисны-пожъялісны зонмөс, мөдъяс ошкисны-кулитісны нылөс. Но регыд ставыс бөр лөнис, здра кывсө песны помкаыс эз вөв. Юөр мунома и ылі море дорөдз. Меным пө сюрас Лена кодбид,– гижөма кодлыкө Бусов. Верма пө и сьорыс бурджыкөс на вайны.

...Кадтө он сувтөд, луньяс каттьөны төлысьяс, төлысьясыс өкмөны вояс. Дзоль өни веськөдлө стрөитысьяслөн вит морта бригадаөн. Вит пиыс кыкөн – война вылыс бергөдчөм, ранитчылөм мужичөйяс. Уджыс юр вывтис. Сьөкыд воясө

вильыс нем эз кыпты, өні на пыр важсө лепсалёны. Асьныс жө вөр пөрөдөны и пилитёны. Лена мөсьяс дорө кутчысис, өти пемыдсянь мөдөдз картаын. Комын мөскыслы кымын гоз ва нөбалас, турун разодас да куйөд зыртас. Мөдас лысьтысьны, киясыс легзёны. Лысьтысянінас и кага ваян кадыс суис. Иван верөсыс сутш кежлө жө пыравлө гортас. Асья пемыднас от- сасьö гөтырыслы, рыт пемыднас пес вевт улас тотшкөдчө: то рама лөсьөдө, то курич лөсьйө. Юрас мөвп: выль керка дорө кутчысьны, важыс омөльтчөма. Сійөн и посниджык коланторсө водзвыв дасьтө. Кымынысь нин тшөктыліс тьөщайсылы, Лена мамлы, вуджны на ордө, сідз нин пө став гортса уджсө мя- нын бергөдан, челядькөд нокеян и.

А вит во чөжөн Бусов ньөтчюд отпускө эз волы. Сиктө пы- рис ар водз помын, лытмөг на. Рытгорув, Лена буретш вөлі воө собранньö вывсянь, бокиса уличсянь шарс петіс матрос. Бусов штиблета, юр чук йылас сьөд лентаа шапка, бушлат кизьясыс дзирдалёны. Кажитчө: ещө на содөма армияяс. Амысь кодь гөрба ныр улас устор чушвидзө. Вочаасьөм бөрын ша- мыртіс нывбабаөс, торйөдіс му бердысь.

– Иван, лешак, дойдан өд!– чилөстіс Лена, кокъяснас тривөдіг.

– Өні жө гортө нуа, мырддя Дзольлысы!– өшлөн кодь кыз гөлөсөн мургис улич тырөн.– Небось письмөтө эн гиж.

– Көсьөмыд сьөрсьыд вайны да,– Леналөн бандзибьясыс өзйөны, кагаөс чужтөм бөрын ещө на мичаджыкөн петкөдчө.– Кузь нин бөжөй, кык аканьөс быдтам, коймөд закажитөма.

– Шуа: гортө нуа,– неуна гажа юра, оз өвсьы Иван.– Юр- над и бөжнад нуа, ставнад.

– Тані унаөн виччысьөны,– увсянь вывлань видзөдліс Лена.

Армияысь воөм бөрын и көвъясис Бусовлы «Флот» прөзви- щецыс, мөд нимөн лои. Абу дивө: өтнас сэтшөмыс сиктын. Воөм бөрас, гашкө, төлысь чөж Флот Иван «газуйтіс», чуймөдліс нывъясөс. То өтиөс рытнас колльөдө, то мөд дорысь асывнас петө. Код төдас, мыйта бучкис-дуньгис винасө. Өтчюд курыд ваыс пөрөдөма ён морттө, ва гуранө нюжгысьөма. Челядюлов котралёны гөгөр, косөма пө морякыс, мөдьяс вензёны – якө- ритчөма пө. Мамыс Иванлөн чалъялө, беддён вөтлысьө мыжа кычи бөрысь моз. Пиыс сійөс сөмын и кывзысьө. Сэсся, ты- далө, тырис нормаыс, пөтіс чуллыс, өвсис Иван, машина вылө пуксис. Сэки и казялісны сылысь Митрөш Катякөд, сиктса фельдшерицакөд, радасьөмсө. Регыд сэсся и өтлаасисны.

Вит воөн Катя козьналіс Флот Иванлы нель пи. Кизь кодьсө, орччөн кө сувтөдны, тшупөдъясыс оз ёна төдчыны, быттө веретя вылө өти воёйө мыччысьөм ягсеръяс. Флотлөн

семьяыс өтрөвнөасис Дзольяслөн семьякөд. Сэни – оз тусь кодь нель нывка, дерт, ыджыдджыкось арлыднас. Ставөн шабді сөдз кодь юрсиаось, лөз синъясаось, мам нывъяс.

– Но, Иван, – потшөс сайсянь шыасьліс суседыс, – бракодел жө тэ, коліс жө сорөд вылас өти шапка новлысьөс лөсьөдны, рөдтө нюжөдысьөс, овыд вошас. Менө нин көть корлін, ачыд кө он путьмы, – вак-вакөн серөктыліс Флот.

– Ставыс водзын, паньтөм, – серам сорөн жө вочавидзліс мөдыс.

Шуөны тай: кутшөм пу – сэтшөм и өтрөстель. Дзольлөн нывкаясыс мам-бать кодыс жө уджачось да сюсьөсь. Горт овмөс дорас мамыс өна оз и сибавлы. Ыджыдджыкъясыс мөс картаын нин отсасьөны, некутшөм тшөктөм ни садьмөдөм асылын оз ков. Лена Лысовалы кодсюрө завидьтө сиктын: бур мужиккөд пө быттө өн борд улын олө, челядыс сэтшөмөсь и.

Веськыда кө шуны – бокисянь тадзисө петкөдчө, быттө Дзольяс пыр кыр горув исковтөны, некытчө мытшасьлытөг. Кодзувкотъяс моз зільөмсө быттө оз казавны. Иванөс бөс-там: шондитөг чеччө, удж вылө петтөдз горт гөгөрыс пөсаятөдзыс тотшкөдчө. Окмыс пельөса керка лэптисны да срубсө кыпөдөм кындзи некодөс эз корлы. Мусө сөйө-уджалө.

Сөгласөн олігөн уджыс да кадыс быттө оз мөрччы Лысов гозъялы. Лена вежас уджалан паськөмсө, поэь нывъясыскөд өти радө сувтөдны. Мукөддырйи Иванлөн вежөгтөм быдөн чужө гөтыр вылас. Сулалөны потшөс отар-мөдарын, зэв меліа сөрнитө Флоткөд, синъяснас ворсөдчыштө и. Сэсся асьсө жө дивитас: сымда олөны, нельөнөс быдтөны. Төдө, кызди водөм бөрас Ленаыс кутлө, быттө төлысь чөж абу аддзысьлөмаось.

– Регыд старик гозья кыкөн колям татшөм короминаад, позяс дзебсясьөмысь ворсны. Быдтасъясыд регыд жбыркнитасны чужан позсыс. Ыджыдджыкъясыд зонкаяскөд нин чиктылөны. Оні сэтшөм модаыс, велөдчыны мунасны, бөрсө оз бергөдчыны. Уджыд томъяслы сюрө.

– Ньоти ог мыжав найөс, – Лысов пуксис пызан дорө гөтырыслы паныд. – Гашкө, нывъястө көсьян ас дорад кыскыны. Думыштны эн лысьт. Көть, шуам, найө асьныс аддзөны, кутшөм сиктын олөмыс. Онөдз на каитча, мый ас кадө лесопунктө эг мун...

Орчча керкаын нель вок, кыз шуласны, мусянь тэчөмаось, батыс рөдынось. Юаласны улич вылын (сідз нин көть төдөны), кодлөн нө тайө зонкаясыс. Флот Иванлөн пө, – вочавидзасны өтпырысь. Быдмам пө да флотө жө мунам служитны, оні пө купайтчыны мөдім, матрослы пө колө кужны бура вартчыны.

– Куштасны-орёдасны татчө, вурны ни дөмны ог удит,— Катя неётчыдысь потшөс сайсянь норасьліс Леналы.— Тэныд мый, майбыр, шог ни печаль нывьяснад, а ме лун югыдсө ог аддзыв, бергала юртөм петук моз, некодсянь некутшөм отсөг. Прамөя сёйны ог удитлы, сөмын новлы пызан вылад.

Збыль, Катялөн син гуранъясыс вөйөмаөсь, лөзөсь. Флотлөн медтыкө машинаыс жургис, некор оз юав, тшыгөсь ли пөтөсь матросьясыс, пасьтөдөмаөсь ли комөдөмаөсь.

– Быдмөны тай, яйыс кө оз тыдав и,— вочавидзас гөтырыслөн дурскөдчөм вылө.— Уджавны кутасны, вөччөдасны асьнысө.

– Киссьөм машинанад ачыл и челядыс тыассьөмны лөк дукнас.

– Эн броткы, ог ли мый уджав. Удждонысь көпейка на эг юлы. Леналысь гөлөс он кывлы, а тэ...

– Мед вайин Еленсө дай, колльөдчылін тай,— медбөрын оз вермы кутчысьны Катя.

– Дзолькөд тай төдса жө вөлін, мед мунін дай, эськө кык өткөд вөлінныд, лызь гоз.

– Мый тэ кузь да төлкыс, вина вылө вынтө лэдзан...

– Катя, эн лөгөд!— ыджыд гөлөсөн шыасяс Иван, ачыс серөктас, мед бурөдны нин гөтырсө.— Кымынысь висьтавлі, абу кузь, а высокий стройный парень. Кузьыс сійө... но мый куйлө, шуам кузь потш, кузь туй...

– Кодлыкө чассьөыс аскөдыс чужө, кургы да ов, а мукөдлы...

– Тэ кургы жө, со пьяныд, Ен накөд, мусюр кодьөсь. Он и төдлы, гөтрасясны, моньясыд ки выланыс кутасны новлөдлыны...

– Виччысь нин... — медбөрын Катя өвтыштіс кинас.

Флот Иван абу мыжа, сэтшөм нин кө сиктын модаыс. Бур вөчыштөмысь сьөм босьтны абу лөсьыд, а стөкан винаыд удж бөрад, мудзөмйивсьыд, вывті на и лөсялө виртө сорыштны. А отсыштны өтка нывбабалы либө пөрысь мортлы некор оз пыксьы. Вермө да. Гажмыштөм юрөн кильчө помас горөдас:

*Раскинулось море широко  
И волны бушуют вдали...*

Керкаө пыригкежлө зонкаяс шаргысясны-дзевсясны койыштөм анькытш моз, быттө абу и вөвлөмаөсь. Батъыс мукөддырйи чиршөдыштлө найөс, мед збөйджыкөсь вөліны. Гөтырыс серам петөмсө муртса кутө, мед көть, мөвпалө, керка пытшкөсыс этша шойччыштас шум-гамсьыс. Төдө: верөсыс оз лөкысь,

гыжъя печикон некодос на эз вөрзёдлы. Но батылы регыд аслыс лоо шуштём лоньсыс, негораа шуас: «Позьё петны». Быттё вильыш кычияс уськөдчасны сы выло, коді пельпомъяс вылас кавшасьё, коді зепьяссё гурийё. Төдөны: батыс чөсмасянтортог оз косавлы. Вунөдас кө, посводз шкапысь пыригмоз зептас пуктас. То өтиөс пөтөлөкөдз качөдлас, то юрсө шылькнитас мөдлысь. Пияныс вермасьны корөны, талун пө тэнө, батыё, вермам нин пөрөдны.

Лена кө керка дорас ноксьё, Бусов мунігмоз пыр нин шыаяс, мукөддырйи дойдыштас кывйөн.

— Сит косьтысьяс, мөс юантө пыр на пу ведраөн новлан. Лоас, тыдалө, нёбны лавкаысь. Он кө тырмөдчө, шуа.

— Зэв на и лөсьыд, Ваня ачыс вөчис, — серөктас Лена.

Талун со Лысова көбрегас лым койё, суседыс бара горөдчис: — Сельпоө вайөмны көбрегьястө.

— Капуста пельсаыд ни порсь задйид холодильникад оз төр, абу өд, Иван, этшаөнөсь. Али он төд?

Флот Иван запасьяс вөсна оз ёна майшась, талун кө эм, аски бара Ен да бур йөз. Тшыгйөн тай оз овны, скөт видзөны и. Сөмын тай турун пунктөм-дасьтөмыс Бусовөс голя помөдзыс вайөдіс. Трудодень выло сетөмыс муртса төв шөрөдз тырмө, гожся войясын лоө кокасьны вөрпытшса эндөм видзьяс вылын. Бур, аслыд кө сюрас гусьөн вайны, а то кыскасны общөйё либө сотасны места вылас. Челядыс кө эз вөвны, важөн эновтіс киссьөм колхозтө. Не кө гөтырыслөн удждоныс (больничасянь сьөмтор сетөны), кыстө көть нюжөд.

Шуөны: неминучаысь он пышйи, сійё виччысьтөг суөдө. Öти асылө Лена воис лысьтысьны, повзьөмысла муртса гатш эз усь. Медся йөла мөскыс червидзө, домасян чепнас дзугсьөма лясни костө, джагалөма. Көсийсны томмөдны асьыныс вердысьсө, өшка куканьөс лои нуны гортсьыс. «Мый сэсья вөчан, — өлөдіс Ленаөс верөсыс, — асьным бара быдтам, сымда сьөмсө кытысь босьтан».

Флот Иван кык лун кезлө и вошліс гортсьыс, колана частьясла пө ветла карө. Мөд лунө, рытьядор, керка дорас сувтіс ичөтик турунвиж машина, нязнитіс-тутөстіс гудөкөн моз. Кыдзкө тай төрөдчөма пытшкас, пидзөсьясыс морөсас пыксьөны. «Полундра!» — восьтіс бокыса өдзөссө, горөдіс морөс тырнас. Тайё пө миян вөлыс өні. Лотерейөн мортыд кыйөма, некодлы эз и висьтавлы. Гөтырыс и суседьяс дивитісны, кабыр тыр сьөм пыдди пө телега босьтөма, дыр-ө пө голлялас миян туйясөд. «Пиянлы тайё!» — гырыся вочавидзис Иван. Сідзи и лои: машинаыс важөн оз гөглясь, а нельнан пиыс шоперьясөн лоисны.

Отчыд Дзольлөн гөтырыс удж вылысь воём бөрын полөмпырысь шыасис:

— Ваня, шойччыны ыстөны совхозсянь (колхоз пыдди сиктын совхоз лои), путёвка вөзйөны дон босьтөг, туйсө пö вештасны и. Нем на эг шу тэкөд сёрнитчытөг. Кызди нө ме лысьта сы ылнасö напуститчыны, море дорөдз, некытчө на эг петав да.

— Ветлы, — неуна чөв олыштөм бөрын шыасис верөсыс. — Кывийд нуодас, гашкө, карсянь төварыш на веськалас, юасьлан. Мый сэсся, горт уджъяс тай помалім: турун пунктөма, картупель меститім. Мөстө ачым лысьта, поэь и Катеринөс корлыны. Мед йөвсө босьтас, мөссьыс тай дугөдчисны жö. Пöрысьмам татчö, вöльной светсö ог аддзылөй.

Сэтшөм и эм. Леналы нелямын тыри, а быд лунъя сьöкыд уджысь да челядсö быдтөмысь мый аддзыліс. Кызь кык во гортяныыс мөс картаö туй талис. Колхозын некутшөм отпуск эз вөвлы. Совхозын нем жö ёнасö эз вежсьы, изневолю уджалö. Бур уджысь орден сетісны да он тай сыысь пöt, отчыдысь, сетан луннас, и öшөдліс морөсас. Сы понда и öні нывъяссö ньöти оз мыжав, мый эновтөны чужан позсö. Кыкөн верөс сайынөсь, коймөд петан выйын. Сиктын овтөм керкаяс содöны, а уджсö сійөс жö колö бергөдны, ставыс ки помысь вöчсьö.

Флотлөн пияныс сьөрсьөн-бөрсьөн прөйдитөны армия. Кодкө карысь удж аддзö, кодкө стройка вылө кольччөма. Медічөтыс ПТУ-ö таво пырис. Öтнас батыс киссьөм машинанас лун-лун ноксьö. Некутшөм надея выль машина вылө абу.

— Со Прибалтикасыд важся пöдругаыд гижö, кодөс тай көсйылөмыд вайны, — гөтырыс мыччис зэв мича конверт. Флот нем эз вочавидз, осьтіс письмөсö.

«Сэсся нö дзикөдз пöрысьмин али сэтшөм нин сьöкыд лоин, — лыддис вомгорулас Иван. — Вежон кежлö горттö он вермы эновтлыны. Тайö пöрйö быть ковмас волыны, тырмас пөръясьны. Пиөс гөтрала, а браток пызан сайын оз ло. Дядя Ваня, вежай — тіян ног кө — мед вöлі локтөмыд», — содтөма «братоклөн» пиыс.

Служитігас төдмасьöмыс лои, первөйя онас на. Бусов казяліс палуба дорышысь том матросөс, мыйкө вөчö вöлі. Сэсся тай вильснитіс, увлань юрөн уси ваö. Иван видзөдліс гөгөр — неқод оз тыдав, горөдіс мый вынсьыс, паськөмнас чеччыштіс бөрсьыс. Мөдыд, вөлөмкө, усигас юрсö дойдөма, воштөма садсьö, удитөма нин изъявны. Суналөм бөрын кызкө веськаліс ки улас. Ёртъясыс отсалісны лэптыны. Рытнас жö строй водзын: капитан благодарность висьталіс, разис кисьыс часісö да сетіс Бусовлы. Бурдөм бөрас матросыд вокөн-братокөн кутіс нимтыны Иванөс. Дзик матысь, море дорысь вөлөма. Бусов некымы-

нысь увольнение дырйи ветліс на ордö. Гортö петігөн бара на кежавліс. Буретш пи чужöма братокыслөн. Мед пö вежайөн лоас ылі Коми муысь тайö ён зонмыс,— шуис сэки рöдвужсьыс медся пöрысьыс. Пыр вöлі корöны Иванöс, а ветлöмыс сідзи и эз артмыв.

— Ерöмаканы! Сэтшöм али мый нин сьöкыд лои!— Флот кучкис кинас пызанö.— Катя! На со, лыдды да лöсьöдчы нюжмасьтöг,— мыччис письмöсö гöтырыслы.— Сьölöмсянь корöны, туй вылö на пö бöрсö отсалам.

— Коді кутö, ветлы,— лючки шуис гöтырыс.

— Лöсьöдчы, шуöма, корö тай öтлаын. Ок, машинаöс пиянöй рушйисны, позис эськö места вылöдз гольгыны.

— Коді менам пыдди уджалас, отпускали нин да. Тэныд лöсьыд.

— Сё мокасьтö, бара загвоздка, пыр кутшöмкö загвоздка. Мыйся олём. Вай звöнит районö, али ачим ветла,— Иван кузь воськовъясөн öтарö-мöдарö мурталіс джоджсö.

— Сэні сідз оз тырмыны медикъясыс, коді татчö локтас...

— Адöй, адöй! Пыр огö эштöй, лун-лун мыркам, олём пыкам. Шойччыны огö эштöй. Нель пи быдтім, кутшöм инö олём тайö.

— Ветлы öтнад, отпуск буретш. Кыдзкö виччысьтöг тай лои...

Вöвлöм матрослы лöсьöдчыны абу дыр. Асывводзын пöпуттьö машина крукыштис, карын манитчытöг самолёт вылö веськаліс. Рыгъя горулын тöдса хутор дорын вöлі. Иванлы местаыс тöдса, сöмын тай ёна вежсьöма бурланьö. Керкаыс пöвйөн эжöма, пырыс тыдалана веранда. Гөгөр дзоридзяс, тані найö абу на кулалöмны, ывлаас оналö шоныд. Кытшалысь садсянь öвтö чöскыд көрөн. Ньöти ёг чир он аддзы муысь. «Вот йöзыс олöны,— шензис воысь,— колö жö тадзи пелькөдны. А ми няйт пиын луасям. Велалöмаöсь...»

Примитисны сійöс рöдняöс моз. Хуторыс курорт кар дорын, мореыс тыдалö. Ывла вылас и гажöдчисны.

Коймöд луннас Иван карлань веськөдчис, шуис пальöдчыштны, видзöдлыны тöдса местаяс. Кутчысьöмөн куим нывбаба, öткодъ кымын арлыдаöсь, паныд воöны. Шöрсаыс зэв тöдса кажитчö. Бусов сувтовкерис, эскö и оз синмыслы.

— Мый нö сувтін, Флот, он-ö нин менö корсь?— шыасис шöрсаыс. Аминьö! Дзоль гöтыр вöлöма. Лена. Неуна сімны нин удитöма, пасьтасьöма карса моз. Лена тöдмөдіс пöдругаяссö. Сэсса найöс кыкөнöс колісны, пляж вылын пö аддзысям.

— Лена!— муртса саймовтчисны пöдругаясыс, Иван шамыртис суседкасö моздорас.— Лена, тэ тай он и пöрысьмы, буди, ми-чаджык на лоöмыд-а.

– Уф, пöдтiс татчö ош выннас. Мичаджыка пасьтасьöма да дерт. Висьтав, кызди тэ татчö веськалин?

– Тэнад кок туйяс серти вои. Со öд кызди овлö. – Сэсся висьтасис воан могсö.

Лена сой пöлöдыс босьтiс Иванöс, мöдöдчисны садпытшса туйöд.

– Со кызди йöзыс шойччöны, Ваня. Ме первойысь петi море берег вылö да повзи, пасьтöм йöзөн вольсалöма лыаыс, öта-мöд вивтiыс восьлалöны-вожмавлöны. Дивö кодь вöли. Öни так велалыштi, купайтчан кöлуй и быдөн ньöби. Со, шуа, кöни выныс, совхозад. Ми шойччан лунтöг уджалам, висьман лысь-тысьсысьсöс некодөн вежны. Тöдан, – Лена кутыштiс Иванöс киöдыс, – дзик тöдтöм йöз здукөн партитчöны, рытнас кутлысьсöны, окасьöны и... Тöрыт öти нывбаба колльöдис «тöдсасö», эскан-ö, бöрдiс. Гортас пö верöс и кык челядь.

– Ми тай со кутлысям жö, – Иван бара шамыртiс Ленаöс. – Пöди, кыкнаннымлөн тожö кодкö эм. Ылыстчан тай гортсьыд да быттö дом йылысь мынöм вöv. Гашкö, и партитчам жö да кольччам татчö, тöдсаяс менам эмöсь, отсаласны.

– Вай дугды, нем абусö эн баит... Дзольöс ме некод вылö ог веж. Ми олiм нин асьыным. Пöдругаяслы тай висьтася, мися, баб нин, ог нин сы йылысь думайт. Сералöны, позьö на пö тэ дорын шонтысьны... Оз тусь кодь пö, и вирыд потö...

Сэсся Лена петкöдлiс оланiнсö. Öтка баб дорö индöмаöсь, зэв лöсьыдiник жыртор, торья öдзöс и.

Флот Иван неуна нюжöдыштiс Прибалтикаын отпусксö. Лена вöсна, дерт. Унджык кадсö öни коллялiс ськöд, лунын и рытын, войнас и.

А Дзоль Ваньлөн гортас ставыс лючки-ладнö, уджалö и горт овмöссö кыскö. Том мöснас тай матö воис, лясни дорö кöртышттöг лысьтыны оз сетчы, мутиыд бöжнас öвтчö и. Сэсся, тыдалö, öтчид чорыджыка ырыштчöм лои, йövсö эз мöд сетны. Сийөн и Катеринöс чукöстiс.

– Тэ, Ваня, мукöд нывбабаысь буржыка справляйтчан, ставыс тэнад дзим-дзурк мыськöма-пелькöдöма, – подöнчаөн пырöм бöрын шыасис Катя, пуксис кöтшас лабичö суседыскöд горулалыштны.

– Мый эськö, да олысьыс тай эз ло. Нывъясыд, найö бордсялiсны дай жбыркнитiсны. Сöмын приданнöй удит дасьтыны...

– Ныв кöть зон, öткодь. Миян тай медiчöтыс гижö, тулыснас пö помалас, бура велöдчöмысь сэтчö и кольöдасны.

– Ог тöд, кодi мöдас сиктын уджавны. Ыджыдджык классяс таво школаын туйпöмаöсь нин-а. Первойö витөн пырöмаöсь. Эг вунöд, ми нелямын куимөн вöлим.

– Ми тай мөскысь көдзөдчим жө-а. Кор ковмас, магазиньсь ньобыштам.

Субөтаө Дзоль ылісянь на казяліс: керкаас биасьомны. Вөлөмкө, Катя Лысова джоджсө мыськө, ковтатөм, юбка бөждорсө пөдпушка костас суйыштөма, кок пөкъясыс ворсөдчөны зэлөдчөмысла.

– Мый нем абусө вөчан, няйтсө некод оз пыртав да. Колөкө, ачым верма.

– Бонмалышти тай бусьяссө, суөдін со... – Катя мынтөдіс юбка бөждорсө, палгис койка юр вылө шыбитлөм ковтасө. – Вольсьястө инө пыркөд. Пөлинө, пывсянтө өд ломтышти тиянысь, миян дырджык оз шонав.

– Но тай тэ кутшөм, – Иван мелі синъясөн видзөдліс суседка вылас. – Мися, асывводз дзулгышта-а...

Дзоль вель дыр клестайтіс пөжөм корөсьөн, бритчис и быдөн пывсянас. Катя гортас лөсьөдчө, кор керкаас пырис.

– Пывсян вөдитін, мун небзьөдчы, өдйис зэв лөсьыд. Коліс эськө өтлаын ветлыны, өта-мөднымлысь эськө мышъясөс ниртім. Водзті тай, рынышө моз, мыйта төрлөмны пывсянас сусед гөгөрсьыс чукөртчылөмаыс.

– Час, ветла и эм, көлуй босьта да.

– Пыр сәсся, чайөн юктөда, мед бара корөм эз вөв.

Катя локтігкежлө Лысов лөсьөдөма пызансө. Дзирдалысь электросамоваркөд орччөн вина доз. Ачыс шыльөдчөма, пасьталөма юсь кодь еджыд дөрөм.

– Вай пуксы, сусед, – Иван кисьталіс чайсө, румкаясө винасө. – Сорыштам вирьяснымөс, важсө казтыштам. Көнкө, винасө эн и видлывлы, көрсө он төд.

– Кылөдыштавлі. Мукөддырйи, мед Иванлы этшаджык сюрө. Миян өд сійө оз тэнад моз. Көть бөчка тыр, а колө помавны.

Сёрни-басни костын кадыд өдйө мунө. Катя өтырышъя видзөдлө часі вылө. Мукөд лунө серти Дзоль тарыт унджык примитіс, юрөдзыс кайис. Пельяснас кылө вирыслысь өдөбөн гөгралөмсө. Катялөн бандзиб йывъясыс мөдісны өгравны жө.

– Струментөй сімны мөдөма, зэв шоча босьтла бөръя кадө, – Лысов кыскыштіс пельөсысь гудөксө, мөдіс нязөдчыны. Катя кывъяс шуавтөг мизөдчыштіс вомгорулас, сәсся гораджыка мөдіс нюркйөдлыны:

*Оз нин сюрлы вина юны,*

*Оз нин сюрлы кодавны.*

*Оз нин сюрлы кода юрөн*

*Свөячкаөс нөшкавны.*

– А помнитан, Вань, спектактö. Сьölöмös сэки вөрзьöдін. Коліс жö сымда йöz водзын збыльысь оқыштны. Сэсся видз вылад, вонйö тай воин войнас. Ме öд тэнö и сэсся куті дум вылам. Дзоль тэ... Гөтрасьöм бöрад дзикöдз вунöдін, быттö ме сэсся эг и ло. А Флот Ленатö эз вунöд, пыр нин шыасьö, эльтыштö. Бокöвöй синлы тöдчö, быттö эм мыйкö на костын.

– Оз тай кöсйöм серти ставыс артмы. Олöмыс здукөн сэки киссис, чунь öтнам коли. Тэ карын велöдчин.

Катя вешйыштіс Лысовлань, пельпомнас инмöдчис сылы киас. Синъяссö лазгöдöма, гудок шыяс прöйдитöны сьölöм пырыс, нормöдöны ловсö. Сэн жö Дзоль мöдіс босьтавны:

*Шондібанöй, важ потшöсöй,*

*Век на тай тэ сулалан.*

*Шондібанöй, важ милöйöй,*

*Век на мöй тэ думайтан.*

– Ваня, Дзоль, мый ми тадзи, кыласны кö йöзыс...– Катя кöсйö чеччыны места вывсьыс да оз вермы, кодкö быттö личкö вывсянь, юрыс надзöник нёрö Ваньлы пельпом вылас.

– Ачyd тэ Дзоль,– Лысов сывйыштö орччөн пукалысьсö, пеляс вашкöдö:– Колльöдышта инö, ывлаыс гу пемыд.

– Керка косттö?..

– Мый нö кöть,– Вань палгис пельпом вылас пинжаксö.

– Ог нин кут биасьны,– Катя сувтис кильчö порог дорас.– Мун сэсся,– кисö оз мынтöд Дзоль киясь. Быттö джджыс кок увсьыс вöйö, юрыс бергöдчö и.

Курортысь воём бöрын, быттö том ичмонь, Лена дзикöдз вильышмис. Тöv йылын уджалöм бöрын Дзольöс ужнайтігас, пызан сайын, унмыс личкö. Восьтылас телевизор, сэтчö жö, диван вылö, энөвтчас войбыд кежлö.

– Мый нö старикö сеччöмыд, пуртöснад и узьлан, он ли мый койка вылас төр,– дурскöдчö гöтырыс.

– Оз ков пасьтасьны аскинас,– шмонитöмөн вочавидзö мöдыс.

– Вань,– öтчyd орччөн куйлігөн Лена вашкöдіс Иванлы пеляс, быттö кодкö бокöвöй вермис кывны налысь сёрнисö.– Колö, буди, лöсьöдны кодöскö, удитам на öд быдтыны öтитö. Пöрысьö-немö коді сэсся миянлы ва кöштö мыччас. Сэки тай öвсим, öтлаын эськö быдмисны.

– Выль пöv быдтысьны али мый? Йöзсьыс абу лöсьыд.

– Катя тай Флотлөн шуö: лöсьöда пö-а. Ныв кö пö эськö чужис. Сэсся öд пенсия вылад нывбабалы вит воөн водзджык позьö петны. Мös картаад помыс на оз тыдав, тэнö тшöтш леша.

– Ныв көть пи, быдмыштас – бара утыштас-мунас.

Шылыд яя, кызкодь мортыдлысь, Еленлысь, новлөдчөмсө торйө пөртөдз некод эз и төдлы. Бөръя лун-войөдз уджаліс, отпускө эз петав ни больничаө эз ветлы. Коркө июлын керка дорөдыс ытшкыны мунысьяс казяласны: Дзоль Иван пө ыжъ-ясыслы юан петкөдөма, пемөсьяс гөгөрыс ачыс йөктө. Кыв-яс: Еленыс пи чужтөма.

Сиктын и мөд пөлөс сёрни гыаліс-ветліс:

«Катерин абу на пөтөма челядыскөд ноксыны...»

«Кык матросөс, буди, ваяс, өдва почласьө-ветлө...»

«Содтысьөны тай өні, мед водздзык пенсия вылө петны...»

Сійө жө төлысь помө Катя «потіс». Ныв Енмыс сетөма.

Кык суседкалөн, кык мамлөн мөвпъясыс збыльмисны. Сөмын тай йөз сёрни бара на мыськаліс-пожъяліс найөс. Буди пө, вежсьөмны кагаяснас, мөд-мөд бала вылө пө зэвтөм кодьөсь. А кодсюрө горөдчыліс: вермис пө и сусед кост делө лоны.

Витөдъясыс, Флотлөн да Дзольлөн курас-карасыс, быдмисны орчча семьясын өтка пи да өтка ныв моз. Öти воө помалісны шөр школа. Водзті кө гарыштлісны кык сусед: эг пө и вермөй рөднясявны, гозйөдны өти ныла-пияөс, бөръя кадө восьса веськыд сёрниө та йылысь эз волены.

– Но мый, паньтөм, шуан, – шыасис первойөн Дзоль Вань, кор мудөд вылын пукалысьяс дорысь ылыстчисны Таня Бусова да Ваня Лысов. – ЗАГС-ө пө пыралөмаөсь.

– Мый ме шуа, – чигаркасө өзтігмоз вочавидзис Флот Иван. – Сідз нин тай гозмөльөн шуөны. Ми асьыным олім... Кыдз кужим...

– Кыдз кужим и эм, – Дзоль ышловзис мудөд вылысь чечигмоз. – Аски мөс картаө корисны, өдзөссө пө колө дзоньта-лыштны. Ветлыны лөө.

– Ветлан, дерт. Ме, час, ещө өта чигарка тшынода.



## МЕДВОДДА ЛЮБОВЬ

---

Град йорысь керкаё пыригмоз Пианина Феофановна кисё суюліс стенё ошодом портфельё. Кызь во чож новломысь портфельыс важмис, сыри-леткиодз росмис вевтыс, кортён дором пельёсьясыс розялісны, но «зэлыд» нывбаба эз на шыбит сійёс ёг чукорё, тшутшліс-дөмлис клеёнка торъясон, дорис стенё пошта куд пыдди. Бөръя кызь восё Пианина директоралис Пыдыншор сиктса шөр школаын. Верос сайё петавтом (сэтшөмъяссё шуоны скорджыкөн), бөръя кадё велалис отнасон сёрнитны. Кудйын вөлі нейджыд газет. Пенсия вылё петом бёрын сійёс сомын судзодіс да лыддис. Воддза лист бокё ыджыда снимайтомаось зэв мича томиник нылос. Чибльёга, лым еджыд халата, киас паськыд пөв вылын гогрөс нянь тупосьяс кутё. Чужомыс нывлөн кажитчис тодсакодь. «Очевидно, Лена Панева», — шуис аслыс, но увсьыс гижөдсё лыддыны очкитог эз аддзы. А матигөгөрын найё эз тыдавын. Кымынысь шуліс: мый босьтас киас, колё бөр пуктыны важ местаё, лукйысь сэсса паметьтогыд. Корсигмоз казяліс асьсё стенин ошалысь зеркалоын — содтод «синъясыс» плеш вылас, вөлөм, кыпаломны.

Сідзи и эм: Панева, нянь пөжалан заводысь: Уджалигөннин помалөма рытъя школа, заочно пырёма институтё. Почёт пөв вылё сюрёма и. «Аттё, жерьялё, ме пё и эм. Ставон уджалоны. Көнкё, кодсюрөлысь и өні съөдмөдан вирсё, асныра, кызди и велөдчигад...»

Оти пөраё Ленакөд сюри ноксьомыс Пианина Феофановналы. Велөдчис Панева бура. Школаё пыран воё чорыда висьмыліс, да классын ёртъясьсыс арөсон вөлі ыджыдджык. Еджгов юрсиа, лөз синъяса, окуратнөя пыр пасьтасьөма, Лена мукөдъяс моз уна эз больгы, асьсё торйөнджык кутіс. Прөст кадё ёнджыка гортас ноксьё: вурсьё, вышивайтчө, горт гөгөрыс пелькөдчө. Рытйысьны сійёс эз кыскы, көть эськө подругаясыс ёна нин чиктылісны-ворсөдчисны зонъяс водзын. Окасисны, и некутшөма дзебьясьтөг. Субөта рытъясё школаын йоктыны зільліс сувтны нывъяскөд. Нуөдліс кө зон, кутліс коскөдыс, Лена муртса виччысьліс помсё, кыткө быттьё озыыліс

пытшкөсүс, кольмыліс юрыс. Да и школаас он вөлі ёна вильшась, быд татшөм рытө директорша ачыс страж пыдди, воас медводдзаён, медбөръяён мунас. Не сы ног кө мыйкө, равөстас школа тырөн, янөдас йөз водзын.

Гырысь класса велөдчысьяс эськө мөдлісны жө шуасьны: школаын пө оз позь ныла-зонмалы орччөн прөйдитны, рытъя кино вылө он лэдзөй, көні пө сэсся олөмас пырны велөдчам, коркө ставөн батчөн да мамөн лоамөй. Татчө нин директорша пузьыліс. И вөлі мыйысь. Роноын на уджалігөн өти школаын көкъямысөд класса нывка урок вылас муртса абу вайсьөма. Шумыс кыптыліс, весиг республикаса министерствоысь волісны. Вөтлісны директорсө удж вылысь, и медъяна сэки зіліс роноса инспектор. Сійөн и өні зэлөдөмөн кутіс вөжжисө, стрөжитіс и велөдысьясөс, и велөдчысьясөс, и налысь батьмамөс. Эз этшайсь мөдөдлы гортас бөр, платтө морөсыс кө вөлі неуна унджык восьса либө пидзөссө кө подулыс эз тупйы. Помаланныд пө школа, ме пондаысь көть пасьтөг ветлө, а школаын пө правилөяс и некодлы вөля ог сет найөс торкавны. Велөдысьяс пиысь олөмаджыкъяс пыр сувтлісны сы дор. Ок и чалъяліс жө Пианина Феофановна, кор зонъяс новлісны пуртөс кодъ векни гачьяс. Өд кытчөдз воліс, коксө майтөгавтөг гачыс оз төр, вож костөдзыс оз лыб.

Вөлі апрель шөр, но көдзыд на, тулысыс нюжаліс. Биология велөдысь субөта рытө ветлөдліс челядь бать-мам ордті. Помасьө велөдчан во, ковмас котыртны накөд гожся удж. Тамара Ивановна некымын во нин веськөдлө ылыс видзяс вылын том йөзлөн бригадаён. Таво сэтчө жө лөсьөдчөны мунны. Сёрмыштіс сійө талун, но гортас воигөн ещө шуис пөпуттө кежавлыны Лена Паневаясө. Кольөм гождөм сійө уджаліс нянь пөжалан заводын, зільөма, бурөн казътылөны. Ленакөд ставыс бур, дыр сәні оз манитчы. Ёна нин велөдысьлы сьөлөм вылас воө бать-мамыскөд сёрнитны, пыр накөд өти кывйө воан, пыр нин тәнө дорйыштасны, сөвет сетасны. Мамыс садикын уджалө, батыс вөр пилитанінын, сиктын пыдди пуктана йөз. Быдтөны өтка нылөс. Тор-торкерөм бөрын өдзөсыс пыр жө воссис, быттө виччысьөмаөсь сійөс.

– Ленаөс чайті... пырөй, – повзыштіс мамыс учительницаөс казялөм бөрын. – Али лөи мыйкө?.. – гуся, чуймана гөлөсөн коалис сійө.

– Нинөм, челядь ордті кытшовті, час, шуа, кежава, биась да. Собранньөяс вылад код өтиккөд сёрнитан, тэрмасям ещө пыр.

Нывбабаяс пуксисны кухня пызан дорө.

– Нель-ө-вит лун нин... тадзи, сёрмөдчө, – часи выло видзөдліг бара шыасис мамыс. – Ачыс тай нем оз висьтав-а. Локтас да дыр пукало пызан дорын. Ог и лысьт юавны, миян өд сійө... асьныд төданныд. Бать пельөдз эг на жө вайөд, мися, тиянкөд сёрнитча. Буретш со пыринныд.

– Лёкыс, пөди, нинөм абу, Лена абу сэтшөм... – Тамара Ивановна пыдісянь думыштчис: – Энлы, бөръя лунъясө, меным кажитчө, Лена быттө сэтшөма вежсис. Урок вылын тыр синмөн бытшкө-видзөдө ме выло, вомыс калькалыштөма, ыштө мыйкө висьтавны көсйө. Кодкө лунө өтнәсөн кольччыліс классө, падъялыштіс порог дорын, нем эз висьтав. Челядь классын нем на жө эз гаравны-а, найө өд медводз казялөны выльтортө.

– Мый ті, Тамара Ивановна, чайтанныд, Лена любитчис?..

– Ме нинөм ог шу, но вермас лоны, сэтшөм арлыд...

– Сійө өд миян, көнкө, том морткөд орччөн на эз сулавлы.

– Да, – Тамара Ивановна бара ышловзис, – кызд биология велөдысь, олөмсьыс мый кывлі да аддзылі, шуа: сэтшөмъяслы, кызд Лена, радейтчөмыс вермас чужны өти здукөн и нәм кежлас. Ачым сэтшөм вөлі. Тшөтшьяяс бөръя во велөдчигөн гром-радасьоны зонъяскөд, а ме быттө кын мыр, быттө меным чужөмсянь мөд оласног гижөма. Выпускной рытө пызан дорө өтнам коли пукалысьыс, ставөн бергалөны-йөктөны. Ывласянь шурс пырис Костя (во-мөд-коймөд сайын школа помавліс), буретш воөма армияысь, абу на удитөма вежны паськөмсө. Аканьөс моз ки вылас пыртис кытшө, чөрс моз бергөдлө. Рытывбыд эз торйөдчыв меысь. Колльөдігас мөдлі жө огөдчыны, ме пө тәнө некытчө ог лэдз. Ачым дай быттө сираси сы дорө. Эскан-ө, төлысь мысти гөтрәсим. Институтын велөдчигөн челядя нин вөлі.

– Школәсө на эз помав да, таво бөрын во на колө велөдчыны.

– Ми өд нем на ог төдөй Лена йылысь. Мый вөвлі тай, висьтәси. – Тамара Ивановна сувтіс, лөсьөдчис мунны. Öдзөс дорсянь нин содтіс: – А Лена, думайта, ачыс висьтәсяс, юәсьтөг.

Кильчө посъяс ләччигөн Тамара Ивановна казяліс: Сыктыв ю дорсянь ньөжйөник восьлалөны кыкөн. Öтиыс, төдіс, Лена, а мөдыс? Купайкаа, важиник шапкаа, кирза сапөгә. Öнйә кадө, мед көть сиктын, рытйысьны зонъяс татшөм паськөмөн оз петны. Клубө пыран – нывъяс, быттө енбобувъяс, гөгөр дзирдалө, чирк моз чеччалөны. Быдөн көсйө парскыны өта-мөдсө, мыйсө сөмын оз өшлыны выланыс. Чужөм вылас видзөдлан, – суседтө он төд, юрсисө лязьгөдөма, повзьөдчысь кодь, көть град йөрө сувтөд полокало пыдди.

Гусятөр сиктын из улө он дзөб. Аскинас жө учительскөйын Тамара Ивановналы пеляс вашнитіс география велөдысь: Лена

Паневалён пö роман кутшöмкö Романкöд. Думыштныд он лысьт, вот тэныд и ниже травы, тише воды.

— Ставлы аслыс кад,— Тамара Ивановна быгтö тöдö нин ставсö, урок кежлö книгаяс да тетрадьяс дасьтiг весиг юрсö эз бергöдлы.— Кыдзи да мый лöсьöдöма Енмыс, он сувтöд. Чой паныд шор оз визувт, сiдз, кöнкö, челядыдлы долян.

— Метö мый, абу паныд. Кывлi тай. Очевидноыд мый шуас-а?! «Очевиднонас» син саяс Пианина Феофановнаöс нимтiсны. Тайö кывсяныс сийö сёрни панö и помалö.

— А тэ быд кывлöмтор дозий эн пукты, лёк сёрнилөн бордъяс паськыдöсь, верман дойдны том мортсö. Сэссия öд, веськыда кö шуны, радейтчöмыд абу гусясьöм ни косясьöм.

— Метö мый,— кияссö паськöдiс ёртыс.— Мыйысь ньöби, сыысь и вузала. Кавалерыс пö тай гöтрасьны корö-а. Кытыськö воом морт, пукавлöма. Кыдзкö тай аддзысьöмаöсь, телепит, тыдалö, Леналы лоöма.

Тамара Ивановналы эз ло лöсьыд лов вылас. Сёрни-басни мунö сылөн класса велöдчысь йылысь, а сийö нем оз тöд. Вот тэныд и классной руководитель, нельöд классянь квайтöд во накöд.

А паныдасис Лена шапка новлысьыскöд зэв прöстö. Шойччан луно директор корис ыджыд классын велöдчысьясöс отсасыштны. Совхоз мöдöдiс тележкаа кык трактор школалы пес кыскавны. Сийөн и уна ковмис сöвтчысьыс. Öта-мöд бöрся шуръялöны тракторъяс, содтöд школалөн машинаыс. Тöлавтöм кын пипу пес абу кокни, нывъяс мукöд чурка дорö кыкөн-куимөн кутчысьöмаöсь. Лена чипас помын öтнас вöли. Сийö водзджык нин казялис орчча стрöйбаяс дорын тотшкöдчысь том мортсö. Кутчысис ыджыдкөд чурка дорö, эз и тöдлы, мышсяныс кодкö вештыштiс сийöс.

— Татшöм сьöкыдторъяс том нывъяслы лэптавны оз позь,— лабутнöя шуис зонмыд да бöрийöмөн кутiс сюся шыблавны кузолö медся гырысь пессö.

Лена нем эз вочавидз, но мыйлакö тайö мортыс петкöдчис сылы тöдсакодъөн. Шөркодъ тушаа, крепыд, сьöд синъяса чужöмыс ныв чужöм вылö варччö. Юрсисö, тыдалö, неважөн шырлöма маликöдз, и öни, нюжалыштöм бöрын, мöдöма гарчикылясьны.

— Ми отсасьлим жö школалы, сöмын миян керъяснас вайлисны места вылöдз, пилитам вöли, поткöдлам, тэчам,— уджалiг-моз бара шыасис зонмыд.— Менö Романён шуöны, а тiянöс?

— Лена,— чöv олыштöм бöрын шыасис ныв, тыдалö, думыштiс, висътавны-ö асьсö тайö тöдтöм мортыслы.— А ме тiянöс оз тöд, эг на тай аддзыв и,— содтiс бöрыннас.

— Он, дерт, кык төлысь на и ола тиянын, мөд районуьсь ме. Тани со уджала вөр пилитан заводас, — кинас индїс орччон сулалысь стрөйбаяс вылө. — Ола общежитиенын, торья жыр сетисны өтнамлы. Ёна төдсаяс абуөсь на, сийон и шойччан луньясө тани жө нокся, мыйсюрө дзоньтала-дасьта аски кежлө. Ме өд эг гортсянь лок... — бөрья кывьяссө Роман быттьө эз Леналы висьтав, а аслыс.

...Кор Романлы матыстчис тюрмаысь петан срокыс, бать-мамыслы да чойыслы юөртис, мый дзик пыр ас сиктас оз во, армияө мунтөдз көнкө мөдлаын уджалыштас. Ёртьясыс сылы адресьяс сетисны. Сидзи и пасйис, мый көть эз вөв мыжа, восьса синмөн яндзим видзөдлыны төдсаяс вылө. Көсийс, мед неуна небзис-пожьясис гырк пыткас көвмөм гөрөдыс. Йөзүд өд, кодї кызди на и думайтө.

Во чөжөн джуджыд потшөсөн кытшалөм йөрсянь Роман ньөти письмө эз мөдөд гортас ни ёртьясыслы. Кыяс эз лыб, көть начальникыс неөтчыдысь гарыштлис та йылысь: майшасьоны пө бать-мамыд. Быттьө из өшалө сылиас, сийон и олис: кор нин удж вылө нуөдасны да вайөдасны бөр. «Тадзи оз позь. Лэдзчысьөмөн тани морттуйыд вошө», — бөрьяпом такөдїс асьсө. Бур уджысь да лючки асьсө кутөмысь регыд заводитис ветлыны конвойтөг. Отсасис трактористлы разөдны биржа вылө вайөм вөр. Мукөддырйи лунбыд пукалис руль сайын. Бура төдмалис көрт вөвсө. Но син водзсыс эз вешйив август төлысьса рытыс.

Школа помалөмсянь коли төлысьөн-джыйон. Роман ыстис шыөдчөм институтө. Регыд воис воча кыв, корөны экзаменьяс вылө. Рөкыд вылө ставыс дзугсис өти здукө. Орчча сиктсянь ёртыс дорысь воигөн веськалис карсянь турунасьны воөм том йөзкөд. Найө вөліны куимөн, юыштөмаөсь. Сөрнитчисны. Шөр туйын, сю му вылө, паныдасис библиотекаын уджалысь. Роман төдїс сийөс, көть неважөн на воис на сиктө. Ираөн шуисны. Вочаасигөн ныв кежыштіс векни туй вылысь, но карсаяс паныдалисны, кутисны ворсөдчыны, больгыны мыйсюрө. Öти сөсьса сывйыштіс мышсяньыс, мөд кутчысис ковта кизьясас.

— Гадьяс! Юөмны да кырсыд петанныд! — мынөм кинас ныв клеснитис-кучкис паныд сулалысьлы пель бокас.

— О-о, сиктса нывьясыд, вөлөм, сутшкасьөны, абу карса кодьөсь, — скөра серөктис өслөпан кодь морт, копыртчыштөмөн увсянь шамыртис нылөс кыкнан кинас, торйөдїс му бердысь. Иралөн платтьөыс лыбис кос туйөдзис. Роман эз вермы водзө видзөдны татшөм тешитчөмсө, уськөдчис өбөдитчысь вылө, но сийөс сконйыштісны мышсяньыс, юрнас зурасис Иралы морөсас.

– Ставон откодьось, пон чукор!– кыліс нывлысь гөлөссө, но шуны нем эз удит, морөспань улас чужйисны сапөга кокөн, сэтчө и нюкыртчис-пөрис. Садьө воис гу пемыдөн, ывлаыс зэрыштис.

Карсаяс пөпутной машинаөн войнас жө усйысьөмаөсь гор-тас, мед воштыны кок туйсө. Гашкө пө, яналөм вөсна лөк басни нылыд оз лэпты, а сиктса том мортыдкөд позяс бөрыннас өтнаскөд сёрнитыштны. Но сёрни-басни паськаліс, судөдз воис. Карса өти том мортлөн батыс вөлөм ыджыд начальникөн, зілис вештыны став мыжсө Роман вылө. Быттө сійө ошйысьөма: нылыс пө сэтшөм-татшөм, кык-ө-куим вой колльөдөма сы ордын. Да и мый пө сэтшөмыс,– суд вылын ышнясис начальник,– ковта кизьяс оръясисны... Да ме пө аски жө ыста дас ковта... кизьясөн. Романлы ликмис кык вося срок.

Вежон кымын мысти пес кыскалөм бөрын, рытъядор, ю дорын пожъясигөн Лена дорө воис важ төдсаыс.

– Вай нөшала,– виччысьтөмла ныв муртса эз усь увлань юрөн.– Ми пыр гортын чойкөд пожъясьны ветлім. Сійө ичөтджык меысь кык арөсөн. Миян ичөтик шор, помөма, лөсьөдөма борган.

– Повзьөдчан сэні,– коссө веськөдіс Лена,– кок шыястө весиг эг кыв.

– Ме өд кывті оланінсянь. Пыж вөчи пөвъясысь, чери мөда кыйны прөст кадө. Төдан, Лена, коркө өд кывсяс жө менам историяыс,– нөшасигмоз Роман висьтасис сю му вылын вөвлөмтор йылысь.– Вои карө, падъяла вөлі, кутшөм автобусө пуксьыны, быттө төдсьөма, мый тэ Пыдыншорын эм. Мастерлы тай мөдлі висьтасьны – кинас өвтыштис: быдторйыс на пө овлө миян олөмын. Тэнад пө ставыс на водзын. Оні шойччан лунъясө трактор дзоньтала, сідз жө сулалө гаражын. Тьөс-плакасө ки помысь новлам, позяс кыскавны штабельөдз.

Ныла-зонма дыр сёрнитисны пыж амбардорса лабич вылын. Көдзыд өвтыштис берегысь петөм-ойдөм юсянь, Ленаөс йирмөг босьтис өтпөвста паськөмөн. Роман пөрччис пинжаксө, павкнитис Леналы пельпом вылас, ас бердас топөдіс. Эз төд, кодныслөн лэчкө шедөм сьөлалөн моз сэтшөма тіпкис сьөлөмыс, аслас ли, Леналөн ли, а гашкө, кыкнанныслөн чеччалөм шыясыс өтлаасисны.

– Арнас армияө босьтасны,– гусьөн нывлы пеляс вашкөдіс Роман.

– А ме кута виччысьны тэнө, салдатлөн гөтыр.

– Гөтыр пө...

– Ми жө гөтрасям тэкөд, Ромашка. Көть талун.

– Бать-мамыд кызди? Школаыд?

— Бать-мамыд сійö... бать-мам и эм. Дерт, майшасьыштас мамö. Бурасяс. Ме сёрнитча ськөд. А школасьыд вермасны вöтлыны. Директорыс миян коса дорыш кодь. Метö мый, Тамара Ивановнаöс вермас дойдыштны...

Тамара Ивановнакөд паньыд сюрöм бöрын Леналөн мамыс пыр жö юөртис:

— Праздникъяс дырйи нылöй кык вой гортын эз узь. Тöрыт юася, муртса эг весьöпөр: верös сайö пö пета, мамö. Мися, кодi нö сэтшöмыс, бöждорад али мый тальчис, мынтöдчыны он вермы. Ог пö. Батьдыккөд öд öтлаын уджалö...

— Батьыс нö, мый шуö?..

— Төн тай сёрнитис, выль уджалысь пö воис, зэв уджач да кывзысьысь. Сюрлöма пö да пукалöма кык во. Сэссия нем эз поснöдчы. Миян öд сійö уна оз сёрнит. Ойя жö нин, Тамара Ивановна, кызди нö мый оз тусьыс миян подсудимöйсö аддзöма, мыйся грек вылö татчö мөдöдöмаöсь. Йöзсьыс абу лöсьыд, кöть керкаысь ог пет.

— Ойя жö и эм. Велöдчан во помасьö, водзын экзаменъяс и со тайö Ленакөд.

Выльлунö муртса пырис учительскöйö, а сэнi сы йылысь жö гудрасьöны.

— Тамара Ивановна, кöлысьсö нö аслад классыдкөд вöчан-ныд али котыртанныд паськыдджыка?— первойөн шыасис география велöдысь.— Праздник лунъяссö пö невестаыс жöник ордас пусьöма и пелькөдчöма.

— Кыдзкö, дерт нин, ковмас,— класснöй руководитель ас вылас не рад, сэн жö Очевидно тшöктис пыравны дзик пыр.

— Но, мый кутам вöчны?— эз юав, кызди да мый ставыс артмис, бөръя кывсö водзын крапкис директорша, плеш вылас лэптыштіс öчкисö.— Көнкö, велöдчöмсö дзикöдз вунöдис мыйкөкеригас?

— Воддза луннас куим урок вылын юалöмаöсь, ставыс «4» да «5»,— бур, мый Тамара Ивановна, начальство ордö пыртöдз, видзöдліс журналсö.

— Бать-мамыс нö мый, тöдöны-ö кöть?

— Тöдöны, ме нин сёрнитлі накөд, Ленакөд аскöдыс и.

— Очевидно, пришлöй мортсö ковмас тодмышкавны татысь, мед весасяс, кытысь воис. Ковмас кö, милиция пыр ыстам. Ачыд мый думайтан?

— Мый думайта... Любовь öзйöма том сьөлөмъясын. Медводдза любовь. Ме ногысь, нем тан вöчны миянлы оз ков.

— Вот кызд!— Очевидно сувтіс тэрыба, юрыс дзöрыштö, киас босьтö-пуктö пызан вылысь то öтитор, то мөдтор.— Любовь пö... мösгагъясылөн. Книгаысь лыддöны, телепит сэссия. Асьным

жө зiлям лёкыслы. Төн литератураысь гортын гижом сочинениеяс листалi. Выльон воис, том велодысь сэтчө жө синө. Нывъяс пиысь ставон, зонъяс тшөтш и, аддзёмаось ассыныс радейтана геройяс: Татьянаяс, Вера Павловнаяс, Бедной Лизаяс... Кутшөмкө рытъяс нуодө субөтаясын. Луннас оз пөт.

– Но өд тайө классика, не мяянлы сийос таявны. Пушкин, Чернышевский, Тургенев... Найө некор оз вушйыны йөзлөн паметьысь.

– Ме ог и тшөкты таявны, шуа: өти бана гижөдъяс, өти радейтчөм йылысь. Ми велөдчигөн гижлим Корчагин, Чапаев, Стаханов... йылысь, ловъя йөз йылысь, а найө кодъяс... думыштөм йөз.

– Но а...

– Тырмас... Тадз кө и водзө кутам уджавны, школа бердын ещө класс ковмас восьтыны. Ме, дерт, корла Ленаос, но, очевидно, педсовет вылын ковмас видлавны, корлыны тшөтш батьмамсө. Вөля сетөмны өтка нылыслы. Ме сёрнитли классын старөстакөд, тшөкти собранньө нуөдны, ыръянитчис: сэтшөм басни пө ог панө. Сидзи и вочавидзис.

– Ме думысь, став велодысь водзын, ещө мам-бать дырйи, сёрни лёкысь кындзи нем оз сет, мөдарө, торкны-чегны том мортлысь олөмсө верман. Веськыда кө шуны, Пианина Феофановна, ме некутшөм позор татысь ог аддзы, өкмысөд классаястө сыысь он нин кут. Лена ещө ыджыдджык ёртъяссыс.

– Сылы өтитор йылысь дольоны, а сийө пу йылысь турияс индалө, – директорша пуксис, сетис төдны, мый сёрни помалөма.

Кык лун мысти өтувъя педсовет век жө чукөртисны. Лена-лысь бать-мамсө пуксьөдисны медводдза парта сайө. Асьсө Ленаос чукөстисны коридорысь сёрөнджык. Очевидно көть водзджык нин сёрнитчис унджык велодысьыскөд, торйөн олөмаджыкъяскөд, мед төдисны, кодарлань синны сёрни-баснисө собранньө вылын, өни ещө на юөртис, мый могөн чукөртчисны ставон. «Вөтлыны, дерт, ковмас, – юрас жуис өти мөвц, – оз кө «мыжыас» сет кыв, оз кө дугөдчы школасө позоритөмысь. Чегас кө көлесаысь өти тас-палич, водзө на гөгыльтчас. Ёг турунтө колө нетшыштны вужнас. Пенсияөдз воон-джынийөн коли...»

Очевидно дас воысь дырджык уджалис роноын инспекторөн, райком индөд серти вуджөдисны веськөдлыны школаөн, сувтөдны сийос зумыд кок йылө. Тайө каднас районса школаясын уна велодысьылысь син дорсө вазьөдлис, торйөн «асныралөмысь», кодi көсийылис вьлитор пыртны челядькөд уджын. «Эм программа, гижөма и вынсьөдөма министерствоон, сәни, чайта, оз прөста пукалөмысь нянь сөйны, тшупөй нырад пыр кежлө», –

пыр откодя дольліс собраннѳяс вылын. Вѳлі чорыда ѳлѳдас, выльторйыс кѳ абу подулалѳма учѳнѳй-педагогъяслѳн уджъясѳн. Тшѳктас видзѳдлыны сѳтшѳмтѳ книгаысь, стѳча висьяталас лист боксѳ – став циркулярыс сълѳн пель саяс. Сйѳн и бур туйѳ ѳні пуктисны роносянь. «Педант – нинѳм абуѳ кутчыссысь», – ѳтчид кодкѳ крапкис-шуис районса школаясысь директоръяслѳн совещание бѳрын. Гашкѳ, куим час чѳж сѳні мойдис-велѳдис Пианина Феофановна.

Школаѳ воѳм бѳрын Очевидно вѳжжияс эз личѳд, быд воськов асывсянь рытѳдз сълѳн гижѳма водзвыв, бокѳ он тувччы. Переменнаяс дырйи велѳдысьясѳс коридорѳ вѳтлѳ – шойччѳгыс пѳ велѳдчыссяслы, велалѳмыд пѳ да джыджвидзанныд. Кытчѳ он видзѳдлы, синмѳ шыбитчана гѳрдѳн гижѳм пасйѳдъяс: «Не шуметь», «Вытирайте ноги», «Закрывайте двери». Туалет стѳнѳ тай зонкаяс гижѳмаѳсь жѳ ассияныс: «Не курить», «Не с...ты!» Тшѳкыда казаявлан, кыдзи татшѳм гижѳд дорас арзѳ шошаѳдыс тепыртѳм няйтѳсь кока вильышпозлы: «Мый татчѳ гижѳма?! Мый гижѳма, юала?! А ѳні ас вылад видзѳдлы!» А ичѳтыс тирзѳѳ пипу кор моз.

Педсѳвет рытѳ коридорѳ чукѳртчис класскодъыс, кодскорѳ кадъыс кадѳ матыстчыліс торйѳнджык сулалысь Лена дорѳ, кѳсийс велѳдыштны сѳрнитны уна йѳз водзын, но сылы не сьѳдз вѳлі, нинѳм эз кыв. Кор Лена вуджис ѳдзѳс порог, гѳгѳртис видзѳдласнас классѳ, унджыкѳн вѳлі синъяссѳ лѳдзѳмны, пукалісны чѳла, гут кѳ лѳбзяс – кылан.

Гашкѳ, час джын ѳти да мѳд юасисны том нывлысь, кыдзи сйѳѳ «татчѳдз» воис, кыдзи кѳсийѳ водзѳ овны. Он мѳй пѳ тѳд, мый виччысьѳ тѳнѳ. Лена вомсѳ эз восьтыв, кыв ни джын эз висьятав. Вом доръяссѳ лѳзѳдтѳдз мурч курччѳма, неуна сырмыштѳны синлапьясыс. Весиг мамыслѳн юалѳм вылѳ: «Лена, висьятав мыйкѳ, со мыйта йѳз виччысьѳны», – юрсѳ эз лѳптыштылы. Томджык велѳдысьяс (найѳ пукалісны ѳшиньдорса радын) мѳдисны шѳпкѳдчыны ас костаныс. Очевидно скѳра видзѳдліс на вылѳ, сѳссия индис Леналы ѳдзѳслань – верман пѳ мунны. Лена лѳптыштыліс синъяссѳ Тамара Ивановна вылѳ, тѳрмасьтѳт петис классысь. Петис, мед сѳссия некѳр не пыравны сѳтчѳ.

Шум-гамыс педсѳвет вылын лыбис Лена петѳм бѳрын. ѳтияс пѳдтисны велѳдчысьѳс, мѳдъяс мода вылас бытѳѳ дорйисны сйѳѳс, но полісны висьятавны веськыда та йылысь, коймѳдъяс – ѳтар-мѳдарщикалісны. Лѳнъыштѳм бѳрын Очевидно шыасис ныв батъ-мам дорѳ.

– Мый ме шуа, – сувтис Леналѳн мамыс. – Сѳрнитлі, регыд дас кѳкъямыс тырѳ, мед ачыс думайтѳ. Лѳк вылѳ некѳр эг ышѳдлѳ, тыдалѳ... – джѳмдис кыв шѳрѳ, син дорас матѳдис носѳвиксѳ, пуксис.

— Мамыс дор жö, — кык кывйöн вочавидзис батысь, пукала-  
нинсьыс асьсö муртса вöрзöдиг.

— Вöтлыны колö, — бать-мам петöм бöрын парта сайсянь кыз  
гöлöсөн шыасис олöма нин нывбаба. — Нэмыс школаын уджа-  
ла, татшöм страмтö эг на аддзыв. Пöтачка босьтöмны, кодй  
мый кужö, сийöс и вöчö. Школалöн эм Устав, некодлы абу  
сетöма право торкавны сийöс. Вöтлыны. Ме кыкнан киöс лэп-  
та.

— Йöз серам, — пыр жö дорйыштис воддза яралысьсöс сыкöд  
орччөн пукалысь. — Талун öтнас Панева, аски кыкөн воасны.  
Район пасьта паськалас, республикаöдз кывсяс. Кутшöм дон  
миан уджлы? Ме думысь, кодскюрöлы велöдысьяс пиысь Пана-  
ва моз ковмас вуджны школа порог...

— Кöсийö-ö ещö кодкö висьтавны? — Очевидно гөгöртис син-  
нас пукалысьясöс.

Томджыкьяс пиысь эськö сувтлисны жö морт-мöд-коймöд,  
нылöс омöльтисны-дивитисны, но не пö вöтлыны жö.

— Устав гарыштінныд, — пызан дорö петис Тамара Иванов-  
на. — Уставсö жö асьным примитим. Уставö он гиж быд несйöм  
да кызöктöм. Устав серти ставыс оз мун да и оз артмы, торйөн  
том йöзлөн олöмыс. Кымынысь висьтавл и директорлы тшöтш:  
татшöмторсö нелямын морта коллективын видлавны оз ков.  
Учительяс шусям. Думайтанныд, аски миан пиысь кодкöдкö  
чолöмасыс Лена, медбур велöдчысь? Кыдзи и пыр локтас шко-  
лаö? Мед бара оз! Öни на кайтча, мыйла ме, налөн мöд мам, эг  
петкöд татысь сой пöлöдыс. Кодлыкö веськодь, а ме брöд ваöдз  
пöсяли тайö час джыннас, кöть му пырыс прöйдит вöли, позис  
кö. Радейтчöмысь школаысь вöтлам, кок улын таялим мед-  
воддза чувствосö. Эз мöй позь виччысьлыны экзаменьяссö,  
шуам?..

— Шоналан, дерт, тэнад классысь да. — Очевиднолөн  
дзöрыштö юрыс, öчкиыс плеш вылас йöткыштöма. — Нельöд  
классянь квайтöд во накöд ноксян, зильöмыд син водзад.

Тамара Ивановна ещö на мыйкö кöсйис содтыны, да гор-  
шыс тасасис. Коридорö петöм бöрын кытшовтис челядь чукөрöс,  
уськöдчис ывлаö. Лена некөн нин эз тыдав.

Школаысь петöм бöрын Лена пыралис гортас, пукалыштис  
öшинь дорын. Бать ни мам нинöм эз шуны, кöть налөн шытö-  
лалöмыс кылис орчча жырийн, тöдис и кылис ловнас, кутшöм  
не лöсьыд öни налы. Инас эз öшйы, петис керкасьыс, лэччис  
чой горув. «Мый нö лои? Кытчöдз ачимöс вайöди? Школаысь  
вöтлисны. Ставөн мöдасны чуьнас индавны улич кузя  
прöйдитиг. Роман со мыжтöг мыжалöмысь гортас эз бергöдчы,  
а ме... мый вöча, кытчö муна. Мыйла тэ, зонмö, неуна сё-

рөнджык эн во миянө». Быдсямаыс воліс юрас: и книгаысь лыддьом, и урок вылын велөдөм, и ас синнас аддзылөм. «Роман, көні тэ?»

«Лена, — зон пуксис орччөн, — ставыс лоө бур, ставыс сувтас ас местаө».

Лена дыр пукаліс чөв. Сэссия пöлыньтіс юрсө Романлы пельпом дорө, мөдіс гусьоник шуавны:

*Мыйөн мыжа ме, тадзи лои кө,  
Чужис радейтчөм, кольмөдіс юр.  
Мый нө лёкыс сэн, ставлысь син бытшкө.  
Мыйла шуоны: нылөй, эн дур.*

*Тувсов энэжыс, гашкө, мыжа да —  
Пельө чунөбтіс кутшөмкө шы.  
Али ю вылын кокныидик пыжсянь  
Сьөлөм вөрзөдіс валзялысь гы.*

Мөд лунө Лена пыраліс нянь пөжалан заводө. Кольөм гожөм тани сійө отсасис пөжасьны, дасьтыны ырөш да лимонад, йөзыс вөліны төдсаөсь, көть пө талун жө локтас уджавны. Аддзөдліс рытья школаса директорөс, вөйысис сдайтавны экзаменьяс сәні велөдчысьяскөд өтлаын.

...Гожся төлысьяс визувтісны ва моз. Том гозья ветлісны Романлөн чужанінө. Зөв бура примитісны ичмоньөс. А сентябр помө Романөс колльөдісны армияө. Колльөдысьыс сикт помө вель уна чукөрмис. Торйөнджык сулалісны Леналөн да Романлөн бать-мамыс. Машина вылө пуксигөн Роман шөпкөдіс:

— Виччысь, во бөрын вола отпускө.

— Дерт жө, — вазьом синъяса, но серамбана чужөма, вочавидзис Лена.



## ВОШЛОМГИД

**Н**иколай Иванович тэрмасьтөг восьлалё борывса векнь-дик ордымод, коді веськыд визьон вундө сикт пөлөн нюжодчом ыбсө. Кайыштас чой паныд, сувтовкерас, олөдыштас лов тырөмсө, видзөдласнас помсянь помөдз мурталас сён вылө поздысьом сиктсө. Со сійө шевкнитчөма ичөтик шор отар-мөдар пөлөн, быттё сёнсө ставнас еджыд эшкынөн шебралөмаось – став вевтыс стрөйбаяслөн шиферысь. А вичко дорын кирпичысь тэчөм кык да куим судта керкаяс зымвидзёны, пось и кодзыд ва сэтчө воө, пач ломтыны оз ков. Сөмын тай вичкоыс медгажа местасө жугыльтө – юртөм да.

Быттё неважөн на вөлі, кор сійөс, дас квайт арөса зонмөс, мөдөдісны татчөс нардомө избачөн. Кадыс мунөма-кольөма: прөйдитіс ыджыд война, уджаліс и велөдчис, пенсия вылө петіс исполком отделса веськөдлысьөн.

Муртса кежис пашнясайса вөрө, ныр на ныр зурасис туй вөчысьяслөн начальниккөд.

– Бур лун, Иваныч! Мыйкө чера талун?

– Чера. Порсь гидлөн өти кышыс коли, отырышъя дора пөвъясөн, бара и йирасны ад горшъясыд, тайкө ортсыө петасны. Көсья пуяс видзөдлыны, билетыс эськө судзөдтөм на да.

– Кхы, билет! – кыз гөлөсөн такөдіс начальник. – Со куим гектар вундісны асфальт завод стрөитөм вылө, сувт, кытчө көсьян, сьөм на верма пасйыштны местасө весалөмысь. Кылан, войтырыс катша-рака мында чукөрмис, регыд нырасны.

Гөгөр кыліс пөрөдчөм-пилитчөм-поткөдчөм шы. Коді пес вөчис, коді пывсян ли гид вылө керьяс дасьтис, быттё кодзувкотьяс гыёны яг пасьталаыс, кодлы унджык да бурджык вөр сюрас. Николай Иванович неылысь кыліс аслас пиыслысь, Николайыслысь, гөлөссө. «Тані жө, Калис другыскөд, дерт, – думыштис ас кежас. – Райпоө ли, вина вылө ли мырсьёны. Вина гагъяс, помысь гөгъяяс, оз нин торйөдчывны». Кор паныд сюрас пиыс, либө кылас сылысь гөлөссө, Николай Ивановичлысь муткыртө пытшкөссө, ас вылас абу рад, көть йөзлы синмас оз видзөдлы. Кор сёрнитө кодкөдкө, кажитчө, мый орччөн сула-

лысьыс дивитö сійöс, думнас көритö: велöдчöм йöз пö, служакъяс гознанныд, öти чунь питö эн вермö мортöдз вайöдны. Сійөн и пенсия вылö петöм бöрын шуис шойччыштны, во-мöд горт гөгöрыс ноксыштны. Öтнасджык мед вöли, кыз шуласны, недыр кезлö торйöдчывны су потшöсөн.

Николай Иванович чатрасьыштöм бöрын яг гривка вылысь бöрйис öтъя пожöм чукөр. Пасъялис: лöсышталис динъяссö, аски воас да пöрöдас. Вöрыс эськö нэрджык на, да нинöм.

Сиктын быдмöм, ичöтсынь удж дорö сибалысь мортлөн киясыс абу вунöдöмаöсь черсö кутны. Вильён гогналöм керъяс кабала лист кодь еджыдöсь и керавны кокни – сёркни кодь небыд. Сöмын тай лэптавны-быглявны öтнаслы абуджык кивыв. Бур серён кө, сюра-тошка пиыслы колис жö уськөдчывны отсөг вылö (көнкө öд төдö жö батыслысь мырсьöмсö), да он на босьт. Дас лун чöж Николай Иванович муркөдчис ягын: пöрөдчис да увйысис, гогналис керъяссö, тшупис срубсö. И эз кольлы лун, медым пи йывсьыс мөвпъясыс эз гудравны измöм морöс кудсö. Пуксяс шойччыштны, куняс синъяссö, водзас асыда сувтö важыс, олöмыс.

Мöдысь гөтрасьöм бöрын пиыс чужис вит-ö-квайт во мысти (сидзи и колис семьяс öтка пиён), ачыс витöд даслань нин вöли воськовтöма. Некутшöм дозйö гозъялөн радлуныс эз төр. Пывсян гежöда и көдзавлис, пывсьöдöны-мысьöдöны-пöлялöны пузчужöмсö. Сулалö кызöктыштны либö несйыны, кыкнанныс кок чунь йылас уськөдчасны зыбка дорö. А ун пальöдöмсö да узьтöм войяссö кодi лыддис! Мöд ног эз и вермы лоны: öд семья содтысьыслы рöдсö налысь нюжөдны, олöмсö водзö пыкны, пöрысьмасны бать-мамныс, кодi бокөвöй ва көш мыччас. Да олöмыд тай, кыз шуласны, абу туй котöртöм, абу чой горув пыр исковтöм, ставыс оз артмы көсйöм сертийд.

Николай Иванович вöли милицияын оперён уджалö. Медводдза дзуртыштöмыс гозъя костын кылис кага чужтöм вöсна. Гөтырыс, дас арöсөн томджык, мыжалис верöссö.

Но а дыр виччысына ловыс бура рокöсалöм нянь шомöс моз туис-быдмис. Кутшöм нин ясли да садик, мамыс Кольчиклөн школаö пыртöдз удж вылö эз петав. Батыс, мөдарö, удждона уджысь кындзи рыт-асывъясын, войясын сьöм нöйтис: кураңьяс вöчалис, лөсйис чер пуяс, мужиктöм нывбабаяслы гын сапөгъяс дөмлис, – уджыд сюрö, медтыкö киясыд сямаöсь вöлины. Некутшöма эз яндысь, көть кодсюрö серам сорён горөдчылис: ныр вылад пö сутшкысьтөг уджалан, том гөтыртö босьтін да.

Пиыслөн школаö пырöм бöрын бать-мамлөн майшасьöм эз чин. Водзджык кө зонкаыс вальмасьлис вольпась вылын, кытчöдз көсйылис, öни, кыз удж вылö мунысьöс, ковмылис быд асыв садьмöдны ас кадö, пасьтöдны-көмөдны, колльöдны

школа дорөдз. Сэн жө быдтасыс зэв няргысь-шванитчысь, зыкшумтөг лун оз прөйдит. Өти лунө гортас пырис лювзигтыр, ныр вирыс пысьтөма, Петя Кызьюров тойыштөма.

– Нямөд, мыйла ныр гөчас аслыс эн сет. Час, котөртла гортас, петкөдла сылы пуж!– керка тырөн чалгьялө мамыс.

– Марин, дугды,– өлөдө верөсыс.– Асьныс лөсьөдчасны.

Но Николай Ивановичлөн сёрниө суйсьөмыс Маринлы чусасысь бипурийө кос лыс шыбитөм кодь.

– Талун нырсө лязөдисны, аски поткөдасны юрсө.

Муртса на лөнис горалөмыс, а мыжа Кызьюров өшинюв-сянь чуксасыө нин, Кольчикөс мачөн ворсны нуөдө.

– Пуксыс отсав дитяыслы, мый сэн көйвидзан!– гөтырыс тшөкыда ырыштчыліс верөс вылас, кор детиналөн мыйкө эз ладмы гортса уджөн.– Грамота перйөмыд водзті, буди, кокниджык вөлі-а. Гортса уджгьяс сетөны, луныс оз ли мый тырмы сәні.

Николай Иванович бура төдіс гөтырыслысь велөдчөмсө да нем нин эз шыась. Шоч во ар кежлө эз кольлы, сідз нин турки-тарки ләптисны тшупөдысь тшупөдө, йөткыштисны көкгьямысөд классысь. Но век жө пуксывліс пыскөд орччөн, сылысь кисө кутөмөн гижталісны пөлөса да крукыля визгьяс, бөрынджык шыпасгьяс да лыдпасгьяс.

– Өні думыштлы, мый кутам водзө вөчны?– артасиггьясө батыс пыр юалө пысылысь, зільө, мед эськө эз виччысь висьталөм, ас юрнас вежөртіс. Мөдыслөн кымөс улас сингьясыс гөгралөны, юрас мөдтор, сәсся бөрддзас.

– Дзерөдан сән!– бара уськөдчас гөтырыс.– Кутшөмгья велөдысгьяс өні. Мый нө, велөдөмасө оз куж да, абу өд йөй зонкаыс. Верстыө йөз весьшөрө сьөм босьтөны.

– Марин,– Николай Иванович неөтчыдысь өлөдліс гөтырсө,– татшөм сёрнисө эськө колө ас костаным нуөдны, Кольчиктөг.

– Мый нө дзебам семья костын, мед төдас,– пыр өтмоза вочавидзліс мөдыс.

Кымын водзө, сымын тшөкыдджыка пансьывліс веныс, весиг некымын лунөдз өта-мөдныслы гозгья кыв эз шулыны. А пысылы ыджыдгьяслөн зыксөбөмыс кажитчис ворсөдчөмөн, на моз жө кутіс кыпөдны гөлөссө, вөчсис кө мыйкө не сы ног. Син на син сёрни олөма да олөмө пырысь мужичөйяслөн эз жө пөльза вылө мун. Прөстө батыс эз төд ни эз куж, кыз да мый вылө колө мыджсыны татшөм уджас. «Ерөмакань, абу тай решеннө примитөмыд»,– гыжйыштліс балябөжсө өткөн пукалігөн.

Нельөд ли витөд классын велөдчигөн Кольчик вайис школаысь ас вөчөм джек, краситөма и быдөн. Батыс гортас эз вөв.

– Ачым вөчи, помсянь помөдз, – пуктіс пызан дорө, видзөдліс мамыслы синмас, думайтіс, ошкыштас.

– Ёна тай, – мамыс йөткыштіс кокнас вөчөмторсө. – Пызанъяс да джекъяс столяр вөчалө, көнкө, эз и пырав школаө. Инженерө велөдчы, Кольчик. Велөдчы, бать-мамыд отсаласны.

А кык лун бөрын пиыс сутш кежлө и вошавліс школаө. Дөска дорын артасигөн учительша крапкөма-шуөма ставлы кывмөн: мөс пө тэ. Дас дорысь витөс он вермы чинтыны. Коля оз вермы кутчысьны, кватитас сумкасө, өдзөс сайсянь нин горөдас: «Ачыл тэ мөс!» Сэсся эз мөд пукавны математика урокъяс вылын. Мастерскөйын вөчасьө либө физкультура вылын мукөд челядькөд котралө.

– Ёна тай, – шогө усьөм детинкаөс частө өлөдліс Бызов Мишка, код төдас кутшөм классын велөдчысь, юрыс матичө тшукө. Урок көть абу йөзыслы, пыр коридорөд отарө-мөдарө шөйтө, школа гөгөр да. – Нем абусыыс майшасян, велөдчөмыд некытчө оз пышйы. Бать-мамыд оз төдны ни, урок вылын ли абу. Со ывлаыс кутшөм гажа, петам гуляйтыштам.

Кольчик казавліс нин: переменяяс дырйи вит-ө-квайт зон пыр котөртөны складъяс сайө. Куритчөны сэні, папирос да истөг сэтчө жө дзөбөма, пөвъяс костө. Сэн жө сөрнитчөны-ошйысьөны, коді мый вөчөма, кытчө ветлөма бөръя кадө, велөдысьясөс мыськөны-пожъялөны. Мишка индысьө, кодлы мый ньөбны-судзөдны «штабас». Сідз найө нимтөны вөрысь керкатор, өшина и өдзөса, пача и. Колана пусян доздук вайөмаөсь, нар вөчөма шойччыштны. Мукөддырйи сиська биөдз сөрмылөны, дыш лоас гортас мунны – узьмөдчасны. Бызов Мишка өтчыл вотчысь нывкаясөс пыртлөма, чайөн юктөдөма. Войпукны көсьюмаөсь воыны, зэв пө сэні гажа, позьө пө ворсан вайлыны и. Оз пө некод өлөд, көть шумитыштан-дурыштан.

Водзті кө, бурджык оценка пуктөм бөрын, Кольчик гортас пыригкості петкөдлө дневниксө, өні вежоннас өтчыл кырым-пас пуктыны мырдөн колө корны.

– Бара тай уна кольөмыд, бөлбан, гортсянь школаө мунан-а! – ыджыл гөлөсөн горалө мамыс выльлун асылө. – «Два-яснад» ылө он мун. Аслыным нем ог убөлитөй босьтны, тут кодя тэнө вөчөдам, а пөльзаыс... Öти көм-паськөм кисьтан.

– Унаөнлөн гортса уджыс эз вөв, – чокышсьө пиыс мамыс вылө. – Этйө Нинаыс менө сөмын и аддзө, пыригкості юалө...

«Нинанас» Кольчик коддьөм нимтө математикаысь велөдысьөс, Нина Ивановнаөс. Сйө налөн и класснөйыс.

Неважөн Нина Ивановна воліс Кольчикъясө. Дыр сөрнитісны мамыскөд.

– Вермө өд велөдчыны, көсьяс кө, – зэв лабутнөя паніс сөр-

нисё школаын кызь во сайё велодысь. Бура төдіс орччөн пукалысьлысь морттуйсё, велөдліс жё сійос не өти во, и гортас туйыс вөлі төдса. – Дышыс венё, ньөти зэлөдчыштны оз кёйы. Некутшөм вежавидзём, мукөддырйи висьталас сэтшөмөс – кок йывсыд уськөдас.

– Ог жё тай батыскөд лёк вылө ышөдө-а. Йөзсяыс омөльдзыка ог пасьтөдө-көмөдө-вердө. Часі со корис, ньөбим.

– Гөгөрвоа, – Нина Ивановна дыркодь чөв оліс. – Эз, дерт, сэтшөмөн чуж. Коркө да кыткө ми өтлаын, школа и бать-мам, вунөдім кутыштны сойбордйөдыс, надейтчим, мый ставыс лючки-ладнө лоас. Школалысь мыжсө ме ог жё вешты. Сэн өд найө витсёөн. Быттё ставөн өткодьөсь, видзөдлыны кө боксянь, а сідзсө быдөнлөн гуг и бан. Овлө, мукөддырйи он вермы асьтө кутны, не местаө шусяс, бөрыннас лоө юрөдыс шылькнитны, прөща корны. Шуа тай – өтлаын миянлы колө... Пөлино, гортад мыйкө отсасыштө оз? Батыскөд тай төн паныд сюрим, норасис: жель пө оз бергөд.

– Ныр увсыс мед төдас, мый көдзөма, – Маринөс быттё пытш курччис верөссө казытыштөм бөрын. – Мый сыыс пөльзаыс, менө ёндзыка мыжалө, вөля пө сетін кок вылас сувтөмсянь.

Шойччан лунө ая-пия вуграсьны ветлісны. Вөрзисны гортысь шонді петтөдз на. Прамөй уна сюри чериыс. Лов выланыс кокни, асывбыд сёрнитісны ёрта-ёрткөд моз. Николай Ивановичлөн личалыштіс пытшкөсыс: абу на сэтшөм кын сьөлөма пиыс, сөмын кужны колө сибөдчыны. «Ок эськө ветлыны сыкөд кытчөкө, өтлаын олыштны. Торйөдлыны сійос уличысь, другьясьсыс...»

Шойччыштөм бөрын шуисны морков град дорө кутчысьлыны, ёгыс вевтыртөма пуктассө. Сувтісны өтар-мөдар помас, но пиыслөн регыд коскыс мөдіс чегны: көрт лом пө класснас талун көсийөмаөсь чукөртны, бөрыннас пө асьыс пай уджсө вөчас. Рытъядор нин Колякөд өтлаын велөдчысь Петя Кызьюров стөчмөдіс: найө пө штабын картіасьоны, ме пө ворсси сьөмөс да вөтлісны, Коляыд пө регыд воас жө. Батыс пывсигкості мамыс весалөма град мөд джынсө, а пиыс воөма да сулалө потшөс дорын. Но кызди татчө он лөгась кусыд петтөдз! Николай Иванович мынтөдіс коссьыс тасмасө, но паныдөн видзөдлөм бөрын шеныштчөм кыис увлань лэччис: пиыс ас кодыс жө тушаа, пельпомъясыс, гашкө, паськыдджыкөсь. Ньөти повтөг синъясыс бытшкөны сьлөн синъясө, весиг гач зепъясас суйөм кияссө эз перйы. Сэтчө жө мамыс кай варыш моз жбыркнитіс на костө.

– Но нин тай, гөйыд вөрзис сэтчө, помалыштін кө пон кыв кузьта градтө, пайяс лөсьөдлан!

– Сылөн нө вөрзяс, кузь мужиклөн, аслас рушку понда жель бергөдыштас кө... Дневниксө чуланө шыбитөма, а висьтасьö воштөмөн. Туйыс векни лоөма молодечлы, керка вевтъяс вывті шөйтө.

– Коді?!– ырыштчис пиыс, мамсө йөткыштіс боклань, воськовтіс водзө.– Лысөй чөрт!

Николай Иванович өдва кутіс асьсө, горшыс гөрддзасис, вывсянь улө кинас керыштіс сынөдсө, пырис гортас.

Кывссыліс: тулыс помө уна патераа керкаын здукөн пачьясыс дуанитчасны, тшыныс пө жырьясас пурутө-петө. Бөрынджык казяласны – труба розьяссө пөв да жөчторьясөн тупьялөмаөсь. Вөлөмкө, Коля да Петя картіасигөн сьөмсө ворссияны дай уджйөзаөн на колясны. Сы пуд и ыджыдджык өртьясыс тшөктасны вөчны татшөм уджсө. Коля эськө ачыс абу кайлөма вевт вылас, сера поссө кутөма да кыйөдчөма, мед некод оз казаяв. Сійөн и лыддьө асьсө, быттө чаль пом мында абу мыжа.

Колялы аслыс сьөлөм вылас абу жө лөсьюд: школаө мунас, видөны, гортас локтас – скөр синьясөн кыйкьялөны. Весиг аслас классысь челядыс зырөны, бөрлань пө миянөс кыскан, «двоечник». Гашкө, сійөн и зильө партитчыны гырысь классьясын велөдчысьяскөд. Найө некодысь оз повны, мукөдыс, школаысь петөм бөрын, кильчө вылас на чигаркаяс вомьясас пысалөны. Төрыт на стройка вылысь тшөктісны сылы нуны толь кусөк, штабыс пө виялө. Коля дыр виччысис уджалысьяслысь өбед вылө пырөмсө, юасьтөг-висьтасьтөг босьтіс, тішкис-нөбаліс вөрөдз. Талун лөсьөдчис жө сэтчө мунны, сумкаас дасьтөма вөлі яйтор да картофель, но бөрья урок бөрын старөстаныс сувтіс өдзөс шөрө, мед некод эз пышйы собраньө вылысь. Коляөс бара лөсьөдчөны мыськыны-пожъявны: велөдчы бура, урокьяс эн коляв, эн кывберит, эн... Мукөддырйи думыштлас, кыдзи мынтөдчыны «бөжъяссыс», өд трудысь да физкультураысь сөмын бурджык оценкаясыс, да бара на энөвтчас, оз төд, кыдзи верстайтны весь воштөм кадсө. Коля лэптис юрсө, кор старөста юөртис мөд школаө сійөс вуджөдөм йылысь. Видзөдліс гөгөр: ставөн кисө лэптөмаөсь, и Петя Кызьяуров тшөтш.

– Ме некытчө ог мун! Кодлы колө, муной!– горөдіс петігас порог дорсянь. Өдзөс сайсянь кывзыштіс вензьөмсө, сэсся пырис классыслөн пөрччысянінө. Зептын новлөдлан пуртөн мөдіс орыөдлыны кышан кизьяс, нывкаяслысь и зонкаяслысь. Дзөнь тугья шапка тыр лои. «Корсьөй, кодлөн кутшөм кизь»,– пуктіс джоджас шапкасө.

Гортас Николай Ивановичөс не сэтшөма шензьөдіс пыискөд лоөмторйыс, кыдзи веськодьлуныс гөтырыслөн.

– Челядь вильшасьөм, йөзыслөн мый оз вөчлыны да,– кок-

ниа чөвтис сылөн дузъялөм вылө.— Мед эн мун школаас дай, эськө ачым ставсө ладмөді.

«Ладмөді пө... Шулін: челядьдыр пө асьным эг аддзылөй, өтка пиыд мед көть красуйтчас. Красуйтчө тай со. Тöлысь срок сетисны, оз кө пө вежсы, спецучилищеө мөдөдасны. Аддөй-аддөй, кызд бара суседканым өтнасөн нельоныскөд ладитө, ставыс зонкаяс. Сийө жө енма му костас олөны. Зык ни шум. Мусө сөйөны-уджалөны челядьыс, боковөй йөзкөд пыр чолөмасьоны. Земля-матиыс кулөм бөрын оз примит, этатшөм өтрөстель пө ас бөрад колин. Челядь дыр эз ло, шогсим, пи чужис — бара шогсы...»

«Дыр-ө сэсса кутасны лешны,— жуглө юрсө Николай Иванович,— коркө воас-ө пөмыс?»

Сэтшөм и эм, дыр-ө? Милициябердса комиссия вылө корлисны, исполкомө, женсоветө, ставөн штрафөн повзөдлөны. Дас нель арөса зонкалы мөд ним көвъялисны: «трудной пө». Талун на паныдасис школаса директоркөд, корис пыравны.

Николай Иванович чуймыштис, кор школаса юралысь юөртис писө спецучилищеө мөдөдөм йылысь.

«Мед. Мый корсис, сийөс и аддзис. Лөкджыкыс век нин оз ло. Мед этша пыркөдыштасны буссө»,— пукалис бать юрсө кияс вылас мыджөмөн.

— Дерт, сэни мөд дисциплина, кытчө көсьян, он мун. Уджөдөны и велөдөны. Специальность босьтас. Мый вөчан — эмөсь на сэтшөм школаяс мян,— директор паськөдис кияссө.

— Тюрмаө инө?.. — медбөрын шыясис Николай Иванович, быттьө садьмис узяниысь.— Тюрмаө?

— Ни велөдысьяс, ни ачым ог төд, Николай Иванович, мый ещө колө вөчны Николайкөд. Аддзө, мый кывйысь кындзи мян некутшөм право абу. И жаль мортыс, и челядь водзас абу лөсьыд...

— Төда сэтысь олөмсө. Дзикөдз торксяс, шпанаө пөрас. Кольлө ещө, либө менө мөдөдө сэтчө. Менам өд пиыс, ме кыв кута. Мед восө кызкө помалас, ГПТУ-ө видла ыстыны, ачым ветла вөйыны. Гашкө, төдтөмъяс пиын асьсө кутыштас. Төнтъя сөрни бөрад милицияысь челядькөд уджалысьыс, тыдалө, сетөма бан бокас. Ачыс эськө эз висьтась, өртъясыслы ошйысьөма: вешта пө водзөссө.

Карса училищечын, көни дасьтөны видз-му овмөслы механизаторъясөс, Николай эз жө дыр кутчысь. Быд шойччан лун кежлө воө гортас, лун-мөд, а то и куимөс сөрмөдчө. Висьөм вылө ыстысьөмөн дзонь вежон коляс. То нөйтөны пө сэни, то гусясьөны,— висьталө. Сэсса и дзикөдз энөвтчис. И школаө велөдчыны эз мун. «Мед гортын олас»,— пыр өлөдис батьсө

мамьс. Комиссия пыр, кыз тыр арлыдтөмөс на, удж выло иналисны, райпоын грузчикон лои.

Николай Ивановичлөн сёлөмыс бара абу местаын. Мый нө, грузчиклөн уджыс – грузчиклөн и эм: жель кө бергөдасны, сэк жө и удждон дзайгөны-корөны, горшсө көтөдны. И сетөны налы, көть и часыс абу на тырөма – ас йөз. Сэн жө орчча грездыс Калис, ар комына өш кодь ён мужичөй. Мый поэь и оз, ставсө горшас кисьтө, вина выло көть гатша агас выло керка вывсынь уськөдчас. Ошйысьсө пө тай: менам рушку пө көть багыр сывдас. Коньөр гөтырыс судзөдас курыдтортө, пыр и суседө петкөдө. Көть пө из улө пукты, адзас.

Николайлы сёлөм вылас воис ёртыс, велөдысьыс. Некор оз дурскөдчы-видчы, нинөмөн оз лыддысь. Унджык кө отлаын кылөдасны, гортас на узыны кольөдас. Веськалан пө погонаяслы. Николай сюрлис нин гөрд дорыша картузалы, коді бан боксө сылысь «шонтіс». Милиционерыс – сусед морт, кык керка сайын и олө. Шондіа лунө гортөдз эз во, унмовсьөма потшөс дорө, сэтысь суседыс и пыртөма ичөтик машинаас. Казенной домьн вой узьөмысь төлысь джынся удждон кульыштисны. Николай ещө на лөгасис пөрадөк видзысь выло. Сэсса и водзөс вештантор дасьтис.

Суседыс шурьялө машинаөн, мукөд лунө некумынысь горт дорас кежалө, быттьө уджыс вежон кежлө водзвыв эштөдөма. Комын арөс на абу, а кынөмыс нянь шомөс моз ловзьөма, дзирдалысь увдор кизьяссө кительсьыс разьөма. Пажын кадө төдса «газик» шурснитіс-воис көзяин горт дорас. Машинаысь чечисны куимөн. Погонаясыд оз жө кослунавны, дарьясьлөны и лун шөр лунын. «Сідзкө, оз вөрзыны дзик пыр». Николай копыртчөмөн, шыш моз, карта сайясөд котөртөдіс көрт тувьяса пөв. Лыааинө тыртыштис пөвсө туй пөперег, зальөдөм көрт тувьяслөн йывьясыс чурвидзисны вывлань. Видзөдліс гөгөр, некодөс эз казав. Час-мөд бөрын дон чужөма мужичөйяс сөлөны машина гыркө. Этша и муніс көрт вөлыд нальк дорсянь, сувтис, нельнан колесаыс нөпмунісны. Потшөс дорын сулалысь баб кинас индіс налы Николай керкалань. Вөлөмкө, бабыд картупель мудйөма йөрас, зонлөн ноксигөн мудзөм коссө буретш веськөдөма. Судитисны мыжаөс, кык во сетісны условнө.

Бөрья кадө Николай Иванович наеда кутіс, мый писө регыд армияө босьтасны. Ачыс сійө лыддис армиясө ыджыд школаөн. Со нин тшөтшьяяссө колльөдөны служба выло, а гранадөр кодь пиыслы мунан туйыс потшсис кык во кежлө.

...Нитш босьтан лунө Николай Иванович нарошнө кытшов вөчис, прөйдитіс тшупөм гид дорөдыс, любуйтчис чача кодь мича срубнас. Шондісянь өні керьясыс сирзыштөмаөсь, не-

уна гөрдөдыштөмабсь, лөсталөны зарни рөмөн. Дерт, төлалыштисны и кокняммыштисны. А сэсся регыд краска банкаөн төдса борывса ордымөд воис пасьявны срубсө. Ковмас лэччөдны горт дорас. Кежис яг гривка вылө и... чуймис: гидсьыс кольөма сөмын местаыс. Некумынысь куньліс да восьтыліс синьяссө, эз-ө нин пөртны сійөс, но чаг-ёгысь кындзи места вылас нинөм эз вөв. «Аттө, трасича, выльөн тшупөм порсь гид гуисны. Татшөм дивөыд ещө эз на кывсьыв, — Николай Иванович шпыньмуніс, но серөктөмыс артмис курыда. — Кык син костсьыд ныртө тай нетшыштасны». Лигышмунөм кокьясыс муртса вайөдісны гортөдзыс.

Забеднөысла да гөтырыслөн горалөм вөсна Николай Иванович кык лун вольпасьысь эз чеччыв. Но мыйкө колө вөчны, сідзи он энот, тшупөм срубыв абу ем, эз кө кытчөкө ылө нуны, сюрас. Милицияө эз мун, шуис казыгыштны «опералөмсө». Кык лун чөж сійө гөграліс-гижис сиктсө, кежавліс бокусса грездьясө. Паньд сюрись төдсаяслы висьталө юрас воөм кутшөмкө мог. Он өд веськыда шу — юр яндзим. Керкаяс дорын, йөрьясын дзирдалөны выльөн лэптөм пывсянъяс, гидьяс, гоҗся пусянінъяс, но аслас киөн вөчөмторсө некусь оз казав. Шуөны тай: воштысьлөн сө грек, гусялысьлөн — өти. Но коді сійө өтиыс? И сэтшөм забеднө лои олөма мортлы, киас нинөм оз шед, ни юрас оз пыр. Сэтчө жө талун паньд сюри дас көкьямыс арөса быдтасыс, сійөс казьялөм бөрын ылысянь на кежис мөдар туй бокө. Чужөмыс нюкыртчөма косьтөм паренча моз, эҗсялөма зу кодь щөт्यों, быттьо градывса полокалө павьялө. Весиг оз эскыссьы, мый тайө тшакапалаыс — коркөя горт гажөдысьыс, мусаник Кольчикыс, кодөс школаө пыртөдз полисны син водзьыс воштывны.

Өтчыд гөтырыс пырис ывласянь. Көсьта Иванлөн пө кузюлас выль вөр чукийөн сөвтөма, вой кежлас, тыдалө, карө лөсьөдчө. Верөсыс бура төдіс Иванөс, во кызь шопералө совхозын, и некутшөм лектор сы йылысь эз кывсьыв, но век жө шуис ветлыны, видзөдлыны (воштысьлөн пө сө грек).

— Тэрмасян, көнкө, Константинович, көсий солидол неуна корыштны, өдзөс дзирьяс дзуртөны-повзьөдчөны, — висьталіс шоперлы могсө.

— Эм сэтшөм добраыд, — Иван саяліс керка мышкас. Сэк кості Николай Иванович судзөдчөмөн кыйкнитліс зэвтөм брезент улө. «Вөрыс гырысь, абу менам».

— Дачаяс вөчасны, ещө и пывсян на колө, быттьо оз вермыны общөяс тольөдчыны, гортас пөсь ва эм и. Вок йылысь сөрнита, — Көсьта Иван мыччис солидол тыра жөч банка. — Жугалөма ытшкан машина, сійөн и вой кежлас карө мөдөдөны, мед

аски регыдджык бөр косны. Со этійос сөвтім, абу и лөсьыд, всё же личнөй груз... – кинас индїс тыра кузов вылө.

– Нинөм, пөпуттө тай, – Николай Иванович аттөалис мөгмөдысьбөс, сиис сылы бур туй.

Майшасьбөмөн коли ещө кымынкө лун, Николай Иванович отырышъя дөмлө важ гидсө. Көсйө нин вөлі разылыны жытниксө, лэдзны кок йывсьыс, выльысь тэчны нитш вылө, да гөтырыс паныд сувтис, ог пө сет вөрзбөдны татшөм бур доздук, шыр ни крыса, лым ни зэр тусь сэтчө оз веськав. Сэсся карсянь воөм письмө вежис оласногсө. Вөлөмкө, гөтырыс пыр жө юөртөма милицияө. Сэтысь войтырыс, тыдалө, туялөмаөсь пышъясөс, письмөас тай сідзи и гижөмны: «по части вашей пропажи» пө и асьсө корөны.

– Ме немтор ог төд, – кияссө паськөдїс уска дядьбө, кор найө карын локтисны колана адрес кузя. – Пиөй рейсын, срубсө висьталис ньөбөмөн кутшөмкө сиктысь. Со тай ректөма...

Николай Иванович, дерт, пыр жө төдїс аслас киөн мольөдөмвөдитөм керьяссө. Пасъявтөм на вөлі сылөң, өні со гижталөмаөсь сьөд карандашөн.

...Вөлі асыводз. Николай Иванович ва тыра ведраясөн локтис юкмөс дорсянь. Шондыс муртса на торйөдчөма енэжтас дорышысь, небыд гөна бордъясөн нюлө кильчө помын паныдөн пукалысьылысь чужөмсө. Лөнь, сиктыс абу на тырвыйө садьмөма. «Сө дивө, карөдз лэччөдөмны срубсө. И вузалөма өд кодкө...» Думъяссө торкис ыджыд машиналөн жургөм шы, сувтис дзиръя дорө. Вөлөмкө, карса шопер, юасьбө, кытчө ректыны керьяссө. Сылөн сөрниысь Николай Иванович төдмалис, кызди пансьөма тайө дзуг делөыс.

Воддза волөмнас шоперлөн юасьбөмъяс вылө, оз-ө пө кодкө инды матын туй дорысь пөрөдны пуяс, отсышт сөвтны (пила пө и быдөн сьөрас эм). Тшупөм срубсө вөзъясны райпоса грузчикъяс, сяквар Калис да сылөн ёртыс. Ветымын шайт корасны. Сымда донысь жө, висьталас Калис, суседыс кольөма сылы туяна на гид, а татчө пө, куш сруб дорад, рөскөдыс помтөмдортөм на лөб. Карса олысьылы сьөлөм вылас воас кужысь киясөн вөчөмторйыс, вит дорө ещө на содтас куим даса.

– Öнї со аслам тшөт вылө лөи бергөдны войнас, – грузсө кисьтөм бөрын шопер пуксис Николай Ивановичкөд орччөн. – Муна да юр кучиксө налысь кульышта, мед судитчөны мекөд.

Николай Ивановичлы быттө пуртөн бытшкисны морөсас, син водзыс гудыртчис. Сылы эськө вөлі кокниджык, эз кө сюр вошөм гидыс.



## А Д Д З Ы С И С Н Ы

Ольош талун Кузьыбё воис сёрөнджык, манитчис удж вылас, дзоньталісны машина. Гожөмнад да – югыд. Перйис пошта кудйысь газетъяс, пуксис кильчө помас. Син улас уси лөз дорышъяса конверт.

Воркутасянь тай.

«Воис письмөбүд, аттьө, Алексей, – лыддис конвертсө восьтөм бөрүн. – Мыйсюрө төдмалі тэ йылысь. Ачым абу жө нин том, нелямынысь петі. А сідзсө тай оланногным пöшти өткодьөсь, гижөд сертиыд кө быттьө. Гарыштөмыд фотокарточка йылысь, нинөмла, пөди, сэтшөм жө вожа кызд: нывбабаясөс кодсюрө тадзи нимтөны. Көсьян кө, поэьö аддзысьлыны... Зоя».

«Мыйла и фотокарточка йывсьыс гарышти, – дивитыштіс асьсө Ольош. – Сідзсө тай зэв лабутнөя гижөма-а».

Алексей Пыстоевлы, сиктса ног кө, Парась Ольошлы, ветымын арөс нин матыстчө, но зэв на збодер. Мыссяс-шыльөд-час – чужөмыс волялө, ньөти чукур абу. Пöшти быд лун рай-центрö мунө да бөр локтө. Воас гортас – шог босьтө. И эм мыйысь: керка-картаыс бурсьыс-бур, жытник и пывсян эм, град йөрыс пелькөдөма-пуктөма, сөмын тай ловъя лов сэн оз вуджрась, некоді сійөс оз виччысь. Кучум каньыс и то көнкө чуалө-ветлөдлө.

Ольош лыддьывліс газетысь «Төдмасын клуб» йылысь, поэьö пө өтка нывбабаяслы да мужичөйяслы сы пыр төдмасыны. Öтчыд өтнасөн пукалігөн пыдісянь мөвпыштіс:

– Сөтана пызь, гижлыны кө-а?.. Юрө өд некод оз сөт, гашкө, кодкө и шысяс, сөмын мед йөз пельөдз эз во, серам выв лэптасны.

Бара газетыс веськалі киас.

«Эска бур сьөлөма мужичөйлы, коді оз повззы юкны мекөд шоглун да гаж... Мед көть и эм ныв либө пи, лоа бур мамөн да мелі гөтырөн... Ола Воркута карын, но верма и вежны оланінөс».

«Карсянь көсйө сиктө воны. Мый нө гижа ас йылысь? – бумага лист вылө видзөдіг мөвпаліс Ольош. – Гөтрасьлі, вина

понда вошти гөтырөс да нылөс? Олөмыд тай шыбөльясөд новлөдлө. Дерт, ме абу медводдза ни бөръя татшөмыс, но Машакөд торйөдчөм бөрын быттьө потшисны олөм туйөс. Мукөдыс тай кыкысь дай куимысь гөтрасясны, а ме кызь во өтнам».

Маша Кузьпелева төдіс ассыс донсө школаын велөдчигас на: туша-рожаөн и мыгөрнас сійө төдчымөн торъяліс пөдругаяссыс. Енэж рөма синъяснас видзөдлас тэ вылө, да быттьө югдыштө ывлаыс. Абу ыкшасысь и велөдчис бура. Экзаменяс сдایتөм бөрын карса фотограф вөчис уна рөма фотографияяс.

— Ен сись кодь невеста, көть өні жө венеч улө сувтөд, — шуис мамыс карточка вылө видзөдлөм бөрын. — Ме коркө татшөм жө вөлі. Пөди, кодлыськө сьөлөмсө нин косьтан?..

Парась Ольөш синмө шыбитчана жө вөлі классын. Банйөм көвдум кодь бандзибъяса, кокниа бергаліс турник вылын. Видзөдлыны кө боксянь томъяс вылө, думайтчис: өта-мөдныслы чужөмаөсь зонма-нылаыс. Но Кузьпелева некодөс матө эз сибөдды, быттьө эз и казав зонъяслысь сы гөгөр бергалөмсө. Пыстоевөс лётной школаө колльөдігөн Маша эз тыдовтчыв йөз чукөрын. Сөмын Зина нима ныв районөдз ветліс, йөз водзын Ольөшөс чупнитіс-окыштіс. «Гиж, виччыся», — вашнитіс пеляс.

Нель во мысти Ольөш, верстяммөм, пемыдлөз костюма, мөдіс уджавны райцентрса аэропортын механикөн. Маша понда вөзйысис. Маша помалөма кооперативной техникум, уджаліс райцентрса магазинын. Вуджөма сэтчө овны. Нөштта на мичаммөма-гөгрөсмөма. Эз и вочавидзлы Ольөшлөн письмөяс вылө. Отчыд магазин сиптысьөм бөрын колльөдіс Машаөс гортөдзыс, но эз кор да эз жө пырав.

— Петук көть асылын и оз горөд, шондіыс быть петас, луныс быть пуксяс. Куш мичыд — турун пйтшкын гуся из, төдлытөг косаөн веськалан, — неөтчыдысь шулывліс пиыслөн мамыс. Төдіс, дерт, код бөрся пиыс вөтлысьө. — Со Зина зэв прамөй ныв.

— Шуи кө, ог энөвтчы. Коркө небзяс жө, абу өд из сьөлөма.

— Мырдөн он босьт. Мамыс тай нелямын арөсөдз «вузасис» мичлуннас. Отлаасьліс эськө ранитчөм морткөд, да регыд бөр вөтліс. Нинөм пө меным калекасыд. Кодсянькө сэсся нывсө лөсьөдіс.

Уна том морт өзтыліс чигаркасө вузасысь Машалөн син дзирдъяссянь, но медбөръяөн көсйис өзтыны Парась Ольөш, нем эз вермы вөчны сьөлөмыскөд. Оні сійө вөлі рад кымөра да төла поводдя вылө: сэки самолөтъяс эз лэбавны. Эня-нылалөн выль оланінысь то кильчө посъяссө вильмөдө, то забор пөвьяс вежлалө. Эз отчыдысь нин куимөн пукавлыны пызан сайын, ныв пыр өтмоса вочавидзліс Ольөшлөн юалөмъяс вылө: «Удитам, абу на өд пөрысьөсь».

шина гыркын гудрасьом бõрын жуж съод воо гортас, мыссяс чайникын шонтõм ваон – быд лун пывсян он ломты, торйõн тõлын.

Õтчыд Õльõш воис сёрõнджык. Тõдса ёртыскõд вина доз юисны. Мыссьõм да нурьясьыштõм бõрын пырис вежõсõ, а сәни, плита пач дорын, мõд кровать сулалõ.

– Тайõ нõ кодлы?– паськõдис синъяссõ.

– Пыр тай газет лыддян, позьõ нёрыштлыны, сәни шоньд-джык кынмõм бõрад,– тшытшыбылка моз шыасис тьõщаыс.

– Но нин тай...

Сийõ лунсянбыс Õльõш кутис узьлыны плита пач дорын.

Вит тõлысь олõны том гозья, а õтлаын некытчõ на эз и петавлыны. Выль во тай пасйны лõсьõдчисны райпоын. Õльõш эськõ оз вõли окотит, да Маша эз мынтõдчы: йõзсянбыс пõ абу лõсьыд.

Морт ветымын чукõртчõмны столõвõй залõ. Тõргõвечьяс кындзи районса начальство гõтырьясныскõд. Сәян-юаныд тай сюрõма, майбыр! Райпоса юралысь, ар нелямына, статья мужичõй, зев пельк вõлõма, тырõн-бурõн корис казътыштны помассысь восõ (планыс тырõма налõн). Õльõш эз и казавлы, кор пуксьõма сәсся Машакõд орччõн, кисьталõ нин сулеяысь. Плешкыс лõсталõ ыргõн таз моз, пемыдгõрд юрсиыс гарчикыля, ныртõ гильõдан дуки дук õвтõ ас дорсьыс. Пельõсын шыасис ворсан ящик. Нывбабаяс быттõ сийõс и виччысьõмаõсь, жбыркнитисны-чеччалисны пызан сайысь. На бõрысь õткõн-õткõн лыбõдчисны и мужичõйяс.

– Позьõ?– райпоса начальник зев мелиа юалис Õльõшлысь, весиг ним-вичнас ыдждõдлис, нюкыльтчис-копъртчис Машалань.

– Ми регыд, Алёша, тә пукалышт,– гõтырыс радпырысь мыччис кисõ йõктыны петкõдысьлы.

Гыалысь-бергалысь йõз котыр уна рõма õшкамõшкаõн вералис Õльõшлõн син водзын. Но сийõ видзõдласнас торйõдис кыкõнõс. Кавалерыс топõдõма сылысь гõтырсõ ас бердас, быттõ таг кудйõс вõдитõ, оз, небось, шатовтчы. Маша нюмъялõ сылы чужõмас, платтьõ бõждорыс павкнитчылõ-лыбавлõ чõрс моз бергалигас кос туйõдзыс.

Õльõш ректис румка-мõд õтнасõн кольõм бõрын. Юрас воис Машалõн коркõя висьталõмыс: дурмõдõ-шогõдõ пõ, а ачыс пõв кодь вõсни...

– Гажтõмтчан?– Õльõш дорõ пуксис уска дядьõ, экспедиторõн шусис,– мед майкасны, ми лõдсыштам важ вылас. Аддзан, миян Семен Иванович кутшõм краляõс крукыштõма, оз кõtь и торйõдчы. Гõтырыс курортын, торйõн-торйõн вет-

лысьоны найо. Сэтшом «товар», ошйысьло, сэтчө пö ог ну, — экспедитор кимодзнас чышкыштіс вомсö румка кымыньтөм бöрын: — Пыстоевалон пö — кодкод тай йөктö — планыс оз тыр, пасьяс да төвся сапөгъяс нывбабаяслы судзодіс. Пыстоева магазин пыр вузалісны.

Уска дядьö сёрнитö и сёрнитö, а Ольöш дзикөдз нин гажмис, лазгөдөм син водзас быттö ен бобувъяс шывкъялöны.

— Но тэ төрыт!.. — асывнас шыасис Маша. — Не кö Семен Иванович, гортö эн во. Пырö тай мукөдлы... Ставыс шөвк кодьöсь-а.

Ольöш эськö кöсйис казтыштны гөтырыслы, кызди йөктігас вель дыр кежлö вöлі саймовтчылöны Семен Ивановичскөд зал пельöсын плюш занавес сайö, да эз нин мөд суклявны төрытьясö, ачыс мыжа, сійö сідзи юис. Сійөн и шуис вөрö петавны пальөдчыштны.

«Эг-ö лэчкө моз жö юрöс ской, эг-ö турун пытшкын из вылö косаён веськав?» Гортас воөм бöрын ещö на горшыс тасасис. Тьöщаыс кильчö помсö чышкө, шыасис вөрсянь воысьлы:

— Кузь мужикыдлы эськö абу жö сват лун шөр лунын лызы вылын голлявны да. Картупельтö йөз гуö суйим арнас.

— Нинөм, гожөмнас вөчам, медалам.

— Медалам пö, серав! Тэнад удждон вылö? Выль костюмтö гөтырыд ньöбис, весавтөм на воссыйд.

— Кытчö оз ков, эн скойсьы! — эз вермы кутчысьны Ольöш. Киис гөдлытөг тшапаліс пищальсö. Мый-мый, а татшөм сёлөм кырөдан кывъяс эз виччысь. Мөдыс сэтчö и пагаліс повзьöмысла, кыв ни джын шуны оз вермы.

Ольöш пырис керкаас да пөрччысьтөг и водіс вольпасьö. Гөтырыс эськö пыраліс раз-мөдысь, гөсьтъяс пö воисны, но мөдыс эз и вөрзъыв. Вөтын моз өдзөс пыр кыліс гөлөссö и райпоса юралысьлысь.

— Аслам квартираö петам, тыртөм тай, некод оз ов, пескөн оз ков вөдитчыны, газ эм и, — Ольöш неөтчыдысь нин гарыштліс Машалы та йылысь. — Либö Кузьыбö мунам, сәні эм жö магазинд, а ме трактор вылö пукся, унджык вештысьны кутасны и.

Мый нö өні Ольöшлөн уждоныс, кык пөв ичөтджык гөтырыслөн серти. Кольөм төлысьö нельөд пайсö ещö бергөдісны, штрап воөма милициясянь неморт ногөн ружьеөн вөдитчөмысь. Асьсö тшөтш корлісны. А вузасысьяслы мый — налөн план, тырас кö, премия на чуктö. Сюсь начальникөн планөдз пыр нин кыскöны. Колана төвар, кызди найö шуöны — «дефицит», төлысь либö квартал пом кежлö пыр мөдөдöны.

— Мустö зыртö, куим жыр тай, төрам. Он кö и... — пыр өткодя вочавидзліс Маша.

Выль местаын Ӧльӧш сьӧлӧмсянь босьтчыліс уджӧ, асыв-сянь рытӧдз мукӧдкӧд ӧтмоза гаражын ноксяс, мукӧддырйи кольччылас на удж бӧрын. Разясны мотор, а изсьӧм частьсӧ нинӧмӧн вежны, колӧ котравны-корсьысьны, сысь кындзи мог ни делӧ некодлы абу. А мый механик вӧчас! Ӧни ачыс нин корсюрӧ ӧвтыштліс кинас слесарьясӧн сідз-тадз дзоньталӧм машина либӧ трактор вылӧ – удж вылӧ колӧ петны йӧзыслы.

Ӧти рытӧ Ӧльӧш дыр пукаліс ӧтнасӧн, быдсяма думыс воӧ юрас. Кодкӧ лунӧ пель пӧвнас кывліс ӧти шоперлысь шуӧм: «Механикыдлӧн гӧтырыс пӧ райпоса начальниккӧд нювсьӧ. Шуӧны ӧд: тшын пӧ битӧг оз овлы».

Радио нин дугдіс сёрнитны, а Маша пыр на эз во. «Кӧнкӧ, собрание либӧ заседание бара». Шуис ыркӧдчыштны петавны. Сӧмын восьтіс кильчӧ ӧдзӧссӧ, гӧтырыс быттӧ сэн и вӧлӧма, а жытник пельӧссянь кодкӧ мӧдарлань вуджӧртіс.

– Вося план вевтыртӧмысь карсянь гӧрд знамя вайисны, контораса рытпук думыштӧмаӧсь, – правдайтчис Маша. Ачыс гегдӧма, вом дорсӧ мавтлӧм краскакыс чужӧм пасьталасӧ лякӧма.

– Колльӧдісны, дерт?.. Видзӧдлы асьтӧ зеркалоад.

– Ӧтлаын ставӧн воим, кежанінсянь тай Семен Иванович колльӧдыштіс, ачым кори – пон кӧлысь сикт пасьтала шӧйтӧ.

Ӧльӧш эз мӧд водзӧ посньӧдчыны, водіс плита пачдорса вольпасьӧ. Асывнас удж вылӧ сӧйтӧг и муніс.

...Коркӧ аръявив Ӧльӧш ветліс гу вӧр пӧрӧдны. Гортас воӧм бӧрын тьӧщакыс кильчӧ помас на шуис:

– Маша больничачын...

Ӧльӧш, дерт, виччысис, мый коркӧ-некоркӧ гӧтырыслы ковмас ветлыны больничачӧ, но кадыс, сылӧн висьтасьӧм серти кӧ, ылын на вӧлі.

Вӧлӧмкӧ, Маша лэптыштӧма сьӧкыдтор, вын выв лоӧма, удж вывсяныс и нуӧмаӧсь «скорӧйӧн». Бур, мый ставыс бергӧдчӧма лючки-ладнӧ, мама-ныла дзоньвидзаӧсь. Кадысь водз чужӧм лов асьсӧ бура пӧ кылӧ.

Кык вежон чӧж Ӧльӧш бергаліс юртӧм петук моз: то больничачӧ котӧртлас, то квартирасӧ асьсыс мыськӧ-пелькӧдӧ. Ӧд кымынысь нин водзджык шуліс: кок пӧлӧн сэтчӧ ог тувчы, тырмас пон бӧж увті шонді вылӧ видзӧдны. Выль мортлы ньӧбис дзоля крӧвать, кутшӧмскюрӧ сӧян-юан заптіс. Эня-нылалӧн больничачысь петан лунӧ вӧзйысис удж вылысь. Моздорас лым еджыд тубраса бать тшапа вӧсьлаліс улич кузя. Гӧтырыс муніг-моз кадысь кадӧ лӧсьӧдышталіс гаровтӧм ёкмыльсӧ. Маша сувтовкерліс выль оланінӧ пыртӧдз, думыштіс: пырны али мамордас мунны, но Ӧльӧш пыр жӧ ӧлӧдіс сійӧс:

– Мый тэ, Маша, мый асьным кужам, сійос и вочам.

А рытнас керка тыр госьт чукөрмис. Машалөн ёртъясыс, контораын уджалысьяс додь тыр козин төбөмны: сёян-юан и новлантор, коридор пельсө грума-грома тэчисны быдсяма доз-мук. Ыдждыд чет кольта ловзис тумбочка вылын: Семен Иванович пöпутгö карсянь вайöма. Сысянь пö торйöн, тшöктöма висьтавны. Ставöн ошкöны ичöt крöватьын нистысьос, бурсийоны, а сійö синнас оз лапнит, пельнас оз вөрзёд.

– Но, гөрдук, ыджыда быдмы, мамыд кодь жö ло сюсьөн да мичаён,– шыасис крöвать дорсянь Машалөн удж кузя отса-сьысыс, «гөрдук» кывнас бытгö мыйкö тöдчöдны кöсийс, но ичötлөн мамыс пыдди эз пукты сылысь шуöмсö.

– Свеклö да помидор бөръя кадö ёна сёйи, ньылалэ быдся-ма витаминсö, сійөн, тыдалö, пигментацияыс торксьöма. Быд-мыштас да сьодасяс юрсиыс.

ПМК-ö виччысисны выль машина. Öльöш водздзык нин сёрнитчылis шоперö вуджём йылысь.

– Оз тырмы сямлунöй йöзкөд уджавны, характерöй сэтшöм. Абу велалöма йöз понда кыв кутны. Дурпоп моз бергала лун-тыр, а удж висьтавны абу,– Öльöш норасис гаражö воём на-чальниклы.

– Баранкатö и ме бергöдла, Пыстоев,– серöктis начальни-кыс.– Кöзйяствотö наперво пöрадокö вайöд, а то омöль сёрни-яс кывсьöны. Öти лунөн механикос ог чужты, тэ тöдандзык, ас местаад корсь мортсö. Квартира вежём кузьтаыд думышт-ла, выль керка регыд кутам панны.

– Омöль сёрнияс пö,– Öльöш паськөдis кияссö.– Асьныд жö кабалаяс гижанныд: то райкомлысь, то ещö кодлыськö тшöктанныд отсавны дзоньтавны машинасö. Асьныд тöданныд – сэтшöм уджысь нарад он гиж, бухгалтерия оз мынтысь.

– Отсыштны, дерт, колö, гашкö, удж бөръясад,– петигмоз шуис начальник.

Выль машина сетисны армияысь воём зонлы. Мунтöдзыс на мыйкö дыра слесаритлöма ПМК гаражын, бергöдчис да сэтчö жö воис. Öльöш чукөртлis шоперьясöс да ачыс жö первойөн вöзйис выль техникасö том мортлы. Некод паныд эз сувт.

Öглаасьöм бöрын медводдза лунсянь Öльöшлы кажитчö: гöтырыс мыйкö гусятор ас пиас видзö, оз сибöд сьолöм бердас. Эз тöдчы вежсьöмыс и кага чужём бöрын, олöмыс кык банөн петкөдчö. Öльöш радейтö и мустöмтö Машаöс. Гөгөрвоö öд: сійос гортас бытгö оз виччысьны. Мукöддырйи эня-ныла мамыс ор-дынöсь, энотчасны асылöдз. Винанас, гашкö, и кöсийс сэсся пöдтыны сьолöм дойсö, поэянлуныс тай сы вылö пыр эм. А гажа юрөн воысьос кодi ошкас. Тöрыт на гöтырыс сылөн ропкөдчём вылö думышттөг жö вочавидзис:

– Буракö, эг вöзйысь... Со Зинайд верöс сайö пыр оз пет, морттуйысь пö воштис Öльöшсö – ме вылö шуöма.

Öльöш ачыс оз тöд, мый колö вöчны. Кевмыяс, прöща корас пидзöс вылас, аскинас бара «небыд» воö. И быттö некутшöм мыж ас саяс оз аддзы: удждон оз ю, удж вылын бур туйын. «Воштан гöтыртö и нывтö, семьяыд руз-пазмунас», – сёрни кост кодсюрö öлöдлис мужикöс.

Сьöм сеталан рытö прамöя даръясисны гаражын. Локтис гортас да мый вынысь крапкис кильчö öдзöсөн, мый ки улас сюрис, пыригмоз шыблалис джджö.

– Шуан, этша сьöм вая, оз тырмы?! Шуан, пигментацияыс торксöма?! – кинас индис ичöt крöвать вылö. – Мед аски жö вöли магазинтö сдайтöма, мöдан гортын пукавны.

Садьмис да бöрддзис кагаыс. Öльöш, гашкö, дыр на куражитчис, эз кө гöтырыс топöд морöсöдыс да крапкы-сьöлышт чужöмас.

– Скöтина тэ, пöттöм чулы! Эг вермы ме тэнö помöдз тöдмавны! – улыс дөрöм кежсьыс Маша кватитис кагасö, ывлаö уськөдчис...

Мöд асылö садьмöм бöрын Öльöшлы ру пыр син водзас сувтис тöрытъяыс. «Пом, – бара кунис синъяссö сийö. – Тыдалö, поткөди тбöщалысь юрсö, öчки стеклöясыс тай зильнитисны-а. Колö жö вöли сэтчö мунны...»

...Воркутаын пукалöм бöрын Парась Öльöш дзоньталис-выльмöдис Кузъыбысь керка-картасö, бара мöдис уджавны ПМК-ын механикөн. Семья йывсьыс мөвпъясыс йирöмөн йирисны пытшкөссö, кымыныськө ветлис карö (эня-ныла сэтчö вуджисны овны), но эз лысьт пыравнысö. А кодкө лунö телеграмма воис нывсянныс – внукөн чолöмалö.

Зоялөн письмöыс сьөлөмöдзыс йиджис: «Нывбаба вермас и не аддзыны шудсö верöс сайын, но медся нин шудтöм му вылас öтка мортыд. Öтка пöтка пö...» – «А мый, веськыда шуöма. Мужичöйыс öд сэтшöм жö?! Кызь во со...» – нормис сьөлöмыс олöма мортлөн, шуис ветлыны Воркутаö. Шойччан лунъясö уджалöмысь отгул босьтис. Öльöш сетис Зоялы телеграмма, кор позьö встречайтны сийöс.

Но аэропортын сийöс некод эз виччысь. Бергалыштис вокзалас да мөдöдчис тöдса адрес кузя. Кык-ö-куимысь триньöбтöм бöрын некод эз шыась. Орчча öдзöсьясысь некод жö эз петав, көть и звөнитлис жö. «Со и вои эта ылнаö», – шогö уси Öльöш. Кабалаторйö пасйыштис волöм йывсьыс, гаровтöм бумагасö скойис ключ розяс, шуис ветлөдлыштны улич кузя. Мöдысь на волис, но гижöдыс вöли важ местаын. Кöсийис содтыштны, мый

узян места корсьны муніс гостиницао. Но тайо вөлі нин мөд киён гижөмтор: «Алексей, извинит, вөлі смена вылын, встретитны эг вермы. Котөртү магазинө, виччысь. Зоя».

Ольош эз и кывлы, кызди содйөд тэрмасьомөн кайис лөз шапкаа, гөгрөсіник чужөма, тэрыб вөраса нывбаба. Сійо матыстчис сы дорө.

— Алексей,— пыдісянь ышловзис нывбаба,— вот и аддзысим.

— Локті вот...— сөмын и вочавидзис Ольош.

Зоя, вөлөм, виччысьөма Ольошөс, помся ваялө кухняысь сёян-юан. Сельгө-сёрнитө. Чужөмыс гөрдөдөма, не арлыд серти томөн петкөдлө. Ачыс сиктса жө вөлөма, орчча Кировскөй обласьтысь, мам на пө эм и.

— Төвнас волас мыйкө дыра кежлө, пыр тэрмасьө бөр. Вермө на да польо и ыжъяс видзө. Тэ сөй, Алексей, дзонь вөлөк вуджин, көдзалө со ставыс.

Ольош синсө оз вештыв Зоя вылысь. Бөръя кызь онас коді тадзи сы бөрся төравліс, өти румкаысь сорсис вирыс, пытшкөсыс небзис. Сэсся смелмөдчис юавны:

— Зоя, эн и петав верөс сайө, этатшөм лөсьыд морт...

— Мамө тай волас да сідз жө: кодкө шапкааыс пыравлө оз пө. Мися, некод,— Зоя быттьө веськодя висьталіс, серам сорөн, но серамыс петкөдчис шога.— Том дырйи вөлі зон, сёрнитім водзө олөм йылысь, весиг кымын челядьөс кутам быдтыны, артыштім. Куим во армияын служитіс, кык во стройка вылын уджаліс — ставөн пө муноны да — виччысьлы пө ещө. Воисны куимөн, гөтыра и челядя...

— Сэсся?— Ольошлы окота кывзыны водзө.

— Сійо жө луннас гортысь пышйи, мөд сиктө. Забеднө, ку пытшкө ог төр. Йөзлы синмас видзөдны ог лысьт. Кызди нө, мися, сідзи позьө: гижө өтитор, а юрас мөдтор. Бөръя письмө-яссьыс, эськө, гөгөрвои жө нин да. Сэсся татчө локті, велөдчи и уджалі. Комын арөсөдз быттьө кольмөм юра вөлі. Шуөны тай: мортыд быдторйө велалө,— Зоя ышловзис пыдісянь.— А нелямынысь петі да йөйми, газет пыр ачымөс вөзъя, быттьө вугыр чөвтү самөн.— Зоя перйис пызан кыскыштан жырйысь письмө стопа.— Комынөн кымын нин вочавидзисны и пыр на воө. Унаөн «пукалысьяс» пиысь гижөны... А этайө со тэнад, торйөнөсь... Гижи тай со, воча пукалам,— Зоя чурснитіс кока румкаысь.

Сёрни-басниыс налөн асылөдз кыссис. Зоя вөзйысьөма удж вывсыс, сійөн и аскинас некытчө эз тэрмась.

— Рытывбыд мыським-пожъялім асьнымөс, мый нө водзө кутам вөчны?.. Буди, лөсьөдчыны колө, тэныд ме ордө-а... Кык өгыр мед лоим, өтиыд, шуөны, регыдджык кусө.

– Ой, Алексей!– кухнясь петігөн Зоя джём сувтіс порог дорё.– Думаыта жё од та йылысь, Алексей, мися, юлан.– Зоя пуксис орччён, кыкнан кинас топөдіс юрсө.– Велалі татчө... Мыйла и газетас юөрти. Со мый ылнаысь воин. Буди, тэ татчө воан, Алексей, уджыд сюрас...

– Менам од сэн керка дай квартира жө,– Ёльош сывйыштіс нывбабаөс кос туйөдыс, топөдыштіс ас бердас.– Миян шоньд-джык сэні.

– Тадзи ли мый?– майшасис Зоя.– Кыдзи нө вөрзя...

– Ме думысь, тэныд колө волыны ме ордө, видзөдлыны. Кажитчас кө и...

Ёльош кык лун и оліс Воркутаын, окота вөлі нөшта олыштны, да бөр мунан билетыс зептас нин вөлі.

– Со мый,– колльөдігөн шыасис Зоя,– телеграммаөн кор, мед удж вылысь лэдзласны. Мыйкө гиж сэтшөмөс. Оз кө арты, сёрөнджык, отпуск дырйи вола.

Зоя воис Кузьыбө арьяыв. Ёльош отпускалис. Дзирья дзуркнитөм шыө киас оз тыра бекарөн уськөдчис паньд.

– Мый нө эн юөрт, автобус дорөдз эськө волі.

– Ме од өні Кировсянь, мам дорын олышті, вөлөмкө, самолёт тіянодз вежоннас кык рейс вөчө. А райцентрсянь Алик нима шопер вайөдіс, ПМК-ын пө уджалө.– Зоя паськөдіс кияссө,– град йөрыд тай «потө», өтнад ли мый вөдитан?

– Окота ноксыны. Суседлөн челядыс ёна отсасьоны. Вотөссө налы и вичмөда. А картопель сдайта, кытчө меным сы мындаыс.

– Ставыс тай тэнад тані быдмө. А стрөйбаыд...

– Мый нө стрөйбасьыд... Кучум и то кытчөкө ылөдчис.

– Кучум?

– Да. Кань. Ай кань.

Ёльош гусьон моз видзөдліс неыджыд чемодан вылө:

– Пыр кежлө воин, али?..

– Эг на, Алексей, меным сэні ещө төвсө колө уджавны, медым арлыд тырөм бөрын пенсия вылө петны, кыз миян шуоны, севернойон. Сварщикон од уджала, сідзкө, татчөс нывбабаяс серти дас воөн водзджык пета. Вит төлысьыд он и адззыв прөйдитас, өтчыд тэ волан Воркутаө, мөдысь ме – Кузьыбө, туйыс өні төдса кыкнаннымлы. Менам дзонь төлысь на отпуской.

Ставсө тайөс висьталіс меным ачыс Парась Ёльош. Воркутаысь Зоя пыр кежлө воөма Кузьыбө тулысладор, пуктысян кад кежлө, а Ёльош вуджөма совхозлөн Кузьыбса отделениеө бригадир-механикон. И мый медся төдчанаыс – выль семьяын пи чужөма, Парась рөдсө нюжөдысь.



## КЫК ШОЙЧЧАН ЛУН

---

**А**с кадö триньöбтис рытсъянь лосьöдöм будильник. Сергей Иванович тэрыба кыпöдчис, пасьтасис-көмасис. Гортысь петтöдз Марья гöтырыс бурпöт велöдис:

– Кузовтö йöз дiнас жö пукты, воштан, оз сюр сэсся татшö-мыс, кулис вöчысьыс. Со гөрд быздöдтор волысас көртыштi, мед тöдiн. Зiля вотчы, паныд вола. Гөрба Аннакөд партитчы, сийö мусö и васö тöдö, дас ведра нин сдaiтöма сельпö.

Комын во гозья олöны. Поздысьлисны Вичкодор сиктö, быттö неважөн на вöли, а куим челядь быдмисны-бордьясисны, ставөн ашпөр удж вылынöсь, внукьяс быдмöны. Бара кыкөн колисны. Кывлан йöз костысь: ёнджыка пö öтлаасьöны öтсяма оласногаяс. Вензыны ог кутöй. Но тайö гозьялы татшöм шуöмыс оз ладмы. Комың вонад кымын пуд сов сёйöма, шоныдыс и көдзыдыс вöли, бурыс и лёкыс, а олöны пон да кань моз. Верöсыс оз лэптив морт вылö гөлös, сиктын пыдди пуктана, бур боксянь газетö гижлöны и. А Марьялөн, гöтырыслөн, зычитан сямыс асьыс водзджык чужлöма, – шулöны суседьясыс. Град йöрас ва воöма – суседсö пинялö, дзирьяыс абу калича – бара жö эм мыйысь видчыны. Öлөдöмыд сылы чусмöм бипурийö кос лыс шыбитöм кодь жö. Сюрöны тай, майбыр, кывьясыс, быттö стих лыддö. «Пон олөм, бурдöдны позьтöм висьöм, – думыштли ас кежас и Сергей Иванович. – Кутшöм гөнөн чужлöма, сэтшöмөн и кувсяс, тыдалö. Гөрбаöс пö тай муыс веськөдö...»

– Торйöдчы, мый нö терпитан, – эз öтчыдысь шулыны ёртъясыс, – абу тэ медводдза ни медбөрья, а то лыбас кийд гажа юрөн, асьтö жö мыждасны...

Но кадыс сiдзи юксьытöг и гöгыльтчис. Сэн жö татшöм кырлөдлан здукьясö Марья казътывлис ныла-пия дорас мунöм йылысь.

Мöдлапөлö вотчысьяс воисны пемыднас на. Ичöтик будка дорын гыпкис-йиркөдiс тепловоз. Ярьюгид синъясыс югдöдiсны туйсö, войнас вазьöм рельсьяс дзирдалисны веськыд визьясөн. Турунвиж вагоньяс гөгөр гузьялисны кузола да нопья

йөз, юасисны, коді көн вотчөма бөръя лунъясө, кытчө лөсьөдчөны кежны талун, коді кутас новлөдлыны нырщик пыдди. Местаысь вөрзытөдз на кутісны партитчыны.

Вотчысыяслы, вөралысыяслы, чери кыйысыяслы тепловоз кыскаліс тыртөм вагон, но шойччан лунъясө йөзыс чукөрмывліс сы мында, мый домавлісны ещө осьса платформа.

Тепловоз гульөдіс-гольөдіс посъяс вуджигөн, чойяс кайигөн съөласис съөд са тшын кытшъясөн, чинтивліс-содтывліс мунан өдсө. Асъя көдзыд сетіс асьсө төдны, платформа вылын пукалысыяс жмитчисны өта-мөд дораныс.

Шонді петіс да лои гажаджык, шоньдджык. Кык-ө-куимлаө кольччалісны нин йөзыс. А со и важ керас места, вөрзисны йөз осьса платформа вылысь. Чилөг гөлөса нывбаба, дзонь весьтөн ставсыс ыджыд, йөра моз вожмавліс пөрөм пуяс, чайысис-муніс водзас. Пыригмоз чегъявліс леторос увъяс – пасъяс коляліс. Дыр пукаломысь Сергей Ивановичлөн кокъясыс позялісны, неуна кольччыштіс. Компас серти төдмаліс петан туй визьсө, шуам, торъялас кө йөзсыс. Яг дорөсын вөлыштөма пувйыс, мунігмоз нетшыштісны медбур розъяссө, сәсса лыйыштісны разі-пели. Первой кылісны то өтилайын, то мөдлаын укйөдлөм шыяс, сәсса гөгөр лөнис.

Сергей Иванович коліс өтнас, лов вылас кокни: луныс гажа, некод бөрся вөтлысьны оз ков, некод оз тэрмөдлы, оз вид. Шойччөм кодъ сылы. «Аттө, со көні лолыд ыркалө, көть аски бара лок, сэн жө горт гөгөрын уджыс эштіс». Мыр дорө пидзөсчаняяс, кабыр тырнас шаркйөдлө вотөссө чуманө. «Татшөм өдйөн кө кута өктысьны, – пувсө кузолө кысьтөм бөрын видзөдліс часі вылас, – кыскымөн чукөрта, төвбыд кежлө вөлөга лө». Мөд көрзина тыртөм бөрын пув розъяс шочмисны. Вөчис неыджыд кытш, мөдөс – бара аддзис пувъяин, бара позьө өктысьны. Копрасигас и пажынторсө нямляліс. «Мый бара Марья шуас-а талун, эта мында вотөс некор на эг вайлы». Друг вөрыс шызис нывбабаяслөн чуксасьөмысь. Петөны нин, сідзкө, туй вылө. Сергей Иванович веськөдіс коссө, видзөдліс компас вылө. Манитчыны эз кут, веськөдчис төдса мырлань. Вель ылөдз муніс, а кузолыс ни мырйыс оз тыдав. Сәсса бергөдчис бөрлань, вель пөв кытшов вөчис. Дзоръялө гөгөр, часі перйылө. Эз-ө қодкө босът? Пөсьө шыбитіс мужикөс. Со и мырйыс сюри, а кузовлөн местаыс кольөма, кодкө талялөма гөгөр. Мед көть дозсө колісны, каналльөяс. Тыдалө, збыльөсь нопъяс ректөм йылысь сёрниясыс.

Комын верст сайө өтнад он кольччы. Кор Сергей Иванович тэрмасьөмөн петіс туй вылө, сыкөд пырысыяс шойччисны туйдорса ластва вылын. Чилөг гөлөса нывбаба төлөдіс пувсө,

киськышталіс муо павкнитом чышъян выло, ачыс шутевталіс пинь пырыс, тов корис.

— Синма-ныра костысь кузолос гуисны, кык ведра пув. Со тайос чукортігкості,— Сергей Иванович мыччодліс корзина-сьыс вотоссө.— Ог тод, примитас-ө Марья гортө, суседъяссө голоснас полошуйтас наперво-а...

— Ойя да ойя, но и петкодлін жө серам,— эновтіс уджсө пув төлөдысь. Сэссия шыасис мод:

— Вай, бабаяс, кисьгышталам Сергей Ивановичлы, тыртам корзинасө, али уськодчылам артельон, со сійө бурысь вылас пувсө быттьө кисьтома.

Гортө воигон тепловоз ылісянь на надзмөдіс өдсө, раз-мөдысь тутөстис и сувтіс брускусь вөчөм керкатор дорө.

Туй отар-модар сулалісны и пукалісны йөз, лунтыр вотчысь войтырлы воомаось паныд, подон и машинаон. Сергей Ивановичлөн сьолөмыс нюкыртчис, кор казяліс гөтырсө йөз чукорысь, вешкыртчис чужөмыс, кызди овло лук кульөм бөрын. Көсйис кольччыштны мукөдысь, но петысь йөзлөн гыис йөткис сійөс водзө.

— Көн нө кузолыс?! Сьөд кымөр?!— ылісянь на горөдіс гөтырыс.— Йөзыс кыскымөн вайоны, а тэ...

— Этайө нө абу пув,— мырдөн сорөн серөктис верөсыс.

— Чужъя, ещө паныд локті! Мед вөлі корсьөма кузолсө, горт рөзөритысь.

Сергей Иванович эз вермы терпитны водзө, гырысь воськовъясөн веськодчис гортлань. А гөтырыс быттьө гижөд вылысь сяргис-лыддис видчан кывъяссө. То кольччыштлас, то бара сибөдчас матөджык. Омөлик пон сідз жө лявгө-увтө төдтөм морт выло, но полө, медым эз чужйыны сьылтшуптас.

...Мөд шойччан лун асылө Сергей Ивановичөс лөсталысь «воронко» бара гольөдіс төдса туйөд. Ноп пыдди талун босьтіс плёнка мешөк. «Гашкө, тэрмасигад эг веськав кузов выло, гашкө, прөста грекуйта,— бергаліс юрас, тайө мөвпыс и петкөдіс морттө гортсыс. Воис местаө, чегъялөм леторос увъяс индісны пыран туйсө. Нимкодя сувтовкерис. Со нитшсялөм мыр, кузь турун пиын кузолыс куйлө боквыв, муртса и төдчыштө. Вөлөмкө, сійөн и абу аддзөма. Восьтыліс вевтсө — ставыс местаын.

— Ладнө, вотчышта тэрмасьтөг,— Сергей Ивановичлөн личаліс пытшкөсыс. А кор лов вылад кокни, ворсөм моз уджавсьө, кадыс котөрөн пышйө. Кык корзина тыр өктис пувсө. «Талун, дерт, оз нин мөд увгыны,— думыштис гөтыр йывсьыс.— Кыдз бара кыскыны кута, нель ведра пув...»

Гортё воом бõрын сёйõд вичко кырсõ õдва и кайис, ньылõ-мыс шорõн киссьõ. А кильчõ пос кузаяис кыпõдчыны выныс эз нин тырмы. Сæки и петис гõтырыс, тыдалõ, казаялõма õшинь пырыс.

— Рõбõтник!— ойõстис верõсыслысь кõtасьõм мышкусõ да кузовысь тёлкысь кõч вир кодь гõрд войтъяс казаялõм бõрын.— Став паськõмтõ тай тшыкõдõмьд, кõtь шыбит. Пув ваис некутшõм порошокõн оз мын. Кулõмьд али мый, он гõгõрво? Бьдõн морт сямõн олõны, а сийõ...

Но кõзаяиныслõн син еджьдъяскõд паньдасьлõм бõрын лантьис: тадзи Сергей Иванович видзõдлõ, кор горш помõдзыс нин лõма.

— Марья,— Сергей Иванович чургõдис кисõ õдзõслань,— ныла-пиа дорад пыр кõсийсыян пышйыны, со, со петанйыны!



## Л О В Ъ Я К О Ч

**М**етрикаас пасйёма: Чипсанов Григорий Петрович, а сиктын тёдöны да син саяс шуöны Прогноз Гришён. Мед нин көть Петыр Гриш либö Кузнеч Гриш (сийö кузнеч), но оз.

Эз прöста көвъясь прöзвищес. Сийöс ичотсянь шензьöдлицны вөр-ваын, ывлаын ас кадö вежсьöмъяс. Мукöд воясö овлöны виччысьтöмторъяс, йöз дивуйтчöны: поводдяс пö таво бöбмöм петук кодь, кодi асыв пыдди рытнас горзö. Чипсанов ставсö пасйö тетрадьö.

Поводдя йылысь медясö юасьлöны олöма йöзлысь, кодъяс унатор адзылисны нэм чöжнас, кывлисны бать-пöльяссянь. Но миян сиктын шыödчöны гөтыртöм на Гриша дорö. Кодi збыльсь, кодi шуткаөн. Чипсанов торъялö ещö сямлуннас да рамлуннас.

Кузнеча дорö луннас унаөн воывлöны. Чери кыйны лöсьöдчысьяс тулысын юасьлöны:

– Кор Сыктылыс воссяс, дыр-ö йиыс оз кывт?

– Сыктылыс, шуан, – ва тыра ворйö доранторсö дзужнитöм бöрын бергöдчас кузнеч тэлань. – Пыдын шорыд кор письтiс? (Пыдын шорыс сикт шөрöд визувтö, пышкайлы гожöмнас пидзöсöдз). – Двадцатого. Значит, кык вежон мысти, плюс-минус лун кык. Пыр сiдзи овлö.

А ачыс бара нин гурйысьö пушкысь гор дорас.

Арнас вöли öшмöс сруб тшуца. Гриш вайö рос ньөр, сувтовкерис.

– Срубтö кыддзысь либö пипуысь бурджык вöчны, пожöмыд сир дука, а эм-ö ваыс?

– Код тöдас му пытшсьыс, со татчö кильчö дорö матöджык кöсья кодйыны.

– Ваыс öд лыбö му веркöсас, эм кө быттö танi, – содтiс ньөр вайысь. – Косьтöм петшөр кымыня ведра улö энөвтлы вой кежлас: ульсалас кө – ва кутан юны.

Усис дум вылö, кызди пуксьылис кольöм төв. Ноябрь шöрын көздöдiс, усис весьт джуджта лым. Унджыкыс, дерт, начкалисны тшөгöдöм гортса пемöсьясöс. Яйыс тшыкxис: зрмис да дас

лун чөж уялис. Прогноз Гриш өлөдлөмө йөсө: изъяс вылын пө лымйыс эз на вөв, оз на пө төлыс пуксы пыр кежлө. Коді эз кывзысь, ёна каитчис сэсся.

Кык во уджаліс кузнечлы отсасысьсөн. Армия бөрас ачыс лоис ыджыдөн кирпичысь вөчөм неыджыд керкаас. Уджалігас нин помаліс рытъя школа. Пыртас кодкө кузнечаө жугалөм часть, петкөдлө, кыті колө пилитыштны, кытчө розь вөчны, а Гриш оз көрт вылас, а мортлы синъясас видзөдө, нюмъялө: төда пө, гөгөрвоана. И вөчас, быттьө заводысь вайөмаөсь, стөча лөсялө местаас. Мый босьтас, сійөс и вөчө. Керка гөгөрсө пелькөдөма, он небось крукась ни конъясь кытчөкө. Весиг вевт вывсыс ва войт бокө оз мун – бөчкаясө лэччө жөлөбъяс кузя, киськасьны лөсьөдөма.

– Пөвтө колө лөсьөдны, пиө, пөвтө, – шулас мамыс, – внукъяскөд эськө ноксышті, нэм чөж куканьяс дорын бергала. Ко-мын во виччысян, код сэсся пөрысь жөник сайө петас.

– Удита, – шуас вомгорулас пиыс, а ачыс бара книга вылө видзөдө. Мукөддырйи вой шөрөдз дзижгас-уджалас гортса ма-стерскөйын.

– Лунтыр сасө нылалан, петалін көть лөвтө ыркөдны том йөз дорас. Крукыльт өти юбкааөс, пырт гортө. Мый наысь по-лан, оз чушкавны, он петшөрась, – броткө мамыс.

Чипсанов абу на кутыштлөма нылөс, непөштө колльөдчы-ны рытын либө окасны. Ныв чукөрысь эськө торйөдө өтиөс, Нина Сурнинаөс, да мый сыысь – водзө воськовыс оз артмы да. Да и Брагин Васька-кань ныв дорын пыр нювсьө-бергало. Гришкөд тшөтшъяөсь, босьтліс кык-ө-куим гөтыр, бара нин со өтнас. Нина дорө ордым тальө.

Кытшөн ворсігөн өтчыд Нина сувтіс Чипсанов водзө, төдлытөг босьтіс сылысь кияссө, ас гөгөрыс вөньюдіс. Зонлөн лөталісны кокъясыс, тайкө сьөлөмыс вөмөдыс чеччыштас, сэтшөма тіпкө. Нина мыйкө шуалө, а сійө нинөм оз кыв. Сэсся Брагин сувтіс ныв дорө, быть лои котөртны кутасыны.

Мөдысь, субөта рытө, вөлі пукалө Нинакөд орччөн. Клубө пырис гажа юра Брагин.

– Чолөм, Прогноз Петрович! – горөдіс ставлы кывмөн. – Кутшөм поводдя виччысям асывводз? Көсья гольгывны карөдз, кыдзи ковмас пасьтасынысө? – Гришөс некод на йөз водзын тадзи эз янөдлы. Вирыс чепөсйис чужөмас, но кутіс асьсө, негораа вочавидзис:

– Тшукөдлы китө ныр улад – кос али улиса – сэтшөм и лөө ывлаыс.

Но мөдыс пыдди эз пукты шуөмсө, көсйис вештыштны Чип-сановөс скамья помлань, мед шөракоствас пуксыны. Гриш эз

шойовош: чабыртіс Брагинлысь килутшсö, песовтыштис. Мöдыслөн весиг вомыс вешкыртчыліс.

– Кузнечлөн ён киясөн ошйысян, полысь кöч.

Сійö рытнас Гришлөн тöдлытöг кежсис Сурнинъяслөн кильчö помö. Гашкö, эськö, и эз смелмöдчы да кыліс ас бöрсьыс сапöг дзуртышталомъяс, тöдіс, дерт, коді локтö.

– Мый нö эн виччысьышт, öтнам со локта.

Гриш мыйкö нурбыльтіс вомгорулас. Нина зэв кыв-вора, сьөлөмсянь висьтасьö, а зон öшйöма гыррдзаяснас потшöс вылö, юрсö вывлань чатрöдлö.

– Тöлысь гөгөр гөрдоввиж кытш артмöма, лым петас.

Нина чатöртліс жö юрсö, воськовтіс кильчöлань.

– Кöчтö кыйны инö торкас... Ме, Гриш, кынмыны мөді, пыра...

– Кокниа пасьтасьöмыд да, – сöмын и артмис зонлөн ковтöм кывъяс. Эськö кутыштлыны нылöс, шамыртлыны морöс бердас... Да коді венас полөмсö. Сылы кокниджык пудъя мөлөтөн лунтыр камгыны.

Та бöрын Чипсанов вель дыр эз сюрлы паныд Сурнинакöд. Гортсянь кузнечаö, кузнечасянь гортö – öти туй. Шойччан лунъясö ветлывліс кöч кыйны, ловсö ыркöдны. Быттö из öшалö сылы вылас, Гриш кывліс, мый Нинаöс эльтöны-сералöны сыөн: корасьны пö тай волöма кузнечыд. Он пö вош, петан кö сы сайö, яй да чери кутан сёйны. Нылыд и воча шмонитыштас: матö пö ог сибöд, оз кö ловъя кöч вай. Гриш пельöдз, дерт, воас сёрниыс, сюркнялас пель саяс. А аслыс сэтшöм окота адзывны Нинаöс, вötөн и быдөн адззыліс, быттö кутчысьöмөн ветлöны Нинакöд, мыйкö зонлы висьтасьö, висьтасьö, а сійö нем оз гөгөрво. И кыяс ловъя кöчтö. Шедö сійö дзуг кодь тывйö, ыджыд, кузь пеля, еджыд.

Рытнас Гриш сулалö Сурнинъяслөн кильчö бокин, киняулас тубрастор, виччысьö кино помасьöм. Первой кылісны кокшыяс, сэсся дзирья дорсянь тöдса гөлöсьяс.

– Эн вötлысь ме бöрся, абу и лöсьыд йöзсьыс...

– Прогнозлы асьтö видзан, а сійö...

– Тэ Прогнозсö эн кыскав, бöжыд кузь нин: кыкөнöсь и кыкнанныслөн тэнö батьөн шуысьяс эмось.

– Эн кайтчы бöрас, – чöv олыштöм бöрын вочавидзис Брагин, скöрысь клопнитіс дзирьяөн. Нина веськөдчис кильчöлань, казяліс вуджрасьысь мортöс, повзыштіс.

– Код нö сэн? Пессö он-ö гусявлöй?

– Ме тайö... Со вайи... – несмела шыасис Гриша.

Ныв эз вермы гөгөрвоны, мый вермис вайны мортыс войшөр войын.

— Ачыл тай байтлөмьд, кывлі... Ловъя көч.

Гриша мыччис тубрассо Ниналы. Полысь пемос йоткышт-  
чис бөрья кузь кокъяснас, муртса эз пөрөд нылос мышвыв.

— Отсышт, аддзан, сувтнысö ог вермы.

Гриш шамьртис Нинаос киняулөдыс, гөн мешөкөс моз  
качөдліс вывлань, вөлись лэдзис кок вылас, морөс дорас топөдіс.  
Сьөлөмыслөн чорыда чеччалөмла лов шыыс петө сьөкыда, кыв  
ни джын висьтавыны оз путьмы. Нина судзөдчыштөмөн  
сывйышыгтис кыкнан кинас зонлысь сьылісö.

— Гриша, Прогноз, меж сьөлөма морт. Ловъя көч тэ ме-  
нам...



## С Ё Љ Ў Б А Б

– Мун, мисьтём бугыль, мөд пөв ситсө вузалан!– кор Кирё пөль тапиктис-локтис Сельё баб керка дорё, суседыс чорыд кывъясөн колльөдис горт дорсьыс волялан купайкаа мужичойёс, шенасис кыкнан кинас. Мөдыс, тыдалё, мыйкё шуалис жё воча, но Кирё нем эз вевъяв.

– Мый талун, Лариз (сиктсаяс нэмсө син саяс нимтисны Сельё бабён, либё прөстё Сельёөн), сэтшөма лөгасьомыд, легзян весь,– Кирё пуксис бабкөд орччөн керкадорса лабичё, кимөдзнас чышкыштитс плеш вывсьыс пөсьсө.– Пуксис жё поведяйд, майбыр. Вежон чөж лукйыси град йёрын зэригас, абу и колёма тэрмасьны. Бабйё лето пө тай.

– Кыдз нө он лөгась,– Сельёлөн вөсни парьясыс пыр на тиралыштисны.– Со этйё полокалөбис коймөдысь нин вина корны воё, синтём гут быттьё. Төн куйөд град йөрө вайыштитс, сысянь и туй тальё. Шуа: мынтыси куйөдысь и тракторысь, мыйся вина коран. Карта дорын пуктисны кузолад, тані пөлынътин-кисьтин, кабинасьыд эн петав. Яндзимсө воштөма. Сэтшөм пө өні модаыс,– шуё. Мөд пөв, ассияныс нин, ситсө вузалё. Начальникыс төрыт паныд сюри, мися, тракторсө, гашкё, веськөдлысьтөгыс сетін. Зэв бура сёрнитис, карнаваны пө коліс гөрбас.

– Öні өд чаг кө бергөдасны мөдар бок вылас, кисьтыны нин корёны, олөм тай лои,– Кирё дорйыштитс орччөн пукалысьёс, сәсся юалис: – Эз на воны?

– Эз. Автобусыс кө жугалис-а,– дзевсьысь шонділань паныд Лариз матөдліс кисө кымөс дорас, чөвтис видзөдлассө горувлань.

Сиктсаян бокитіджык прөйдитө мир туйыс, сійөн и автобусөн воысьяслы лоё подөн ташликайтчыны кыр йылөдз. Мукөд лунө дзөдзөг гез моз нюжөдчөма чемодана да нопъя йөз. Баблөн керкаыс быттьё сиктө пыран дзирья, быть нин дінтыс прөйдитан. И быдөн чолөмасьё Сельёкөд, сиктын медпөрысь морткөд: коді копыртчыштитлас мунигмоз, коді сувтовкерлас ловсө сутш өлөдыштны. Öні найё лун-мөд кезлө вооны, лукйысьыштны

град йөръясын, выльлун асыв бөр косасны карө. Гожөмбыд кежлө воысьяс ноксьоны нин горт гөгөрыс лым сылом бөрын. Өтчыд тай баблөн шусис: съод кайяс моз пө төвйинныд шоны- динь, чужан позъясаньд кыскө жө. Эз лөкыс шу, но код- сюрө лөгасис. А нем лөгасынысө – карын төвйысьяс омөля жө аддзысьлөны өта-мөдныскөд, унджык кадсө коллялөны ныла- пиа ордас пөдса өдзөс сайын. Тани, сиктаньс, абу карын кодь, петан ывлаө, гөгөр ылөдз тыдалө, ичөтысянь төдса мылькъяс, джуджыд сөнъяс, сынодыс ловтө кыпөдө. И Сельө баблы лоө гажаджык: сы дорө пыраласны, ачыс петавлас, кузь төвнас гажыс быри жө суседъясыс. Мый нө: сикт помын Кири пөлькөд кыкөн и төвйөны тшөтшъяяс пиыс, сийө ещө куим арөсөн томджык на. Өтиторсө мукоддыри, гашкө, дас пөв мыска- ны-пожъяласны, то ас гортас, то сы ордын.

– Со тай тыдовтчисны жө, – баблөн синъясыс югыдөсь на, ылысянь төдө внук гозъясө. Борис внукуыс дед рөдас мунөма, оз, небось, сорсы йөз чукөрын, сылөн пельпомъясыс джуджыджык некод абу. – Бара, тыдалө, өти кывйө абу воөм- ны, мый и юкөны пыр.

– Эн бара вензыны мөд воигкөстө, – бабыс керка дорө ма- тыстчигөн гөтырсө өлөдө Борис. – Йөзсыс абу лөсьыд.

– Но нин тай тэнад Сельө бабнад, – Нина пыркнитис яр вөвлөн кодь чатөра юрнас. – Мед нырсө оз суй кытчө оз ков дай. Ог ли мый кужө сытөг овны, пыр велөдө. Өни өд абу важ- ся кад, мед ныр увсыс аддзас, мый көдзөма: өти ныв быдтө- ма, да сийө эновтөма мамсө и писө. Ышнясьө сэн. Өтиторсө сөсыс висьталас, абу весьшөрө Сельөөн нимтылөмаөсь.

– Аддзөмыд код вылө воны, – Борис сувтовкерис дзиръя дорө. – Бабөс некор эн дойдав, не местаө шуөм кыв пөрысьлыс муткыртө пытшкөссө, сьөлөмөдзыс мөрччө. Ов сы дыра да бергөд сымдасө, сийө меным медся дона: мам и бать, чой и вок.

– Ёна тай дорйысян, сідз нин мөд нэм олө. Көнкө, важөн нин крест ягын нинкөм гозйөн тонгөны.

– Висьтав тэныд, этийө сюръяыс регыджык гөгөрвоас, – медбөрын өвтыштө кинас верөсыс.

Лариз чеччө томъяслы паньд, вөччөма. Асывсянь нин нок- сис-виччысис, пөжалис көвдум и шаньга, пелькөдчис. Моньыс өд карса, вермас на дивитны.

Жор медводдзаясь Борис вайөдіс гөтырсө баб дорас, мөдыс акань вылө моз синсө вештывтөг вөлі дзоргө-видзөдө: сэтшөм мича ачыс, быттө югдыштис сылөн пырөм бөрын керка пытш- көсыс, сэтшөм бура пасьтасьөма, краситчөма-баситчөма, весиг мавтөм гыжъясыс дзирдалөны. Вьсьт судта каблукъяс вылын тайкө мургыльтас истан кодь вөсни кокъяссө. Карандаш кузь-

та сигарет пешома чуњь костас, лөз гөгыльясөн пуркйö тшынсö вомсьыс. Лариз кыв шуны вöли оз лысьт. Ачыс моньыс мөдiс юасьны-висьтасьны. Сiдзсö, кыв-вора вöлöма.

«Гозйöдчинныд кө, и Ен тiянкöд», – сэки думнас шуис Сельö баб.

Сiдзи и эм: пöрысьлы кутшöм делö, кыдзи кужасны, сiдзи и оласны, öнi öд абу важ пöра. Сельö баб асьыс олис, таво көкъямысдас тотшкис-тырис. Код төдас эськö да, мыйта Ен-мыс шуöма-сетöма чужигад. Кокъясыс новлөдлöны на, горт гөгөр уджсö ставсö бергөдö, некодлы на эз дөсадитлы, асьсö вердö и юкталö. Кöза видзö, порсьсöс тшөгөдö во джын, гоз чипан. Мамыс тай сё нельöдз кыскис, больничаö туй эз төдлы. Быд төв, крещеннö дырйи, йöрданын пасьтөг мыссьылис, гожöмын ни төлын гач эз төдлы, сарство небеснöй сылы.

– Пывсям, чай юам öтлаын, – Лариз корö Кирöс госьтьяс воом бöрын. – Мишös кодöртам.

– Гортö жö катовтла, – лабичысь чеччигмоз вочавидзис Кирö.

Кык сусед, кык пöрысь, ёна артмöны öта-мөдныскöд. Кирö вöли медбур ёртөн Сельö верöслы, Илля Мишлы. Öтлаын мыр-сисны вöрын и ваын. Пöльö да баб воча пуксясны шытöлалысь самöвар дорö, ронгöны-сёрнитöны, öтлаын дженьдөдöны кузь арся-төвся рытьяс. Мөдсясны олан туй водз помсянь, восьлалöны-матыстчöны басинас öнiя кадöдз, быттö тэрмасьтөг кайöны кильчö содъяс кузя, быттö выльысь прöйдитöны олөм туй визьöдыс. Сэсся чуткасны телевизор, лөнъласны здук кежлö.

– Со, Кирö, видзöдлы этйö сылысь вылас, – кинас баб петкөдлö экран вылö. – Мемьсь, көнкö, абу ёна том, а кыдзи голькйөдлö и дзирнясьö. Сiдзкö, и миянлы оз ков лэдзчысьны, а тэ пöрысьяслөн керкаö мунöм йылысь кайтан, мөд сиктö. Вунöд сы йылысь, пока кок йылад.

Кирö эськö ачыс некытчö эз шыödчыв, раз-мөдысь тай волiсны томиник нывбабаяс, юасисны: көсьян кө пö овмөдчыны, вермам индыны. Позьö пö и төвйыны нач сэни...

– Менам, наперво, турун и пес дасьтöма төвйимөн, некытчö ог вөрззы. Тэнад сiдз жö. Али...

– Мый ме шуа, Лариз, – чöv олыштöм бöрын шыасис Кирö. – Олам тай, чадитам вöльнöй светсö, – Кирö вожгөдö ныр вылас öчкияссö, зэвтыштö юр саяс шöртөн. – Тэнад көть нылыд көнкö, со внукуд быд вежон видлывлö, а менö кодi... Кула, некутшöм кок туй ни пас оз коль, быттö эг и вöвлы, кодöртны некодлы.

Кирö гозья ветымын во олисны öтлаын, челядь Енмыс эз сет. Вит-ö-квaйт во сайын гöтырыс энөвтiс верössö.

— Ме уна вайлі да мый төлкыс, ныла-пиаон мусо куйодалі. Дасысь медбөрьяыс, Дашаой, сомын ловья, и то йоз муо весь-каліс овны. Внукой став гажыс, кытчо́дз видлавлас.

— Борис прамой морт, паныд сюригон пыр нин шыасяс, юалас, кыз нин по олан-вылан. Готырыс тай ена вышшит-чысь-а. Не местао ко шусис, дозйо эн пукты, Лариз. Ми од выль оломсьыс унатор ог гогорвоой. Торйон о́ні.

— Пыр тай мыйко юконы-а, юкнысо нином, кага ни баля. Ми Мишкөд тадзи эг олой. Оти кывийо вотогыд но кызди, съоломыд абу местаын, быттьо пыр кытко лудо, коло гыжйыштны. Сэк жо Борис оти вожжи помас кутчысьома, а Нина, ягарма, мод помсо енджыка, тыдало, зэвто.

— Лукасьысь москыд тай пырджык сюртом, — довкнито юрнас Кирю. — Пань тыр ваад сийо оз под.

Сельо баб горбыльтчыштома, пыр кытчоко термасьо, мыш-сяньыс ко видзодлыны, нывкаон и чайтан. То град йорас мош-коритчо, то турун нобийон карта сайод локто. Уджтог сутш оз ов. Нелямын на эз вов, саксянь пыр нин доваало. Чужтис дасодос, а веросыс во мысти эновтис. Дованад война борын унаон колины. Миш пыр нин кодсюрёлы отсасис: то комкот домыштны, то пила кеслыштны. Отчыл гын сапог домас тшотшкортигон певсо сутшкөма, нем абу и висьтавлөма. Аски-нас удж борын муртса гортодзыс воас, шуйга сойыс пельпомод-зыс потш кызта пыктома, лозодөма. Уськөдчасны пельшорос корсьны, а сийо гортас абу и узьома. Лек туй вөсна каро лаччодом йылысь нем и сернитны. Сэки од война вылысь ловйон бергодчөмьяс ок вылын юрсо кутисны, быттьо волявивса кодзтом межъяс. Ышнясьоны, подругаяс видзоны, кодсюрё эновтис семьясо. Готыръясыс съокыл уджла, тшыг нисьо пот вөсна, найос виччысьом понда порысьмисны, чукрасисны чужомьясыс, а томджыкъяс сэк кезло, коть и лек воли оломыс, кисьмисны. Ас кадө ородны ко певсо ли сойсо, Мишос позьома на спаситны.

Баб быдтис отка нылос. Кызь арос тыртөдз на Даша чужтис Борисос. Во борын подругаясыскөд мунис велодчыны Иваново каро, кысянино. Тодмасьома том морткод, сэни и овмөдчисны. Көсийс тшотш писо нуны да Лариз эз сет: видзышта по, пока асьныд ладмөдчаннуд. Помся волисны кымынко во, сесся гежөдджыка модисны петкодчывны, ныла-пиа чужисны сэни. Борис велалис бабыс дорө, туис-быдмис сиктын ас коддьо-мыскөд, серонджык неокота лои эновтны чужанинсо. Армия борын корисны милицияо, эз паныд сувт. Карын велөдчигон төдмасис акань кодь мича нывкөд, вурсьыськөд, гөтрасисны. Пөлыс эз окотит сикто мунны. Милицияын уджалысьлы сетис-ны оти жыръя патера.

– Кыз нель арёса, ме сійö арлыднас нельöдöс вайлі. Шуа тай Борислы, мися, кутшöм тiян семья, быттö кызисюрö тэчöм пес чипас, төв уркнитас дай киссяс. Лöсьöдöй, шуа, пипöv, мед пыкөд лои. Удитам пö, – дольö гöтырыс, – öнi пö олöмыс сьökыд. Кодыр нö, Кирö, ми воклы кокни вöли олöмыс?

– Асьныс тöдасны, эн и суйсьы на костö, медтыкö ладөн олісны.

– Менам тай юрö оз во: со пö став уджыс эштöма, öшинь дорын кок-коквыв лэптöмөн пукала. Ачыд тöдан, Кирö, көкъямыс челядя семьяын медыджыд, дас сизим арёса. Илля Миш буретш армияыс вöома, ыджыд, гренадёр кодь ён, коралö. Бать-мам вöли оз лэдзны верöс сайö, кодi пö сэсся миянлы отсаяс – керка тыр челядь, карта тыр – скöt. Миш оз лэдзчыс: кута пö виччысьны тiянлыс челядь быдмöм, меным пö со кисьмöма. Аслым окота мунны, а синмас видзöдлыны Мишлы ог лысьт, вель дыр нимнас вöли ог шу. Сэсся гөгөрвоис да и велöдiс. Турунасигөн сійö кольччис зорöд йөр потшны да чери кыйыштны, а ме гортö котöртi скötöс справитны да няньла. Вои асывнас, колö мöдлапөлö вуджны, чуксая мöй голяыс: «Эй, вуджöд! Вуджöдöй! – гөлöс тшыктöдз горзi. Сэсся тöдлытөг артмис: – Илля Миш, вуджöд!» Быттö пу йылыс верöсöй уси, быйкнитiс бадь сайыс пыжа. Важөн нин пö чуксаян, – юалö, – ме пö куръя йылö кулөмъяс видлавны ветлі. Аслас, казялі, шыньöмыс петö.

– Бура тöда Миштö, – Кирö ышловзис пыдiсянь, – кужліс уджавны и аслыс дон тöдліс. Öдвакö кодкö «ог» кыв сылыс кывліс, гашкö, эз и тöдлы сійö кывсö. Вöрын, сортövöй вöчигөн (ме ичötджык вына вöли), некор эз кедзөвт, пыр нин кер дiнланьö веськалö.

– Кыдз тэ гарыштiн, Кирö, ми нинöм ог гөгөрвоöй öнiя олөмсьыс, ставыс гудыртчис. Кутшöмкö пö вуджан кад öнi, видзкостъяс тай водзтi вöлины. Коркö пö ставыс ас кок йылö сувтас. Ме тай мövпала, мися, пока мöдарöдзыс воам, вуджан поскыс сiсьмас.

– Эн нин баит, Лариз. Лун-мöд сайын ветлі чужан муöс видзöдлыны (Кирö чужліс да быдмис пöчинökын), гашкö, мися, ог нин сэсся вермы, копыртча медбөръяыс бать-мамлы, талышта гусö. Вөлөмкö, кык зимогор сэнi олöны, нимтысьöны фермеръясөн, Воркутасянь вöомаöсь. Пуктылөмны мыйтакö картупель, абу и мудйылөмаöсь, быттö оз коръяс тöдчыштöны ёг пытшкас. Керкаыс быттö гидня, асьныс чугун пач дорын картiасьöны, сэн жö чудь кодь няйтöсь порсьпи руксö. Жаль босьтiс верстö мужичöйяс вылас видзöдлөм бöрын, мися, төрökанъяс моз турданныд танi төвнас. Пес абу дасьтöмны ни,

керка пельөсъяссө чуктөдлөны. Ми пө бөр татысь усйысям, ссуда вылө босьтлөм съом бырас да. Мыйөн думайтөмаөсь вөрзъытөдзыс, Енмыс төдө.

– Кутшөмкө тай выль йөз лоины – уджтөмалысьяс пө. Кодкөлунө бригадыд Педөр Мишөс корө, лок көть пө мөс картаысь ыджыд розьяссө тупкыштав, төв локтө. Мөдыс өвтыштис кинас, меным пө оз позь, ме пө уджтөмалысь, тырмымөн пө мынтөны, сідз бергөдча. Сідзи и эм, лун-лун шландайтөны сикт кузя, рытнас поль-палиөн гортас кыскөны. Көсьта Иван порсьсө начкөм бөрын яйсө вина вылө вузалөма, мамсьыс гусьөн. Сиктын уджыд быри, а карад сэтшөм туниыс лыдтөм-тшөттөм. Борис тай шуө, коді пө ачыс петө удж вывсьыс и кодөс вөтлөны, ставыслы мынтөны бура.

– Борис пыр нуөдө патерасө видзөдлыны. Өтчид и мөдөдчи, налы нем эг юөрт. Мый нө ветымын версттө, карті кодь шыльыд туйыс, часөн воан. Төдса шопер, пасибө, керка дорөдзыс вайөдіс. Водз на вөлі, том гозъя удж вылынөсь. Керкадорса лабичын виччыся. Йөзыс жуө-ветлө өтарө-мөдарө, мичаа пасьтасьөмаөсь и вердасаөсь, шензя: ставыс ли мый, мися, уджтөмалысьяс, лун шөр лунө шөйтөны улич кузя, миянлы так кадыс пыр эз тырмыв-а. Том нывъяс ме дорө сувтисны, юбкаясыс кок вожаланінөдзыс, муртса тупкыштөны чужан пассө, гөгъясыс кушөсь. Вузав пө, баб, көмъястө либө чышъянтө – кажитчөма, тыдалө. Мися, дона сувтас, он босьтөй. Мися, көмъяс вылас во чөж кага видзи, чышъян вылас – мөд во. Мися, вося удждон жө и кора тиянлысь. Серам выв лэптисны нывъяс, чиганка пө тэ, баб. А вөлі кузь гөленя сапожкияса, кокчөрйөдз кизя, ыджыдгөмөс сетлисны да нэм чөж төрисны, и өні выль кодьөсь. Чышъяныс выль жө, кусынь туйясыс на абу торксьөмаөсь.

Эз кажитчы, Кирө, карса олөмыс, гашкө, велавтөгыд, ми кодьөмыслы. Бытгө чипан кымыня ящик улын, водзті тай йөртлім ортсө колькъялысьсөс. Асылын вит часө чеччи, петны ни пырны, вөрзыштан – быдлаті дзуртө. Мудзтөдз виччыси томъяслысь сувтөмсө, коркө триньөбтис жө часыс көкъямыс часын. Турөкойөны-тәрмасьөны, сөйыштны ни вольпасьсө лөсьөдны эз удитны, рытнас пө водны жө-а. Нинөм абусьыс зыкө воласны. Көсйылөмаөсь дача лөсьөдны, съом чөжышталасны, гөтырыс юасьтөг-висьтасьтөг ыж ку пась ньөбөма, донсө шуны ни гижны ог куж. Некутшөм пө дача оз ков, сөмын пө нокыс сыкөд, Сельөйд нө пө мый вылө. Сідзи и крапкис-шуис аканьыс, чорыда клопнитис өдзөснас, муніс. Коридор помас пукалі, аслам пельөн кылі. Медтыкө сылы бобув моз шывъявны, чеччавны чирк моз. Небось, некөр огтө оз шу, кор во-

ласны войколөн, ыджыд сумка тыр төбас сёян-юантө. Төн тай өтчыд чөд вотны нуөдлі да ветліс жө. Пажын кадөдз лои виччысьны сылысь лөсьөдчөмсө, краситчөм-баситчөмсө. Ме киняулө колошъяс босьті вөрті ветлыны, мөдөдчи көмтөг, а сійө югыд сапожкия, чуня кепыся – кияс пө чөдсяньыс сьодасясны. Пывсянө тай оз жө мун-а – краскаыс пө вушъяс вылысь. Татшөмтө, пөди, Кирө, му дорад он нин сибөд, ичөтсяньыс кө абу велалөма. Борисос тай пыр вомала, мися, нем абусө эн сёрнит, быд воліг гөтырыслы шуө: вуджам пө сиктө, сынөдыс пө тані сөстөм, челядь лөсьөдам, баринъяс моз кутам овны. Ойя жө нин! Кыдзи нө ме, Кирө, дас арөснас ямщичайтны кайи.

Батьө дядькөд пөрөдчисны, ми воча воккөд (мекөд жө арлыда) кыскалім Сыктыв берег вылө. Керйыс кузь, гогналөма, гольгө утьяс вывті. Примитысьыс өтчыд менсьым вит верст сайысь вайөм керсө бракуйтис: тшака пу пө. Чер тышнас кучкис кер помө, төвнад кын пусьыд тув чеччыштис. Батъяс, кык вок, пөрөдөм бөрас казяласны тшака путө, тув помас виясны, лякасны уль вөв ситөн, приёмщикыс тай дошлөй вөлөма. Бөрда, ягө вои – дуль и зырым кынмөма өтилаө, муртса бурөдісны: дженьөдыштам пө керсө, ичөтджык доньыс мунас.

– Олөмыд, Лариз, көть помтөм нэма, быд кадлөн аслас олан сям да сер. Оні өти кер вөснаыд оз бөрдны, дзонь додь пөрас туй бокө, сэтчө и сисьмас, да пес вөчны оз сетны. Ме тай думайта, мися, өнія начальствоыс, буди, абу тыр-стөч йөз-а. Кодкөлунө кык мадам волісны, налогщикъяс пө ми, унаөн пө оні уджонсө дзебөны, налогъяс оз мынтыны. Тэ пө, кывсьө, мыйсюрө вөчасян, вузасян жө. Повзышті быдөн. Мися, Матрен баблы (пессө ылын новлыны ыджыд туй дорсянь) дадь кокныдикөс вөчи. Доз вылө вөлі вөзийө, эг босьт, верманныд юавны асьыс. Петігас өтигыс кум өдзөс восьтыштліс: со пө выль шкап кодлыкө бара вочөмыд. Мися, дорогуша, тайө абу шкап, а аслым керкатор дасьтышті... сэтчө мунны, пока ловъя да верма, а кула да код на вөчас, менам, мися, пипөлыд абу...

– Кыськө чукөртөны, а кытчөкө койөны мешөкөн, коді кыдзи кужө, сідзи и нажөвитчө. Моль Павел гозъяыд казенной керка привазируйтисны (кывйөй оз бергөдчы шуны), но, быттьө асланыс лои, копейка эз мынтыны. Сэсся чөвтисны начальниксьыс да вузалөмаөсь дас миллионысь, чуньөн некыті эз легнитны керка дорас, сы дон вылө карысь ньөбөмаөсь патера. Өд ньөбысьыд сюрө и. Чөрту нин эськө ставыс да, медтыкө няннас вердісны. Кыськө пө тай Вяткаясланьсьыд вайөны, тэ өд сэн, Кирө, ужавлін.

– Сэтысь, идзас и өтруб налысь кыскалөны. Сэні йөзыс уджачджыкөсь важысянь вөліны, көть нинкөмъяс новлісны. Мый нө мян, мыйтакө турунтө дасьтыштласны, төвнас дзуж-

ган пилаён пилитёны карта дорын, сёйё пё йи сопыльсё, тайтё-яс, ещó йов виччысьёны насянь. Газетад тай вóлі гижóма, Вадыб бригадаын пó литресó мóскыс оз вай, прóсти, господи, тэнад, поди, кóзаыд унджык вайó. Скóт вылас издевайтчóны, юóm пондаыс вежоннас óтчыд-мóдысь и лысьтóны. Абу пó выгóдно скóттó видзны, вот кытчóдз воим. Сйён и бырóдóны, коньорьясóс, кок вывсьыс усьтóдз. Óтрубтó, мый вайлóны, ужалысьясыс асьныс жó и гортас новлóны.

– Тадзи, Кирó, верстьó йóз вóчóны, и челядыс нин на вылысь велалóмаóсь гусясьны да косясьны. Борис тай шуó, кар вылад пó сечас шапкатó ли кышантó порччóдасны, и ёнджыкасó том йóз.

– Мыйла карын, Лариз, миян сэтшóm жó, газеттó ме пыр лыддя. Петыр Óльóшпыдлөн óтка пиыс кытчó сóмын эз пырав, ворсóдчóны ськóд, закон улас пó оз сюр, ичóт на, дас нёл арós тырóm виччысьёны, мед кытчóкó нуны. Бать-мамыс радóсь, кытчóкó нуасны кó, матó воóмаóсь, кóни вой суас, сэни и узьлó.

Нывсó, Дашаóс, быдтígон Сёлё баб эз сэтшóма майшась, кóть кадыс война бóрын эз дзик пыр бурмы, и óтнас вóлі уджалысьыс. Нывкаыд нывка и эм, и ачыс вóлі том на. Борискóд нокыс тырмис óтка нывбабалы. Кодсюрó неóтчыдысь казьтыштлísны зонкаóс мамыс дорó ыстóm йылысь. Но выныс да терпеньёыс Ларизлөн не туша-рожа сертиыс вóлóма. Óнi тай нукуыс пыр дорйó сйёс: тэ пó, баб, наперво сё арósóдз ов, некор тэно óг вунóд ни эновт.

Вóлі зэв гажа сентябр медводдза лун, Борислөн школаó пыран лун. Лариз вóччóдис внуксó, колльóдис школаó, регыд дентинкаяс котóрон воисны сы ордó. Вóлómкó, гумла вылын дуригон Борислөн кокыс веськалóма пиня колесаяс костó, муртса абу ордóма коклябóрсó. Баб тóлысь чóж кóкóльон новлóдлís больничаó. Мóдысь пуляйтчигон Борислы из веськалís кóси-чаас, синмыс туйысис, мыйла ещó эз тшык дóбелькиóдз. И со кольóm гожómó бара неминуча. Борис мóдис шор дорó тазйон кламьяс пожъявны. Неылысь кылís лыйóm шы, мóдысь, уськóд-чис сыланьó. Код юра дядьó кырсьыс петóма, керка вевт вывсьянь туй кузя прóйдитысьясóс лыйлó. Борис чукóстís нимнас, корис óвсьыны, мóдис сибóдчыны жытник бокóд. И друг со-тыштís боксó, уси бокыв. Сёлё баб пóшти эз петавлы больничаяс, а гóтырыс, Нина, óтчыд и пыралís верóссó видлыны да сйёс асьсó жó кóритís: кытчó оз ков пó суйсян, быттё пó танi абуóсь мильтоньясыс, óнi пó брунвидз танi.

– Ме, Кирó, рыт и асыв юрбита, Енмыслысь кора, мед отсалís кокниа кувны, мед лёк висьóm ки-кокóс эз жугóд, менам óд лов сайын некутшóm грек абу. Вичкóó ветлася и, мóд сиктó, миян тай кутчысисны да нюжалís дзоньталóмыс...



## Я Р А Н

**Н**айо паныдасисны автобусын.

– Уф, муртса эг коль, – тэрмасьомөн пырис дженьыд соска дөрөма, пидзосьясодыс прамоя нин едждодом джинсы гача зон, пуксис веськыдывы бокрын тыртөм пуклөсө, чемодансө лосьодис кок дорас, джоджас, вөлись видзодлис орччөн пукалысь вылө. Ар кызя-кызь кыка ныв, паныдөн шыльодом юрсисө комоко гаровтома балябожас, полөса визя платтьоа, вөрзьявтөг видзөдис пидзөс вылас восьтөм книга вылө. Час джын кымын мунөм бөрын Максим перйис жө чемодансыс кыз книга. Мир туй дорө поздысьом сиктьяс да грездьяс динти пройдитиг, зон колльодис найос ошинь пыр да гусьоникөн чөвтлис видзодлассө нывлөн чужөм вылө. Мөдыс, дерт, казьявтөг эз ов, юрсө бергө-дыштіс сыланьө, юалис:

– Абу, тыдалө, бур книга, эн на и листыштлы, пыр өтилаө видзөдан. Абу кө быттьө гусятор – мый йылысь?

– Кутшөм гусятор, со мосьяс да вөвьяс серпасалөма. Зоотехник ме, выльөн помалі техникум, Пустөш сиктө ыстисны. Книгасө восьті кузь туйсө дженьөдөдом понда. Ёна нин эськө листавлөма да, пыр тай мыйкө выльөс казялан.

– Помөдз инө мунысь, ме Пустөшысь жө, карө ветлі бөрө-водз.

– Тэ, сідзкө, төдан Касевөс, – зон лапйөдлыштіс синъяснас, вөйтчыліс паметяс, водзө нуөдис сёрнисө: – Касев Мишөс, армияө ськөд отлаын мунлім. Сөмын регыд сійө служитис, батьсө ли мамсө, шуліс, чорыда висьомөмөн. Справка серти лэдзисны, эз тай бөрсө вола-а.

«Но-о, – ас кежас думыштіс ныв. – Справка серти инө воөма. А локтөм бөрас висьтавліс: пидзосьяс пө мөдисны дзуртны, климатыс пө оз лөсяв. И некор эз норасьлы кок висьом вылас, воан луннас жө көзапи моз чеччаліс клубын. И пыр кытчөкө нуөдчө: то лыжи вылын вөрө, то вадорө».

– Төда... – чөв олыштөм бөрын вочавидзис ныв. – Но и кутшөмджыкөн кажитчис тэныд Мишыс?

– Кык төлысьнад нө... – сэссия содтіс: – Сідзсө тай зэв сюсь быттё-а... Но и кузь тіянөдз туйыс вөлөма. Ещө ю на, тыдалө, ковмас вуджны. Колө жө: Коми өти помсянь мөдөдзыс вуджа.

– Сідзкө, вөвъяс да мөсъяс, шуан?..

– Да. Скөт дорын уджавны велөдчи. Көръяс дорө эськө вөйыси, тіянө со мөдөдісны. Войвылысь ме ачим, яран Канев Максим. Тіянөс нө кызди шуоны?

– Надяөн. Ме культпросвет бөрын, воөм морт жө, куим во нин клубын нохся.

– Зэв бур, йөзтө гажөдны зэв бур делө, торійөн өнія кадө.

Максимлөн висътасьөм бөрын Надяөс быттё шөгөдіс. Өд регыд лоө кык во, кызд найө төдмасисны, и таво ар Миш быть көсйис вайөдны Надяөс гортас, гөтыр пыдди. Сідз нин бөж моз вөтлысьө ныв бөрысь. Надя көть некутшөм воча кыв эз сетлы, Миш мырдөн сорөн раз-мөдысь пыртліс нин гортас. Батыс Мишлөн вөр лэдзанинын, мамыс гортсө кутө, быдтө-велөдө сюраторшка өтка писө. Энькапуыс быттё выя бордйөн мавтө сёрнитігас. «Туша-рожа и мыгөр Енмыс сетөма, – быттё мыйкө ньөбантор, донъяліс том нылөс медводдзаясь волігөн. – Со и вылад новланторйыд, мед көть абу дона дөраысь, ладөн да сямөн вөчөма. Кывлі: ачyd пө вурсян и кысян. Батыс тай шулас Мишөлы: мортъяммыштан пө да вөлісь семйитчан. Ме, ас пайысь, ньөти абу паныд, көть талун жө өтлаасяныд. Мишө көть өні оз уджав, пособиесө босьтө и оз этша. Кытчөкө өд батыс сибөдас жө». Сэссия юасяс Надялөн бать-мам йывсьыс, көні уджалөны да уна-ө босьтөны, ыджыд-ө семьяыс...

Автобус пегіс восьсаинө, сувтіс ю берег дорө. Кык машина виччысьөны жө нин паромсө мөдарсянь. Юыс абу визув, но вель паськыд вөлөма. Муртса воисны шөрвыйөдз, перилө дорын сулалысьяс мөдісны шенасьны кияснас, петкөдлісны ва вылө. Максим казяліс: гыяс вылын бовъяліс сьөдөн волялысь сумочка, кутшөм вөлі орчча пукалысь нывлөн, Надялөн. Манитчытөг личөдіс дзижган замөксө, пөрччис гачсө да чеччыштіс перилө вомөн. «Аттө, быттё сир туюв», – шензисны паромвывсяяс. А Максим курччөма нин сумочка көвсө, уйө мөдар береглянь. Паромкөд өтпырйө моз воис берег дорө. Рудзөдіс көмъяссьыс васө, пыдзыртіс дөрөмсө, сумочкасө мыччис Надялы.

– Нем коланаыс эз и вөв сәні, сьөм нянь тупөсь вылө, – вежавидзөмөн аттьөаліс ныв, мыччис гачсө. – А вартчан тэ зэв бура, менө дай ковмас велөдны.

– А, секция вылө ветласи, – өвтыштіс кинас Максим, сёрнитігөн неуна куньыштлө синъяссө, мускульясыс зэвтөмны паськөмсө. «Мөсъяс да вөвъяс дорад згөдитчас выныд», – автобусө пуксьөм бөрын нин ас кежас думыштіс Надя.

Неуна муныштөм бөрын автобус сувтис сикт шөрө. Миш тані нин дірвидзис.

– Төрыт нин тай виччыси, сы дыра ветлан, – Миш чупнитис Надяөс бан бокас, босьтис сой пөлөдыс.

– Гуляйтышти карын, йөзсө видзөдлі, ачымөс петкөдлі. Со кавалерөс аддзи. Гашкө, төдан тайө зонсө, – Надя индіс кинас Максим вылө.

– Энлы, энлы... – синъяссө читкыралыштіс Миш, – быттё төдсакодь.

– Здоровье, Мишө, – воддзаөн чургөдіс кисө Максим. – Во-логдатө вунөдін?..

– Адөй, адөй! Со өд енма-муа костас кызд овлө! – кияссө шевгөдіс Миш, – Максим! Тэ нө кутшөм могъясөн?!

– Вот локті... Ыстисны тиянө уджавны. Өтар Коми му помсянь мөдарө... Зоотехник пыдди. Асланыд пиысь, тыдалө, оз сюр. Ме өд армияөдз на пыравлі велөдчыны, помалі служитөм бөрын.

– Надя! Көні тэ, тайө Максим, армейскөй өрт. Төдмасьөй!

Но Канев дорө матыстчис дзормыштөм нин юрсиа нывбаба, шыасис: «Тэ, том морт, Канев лоан, воин уджавны миян совхозө? Ме нуөда тэнө патераад».

Максимлы оланіныс сьөлөм вылас воис. Вель ыджыд жыр кирпичысь тэчөм керкаын, торъя пусянін, кужысь киөн лөсьөдөм вольпась, зэв мича шкап. «Добра! – өшиньсө гурйыв осьтис Максим. – Сө пасибө, аттьө», – юрсө копыртліс сійөс колльөдысь нывбабалы, коді пыр на сулаліс порог дорын.

– Добра, дерт. Значит, виччысим, – гач зегъясас кияссө скойөмөн Миш осьлаліс джодж кузя өтарө-мөдарө. – Позяс пыр жө гөтрасьны, кыкөнлы пока тані позьө бура кургыны. Ми Надякөд лөсьөдчам жө өтлаасьны. Гашкө, и өтлаын панам. Али эм нин кодкө, мый лантьөмыд.

– Абу некод, муртса на велөдчөмөс помалі, сутш кежлө и гортө ветлі.

– Сэтшөм добрайд сюрас татысь. Отсала друг мортлы.

– Зэв тай сюсьөн петкөдчан, Мишө, ачыд со абу на жө уди-төмыд семйитчыны, а менө тэрмөдлан воигкөсті.

– Төдан, Максим, аски явитчан удж вылад, а субөтаө – ю дорө, мый кутан вөчны шойччан луно. Надякөд миян водзджык нин артыштөма. Надя отпускын, а ме – тожө. Мөсьяс да куканьяс гоҗся лагерынөсь, ылыс видзьяс вылын, конюшня-ын дас вөв – став көзьяйство, дыр-ө төдмасьны. Шойччыштам бура, чериөн номсасям, вөрса сынөдсө апалам пөттөдз.

– Энлы, Мишө, йөзсьыс абу лөсьыд, шойччыны али уджав-ны пө локтөма – шуасны. Сэтчө жө кыйсян ни веҗсян көлуй менам абу. Поштаөн ысті. Сөрөнджык, буди.

Совхозлөн Пустош отделениеын куим бригада. Максим шуис медводз видзодлыны скот картаяс, кывсис: вежон мысти пемосьяссө вайодасны товъян местаясө. Стрöйбаяссө шөр бригадаын во кызь сайын нин лэптыломась, а öнi кыздисиурö пыклöмась ывласяньыс, уналатi стен пырыс ывлаыс тыдалö, öшиньясыс стеклötöмөсь жö. Нель мужичöй джоджас картиасьöны, гажакодьсь.

– Лок, этша киссьыштас на, – медпöрысьыс чолöмасьöм бöрын чольснитiс бутылка пыдöсысь кружкаö, мыччис Максимлы. – Бöрыннас ещö пусям, öнi уджалыштны на колö.

– Ог нин удзöд, – серам сорөн вочавидзис Максим, пуксис лясни дорö.

– Кыськö газетысь или радиоянь? – бара шыасис медпöрысьыс. – Төн тай волiсны жö, снимайтiсны и быдөн. Эз миянös, короминасö быд боксянь. Кыдз пö кутанныд төвийöдны скоттö татшöм сараяс – юалöны. А мый ми вöчам, весиг со көрт тувйыс абу, важ пöвъясысь перьялам. Пилорама оз жö уджав, важнас кытсиурö лепсалам.

– Озджык пöсявны, – сюртчис сёрниö орччөн пукалысь. – Öнi тай и төвнас тшöктöны лэдзлыны скотсö гуляйтны, водзö кежлö, гашкö, кутасны видзны енвевт улас, көръясöс моз. Вердаса скöтинаыд эськö оз кынмы да, верднысö тай нинöмөн. Гожöмбыд зэрис, кольöм воын моз бара ковмас пилаөн пилитны турунсö, сывдыны пöсь ваөн. Тулыснас тай, медводдзаясь лэдзöм бöрын, дас куимөн бöрсö эз воны-а, васöдiнтi вуджигөн сэтчö и коньөръяс пагалöмась.

«Мосьястö тай он көръяс моз видз, – дворысь петöм бöрын жугыльмис Максим. – Кöрым дасьты да кыскав, куйöд петкöд, а тöлыс ок кузы! Кыдз бара бергöдчасны-а...»

– Мый талун жугыль? – öти рытö ёртыс ордö пырис Миш. Максим бара воли листалö кыз книгасö. – Аски быть нин петавлам ю дорö, Надякöд сёрнитчим и. Збыль, öнтай ветлöдлинныд бригадиршаыскöд – сийös и тöд вылын кутi, тэныдсö быттö. Сёрнитi и быдөн сыкöд, мися, крукышт ас кадö, эн зевайт. Ничево нывкаыс, а?

– Зэв авъя, сёрнитим. Институтö абу веськалöма, во видзöма куканьяс, öнi бригадиралö. Оз жö, буди, ёнасö кывзысьны том морттö-а, эсийö стройбригадасысь уджалысьяссö босьтам.

– Мамыс велöдас, нэмсö бригадиралис. Но мый, аски петавлам пальöдчыштны?

– Ме тай көсья вöли тэнö нуöдлыны дворö-а, отсасыштны.

– Но, Максим, шуан жö. Меным, во-первых, оз позь, ме – уджтöмалысь, йöзыс мый шуасны. Вай лöсьöдчы, аски Надякöд пыравлам нуöдны.

Лои Мишлөн кёсийм серти. Субота, пажын гөгөр, куим том морт вёрзисны подон. Август пом, поводдяе гажа. Матыстчысь арыс бөрйыштёма нин пуяслысь откымын корьяс, мавтыштёма найос виж да гөрд рөмөн. Мишлөн нопйыс, гашкө, пуд гөгөр лоас. Мотоциклөн пө, шуө, куимөн огө лыбөй, а машинасо батыс абу сетөма. Вөрө пырөм бөрын Миш чукөртис разьөмөн нопьяс пунктөм кык ствола ружье.

– Мыйла нө пушкато босьтин, – юалө Максим, – чери кыйгад өд оз ковмы?

– Ош ли кöин паныдасяс, мый кутам вöчны. Но ми тэкөд, шуам, пуө кавшасям, а Надяос кодi дорьяс-видзас.

Надя – лөз гача да сэтшөм жö курткаа, мыш вылас нейджыд ноптор. Пельпомъяссö лэптыштлис Мишлөн сөрөмошйысьөм вылө, көрыштіс кымөссö, шуис воча:

– Паскө зарадсö койö, вöрас миян ловья ловыс эз нин коль.

Пöсь вис дорö кыйсьысьяс сувтісны.

– Тэ, Максим, Надякөд кыркөтша берег улас вöйтасьö, пока югыд. Нидзулыс со дзонь туис, пучöй и комоль эм. Ме верета дорышöдыс прöйдитча, көчьяс танi паныдасьлөны, сьöлаяс и. Васö пунктö шонтыны, чери юква бöрад кынöмыд регыд сьомалö.

Миш вöнялис кос гөгөрыс патронташсö, волысалис ружьесö, саялис пуяс сайö.

Надя, вөлөм, зэв сюся вугырьясö пысавлө самсö, тыдалö, абу первойысь татшөм удж вылас, тэрмөдлө на Максимос – пемдас пö. Сэссия, горувнас нин, узян местаö новлісны пес, лыс лапьяс, зэвтісны палатка.

– Татчö нө кымын морт төрас узьны, зэв тай ичöt, – шензьö зон, – пон чом кодь и быттьö артмис да.

– Сідзсö öтилы вурөма, «малютка» пö тай, позяс и куимнаннимлы төрөдчыны, абу тай зэв кызöсь.

Максим неötчыдысь нин узьлөма бипур дорын, кужö лөсьöдчыны вой кежлө. Кос пес дорö новліс уль кыз чуркаяс, дырджык пö ломтысяс и би киньяснас озджык кой. Лыссö вольсалис öтарлань, лыссьыс жö неылö стен кодьос вöчис, шоныдыс бисянь мед шлонгас узьысьлы.

Неылын кыліс лыйөм шы. Чилөг йөлöга вирдыштіс ю öтармөдарлань. Сэссия и тыдовтчис ачыс вöралысь, мыйкө тоньйөдліс киас сераос.

– Со став промысöй, – муö шыбитіс гөрд юра сизьос, – матисянь лыйи да весьсö жугөдöма, ветьок кодь лөома.

– Сизьыс и коли вөр гажöдысьыс-а, тэ бөрьясö изведитін. Вредитель жö эськө тэ, Касев, да, – Надя матөдіс чай пöртсö би дорö.

– Но нин тай, сизь понда мөдіннүд сэн... Сэссия ном да лөдз вөсна кутанныд лөвтны, – Миш перйис нопсыс вина штоп.

Сейом бөрын кык мужичөй нөрисны лыс вылө, Надя пырис палаткаө.

– Тэ, Надюш, билань чом дорыштө лэптышт, мед шоныдыс воис, – Миш велөдө нылөс.

– Ме сідз ог кынмы, – пыригмоз вочавидзө мөдыс.

Пемыдыс гөгөр шамыртіс өти здукөн. Енэжын ломзисны кодзувьяс. «Со өд, быттө тшөктөм серти ставыс лөнис, вой кежлө унмө вөйтчис, весиг лунся төвруыс саймовтчөма», – кияссө юр улас суйөмөн мөвпалө Максим. Сылы окота вөлі сөрнитыштны талунъя да водзө олөм йылысь, выль местаын водзө олөм йылысь, но кодкөд... Ёртъясыс дзык пыр лөнисны. Көні бара бать-мамыс-а, мый думайтөны сы йылысь. Мырдөн кө быттө кольчис гортас, эз жө сэтшөма мыждыны. Но да нинөм, удитас на уджавны и көръяс дорын. Би кывъяс шытөг нюлөны уль кыз кражъяс, быттө небыд бордйөн кодкө малышталө зонлысь чужөмсө, голясө – тадзи унмыс вөзйысьө мудзыштөм вир-яас. Ойбыртліс, но эз дыр кежлө. Быттө вөтын моз палаткасянь пеляс воис муня-моня сөрни, сэссия гораджыка:

– Мыйла пырин, ещө маласян сэн.

– Мый тэ, Надюш, ставыс өд решитөма нин, аски-аскомысь гөтрасям.

– Мый решитөма, пыр өтитор долян. Ме нем на тэныд эг висьтавлы.

Максим бергөдчис мөдар бок вылас. Кыліс: кодкө петіс палаткаысь, киткыртчис ськөд орччөн, инмөдчис сылы мышкас.

Коркө асьядор Миш петіс палаткаысь, аддзө: Надя сывйыштөма Максимөс. «Ме пыдди унйывсьыс дзигөдөма, – думыштіс ас кежас. – А гашкө, и эз», – лөгасис да нарошнө горөдіс:

– Шпурганнүд-узяннүд, биыд со муртса чусасьө!..

– Дыр эг унмовсьы да бөрас чорыда личкөма, – Максим ньөжйөнник вештыштіс нывлысь кисө ас вывсьыс, пуксис.

Надя мыйкө тьпкөдыштіс вомгорулас, бөр ланьтөдчис. Код төдас, кыліс эз Мишлысь горалөмсө, мөдіс тай шкоргыны ныргорөн-а.

...Ылыс видзьяс вылысь скөтөс вайөдісны сентябр водзпумын. Гожөмбыдөн пөскөтинаяс гумла кодя шылялісны, кушмисны, йирны нинөм эз коль. Да и асывьясын муыс едждөдліс нин, пужьявліс. Сэссия өд сәні некутшөм лэбув абу, потшөм йөрын узьлөны, зэр көть слөта. Но мыйкө дыра пемөсьясөс кутасны на лэдзлыны грезддорса поляс вылө, өтаваыс уна

вося турун ытшкөм бөрүн сәні нюжалыштөма. Максим өні шоч лун оз пыравлы дворө. Төдмасис лысьтысьысьяскөд, ку- кань видзысьяскөд. Вөля вылын олігөн мөсьяс и куканьяс шылялөмаөсь, кызвын дөзьөритысьыс том йөз. И быд пөрийө зон тані паныдасьө бригадиршакөд, көть рытын пыралас, көть асылын.

– Тэ, Лена, он кө и петав тась-а? – сідз өтчыд Максим юалис том нывлысь.

– Зоотехник өрт, – паськыда серөктіс Лена. – Йөв-яйыс өд и кутыштө совхознымөс дзикөдз пөрөмсьыс. Скөт фермаыс кө бырас, ковмас пиньясөс миян воклы джаджйө тэчны.

– Но, Лена, татшөм мича пиньяс он жө тэч.

– Кытчө вошсян. Торйөн таво: картофель көйдысьюр мында чукөрмис, капуста эз жө артмы, да и турунсө ульнас лои өкмылявны. Ог төд, кызди-мый төвсө бергөдчам. Пөлино, воан субөтаө шуим чукөртчывны дворө, төвийөм йылысь сёрнитыштам. Конторачиөс чукөстла и, воы жө. Клубысь да библиоте- каысь нывьяс концерттор дасьтыштөны.

– Зэв бур, локта, дерт, но өд ме нем на ог и сяммы прамөя сёрнитны.

– Кызван йөзсө, сёрниыс өсь кыптас, кольөм төвийөмсө гарыштам и.

Фермаын шойччан жырйө вель уна йөзыс чукөрмис, совхоз- са директор воис и. Но медъяра сёрнитіс бригадирша Лена: «Кодкө лунө вои – транспортёрыс виньдөма, воргаясыс тырө- маөсь куйөдөн, мөсьяслөн сулаланінын сідз жө, а слесарь, – ныв видзөдліс пельөсын пукалысь бритчытөм том морт вылө, – со тані узьө-нистө, дуль и зырым өтлаын. Либө: посни карту- пельтө мыйта ваялім, ректім пыранінас, колө жө меститны. Кынтанныд, ковмас ёлча-кыннас вердчыны. Кодкө вылө пыр надейтчанныд...»

Концерт вылө Надя нуөдіс тиөтш Мишөс (зонлөн зэв мича гөлөсыс), но сійө пыр жө өтдортчис. Мөда пө ещө мөс карта- ясөд ветлыны, куйөд куравны, асьныд нин пө сән... яранъясыдкөд. А «яраныд», вөлөмкө, зэв лөсьыда сьылө. Бөрьяпомас Лена босьтіс Максимөс киөдыс да пыртіс кытшө йөктыны. Мөдыс эз ыръянит, сөмын тэчө места вылас, быттьө ид чирсө.

– Надя, – гортө мунигөн шыасис Максим (кыкөн найө кольч- чыштөмаөсь мукөдысь), – шойччан жырьяс эськө кызкө пет- көдлыны удж вермөмсө, шуам, вежонын либө төлысьын өтчыд, а то сьодас уджалөны, нем оз төдны ас йывсьыныс. Кызкө позяс өткодявны ас костаныс, мөд бригадаяскөд, кутшөмкө интерес лоө. Библиотекаысь нывьясыс, төдөмысь, бура гижө- ны и серпасалөны. Ме верма фотографируйтны, ковмас кө.

— Позяс, дерт. Дышас тай сетчөмаось. Тани уджалысьясыс клубо оз ветлыны ни, рыгнас асьыныс овмөссө колө бергөдны, челядь сэн жө,— Надя сой пөлөдыс кутыштіс Максимос, неуна муныштісны чөла. Сэссия Максим несмела шыасис:

— Мишылд кө аддзылас, мый шуас? Сьөлөмсө косьтан сылысь, быд здуко тай Надя да Надя шуө. Көлысь вылад коро жө...

— Свадьба пө,— Надя зэв гораа серөктіс, водзын мунысьяс быдөн сувтовкерлісны.— Мед вылын мыр йывсянь оз рез! Чуньылд оз тырмы, Мишлөн ме кодыс кымын вөлөма. Бригадир Ленаос бөбйөдліс, да, тыдалө, тодмышкаліс. Оні тай кок кыкыны меным оз сет. Мамыс шуө: өтлаасянынд пө да мортъяммас. Петны кө верөс сайө — мортъяммөм сайө нин. Уджалысь. Велөдчыны пыравліс — энотчис, армияө ветліс — вошавліс сөмын.

Миш быттө сэн и вөлөма, төдлытөг торйөдчис керка пельөс сайысь. Кыліс, дерт, ныла-зонмалысь сёрни-серамсө, но нинөм эз петкөдлы.

— Думайта, найө концертасьоны, вөлөмкө, енвевтсьыс кодзувъяс лыддянынд,— лөсьөдчис Надяладорө. Кык зон колльөдісны нылөс гортөдзис.

Мөд рытө Миш локтіс Максим ордө аслас өртъясыскөд. Перйисны вина штопъяс. Гажмисны, сэссия другъясыс мөдісны Мишөс эльтны: асьтө пө вылө пуктан, а рынышылд сотчө. Миш тожө кутіс кампужитчыны, тайкө косьөдз воасны. Сідзи и лөгөн-лөкөн разөдчисны.

Кымынкө лун бөрын Максим паныдасис Мишкөд рытъядор.

— Буретш вөлі көсья кежавны тіянө. Удж вылысь воигмоз кино вылө билетъяс ньоби, тэныд и Надялы тшөтш, босьт.

— Мыйла ме босьта, тэ ньөбин да, мед тэ ордын и олас,— быттө нинөм и эз вөв кодкөлунө, Миш первойөн мыгчис кисө.— Талун лунтыр нокси клубын, сценасө лөсьөдам концерт кежлө.

Кино вылө сійө рытө Максим пырис Надякөд бөръяясөн.

— Сет лишнөй билетсө контролёршаыслы, воас кө, мед лэдзисны,— өвтыштіс кинас Надя.— Вугтөм чемодан: нуны оз позь и кольны жаль...



## ТУВ С О В Ъ Я В О Й Ё

---

---

**М**илициясаыд сиктын чина морт жё, торйон нин погоныс кё серёдома дзирдалысь кодзувъясён. Паныд сюрас сэтш-ёмыд, весиг повзъыштан, бокё кежыштан, коть некутшом мыж он аддзы ас саяд. Сідз нин, тыдало, важысянь муно.

Страк петкөдлысьён вель дыр нин уджало Гутъюров Иван Петрович, син саяс ёнджыка Гутъюрон нимтоны. Овыс ас сертиыс: юрыс кулак ыжда и эм, синъясыс гутлөн моз гуранъяссыс быллыксьомаоьс, дасьоьс ортсыо чеччыштны. Зэв чатөр юрөн ветлөдлө, төв и гожом дзуртысь кром сапога, кокбөрля вылас сувталө. Страксө медводз петкөдлө вөрти да ва вывти ветлысьяслы. Сійоьс, кызди чина мортос, быд тулыс и ар нуөд-лывлөны вөр-ваон вөдитчигөн пöрадок торкалысьясос чиршөд-лыны. Окотапырысь ветлө. Төдө, мый быд петавлигөн мыйкө аслыс чуктыштас. Нем оз сулав сэки сылы видзөдлыны вөйтөм кулом, босьтны бурджык чери. Лукйыяс и машинаад, дась лаз водзтө гурыны. Мед не сирөсьыны ськөд, мукөддырйи сідз нин сёла ли жыдач, мыйтакө чери сетасны. Отчид тай нурьясьома кыйсьысь войтыркөд берег дорын. Ва вылад кодзид, налөн пыр эм шонтысянторйид. Гутъюр гажмыштас да шуас: меным пö нем оз сулав пырны да пуртөн вундавны тиянлысь куломъястө. А ми пö тэон васө суктам, – вочавидзасны ышня-сьысьлы. Стракыд «коч коксө» перьяс кобурасьыс, раз-мөдысь шковгас-лыяс вывлань.

Кольом ар Иван Петрович ньөбис кык ствола ружье, кад вылө видзөдтөг мөдис кыйны-луйны, мый веськавліс – төдис асьыс донсө и пукалан местасө.

А тулыснас... Апрель пом кежлө кызвыннас лымсыліс, а кодзөдлөм бөрын бара уси ки вомлөс. Тувсов вöралөм койтьяс вылын эз восьтыны, но тайө эз өлөд Гутъюровөс. Субөта рытө места вөлі оз аддзы. «Некод оз аддзыв ни төдлы, быд пу улө морт он сувтөд. А дозмөрьяс сәні эмөсь». Воддза тулысө егерь пыртліс сійоьс нюрдорса койт вылө, велөдис, кызди сибөд-чыны сылысь лэбач дорө. И өні кывліс вөр кыскалысь шо-перьясянь: пыр сәтысь аддзылөны сьөд чукарьясөс. «Войнас

пета, асья рёмыднас бёр гортын лоа, оз кө ещö кодкö лок – вёр-ватö он томлав. Егерь гортас абу ни».

Шуöма – керöма. Тöдiс: вёр туй сылiс-небзис, но мотоцик-лыс сылөн ён, кызь верстö часөн венас. А койт вылөдз пырны верстысь унджык оз ло. Буретш лэбачьяслөн ворсiгкежлö воас. Сэн жö аски шойччан лун, машинаяс оз петны.

Вөрзис вой шөр кадö, вына «вöлыслысь» синсö сиктысь петтöдз эз югдöд. Кежанiнöдз воём бöрын сьöкыда лолыштiс, пöсьсö чышкыштiс плешсьыс.

Тыр тöлысь да выльөн усьыштём лым югзьöдыштiсны кок увсö, синъясыс велалiсны рёмыдас. Муныштас, сувтовкерлас, кывзысьö. Мукöддырйи сылы мöдлiс кажитчыны, мый неылын кылö чукчилөн сьылöмыс, но тайö эз вöv збыль. Гөгөр вöли вöйтчöма унмö. Лөнъыс да вёрса ыркыдыс, сы вöсна, мый танi сийö öтнас, кыпöдiсны ловсö. Видзöдлiс часi вылö – дженъыд стрелкаыс кыклань матыстчö. «Эз жö öд ставсö кыйны кольём вöсянь», – думыштiс ас кежас. Вуджис нитшсялём колода, водзö вöчис некымын вöськов, и сэки тöдса шыяс «тэк-тэк-тэк» сув-тöдiсны вöралысьсöс места вылас. Чукчи муртса садьмис вугра-лöмысь, сийөн и сылан водз помсö сöмын на шуалiс, ёнджыка кывзысис. Гутъюровлөн вөрзис сьөлöмыс, мöдiс öдийöджык нöйтчыны. «Эмось, – думыштiс ас кежас, – сöмын оз ков тэр-масьны». Вёрса лөнъыс öлöдiс дозмөрös, мöдiс тэкiйöдлыны тшöкыдджыка, сэсся и вуджис сылан мöд джынъяс – катша тай пуксяс майög йылö да бöжсö лэпталiгтыр дзуртышталö – сэтшём жö шыясөн шытöлалiс. Төнлун асыв тайö жö пожём вывсьянь мöдлiс пöдругаяссö чуксавны, асьсö петкöдлыны, лои косттi мöдар нюр помас лэбны – вына машинаяс торкасисны, кыйирыс абу на небзьöма да быттö гымалiгөн муыс сыркъ-ялö.

Иван тöдiс, мый буретш дзуртышталiгас и колö куим-нель вöськов вöчны, мед не вузавны асьтö и бёр «кынмыны» места вылад, мед пельыд пыр вöли чошкöдöма. Көнкö бокинджык радейтчан сылансö мöдiс чöвтавны мöд чукчи. Кок улын не-быд, Иван оз тэрмась. Ылiсянь на сийö казялiс кос пожём ув вылысь сьöд ёкмыль. Но лыйны оз на позь, а мед ещö матыст-чыштны, колö вуджны сыв пасьта ворга. Ваыс чукөрмöма сэтчö и öнi кеньялöма йиөн. Ружьесö шуйга киас босьтiс, веськыд-нас кутчысис коз понöль увйö и буретш лэбачлөн сылан шыö öдöбсьöмөн вöськовтiс. Эськö и воис кокыс ворга саяс, но вильс-нитiс, кокъясыс паськалiсны, швачкысис-усис гатшён. И сэк грымöбтiс лыйём. Увйö ли, кытчö ли усигас крукасьöма куро-кыс. Дойыс öзтыштiс веськыд лядьвееяс. Иван песовтчыштiс, пуксис мырдөн сорөн. Аминьö! Дойыс лядьвееяс пакöдзыс этш-

видзё, вирыс шорён тюрё. Бур, мый бакилё гөленьясыс вөлі зэвтёмны задйёдзыс, гашкё, эськё, коксё ородіс зарадыс. Иван здук кежлө шөйөвошліс (повзёмыс воис бёрынджык), киянас гурйис зепъяссё – думсьыс корсис көртөдтор, но кысь сійёс босьтан, эз өд та йылысь думышт водзвыв. Мотоциклас бинт и йод эм, но сэтчө мунём йылысь нем вөлі и думайтны, кор места вывсьыс вөрзыны оз вермы. Гутъюров дойысла пиньсё курччөмөн песовтчис шуйга бок вылас, мөдліс кыссьыны, но выныс муртса тырмис йизьём воргасё вуджны. Кизьөрмём асья рөмыдыс син водзас бөр мөдіс сукмыны, а сэсся и дзикөдз пемдіс. Иван воштис садьсё.

...Субөтаө егерь дзикөдз сёрмис, районсянь воигөн машинанас лои ноксьыны вөлөкын. Мыссьөм бёрын гөтырыс мөдысь лөдсыштис пывсянсё. Гортас воём бёрын небзьөдчис, ужнайтіс, петіс кильчө вылас курутчыны. Вөлі лөнь и шоныд, тыр төлысь келаліс рудов кымөръяс костөд. Көсйө нин вөлі пырны гортас, сэки войся лөньсё торкис мотоциклөн таргөм, шы серти кодкө вөр кыскалан туйлань веськөдчис. «Лешакө, Дзоль Мишка өд тайө, сыысь кындзи некодлы войнас шөйтны. Мукөд мортыд оз гөгөрво бур кывтө. Төвнас кымынысь вөлі висьталөма, өлөдөма. Кабина пуклөс улас ружьесө кыскаліс, кабинасяньыс лыйсис. Аски Гутъюровкөд ми паныдалам тэнө», – думайтіс пыригмозыс егерь. Часі стрелка вөлі катовтчөма вой шөр бөрлань. Нёровтчис диван вылө, но кодкө быттө тойліс бокас, бөр сувтіс. «Ва выв лэбач вылө осьтісны вөралөм, а яг вылын лыйсьыны оз позь. Тэ мун да төдмав, коді мый лыйө-кыйө вадорө вөрөд мунігөн, сюрас кө, дерт, оз нин кутчысь. А Мишкаөс колө кутны, дөжнөдлыштны, дзикөдз нин этшсө воштис, а сэсся чукөртлыны ещө вөр-ваті ветлыны окотитысьясөс, а то спокой оз ло тулысбыд». Пасьтасис, петіс да заводитіс машинасө.

Егерь төдіс Дзоль Мишкалысь дозмөр койт вылө кежанінсө, но ачыс көсйис веськыда керавны-пырны. Сылы төдса вөрыс, эз өтчыдысь прөйдитлы. Сөмын сувтөдіс машинасө, лыйём шы воис пельөдзыс. А неуна муныштөм бёрын зурасис вильён усьөм лым вылын кок туйяскөд. «Абу кө Мишка-а? Метра кузьтаөн тувйөма, көмъясыс багатырлөн кодьөс и».

Егерь осьлалө кок туйяс кузя, некөні некод оз шытөлав. Нитшсялөм колода вуджөм бёрын казяліс вөралысьылысь алыснога осьлассө. «Тасянь сибөдчөма сылысь лэбач дорө, оськов кык-куим бёрын быдысь сувтовкерлөма. Со өд мортыдлөн горшлуныс, медтыкө талун сюри, аскиа лун йывсьыд оз думыштлы. А кымынысь төвнас пыравліс начальство дорө, мед вөрсө эз пөрөдны нюр дорсьыс. Пернаа вөлөма чина мор-

тыд, кывзысис», — вoсьлалігөн аслыс кывмөн сёрнитіс вөр-ва видзысь ёрт. Матыстчис вомоналысь вoрга дорё, муас лои видзёдлём: морт пласътвидзё, чужомыс бумага кодъ блед, пасьтала вир резсьома. «Иван Петрович», — егерь, дерт, тодіс милициясаос. Но кызди мый ставыс лоёма? Ловья-о мортыс? Бан бокьяссё лымйён ниртыштём бёрын казяліс: син гёршаясыс лыбыштлісны, муртса тёдчымён тяпкёдыштіс вомнас. Егерь пёрччис улыс дёрёмсё, гаровтіс Иванлысь дойсё. «Ачыс асьсё дойдёма, октём курокоён сибёдчёма». Ружье оти стволас лыйём патрон и матігөгёрын бокоёй мортлён кок туйяс абуось. Кык кыз леторосысь егерь вёчис вуж додь (кутшёмён тай видз вылын турун юръяс кыскавлёны), доддясис.

Больничачын Гутъюров садыс воис коймёд лунё. Зарадыс коксыс лысё абу торкёма.



## А С К И О З З Э Р

---

---

— Ог мун ме некытчө, со кольём лунъяссө нин лыддя. Мый сэтысь эг адззыв, мян кодь жө сэн, Сибырад, ещö кöдзыд-джык на. Тöдан кö, кутшöм гажа мян посёлокын: шөрöдыс неыдждыд ю визувтö, неуна вылітіджык — помöма. Прудсö лöсьöдлöмаöсь кöрт сывдан завод стрöйтöмкöд, кыксё воысь на дырджык сайын, дас верст кузя ваыс сулалö. Чери кыйöныгырысь и посни, купайтчöны, пес-турунла и вотöсла пыжөн ветлöны. А мыйта ва выв лэбачыс тулыс-арын.

Армияын бөръя восö служитигөн Николайлөн сибирса ёртыс, Вольдемарыс, быд лун вöлі кайтö ыджыд стройка вылö медасьöм йылысь.

— Тэ нинöм он вошты, — чошкöдас синъяссö Вольдемар, — мян öд ставыс на водзын, уджыштам во-мöд, сэсся и аслад машина, патера. Сэтшöминас, кызвыннас, том йöз чукöртчöны, гöтыр аддан выльöн кыштöм карысь. Либö Ульянатö коран, аддзас сэсь уджсö, не сэтшöм школаяс лоасны, кутшöмöсь сиктад. Пыр тай сійöс гаралан, письмötö сöмын оз гиж-а. Вунöдас кö, сэтысь сюрас, сэтшöм вожа-бöжа добраыд быдлаын эм.

— Энлы тэ, пель сьöдмис öтторъя дзизгöмсьыд, — мукöддырйи öвтыштас кинас Николай. — Гортö öд колö жö петкöдчывны, гижны ли, шыш моз ог пышйы. Тэныд лöсьыд, öтнад (Вольдемар детдомын быдмылöма).

— Сідз оз артмы, другö, — эз сетчыв мöдыс, — кутшöм мам мизинаöс лэдзас сьöд вөр шөрö, кöні прамöй оланін на весиг абу. Гортö петанвийö либö места вывсянь нин гижан. Шуан: унаöн медасисны, начальство тшötш ышöдіс. Ачыд думыштлы. Сэсся öд он сибды сэтчö, сьölöм вылад оз во ли, ачыд он кöсйы ли, абу кöрталöмыд. А Чукаыб сиктыд некытчö оз пышйы.

Николай и ачыс рытъясö вольпасын куйлігөн вöйтчыліс татшöм думъясö.

Школа помалöм бöрын во слесаритіс посёлокса гаражын. Сэки ёна отсаліс сылы ыджыдджык вокыс, Ёгорыс, коді шопераліс сәні жö. Овмöсыс совхозлөн киссян выйын. Воас армияысь, сэтчö жö лоас медасьны. Водзö велöдчöм йылысь думъяс

эз вöвны, мыйöн отсаласны мам-батыс, торйöн висьлöс батыс, ас овмöсö кутчысьöмöн и вуджöны олöмсö. Оз тай кöсийм сертийд ставис артмы, лыжиöн бура ветлöм понда школасян на сöветуйтлисны физкультурнойö пырны.

Салдатскöй службаыс, велалис да öни, кыз шуласны, муссö эз зырт. То лыжиöн котравны лэдзласны, то ордысьсьöмъяс вылö нуöдласны. Слесаритöмыс кивыв жö лои, машинасьö кыз вит чуньсьö ассьыс тöдö, ёртъясыс тшöкыда чукöстлöны отсöг вылö. А техникаöн танi оз налөн сиктын моз вöдитчыны. Мудзöмыд усурмунтöдз – дасьтысь аски кежлö, мыскав-мольöд быд паз. Гаражса начальникыс тай раз-мöдысь нин гарыштлис, мед кольччис сы местаö механик пыдди, тэныд пö абу жаль сетны овмөссö, должность вылын пö лоан, званньö сетасны. А меным пö кад град йöрын ноксыштны, вугыр шатинöн пукалыштны.

Капит Толиксянь бөръя письмöйс вежис Николайлысь думъяссö. Оз ошйысь сиктса олöмөн. Ытва дырйи прудйис помöминсö кырöдöма. Лист бокö содтöма песни гижöдөн: Надьö Уля петöма верöс сайö, Петыр Öльöксей сайö, кага нин виччысьöны. Помнитан пö, көнкö, бөръя вотö велöдис миянöс физика да математика – Алексей Петрович Куранов. Кыкнанныс пö уджалöны школаын. Уляöс пö öни гром ыдждöдлöны Ульяна Егоровнаöн. Сэтчö жö стройка вывсянь кутшöмкö мастер воöма, быттö выйöн мавтö-сёрнитö. Кор налөн ротаысь ставөн кисö лэптисны (сетисны сöглас), Николай эз жö вермы кутчысьны.

Эз, дерт, Николай вунöд Алексей Петровичсö. Велöдис гырысь челядьöс, регыдъя кадөн унаöс шахматөн «висьмöдис». Весиг урок дырйи кодсюрö челядь пиысь пидзöс вылас пöвсö пунктöмөн ворсисны. Николай видзöдö письмö вылас, нем оз гөгөрво, киясыс мöдисны дзöрны. «Но, – бөръяпом шуис аслыс кывмөн. – Но и Надьö Ульö, удитöма велöдысьөн лоны, верöс сайö чеччыштны, кага нин виччысьö. Сийö жö карын велöдчис, кызди вермис тöдмасьны Курановыскöд».

Армияö мунан арö Уля велöдчис пединститутын. Сидзсö Николайкöд öти арлыдаöсь, но воөн водзджык помалис школасö – мамыс сетлöма квайт арöсөн. Николай сидзи и эз вермы аддзöдчывны. Карын эськö мыйэтшкö вöли прöст кадыс, пыр жö котöртис общежитиеö, но студентъясöс, вöлөм, ыстöмны сиктö, картофель вылö. Öдзöсдорса телепон дорын пукалысь тьötöлы сетис гижöда кабалатор: «Уля, ставсö гижа, мый сьölөм вылын, местасянь. Коля».

Коркö эськö и салдат гижис письмötö, да сидз нин, тыдалö, ковмöма лоны – Уля киöдз эз во. Пошта-Столя школа кильчö помын корис öти нывкаöс пыртны письмөсö учительскöйö. Директор öтнас пукалис сэни, зепталис.

«Вот и Надьö Уля,— Николай пыр на кутіс Толиксянь письмөсө.— Вот, вөлөмкө, мыйла воча кывсө письмө вылас эз сет. А позис и юөртны...» Зонлөн мыйлакө чужис вежөгтөм вөвлөм учитель дорө, көть некутшөм помка та вылө эз вөв. Ачыс мыжа, восьса вома, пыр аскиөн асьсө такөдіс. Сідзи и эз вермы висьтавны нывлы бөрья кывсө, мый радейтө сьөлөмсяньыс, мед эськө надейтчис. Нинөмла и вежөгтыны өні, эз өд мырдды Курановыс Улясө. Да и Уляыс сылы нинөм на эз шулы, не кө төд вылын кутны видзвывса өти гожся лун.

Ылыс видз вылын сійө асылө Николай коксө дойдіс. Вөр дор ытшкигөн косаыс торксис леторосө, сатшис кокчөрас. Удж вылө петны эз вермы, бригадир тшөктіс, вермас кө, косаяс лэчтыштны. Пусигмоз төчиласө Уля бергөдлас. Николай эськө оз өна и өшйы коса вылас да өтнадлы сьөкыд бергөдлыны, сійөн тай и кык вороп лөсьөдлөмаөсь өтар-мөдарас. Нывлөн зільквидзө кымөсас пөсьыс. Ещө шондіыс сэтшөма пөжө, төвру абу ни.

— Став тушанад ли мый сэтчө личкан, лов петіс татчө,— Уля кыкнан кинас кутчысис бергөдлан воропас,— мыйла и кольччи пусьыныс...

— Ог эськө да... Вай шойччыштам инө,— аслас копырвидзөмла коскыс мудзөма жө, көртөда кокыс ёнтө и, вирыс, тыдалө, чукөрмө сэтчө.

Коля пырис турунасян керкаө, пуксис да коксө лэптис нар вылө. Уля мөдліс картупель кульны ывлавывса кузь пызан дорын, но жарыс вөтліс жө сійөс керкаө, пуксис зонкөд орччөн. Николай эз и төдлы, кызди Уля сывйыштіс сійөс, пөрөдіс мышлань да өшйис морөс вылас. Уля топыдик тушаа, но зумыд тэчаса. Серөктас — синьясыс куньсьыштөны, төкөтбө лыбыштлөны бандзибьясыс, нейджыд логторьяс артмылөны сэтчө.

— Мый бурьыс, Уля?— лов шыыс сьөктаммөма зонлөн, ачыс ёнджыка на нылөс топөдө ас бердас. Уля вашкөдө Колялы пеляс, бытбө водзвыв дасьтөма шуан кывъяссө:

— Коді көсаясөд медьёна трайыліс? Коридорөд прөйдитіг, коді коксө вөлі нюжөдө конйыштны? Купайтчигөн коді паськөмөс дзебліс? Ещө висьтавны?

— Тырмас,— муртса кывмөн вочавидзис мөдыс. Аслас кийс веськалөма нывлы ковта улас, вөрзөдчыны оз лысьт, пыр эськө тадз куйлас, көть доймөм кокыс дзенавтөдз позялөма.

Мед көть өти классөн Уля водзджык муніс, Николай во-мөд сайын нин синмаліс сійөс. Сэссия өд кык керка сайын и олісны өта-мөдсьыныс, пөшти быд лун аддзысьлісны. Сө-рөнджык кө лөсявлісны школасянь ли кино вывсянь, Уля кру-кыштліс зонмөс сой пөлөдыс. Бөрья төвсө лыжи вылын не-өтчыдыс петавлісны. Уна и пөсь сәки лэдзис Уля. Николай

вөлі став вынсьыс сюгъяс-мунас верст мөд-коймөд, сувтас виччысьны. Мөдыс лигышмунтөдз мудзөма, суөдас да кияснас өшгъяс пельпомгъяс вылас.

– Чөрту и тайө лыжитө. Сө верст, буди, кытшовтім-а?

– Дасөс. Ме тай быд рыт кыкысь кытшовта-а, бөрас кык литр йөв өтпырйө юа.

– Понда тай здра прөдукта изведитны, лыжияс понда. Тэ моз чемпионөн меным не лоны. Сідз кө исласьыштны-а. Сэн жө миян көза, сымда йөвсө оз вай.

Өтчыд рытгорув Николай вугыр шатинөн воис ю дорсянь, лыа вылысь казяліс изйөн личкыштөм паськөм. Төдіс, дерт, кодлөн. Уля вөлі быд рыт лэччылө купайтчыны. Мунігмос бадь куст улө саймовтіс.

– Ме сэки муртса эг турды. Ачыд төдан: рытын ваысь петөм бөрын йирмөг босьтө, ваыс кун кодь шоныд-а. Котрала өтарө-мөдарө, некутшөм вуджөр вылын абу, гортө кайны ог лысьт. Ок эськө, сюрин кө сэки.

– Öні тай сюри, вешты сы пуд дай.

– Вешті тай со и эм... став лёк вөчөмсьыд, ачыд он жө гөгөрво-а, пыр тіянөс колө велөдны...

– Сэтшөмөсь и эм ми, сиктсаяс, полысьсөсь. Карад, дерт, грамотнөйджыкөсь зонгъясыд.

– Ланьт нин тэ, меж сьөлөма, – Уля бара кутчысис картупель дорө.

Видз вылын томгъяс пиысь куимөн и вөліны бригадаын: Лаврень Коля, Надьө Ульө да Капит Тольө. Толик чим гөрд юрсисө гожөм кежлө машинкаөн шырө, мед пө засяньыс сьөдөдыштас шонді водзын. Зэв наян да вильыш, Уля вылө жө син бөжнас кыйкъялө. Сы бөрся и ытшкыны пыр сувтө. А Николай Уля водзын. Воас видз помөдз, паныд ытшкыштас бөрсъыс воысьлы, көть бура төдіс: Уля некодлы оз сетчы, кос мудзөм вылө оз норась ни.

Школаын бөръя во велөдчигөн пөрысь учительница, Анна Григорьевна, сяммис унаөнлы чужтыны муслун коми кыв дорө. Бөръя воясө сідз-тадз велөдісны комиссө: то велөдысьыс эз вөв, то окотитысьыс классын чукөрмыліс кык-куим мортысь не унджык. Йөз серам да и сөмын – коми урок вылын сёрнитөны рочөн. Улич вылын паныд сюрас ичөт морт, шыөдчан сы дорө комиөн, а мамыс вочавидзө – роч пө миян сійө. Збыльысьсө комйсьыс өтдортчөмны, рочас абу жө воөмны.

Карын Ульяна пырис коми факультетө.

Картофель вылысь воөм бөрын том нывлөн олөмыс крута бергөдчис. Лекция вылысь өтчыд корисны декан дорө. Повзыштіс быдөн, гөрдөдіс. Сэн жө пукаліс Алексей Петрович (өні сиктас школаса директор нин). Вөлөмкө, Анна Гри-

горьевна висьмөма, а прөст велөдысьёс во шөрын абу кокни аддзыны. Сійö жö и сувтöма Ульяна вылö.

— Со Ульяна Егоровна,— первойöн шыасис декан. Сійö бура помнитис студенткалысь ним-вичсö практика лунъяссиянь, сёлöм вылас воисны сыөн сетöм урокъясыс и не сöмын — регыдъя кадöн öти кывйö воисны том учительница да тöдтöм челядь.— Буретш тиян сиктысь, ме думысь, справитчас, велöдчöм вöтöдас и бöрыннас.

— Ой, ашпöр удж вылö? Ещö аслам школаö. Ставöн тöдöны, пола ме, яндзим лöб велöдысьяс водзын.

— Повны нинöмла,— öнi шыасис Алексей Петрович.— Ас йöзыд ас и эм, пыр нин отсыштасны. Ачюд тöдан, школа миян абу лөк туйын. Сэсса, гашкö, Анна Григорьевна регыд бурдас, бөръя кадö сійö тшöкыда энöвтлö уджсö.

Алексей Петрович, дерт, пыригкостыс тöдис Ульянаöс, велöдис бөръя кык восö, но сэки сійöс эз торйöд мукöдысь. Öнi, кор том ныв воськовтис порог вомöн, дрöгмуныштис. Шöркодь тушаа, сой кызта кöсаяса, öтиыс морöс вылас, мöдыс мышвыв шыбитöма. Синъясыс юдорса из рöмаöсь. Шулöны тай: видзöдлан сэтшöм синъяс вылö, нэмтö он вунöд. Синкымъясыс сёрнитигас лыбыштлины да лэччыштлины лэбач бордъяс моз. «Енмыс кö вöйö меным шудсö-а,— ас кежас думыштис директор. Сидзсö Алексей Петрович важöн нин бөрйö аслыс «шудсö» да некыз оз веськав, эз этшайнкöд тöдмасьлы, но сёлöм вылас некод эз во: кодлөн кокъясыс дженъыдöсь, кодлөн вомыс паськыд, кодлөн коскыс не ас сертиыс кыз. Мöд школаысь аслас сиктö вуджис лякөссём нырөн нин: кор тöдсаыс юртис нöбасём йылысь, эз виччысь кымөръяс сукмöм, корис вуджöдны пöрысь мам-бать дорас.— Көнкö, арöс кызь öнi сылы, меным кызь сизим, буретш лöсялам. Татшöмъяслы и колö велöдысьöн лоны — челядьыд абу жö пыстöм емөн вурöмаöсь, аддзöны и гөгөрвоöны, мичыд быдöнлы синмас чеччыштö». Кыдзи эз бöрынътчы, кык мужичöй вöйпöдисны том нывбабас.

— А шуöны менö Ульяна Егоровнаöн,— том велöдысь тöдмасыс класскöд.

— Тöдам,— пыр жö шыасис воддза парта сайын пукалысь.

— Надьö Ульö,— гусьöник, но велöдысь кылис, кодкö содтис мöд.

— А-а, кытчö тай воylvлö бригадирыд,— наяна юөртис коймöд.

Челядь сиктын ставсö тöдöны: кывлöны гортас, улич вылын, аддзöны. Бать-мам рöд оз виччысьыштны пипöv водзас сёрнитигөн. Улялысь велöдысь пыдди воöмсö кодi кызди кужис донъялис:

— Кутшөм на сійө учительша, төрыт на ачыс велөдчис да.

— Мыйла, зэв шань ныв лоома, ачыс директорыс пö бөрийома да.

— Аслыс, буди, пöдруга пыдди вайис, Куранов рөдыд төдса.

Нель-ө-вит урок сетны быд лун — абу ма панялөм вөлөма, абу практикаыд, кор өти час кезлө лөсьөдчан дзонь вежон, некытчө видзөдлытөг төдан висьталантортө. А тетрадыс! Быд рыт колө пукавны вой шөрөдз, мукөддырйи вугыртлас и быдөн пызан сайын. Сэтчө жö өткымын бать-мам директор дорө шыөд-чөмаөсь, корөны мездыны челядьсө рөднөй кыв велөдөмысь, нинөмла пö сійө налы. Сійөн и унаөн урок вылө оз пыравны, гузьялөны-котралөны коридорөд, восьталөны класс өдзөсьяс. Дерт, сэсся и дисциплинаыд «чотө».

— Удж жö бөрийөмыд, нылук, — неөтчыдысь нин водигас шыасьлис мамыс. — Сэсся нө тадзи и ковмас нэм чөжыд тойтны, лун югыдсө он аддзыв. Со мукөдыс — тшын да брын — этшаджык, көнкө, оз босьтны.

Төлысь чөжөн директор өтчыдысь и пыравлис Ульяна Егоровна урок вылө. Не сэтшөма майшөдлис том велөдысьлөн уджыс, мөдтор вөли дум вылас.

— Алексей Петрович, — яндысяна шыасис учительскөйын Ульяна, — мед көть рытсаян висьталаннын, либө асывсө водзджык. Бөрыннас пыринныд да ме муртса весьө эг пөр, шөйөвошлі...

— Ставыс бура артмис, — директор пунктис кисө нывлы пель-помас да коланаысь неуна дырджык видзис.

Сійө жö рытө кино вылысь воигөн кодкө сюсь восьласөн вөтөдис Ульянаөс, кутыштис сой пөлөдыс.

— Мый ти, Алексей Петрович, повзьөдчанныд, — Уля көсийс мынтөдны кисө, но мөдыс чорыдджыка на топөдис. Вина дукөн өвтыштис нывлы. — Аддзыласны йөзыс.

— Эн пов, мый көть аддзыласны, мый сэтшөмыс, пөпуттьө веськалим да. Ме нимлун вылысь локта, этша гажа, кутчыси со, мед ог пөр. Сидзкө нин, ми өд ныла-зонма, коді мый шуас, — негораа серөктис директор. Алексей Петрович көсийс колльөдны Уляөс горт дорөдзыс, но сійө мынтөдчис асланыс керка дорті прөйдитигөн. Аскинас жö Ульяна казялис дөска вылысь мелөн гижөд: «У.Е.+ А.П.= любовь».

...Вит сутки поезд гольөдис асыввывлань. Николайлөн юрыс дурмөма пыр мунөмсьыс. Коркө квайтөд луннас воисны вылын заборөн потшөм посёлокө. Висьтасьөмъяс серти, водзти тан дасьтөмны вөр заключеннойяс. Öнi кызвыннас найөс вуджөдөмны өти местаө, кольөмны поселенечьясөс, кодьяслөн этша нин срокыс кольөма да уджалөны öнi конвойтөг. Öткымынлөн на пыись воөмны гөтыръясыс челядьныскөд. А кык лун

шойччөм бөрын вайөдисины стройка вылө, верст ветымын лоө посёлоксянь. Пасьтала пузувтөма-гөрөма, ломалөны ыджыд бипурьяс. Өтарө-мөдарө гыө быд пөлөс машина, кодзувкотьяс моз шурьялөны керка судта самөсвальяс, весиг муыс дрөжжитө гымалігөн моз. Өтилаті зэв паськыда шыльөдөмны, лун и вой колскөдөны-тувьялөны сваяяс. Сәні пө выль посёлок лоө, бөрыннас кар кыптас.

Николайөс Вольдемаркөд индисины туй вөчан бригадаө. Туй визьсө вундөмны прөсекөн, сэтысь и колі пөрөдны вөрсө, петкөдны, бертны став мырсө. Бригадаяс уджалөны вахтаөн, мырсясны вежон чөж, мөд вежон прөстөсь. Удж вылын усурмунтөдз лоө, мөд вежонсө уджтөг бара жө кызкө колө катгыны кадсө. Сійөн и шландайтөны баракысь баракө, картіөн да доминоөн колскөдөны-ворсөны, вина юны кадыс тырмө и. Кольмөм бөрын тшөкыда косяяс лыблөны, торйөн томан сайын водзті пукалысьяс костын.

Накөд жө өти вахтаө ветлөдлө пусыны Маша нима ныв, зэв варов да йөз дорө сибалысь. Прөдукта тубрасьяс шыблалөм бөрын ур моз звиркнитас вевта машина кузолө, орччөн пуксыны пыр Николай дорө лөсялө, гашкө, туша-рожа пондаыс торйөдө сійөс мукөдысь, а гашкө, кызд вежавидзысь мортөс. Өд быдлаын: и удж вылын, и шойччигөн, и сөйигөн котлопунктын өтторья мать да глоть кылан, некод некодысь оз яндысь. Өтчыд Маша чукөстіс Николайөс мыськөм белльөйсла. Оланіныс сылөн вөлі барак мөдар помын, торья пыраніна. Тыдалө, кутшөмкө контора тані вөлөма, өшиньясыс пыр на решетка-аөсь. Вель ыджыд комната, татшөм жырйын мужичөйяс нельө-витөн олоны, а сійө өтнас. Пукалыштісны, сёрнитыштісны. Маша быдсяма пөлөс сөян лөсьөдөма, вина доз лэптис (аски пө оз ков удж вылө петны). Николай эз пыксыыв мудзөм да кыммөм бөрын мыйтакө кылөдны курыдтортө, но некор на этпсысыс эз петав, садьсө эз воштыв, кызд шуласны, винаыс некор сы вылын эз серав. Өтчыд дай мөдысь Маша дорө пыравлөм бөрын Николай коркө и кольччис асылөдз. Ёртьясыс водзджык нин шулісны: зевайтан пө. Кыкөнлы гажаджык лои: сөстөм жыр, чөскыд сөян (Маша кулинарнөй помавлөма). То пес дасьтас да пыртас, то ва новлас. Стрөка сюрас – лыжи вылө сувтласны. Нывбабайд водзджык мөвпыштө аския олөм йылысь. Өтчыд Маша горөдчис: этійө керкаас пө (подулыс вөчөма нин) сылөн синмалөма патера, сёрнитчөма кодсюрөкөд. Вочасөн пө мыйсюрө колө дасьтыны, куш киён выль оланіно он пыр. Сьөмыс өні кыкөнлөн сы киын, и Николай пыр гежөдджыка ыстө бать-мамыслы.

Николай садьмас мукөд войө, дыр думайтө восьса синмөн. Син водзас сувтө олөмыс, аслас сиктыс, ёртьясыс и, дерт жө, Уля. Быттьө ставыс тырмө том мортлы, а сьөлөмыс абу места-

ын, торйөн прөст кадө. Мый нө пес-ва пыртөмыд багатыр кодь мортлы. Неотчыдысь нин сёрнитліс Вольдемаркөд, вөлі кө пө аслад овмөс, вежөн чөжнас мыйта вермис бергөдны. «Быттьо кык пельо поткөдөм пес чурка, өти джынйыс тани, мөдыс – гортын. Ог-ө дзикөдз көдзав чужан муысь? Отчид шыбөлитас – морөсад нэм кежлө рубеч кольо. Уля, көнкө, быдтысьо, шуда. Со өд кызди ставыс бергөдчис. И Машакөд тадзи вермас лоны... Ачым ог на төд, радейта-ө сійөс. Мыйкө гортсянь дыр оз гижны и Капит Толик дышөдчө. Пөди, гөтрасис. А ме... быттьо пу вылысь гылалөм кор.

...Ульяна эз вунөд пөрысь велөдысьөс, вежоннас отчид пыр нин пыравлө больничаө. Висьөмыд тай оз красит морттө. Анна Григорьевналөн юрсиыс лым еджыд лоөма, ещө на петкөдчө пөрысьөн.

– Тэ эн майшась, Ульяна Егоровна, кадыс тулыслань катовтчис, кокньодас, өні ывла вылө нин петавла, – кутчысьо велөдысь.

«Со өд сійө кутшөм, – Ульяна син водзас сувтөдө пыдди пуктана велөдысьө. – Видзөдлан сы вылө – пөрысьөн петкөдчө, а пырас классө, быттьо вылысь чужөма-томмөма. Тэрмасьтөг лашьялө партаяс костөд, өтиөс шылькнитас юрөдыс, мөдлы – көсичаас чуньнас петкөдлас, юрнад пө мөвпав. Эз, дерт, өти воөн кужөмлуныс шед. Оз кө бөрья кывсө водзын шу, оз кө крукась мукөд моз нем абуө. Гашкө, и ме коркө татшөмөн жө лоа», – такөдліс асьө Ульяна.

Лым сылігөн Анна Григорьевна бергөдчис школаө. Ульяна коли уджтөг. Лөсьөдчис лэчыны институтө, гажыс быри и пөдругаяссыс, но торкис вөрзөмсө директоркөд сёрнитчөм. Мөд луннас жө чукөстис сійөс аслас кабинетө, кевмысьөмөн корис кольчывны во помөдз. Бөрыннас Ульяна сэтшөма катитчис, мый эз куж сәки откажитчыны. Смилитіс пө менө сійө, гудыртис пытшкөсөс. Да киссьөм ватө тай он курышт.

Вөлөмкө, интернатысь воспитательыс мунома удж вывсьыс. Директор эськө корис велөдысьясөс пыравлыны челядь дорө, но найө эз окотитны, луннас пө руймунтөдз мудзам, экзаменьяс сән жө матыстчөны. Интернатын комын сайө морт, кызвыннас гырысь классын велөдчысьяс. Зав да воспитательысь кындзи кык войся няня. Бөрья кадө директор матө нин вөлі воөма норасьөмьяс вылө. Мый нө босьтан том нывлысь, кольөм во на ачыс помалис школа, пыдди оз пуктыны дас квайт-дас сизим арөсаяс. Рытсөрөн сиктса том йөз быттьо койташ вылө пырөны. Важиник пу керкаыс шум-гамсьыс катласьө гыяс вылын ветки пыж моз. Нывьяс асьныс осьтасны зоньяслы өшиньсө, бөрыннас чилзөны чиршөдлөмысь. Ен лун дзоньталөны өдзөсьясысь иганьяс.

Ульяна Егоровнаос индём бёрын Алексей Петрович быд рыт пыравліс интернатё. Удж помасьём бёрын колльодліс Ульянаос гортодзис, а бёр воигён ещё на кежавлас челядь дорё. Велёдчан во помлань велёдысьяс и челядь мудзёмаось, сійён и Ульяна ышодё том йёзос ворсёмъясон, велёдё кысьыны, вышивайтчыны, сёрни пансьылё книга либё кино йылысь. Алексей Петровичкод челядь решайтёны шахматной задачаяс, физика да математикаысь ребусьяс. Сюрлі здук ныла-зонмалы и орчён пукалыштны войся няня жырйын, небыд диван вылын. Куранов, вёлём, кужё нывъяслысь сёлёмсё небзёдны. Колльодчигьясё өні оз нач кутыштлы пельпомъясодыс, крепыда топёдлө ас дорас, окалө. И Ульяна оз сэтшөма яндысь мусукасьомысь, ачыс на виччысьё, кор зонлөн зумыд киясыс шамырчасны мездорас. Сэки ыркмулнё сёлөмыс, сёктаммё лов шыяс.

– Ен сись кодь, кодкө өд, көнкө, вөліс жё матыссаыд?– сідз өтчыд Алексей Петрович Улялы вашкөдіс пеляс.– Быттё пö лыжи кузя чемпионкод төдсаось вёлөмны армияөдзис. Кыдз сійөс, Николайөн, төдөмысь, шуоны.

– Ме тай тэнсьыд ог юась, кодкод төдсаось да матыссаось вөлінныд.– Уля төдіс: Куранов кужё асьсё петкөдлыны нывъяс водзын. Абу уна сёрниа, кужё кывзыны мөдөс. Школаын быдторйыс овлө – некор оз ырыштчы лөк ногөн. Мамыс нин Улялөн раз-мөдысь горөдчыліс: зэв шань пö директорыд, сёрнитө меліа и.

Өти рытö Марпа тьöt (войся няня) котөрөн пырис интернатö, пошкөмысла муртса кывйыс артмö:

– Улечка, донаөй, гашкө, кольччан вой кежлас, мөслөн бөръя вой-лунъяс, кыкысь эз вермы бура чөвтчыны. Кыдзи бара Енмыс отсалас-а? Ойя жö нин. Мөстөг омөль, мөскөн сюрö жö майшасьөмыд.

– Кольчча, дерт, Марпида тьöt,– Уля паныд сувтіс нывбабалы,– сөмын ме гортö котөртла, мамöлы висьтала, мед эз виччысь. Али ачыд пöпуттё кежавлан?

– Висьтала, висьтала, донаөй. Сё пасибö тэныд.

Челядь водём бёрын гөрд пельөсысь Ульяна вайис вой кежлө газетъяс да журналъяс. Сэки интернатö пырис Алексей Петрович.

Мый позис виччысьны өта-мөдсö радейтысьясынь өти вольпасын куйлігөн, сійö и лои.

Сійö рытсынь кык вежон Алексей Петрович интернатö эз пырав, эз паныд сюрлы и Ульянакод. Коркө сёр рытын вөтөдіс сійөс гортас воигөн. Төдіс, мый Уля өні өтнас, мамыс (сійö уджаліс совхоз контораын экономистөн) кымынкö лун кежлө карö муніс. Кильчө вылын сулалыштөм бёрын вөтчис керкаөдз, кусөдіс бисö. Уляөс сывйыштөм бёрын шөпкөдіс пеляс:

– Шуоны, гуся любовыд пö крепыдджык.

– Абу нин мяян гуся, – Улялөн пыр на вöлі лов вылас сьöкыд интернатын лоомтор бöрын. – Пасьтала нин сёрнитöны, челядь и. Пола ме, бурöдз оз вайöд.

– Мыйысь полан? Гётрасям öд сэссия...

«Сэссия пö», – ас кежас думыштис Уल्याна.

Помасис велöдчан во, а сы бöрын и гожöм, матысмис сентябр. Дыр падъялöм бöрын Алексей Петрович вайöдис Уल्याнаöс гортас. Прамöя нин ловзьöм кынöмөн нем вöлі и думайтны таво велöдчыны мунöм йылысь. Жöниклөн да невесталөн мамъясыс бура дыр пожъялісны да пыдзралісны öтлаасыны лöсьöдчысыясöс.

«Надьö Ульöысь бурджыксö эн нин аддзы, директор? – корсюрö дöжнöдлö Öльöксейлөн мамыс. – Велöдчöм на эз помав ни. Ог вермы видзöдны, кодъяс верöс сайö петтöдз «нопъясьöны», сійөн сиралöны ас дорас мужикъяссö. Уна-ö нö тöдан сійöс. Мамыс дорысь тай пышйис верöсыс-а».

«Ачылд тöдан, нылук, мед эськö эн каитчы бöрас, лоис нин кö сэтшöмтор, – нылыслөн юалöмъяс вылö вочавидзліс Улялөн мамыс. – Кагаысь мынтöдчан – асьтö верман дойдны нэм кежлö. Мед эськö эз жö менсыым кок туйöс талаялöм ло. Батыд тэныд овтö да овнатö и колис, эг жö та йылысь думыштли...»

Збыль вылас сідзи и вöлі. Кыськö мöд сиктысь волöм Егор, ныв чужöм бöрас турун бöжа лöдз моз инас эз öшйив, быттö пытш пырöма ситанас. Öти-мöдлаö медасылас – пыр сылысь муссö зыртö, сэссия воштöдчывны сиктысь кутис во кежлö, мöд кежлö. Мыгчöдчылас төв юысь варыш моз, бара нин нопъясьö – другъяс пö корöны бур удж вылö. Пöльзаыс вöлі: кымынкö нянь тупöсь вылö тай сьöмтор ыстывліс. Бөръяпом воштöдчис дзыкöдз, быттö эз и вöвлы. Прöзвищöыс и то коли нылыслы мам нимсянь: Надьö Ульö.

Курановъяслөн öти вевт улын кык квайт пельöса керка, посводз шöрöдыс торйöдö. Öтарас – медічöt пыискöд бать-мамыс олісны, мөдарас – том гозьяös овмөдісны. Став коланаыс вöлі дасьтöма нин, ньöбны нинöм эз ковмы, гашкö, посниторьясысь кындзи.

Алексей Петрович эз каитчы, мый гётрасис Уля вылö. Уджач морт вылö веськаліс. Чеччас асылын – сёян-юан лöсьöдöма, паськөм мыськөма-гладитöма, мыссияс-бритчас, сёйыштас и школаö лунтыр кежлö. Удж бöрын сідзи жö: нөрөвтчöма диван вылö, газет лыддьö либö телевизор видзöдö. Вöлöга сумкаөн гортас эз на жö кослы. А Улялөн уджыс юр выв тыр, торйөн пи чужöм бöрас. Лунтыр бергалö юртöм петук моз, а рытын удж висьтавны нинöм. То пес пыртö да пач ломтö, то Максимка дорö уськөдчылö, то рузумторьяс мыськö.

И посводсайса олысьяслы, кор чукөстасны, колö отсавны овмөссö бергöдны, сы вылö и тэ том ичмонь. Кык мөс и вөв, порсьяс и чипанъяс – ставон корöны сөйны. Энькаыс медичöt пыскöд гожся кухня-керкаас коставлытöг сөян пуöны-лөсьöдöны. Ай-каыс өна оз шыблась кывъясөн, да и шоча Ульяна сыкөд паныдасьлө. Аслас вөлөн тулысбыд гөрис сиктсалы көнөмуяссö. Öнi вына КАМАЗ-өн быдсяма төвар кыскалö Киров карысь. Пыр кутшöмкö йöз керка дорас бергалöны. Кодкöлуно кильчö помас дзонь гөра тыртöм сулея мешöкъяс новлисны. Көзиян мынтысьö, а сэнi код төдас кутшöм донысь сдайтö. «Зэлыда олöны, төлын налысь лымтö он босьт», – неöтчыдысь ас кежлас думыштлис Ульяна. Төн лөскас кайлис корөсьла. Аминьö! Мыйыс сөмын сэнi абу. Пась и тулуп, важ пальтояс, вöчтöм порсь да кукань куяс – киад нин оз шед, воз сөйöма. Морт вит-ö-квайт быд асыв волöны йöвла. Уля казялис öтчyd: стеклö дозъясö кисьтавтöдз энькаыс кыкнан пöдöнчаас ыджыд көшөн кодзыд ва содтiс, гидралыштiс сартасөн. Медичöt писö (öслöпан кодь) армияö эз лэдзны, сө висян вылö врачьяс водзын ыстысис мамыс: улас пö кудзалö и, войнас пö бөрдö и. Посводзас öтчyd шамыртiс Уляөс, тайкö чегъялас ордल्याссö, эз кö пö кагаыд вөв, мырдди пö эськö вокöлысь, сыысь водзджык на пö тэнö синмавлi.

«Чöрту, кызди кужасны, сiдзи и оласны. Сiдз öд, Максимка, – зыбкаыс писö нөньöдны босьтöм бöрын шыасис мамыс. – Талун тай дырджык узин, мужичок». Нөньöдны сөрмөмла нывбабаөс ониш босьтiс – морөсьясыс зэлалöмны. Öнi сөмын, кага чужтöм бöрын, Ульяна тырвийö гөгөрвоис, мыйла Енмыс лөсьöдлөма булки кодь ёкмыльяссö. Карын велöдчигөн пöдругаясыс кодкö липнас зэвтыштö морөссö вывлань, кодкö – лэдзыштö, кутшöм платтьö мода серти пасьталöны.

Субöтаö школа машинаөн Алексей Петрович вайис пөвъяс, ректiсны керкасайса потшöс дорö.

– Торъя семья, колö и аслыным мыйсюрö лөсьöдны, – керкаö пырöм бöрын юөртiс верөсыс. – Теплица вöча, помидор да öгуреч мöдам быдтыны. Бать шуис: асланыд öшинь увтi верманндыд пö паськөдчыштны, ылөджык вештыны потшөссö, эжасö лэптыны. Бöрыннас поэяс и гидтор вöчыштны.

Энькаыд овлö аслад мамыд кодь, овлö и лэчyd коса дорыш кодь. Улялөн – нарошнö пыдди эз на и пырав буриника сөрнитыштны, сылыштны зыбка дорын да гычöдыштны внуксö. Пыр оз эшты, пыр кымөс увтыс видзөдö, восьтыштлас керка öдзөссö, мыйкö висьталас либö тшöктас вöчны, крап-пöдлыштас бөр. Кортöг йөв кружка некор оз пырт, пиыс петавлö. Öтчyd тай Улялөн корөм вылö, оз-ö пукышт магазинö котөртiгкостi, ёма-баба моз керыштiс: «Но нин тай, уджавтöг

олигөн өти челядьөн пропадьтөмыд. Куимөс чужти-быдти, не-кодөс эг корлы. Ольошөс вайөм бөрын витөд луннас удж вылө петі». Төдіс, дерт, ачыс, кутшөм удж вылө муніс: кага видзис яслиын, аслас кагаөн керка кост вуджліс. Люкасысь мөскөд өткодялө энькасө Уля, бур, мый Енмыс сюръяссө налы абу сетлөма.

Максимкалы арөс тыртөдз на Уля гарыштлис Ольоксеилы велөдчөм да удж йылысь. «Нем абусө эн баит, – вочавидзис мөдыс. – Выль велөдчан воянь посни челядькөд уджалыштан, накөд кокниджык, а велөдчөм кузяыд – карө лэччыла, заочнойө вуджөда».

Сідзи и лои, кызди висьталіс верөсыс. Максимкаөс яслиө индісны. Уялы вичмис первой класс. Абу ыджыд и мый кивыв сылы – тавосянь найөс кутасны велөдны нач комиөн, нарошнө бөрийөмаөсь сэтшөм челядьөс. «Школа помавтөдз найөс катөда», – учительскөйын ошйысьліс велөдысьяслы. Лов вылас кокниджык лои: то челядькөд мошкоритчө, то удж кузя өртъясыскөд большыштасны. Гортас некытчө петавтөг дөзмис лун-лун пукавны. Мамыс ордө и то гежөда воліс. Уля төдіс: сылөн верөс сайө петөм бөрын совхозса бригадир эз нин сідзтадз кежавлы мамыс ордө, удж вылө быд асыв мөдөдчыліс выль оланінсянь. Уля ньөти эз дивит мамсө, да и немысь. Ныв бөрся төждысьбөмысь кындзи нем и эз аддзыв. А вот ачыс, мамыс, нелөсьыдөн лыддис нылыслөн челядьясьөм бөрын выльысь семейтчыны, көть нелямынысь на муртса вөрзбөма.

Уялөн регыдджык урокъясыс помасьоны. Неөтчыдысь гортас мунтөдз восьтыштлис директорлысь өдзөссө, ветлас-ө Ольошыс сыкөд пажнайтны. Мөдыс пыр абу.ас руын, кутшөм пө пажын, кор ставыс киссьө. Во джынъя уджөн медбөръя местаө пө район пасьта зумыда суттам. «Дваяс» тэчны ставөн мастерөсь. Бөръя кадө Алексей Петрович тшөкыда «петавліс кусыс», местаө и неместаө шыбласьліс неколана кивьясөн. Казявтөг тайөс эз овны велөдысьяс и велөдчысьяс, Уляна и. А помкаыс вөлі мөд: арнас на сылөн сөрни вөлі начальствокөд роноө вуджөдөм йылысь. Да, тыдалө, вунөдісны. Неважөн районө ветлөм бөрын воис скөрсьыс-скөр.

– Кодлы мый оз тырмы, кодлысь тасалі горшсө, – гортас пырөм бөрын ветлөдліс джодж кузя өтарө-мөдарө. – Ланьт! Тэ өщө нярган сәні! – ырыштчис низгысь Максимка вылө. Тыдалө, даръясьбөма чорыда да өні винаыс өнджыка на пузьөдіс вирсө. – Мый вөлі и эз, ставсө өтлаө суклялөмны. Сьөм вылө пө горш, сиктса школа пө, а вомө шыбитны төв кежлө нем оз дасьтыны, кодалө пө и.

– Эз и ков пөвьяссө гортө ректыны, школа кильчө пом

вольсавны индылӧмны да, йӧзыд ӧд синмаӧсь и пеляӧсь, – неместаӧ шыасис Ульяна, но мӧдыс быттӧ эз кыв сійӧс.

– Кымынысь вӧлі висьталӧма эсійӧ кыз бруняислы (директор тӧд вылын кутіс биология велӧдысьӧс), картинаяс петкӧдлӧ, а сэтшӧм туруннас школа йӧр тырӧма. Учитель шусьӧ, – Алексей Петрович скӧрысь кучкис пызанас. Максимка бара мӧдіс низгыны.

Шуӧны тай: лэдзчысьны регыд, сэтчӧ кужӧмлун оз ков. Тырмытӧмтор вылӧ позьӧ восьса синмӧн видзӧдны, но не аддзыны. Мый вылӧ вӧлі казтыштӧма письмӧын – абу гижӧма ва вылӧ вилаӧн. И тайӧс Алексей Петрович бура тӧдіс и аддзис. Кывліс ӧттор-мӧдтор йылысь и Ульяна. Сійӧ тшӧкыда видлавліс челядьлысь уджъяссӧ завуч кабинетын (абуджык шума), учительскӧйысь занавесӧн торйӧдӧм жырйын.

«Кызд велӧдысь, кужӧ и вермӧ уджавны, но веськӧдлыны коллективӧн...»

«Сьӧм вылад ёна нин лютӧсь...»

«Шӧркост пиыслӧн тай гӧтырыс регыд гӧгӧрвоис, ас бӧрсяыс кыскис верӧссӧ, ӧні пӧ кӧнкӧ Воронеж дорын, кӧзаяс видзны кутчысьӧма. Пухӧвӧй шальястӧ тай вузавлісны, найӧ пӧ ыстывлӧмны».

«Рӧдыс нин налӧн сэтшӧм, коньӧр Ульяна Егоровнаыс кызд бара сәні олӧ-а».

Алексей Петровичлы неӧтчыдысь нин казтыштлисны бухгалтериясянь, зәв пӧ уна час аслад чукӧрмӧ. Збылысь, быттӧ этша школаса веськӧдлысьлӧн уджыс, школаӧ вежоннас нельысь котралӧ. Сән жӧ вӧзйысьысьыс сэтчӧ эм – нетыр уджда на велӧдысь. Сәтысянь и тшӧкыда бергӧдчывлӧ гортас гажа юрӧн. Пыр кутшӧмкӧ помка эм: то нимлун ли чужан лун кодлӧнкӧ, то кодкӧ зачәт сдәйтӧмысь доз ләптӧма. Математикаысь да физикаысь юрӧвӧй мортлы вӧзйылӧны вӧчны контрольнӧй уджъяс вузъясын да техникумъясын велӧдчысьяс, оз жӧ бӧрыньтчы донысь. Тӧн совхозын уджалысь мынтысьӧма тӧлысья порсьпиӧн. Школа йӧрын петшӧр да лапкор красуйтчӧ. Со мый лои вылынджык тшупӧдӧ пуксыны лӧсьӧдчысьлӧн! Гӧтрәсьӧм бӧрын завӧн лыддысьысь интернатӧ туйсӧ дзикӧдз вунӧдіс.

Колӧ висьтавны, мый Алексей Петровичлӧн оласногыс и гортас вежсис, тшӧкыда мӧдіс чиршӧдлыны гӧтырсӧ. Ӑтчыд сӧрӧн воис алява код, гӧтырыс узис нин. Вылыс паськӧмнас пласьткысис-водіс диван вылӧ. Аскинас норасьӧ (ыджыд гӧлӧсӧн): некод пӧ менӧ оз виччысь, кӧть пӧ турда ывла вылас. Сәки Ульяна медводдзаясь паныд сувтіс да крапкис синмас (ыджыд гӧлӧсӧн жӧ):

– Яндысьтөм! Аски кежлө дасьтыси, со тетрадь чукорыс. Войнас кымынысь сувтлі Максимка дорө, жарөн сотчө, кок чунь йылын ветла, мед не садьмөдны тэнө. А батылы көть лунныс оз югды.

– Ёна нин дасьтысьны колө, зырым бедьяслы, – нурбыльтіс мөдыс.

– Тэныд лөсьыд. Пырин классад, пасйин дөска вылө задача нумер – уджалөй, ачылд петавлан сук чай юны, директорлы позьө... Йөзыс өд аддзөны.

– Ланьт сэсся, нем абусө эн из. Ёна кө вирыд пузис, гиж, мед вөтласны, сьөлөмыд бурмас. Гашкө, этийө письмөсө тэ и гижин да.

– Төді кө, быть гижы, веськыда висьтала. А мый удж вылысь вештөм кузя сёрнитан, – ачылд сэтчө сынан. Школаад завхозыд өшиньяссө панер пөвьясөн дөмлө, а тэ стеклө ящиксө гортө вайин. Төрыт монтер, тэнад вөвлөм велөдчысьыд, пыравліс, кызь лампочка пө сотанныд, а счөтчыкыд выключитөма. Кужө пө физикыд мудеритны.

Коли кымынкө лун, а томьяс век на оз лысьтны видзөдлыны өта-мөд вылас восьса синмөн, кыкнанныслөн сьөлөмьясаныс неджөг кольөма. Тыдалө, гозьялысь горалөмсө кывлөма энька-мамыс, паныдасяс өні посводзын, меліа шыасьө, быд лун кружкаөн йөв пыртө, Максимкалы пө.

Воторник рытө гозья пукалісны сөрөдз. Луннас на Алексей Петровичлы юөртисны: комиссия пө локтө школаад, прөверяйтчысьяс. Урокьяс бөрын челядь и гырысь нюлісны-пелькөдісны школасө, весиг дөжнөдлісны зонкаясөс, мед тшөтшкөртисны кузь бурысьяссө, пасьтасисны бурджыка. Ачыс директор киас мөлөтөн да көрт тувьясөн ветлөдліс классысь классө.

Максимка көн нин нистө-узьө, а пызан дорын пукалысьяс пыр на бумагаясөн ноксьөны. Асьядорыс нин, писө шебрыштөм бөрын, Ульяна нөрөвтчис диван вылө. Небыд бордйөн унмыс малыштис чужөмсө, лөнөдіс. А кор восьтіс синьяссө, шонді югөрыс занавес костөд мөдар куричө вуджөма. Одьйө чеччис, чайник биаліс, сэсся верөссө чукөстіс. Максимкаөс оз ков садьмөдны, велалөма чеччыны өти кадө, өні кычипи моз ляшмасис мам-батыслөн кок улын. Алексей Петрович видзөдліс часі вылө, повзьыштис. Кинас ниртыштис чужөмсө – щөтясьөма, ковмас бритчыны. Оти галстук видліс – нямрасьөма, мөдөс зэвтис.

– Чөртыс төдө, гөтыра ли гөтыртөм! – чөвтис гортсьыс петіг-моз.

Ульяна нем эз вочавидз ёрччөм вылас, төдіс: бөрья кадө дзикөдз вельмис верөсыс, ещө и кампужитчө. Но удитис юавны:

– Максимкаөс нө талун садикас коді колльөдас?

– Ещѣ эльтчѣ сѣні, – син еджыдьяснас вундыштис гѣтырсѣ, быттѣ тѣв ныр уркнитис чусмѣм ѡгырьяс вывтѣ.

Сюри школаын уджалысьяслы (кывзысьысьясыд пыр нин мыйкѣ аддзасны), и медводз чорыда бѣж вылас тальчисны веськѣдлысьылы. Места вылысь директорѣс эз вештыны – выговорѣн бергѣдчис. Регыдья кадѣн нем и вѣлі думайтны лыбѣдчыны служба поскѣд.

Сийѣ рытѣ Уля эз вермы виччысьны верѣссѣ, кѣтъ пукаліс вой шѣрѣдз. «Кыз нѣ ставыс артмис, – ѡтнѣсѣн пукалігѣн неѣтчыдысь нин юасьліс асьыс. – Вугырѣ тай шедѣ. Енвевтысь тури кутѣ, а тѣлкыс... Ѡльѣксей ѣд эз жѣ сѣтшѣм водзынсѣ вѣв. Сѣтшѣм ли мый регыд, кык воѣн, вежсис, мѣд мортѣн лоис, кутшѣмкѣ потас ас костаным артмис и пыр паськалѣ и паськалѣ. Али сѣмын петкѣдчис авьяѣн да бурѣн, али сѣмын ныр улысь аддзи, юрсянь кок улѣдз эг видзѣдлы морт вылас. И мамѣ ас кадѣ чорыд кыв эз шу, ачыд пѣ думыштлы. Кузь юрсия да дженьыд мывкыда, он тай тѣд, кутшѣм лѣѣ аския луныс, и некутшѣм книгаѣ абубу гижѣма та йылысь. Кѣні ѣні тѣ, Лаврень Коля, медводдза любов, казтыла со, петавлѣѣ юр пѣлыд? Мыйла сѣки нин эн шу, виччысь пѣ, радейтан. Капит Толик гѣтыра и шуда, паныдасяс кор, пыр на кутыштлѣ, юасьвисьтасьѣ... – Улялѣн вазисны синьясыс. – Кынѣм ловзьѣмѣс виччысис, мед свадьбатор не чукѣртны. А кор больничасянь звѣнитисны, писѣ босьтны эз лок, начальство пѣ школаѣ воис. Асьыс писѣ босьтны эз лок. Лои мамѣлы юѣртны».

Энькаыс, дерт, тѣдіс гозья костысь зыксьѣмсѣ, ѣтчыд пырис, мелѣа шыасис:

– Мый юканныд, мый тѣянлы оз тырмы. Верѣсыд верѣс и эм, этша чиршѣдлѣ кѣ мукѣддырйи, мѣдлы колѣ чѣв олыштны, пинь саяд кывтѣ кутыштны. Велѣдысьяс, мужикыд директор, йѣзсьыс абубу лѣсьыд.

Абубу и лѣсьыд, быттѣ синмыд пыркысьсѣма, мунан уличѣд и быд паныд сюрись водзын быттѣ мыжа, кѣтъ некод та йылысь оз висьтав и некутшѣм мыж ас саяд он аддзы. Йѣзыдлы мый – кывласны ѣти кыв, дзонь рыныш тыр ѣмѣльсѣ пѣльтасны. Кѣдкѣ рытѣ школасянь юасьѣны: эз-ѣ пѣ висьмы Алексей Петровичыд, удж вылас пѣ эз волы. Школѣса завхоз стѣчмѣдіс: карѣ пѣ лѣччис лун-мѣд-коймѣд кежлѣ, вайны мыйсюрѣ школалы. Со ѣд кутшѣм, зня-пиалы нем эз висьтав. Мый пѣ оз тырмы, – юасьѣ энькаыс. Морт туйѣ оз пукты бѣрья кадѣ. Верѣс сайѣ петѣм бѣрын Уля эз татшѣм ѣлѣм йылысь мѣвпав. Син водзас кысьѣ шудыс (тадз кѣ позѣ шуны), чуньяс костѣдыс ва моз визувтѣ.

Велѣдчан во помасьѣм бѣрын классьясѣн веськѣдлысьяс нуѣдлісны челядѣѣс походѣ, посниджыкьясѣс – лунысѣн, гырысьджыкьясѣс – войколѣн.

– Колө и аслыным петавны, пока эг разөдчөй, ловъясөс ыркөдыштны, – учительскөйө чукөртчөмъяс водзын шыясис месткомөн веськөдлысь. Ставөнлы сьөлөм вылас воис вөзйөмыс. Шуисны не эновтчыны, субөта асылө чукөртчыны школа дорө, дерт, коді көсьяс.

Ульяна асывсянь падъяліс: мунны, не мунны.

– Мырдөн ог нуөд, – верөсыс пасьтасьөма нин, сулаліс по-рог дорын.

Синъяс сертияс Улялы кажитчис: верөсыслы веськодь, мунас ли оз сійө.

«Ог мун, гашкө, йөзсьыс оз ло лөсьыд».

Алексей Петрович гөтырыскөд вөрзисны асланыс машинаөн. Школа дорө вотөдз на вөтөдісны банкаса управляющөйөс. Орччөнасьөм бөрын Куранов сувтөдіс машинасө, көть мөдыс кисө эз лэптыв ни эз бергөдчыв мышлань. «Водзвыв ли мый сөрнитчөмаөсь? – визнитіс мөвп Улялөн юрас. – Том велөдысьяскөд өти керкаын олө, тыдалө, найө нуөдөмаөсь». Банкаса начальник, ар кызь нөля ныв, зөв пелькиника пуксис мышса пуклөсө, чолөмасис.

Шойччан местасө завхоз кужөма бөрыны. Лыа берегыс ыджыд кытшолөн юсө бертөма мөдлапөвлань. Зөв шылыыд эрд артмөма. Стенөн сулалысь кузьмөс коръя бадь рас торйөдө лыа эрдсө пожөма ягысь. Чукөртісны пес, өзтісны бипур. Физрук вөля сетіс магнитофонлы. Медводз пөрччысис банкаса управитель. Дышиника котралыштіс ва дорті (шонтыштіс асьсө) да бузгысис юө. Уялысь здук кежлө вошліс ва пиө, сөсся мыгчысис бөр, пу йывъяс костөд сөдзтысьысь шонділөн дзирдъясыс ворсөдчисны сылөн волялан лөз шапкаын. Мөдыс бытбө гөгөрвоис тайөс, ещө на зільджыка тольөдіс асьсө: то быйкнитас кос туйөдзыс вывлань, то песовтчас водзлань да суныштас бөр, сөмын кокъясыс тривкнитасны сынөдын.

Алексей Петрович пөрччысьөма жө трусик кежөдз, пукаліс Ульянакөд орччөн, но син пөвсө эз вештыв купайтчысь вылысь. Водзджык висьталам: эз нин вөв сэтшөм ылі төдса тайө нылыскөд. Тулыснас карын олісны өти гостиницаын, ритмөд-коймөд пукалісны ресторанын. Нарошно ли эз ли, нылыс вөлі судзөдөма өти морта олан жыр. Сэки, дерт, эз петкөдчы сійө сэтшөмөн, кутшөмөн өні аддзис ваысь петөм бөрын. «Русалка. Колө жө Енмыслы сэтшөм мичаа лөсйыны, – думайтіс ас кежас юрсө копыртөмөн. – Буди, чужөм бөрас на дыркодь бергөдлөма кужысь киа-синма мастер, шыльөдөма-мольөдөма юрсянь кок улөдз».

Гажыс лыа вылын өддзис чай юөм бөрын (вөлі и чайкөд сорыштантор): кодкө купайтчыны пырө-петө, морт дас кутчысьөмны кытшө, музыка шыө кокъяснас лөйөны сов кодь

лыасо. Медся томъяс шегъясъоны мачон – қокшаяс выло лепитомны кузь бедь. Завхоз физруккод лосъодоны тыв, косьоны ковтыштны лыа божсыс куръясо. Бокисянь видзодлан шойчысыяс выло – быттьо детсады ветлысыяс.

Пажын борын Ульяна матыстчис веросыс доро.

– Мено, буди, гольгодан гортодз-а?

– Мый сидзи? Отчид петим да, али съокид лои?

– Эз. Максимка йылысь думайта, мыйко кызодис асывсо.

Талун ещо водзджык сийос босытны.

– Ме од висыталі мамолы. Но... ачид кызд косъян.

– Дыр-о верст дасто, бергодчан бор.

Ульянакод водзджык мунысыяс ещо кыкон лоины, оломаджыкъяс пысы: отиыслон моссо некодлы лысытыны, модысы пывсян водитны колло.

Шонди лэччандор шойчысыяс модисны чукортны колуйсо. Кодсуро весиг норасис, шойччом пыдди по энджыка мудзис. Алексей Петровичлон машинао банка начальникисы кындзи некод эз пуксы, котъ эсько чукостлис мода вылас оти-модос. Верст нель-о-вит муном борын кыкон кежисны бокко (Курановлы тани туй вожъясыс тодсаосъ). Машина багажникин волома на ворзъодлытом коньяк доз и мыйсуро пинь уло пуктыны. Важ вылас лодсыштомыс найос дзикодз небзьодис.

Писо водтодом борын Ульяна войбыд эз узы, деливо волі съоллом вылас. Энкаыслон чеччом борын петис жо керкасыс, веськодчис велодысыяслон олан кык судта керкалань, коні патеруйтис банка начальник, но кильчо помсыс асыыныс машинасо казялом борын, одйоджык бергодчис. «Адой-адой, ещо этпа тешитчо ме вылын, кырсыс петома», – сомын и шуалис которон сорон гортас локтигон.

Куранов восьтис синъяссо, кор ывлаын волі нин дзар югид, юрыс желяло-висьо, вом пытшкыс косьомома. Торытъяыс вотын моз сувтис син водзас. Водтодзыс тай дзим-дзурк порччысьома-а (гашко, и порччодисны). Подругаыс, кыло, гольодчис кухняын, а кор матыстчис сы доро, шыасис:

– Абу жо эсько лосьыд да. Эз ко бензиныс быр, татшомыс эз ло.

– Ена тай, корко од кывсяс жо, пыр ли мый гуся любовон кутам ворсны. Бурджык отчидйон керыштны. Конко, вунодин войся сёрнито...

– Йозсыс яндзим, талун жо сёрни паськалас.

– Нем абусо эн баит, йозыс сидз нин тодоны. Мый лоома – он бергод, пыр ог кутой дзебсясыны. Уляшайд ко гортад оз лэдз, менам одзос пыр восьса. Вай чеччы, юръясыномос веськодам, мыйсуро лосъодышти. Ышмомыд волі, узыштны эн сет.

Алексей Петрович дыр сулаліс өшинь дорын, кыйөдчис, мед эськө этшаджык йөзлы син улас усьны. Грекыд вылө, шойччан лунад ёнджыка найө горт гөгөрыс ноксьоны. Бөръяпом, өдзөс шыяс лөньом бөрын, шыш моз, кок чунь йылас петіс ывлаө, сюсь восьласөн вуджөртіс керка сайө, веськөдчис школалань. «Бур, мый талун сәні некод абу. Көть рытсө виччесь, — шуалис директор зеркалө дорын сулаліг. Чужөмыс дзик төдтөм лоөма: пыкөсыс эськө ләччыштіс, но голяас и бандзибъясас кольөмны нывлөн нөнялөм кытшъяс, весиг пинь туйясыс төдчөны. — Кыдзи-мый шыасьны гөтыр дорө, мый висьтавны, гащкө, оз и мөд кывзыны...»

Тайө пөрийө Ульяна мый колө гаровтіс тубрасө, босьтіс писө да мунісны пөдругаыс ордө, детсадын уджалысь дорө. Шойччан лун кузя Лена мамыскөд, Өдьө тьөткөд, буреш вөлі пөжасьөмны, чай юны пуксьөмаөсь. Уляөс мырдөн сой пөлөдыс пуксьөдісны пызан сайө.

— Да оз пыр талун нинөм, — Уля мыйкө дыра кутчысис на мырдөн сорөн, көть легзис став тушанас. Бөръяпом ставыс ылькнитчис ортсө, гораа бөрддзис. — Өдьө тьөт, Лена, мездөй менө... миянөс этийө рака позсьыс, водзө ог бергөдчөй сәтчө, — сәсся лөньыштіс да висьтасис ставсө, мый вөлі лов вылас.

— Сөрнияс кывлі лавка кильчө помын, но пыдди эг пукты кывлөмторсө, збыль инө вөлөма. Яндысьтөм бугыль тай Петровичыс, — шензис Өдьө тьөт.

— Мамъяс ордө вөзйысьны эг лысьт, асьныд төданныд, мамө ачыс виччысьө... Ләдзлөй мыйкө дыра кежлө Максимкакөд, ас садьө воа да патера корся, муна ли кытчөкө, мед синмөн эг аддзы найөс.

— Олөй, олөй, дитяяс, — Өдьө тьөт юрөдыс шылькнитіс Максимкаөс, — миян өд торъя жыр дзик прөст, сәтчө некор ог и пыравлөй, посводзсянь өдзөс эм и.

...Регыд лоө кык во Николайлөн стройка вылө воөмсянь. Выль кар местаө лыбисны кирпичысь вөчөм уна судта керкаяс, выль заводлөн короминаясыс енэжө сатшөм трубаяснас, эштөдісны вөр плитан завод. Медводдза воөмаяс овмөдчисны нин выльөн ләптөм керкаясө. Удж бөрын, шойччан лунъясө ноксисны гөгөрыс, весалисны лөп-өг.

Бөръя пөлучка вылө Маша «стенка» ньөбөма — лыдтөм-тшөттөм жыръя шкап. Комнатаас сувтөдны оз төр, чукөрттөгыс и разөдісны пельөсьясө. Клам пондаыс жыръяс прөйдитны он вермы.

— Өні сәсся машина вылө мөдам сьөмнымөс чөжны, выль оланіно пырны ставыс, буракө, лои, — пөсьсө чышкыштөм бөрын Маша вөйтчис кучикөн эжөм креслөө. — Арөдз көсийөны юклыны патераяссө «миян» домысь. Тэ эн пов, Коля, менам сөр-

нитöма кодкөд колö, мавтыштöма и. Кыкөн да, дерт, кык ком-  
натаысь ыджыдджык оз чукты. Тöрам покасö.

«Пока жö и эм, – мöдыс думнас нерыштіс паныд пука-  
лысьсö, – ачыд эн на и гарыштлы гижсьöм ни кага лöсьöдöм  
йылысь».

Мед көть кутшöма эз овсьы, уджавсьы, Николайлөн лолыс  
эз инась выль местаö, мыйкö быттьö оз тырмы, а юаласны кө,  
ачыс оз куж висьтавны. Эм ю, позьö чери кыйны петавны,  
позьö вöрті шöйтыштны – Вольдемар зэв тölка пон судзöдіс,  
позьö сус коль чукöртны ветлыны. Ставыс тайö эм, кызди и  
гортас, но петкөдчö мөд рөмөн, кажитчö, мөд шыясөн лолалö  
вөр-ваыс. Нель во чöж гортас эз вöv, деньга мешök эз жö  
чукөрмы. Бөръя кадö тшöкыда вөтөн аддзылö гортсаыссö, раз-  
мöдысь батысь петкөдчыліс, норасис: мунін пö да энөвтчин  
кытчöкө йöз муö. Николай и ачыс тöдіс: кык вося бурлачитö-  
мыс тані нинöм эз сет, көть пö киритас тайö вояссö олөмсьыс, –  
казьтыштліс бöрыннас.

Ыджыдджык воксяныс, Егорсяныс, письмö воөм бöрын  
Николай чорыда думыштчис. Вокыс, гижö, стрöйтчöма,  
торйöдчöма мам-бать дорсьыс. Мый сэссия, асьныс витөнөсь,  
коймөд челядь чужöма. Батысь бөръя кадö кыкысь водтöдлө-  
маось больничаö. Помалöма: пыдöдз пö, тыдалö, сэтчö вужь-  
ястö лэдзин. «Некутшöм вужьяс ме татчö эг лэдз, Егор, и нем  
менö тані оз кут, прöстö ме ылалөм морт».

Мөд луннас жö Николай муніс контораö, лючки-бура вись-  
тасис начальниклы, колö пö видлыны батысь-мамсö. Сетіснысьöм,  
Маша ноп тыр дасьгис вөлöга, кузь пö тэнад туйыд. «Прöщай,  
Сибирь-матушка, – тöдлытөг артмис поездö пуксигөн. – Ог тöд,  
волөмыс лоас оз, зэв нин тэ ылын...»

...Аслас сиктö Лаврень Коля бергөдчис турун пуктан кадö.  
Воөм йылысь некодлы нинöм эз юөртлы.

– Зимогор... мыччысин жö, – куйланінсьыс öдва пуксис ба-  
тысь. Омөльтчöма, юрсиыс лым еджыд, пыдісянь лолалö. –  
Мися, ог нин аддзыв-а.

– Чорыда тай личкөма, батысь, – горшыс гөррдзасис пиыслөн,  
пуксис койка дорышö, сывйыштіс батысь пельпомъясьöдыс.

– Со тай көні лоö страдайтны, – неуна чöv олыштöм бöрын  
содтіс батысь: – Чигарка пом мында и коли олөмөй, öтчыд кыс-  
кыштны.

– Веськалан, батысь. Гашкө, карса больничаö лэчывны, сэнi  
врачьясыс дошлөйджыкөсь.

– Воштыны, мый эм, кокниджык, пиö, аддзöм дорысь. Ки-  
маласад, шуöны, вуджөрыд оз сюр.

– Мамö нö көні?

– Көнкө нюр дорө көзаос йирөдны лэччөдис, сийө и миян став скөтыс.

Кывлөма, рытнас Капит Тольө котөрөн пырис, ныр йылас өчки лепитөма, тшөтшкөртөм гөрдов ус-тошка.

– Амины! Ещө на ли мый содөмыд?! – сувтис орччөн Николайкөд, юр чукыс муртса өтрөвнөясис пельпомыскөд.– Сэни, буди, бурджык пөскөтинаын олөмыд-а, али ёнджыка зэрлис?

– Ставыс вөлі, сусед, нель вонас, бурыс и лёкыс, шоныдыс и көдзыдыс.

Вой шөрөдз кык друг пукалисны керкадорса лабичын. Öтиыс висьтасьө, мөдыс довкйөдлө юрнас.

– Зэлалис олөмыс, веськыда кө шуны, зэлөдисны,– Тольө öтырышъя ныр вывсьыс өчкисө лэптыштө.– И петан туй некөні оз тыдав. Төлкыс воши – совхозысь вуджи комхозө. Сэсса нө тэ пыр кежлө, али видзөдлыны воин?

– Ог и төд. Ог нин, пөди, сы ылнаад мун. Быдлаын өткодь олөмыс, удж жө ковмас кутшөмөскө корсьны.

– Тэныд сурас уджыд, техникатө тэ бура төдан. Помнитан, велөдчигад на самолёт вөчлн мотоцикл моторөн, эз көть лыбөдчы, петук моз кымыныськө вывлань чеччыштлис. Либө дадьтө парусөн, чарөм вывті вөлі сэтшөм өдийө мунө. Пөлинө, миян механикыс, Оскаръястө төдан, шор сайын тай олөны, лөсьөдчөны Германияө, рөдпом пө налөн сэни эм. Верман сибөдчывны начальникным дорө, ме сёрнитла ли.

Николай эськө Тольөсянь мыйкө Уля йылысь виччысис, но мөдыс думъяссө сылысь эз төд.

– Сидзи и олам,– пыдисянь ышловзис Тольө.– Гөтыр тай лөсьөдчө мөд пи козьнавны-а, ог төд, кызди мөдам бергөдчыны. Да, Надьө Уля йывсьыд тай нем он юась. Ок, ёна виччысис армиясяньыд письмөтө, пыр вөлі юасьө менсьым.

– Письмө?.. Кызз эг гижлы? Гижлі, ачыс нем эз вочавидз.

– Сидз тай сёрнитис-а. Эня-ныла кыкнанныс быдтысьөны, мамыслөн – пузчужөм, Ульяналөн – жөник, котралө и сёрнитө. Торйөдчисны өд найө Алексей Петровичкөд, мынтөдчис, ен сыкөдөн, Курановъясысь. Код нө пернаа накод вермас овны, жмотъяскөд. Кызди-мый сийө ылалис, пөди, тэ йылысь нем эз төд да. Налы ас кодынысө коліс сибөдны, а Уля абу сэтшөм. Сэтчө жө Öльөшыс мөдөма бокө котравны. Медичөт пиыс батракалө бать-мамыслы. Төдан, корко тай «пув ванас» мыськөдін, вөравны мунан водзө тиянлысь пон бөж увсө скипидарөн мавтыштөма. Лимзигтыр гортас муніс, ог пө вунөд, Лаврень, вөлі шуө. Гөтыртөм, нывъяс матө оз сибөдны. Раз-мөдысь ветлөмаөсь корасьны Öдьө тьөтьясө (көні өні Уля пиыскөд олөны), Лена нылыс весиг сёрнитны абу көсийөма, кыкнаннысыыс пышйөма гортсыс.

Одьö тьöt ворсантор пыдди видзö Максимкаос. Шулöны тай: ичöt да пöрысь öткодьöсь. И кор Уля кöсийс экзаменъяс кост писö кольöдлыны аслас мамыс дорö, Öдьö тьöt быдөн лөгасис: «Абу тай ылынöсь, мыйкö лоас-керас кö. А Леналы пöпуттьö нуны да вайны садиксьыс».

Ульянакöд Николай паныд сюри виччысьтöг. Удж бöрын, мазьöсь паськöмнас на, вуджліс пашня сайö, кераліс кымынкö потш. Бөр воигөн мös вötлан уличын ныр на ныр зурасис важ тöдсаыскöд. Киняулас тазйөн Уля мөдöдчöма пожъясны. Видзаасисны. Мөд киняулас тазсö вуджөдөм бöрын шыасис первойөн.

– Сэтшöма вежсьöмыд, мөдлаын кö паныд сюрин, эг и тöд зськö.

– А тэ век сэтшөм, Уля, ещö на, буди, шаньмөмыд-а.

– Öни карын вöлі дзонь тöлысь, вöччöдышті ачымös, гашкö, сы бöрын сідз мыччöдча. Век на öд велöдчöмös эг помав, тöv кежлö на кольыштіс уджйöзöй, сэки эновтчи да.

Николай видзöдіс сёрнитысь вылö, гөгөрвоис, кызди вирыс чепöсьö чужöмас, син водзас сувтö нель восайсаыс, муткыртö морöссö, юрсö копыртөмөн негораа шыасис:

– Ставсö, тыдалö, колö вöчны ас кадö. Уля, ме эг вермы сэки висьтавыны, мый сьöлөмын куті. Армияö мунігөн эг аддзысьлöй, письмö вылö эз во воча кывйыд. Дерт, ачымös мыжаөн лыддя, сэтшөмторсö öд позьö шуны олөмад дзик öтчыд, а ме эг сяммы...

– А ме сэтшöма виччыси... И став гажыс öни менам Максимка, пийй.

...Кор Алексей Петрович йöз ордын узьöм бöрын воис гортас да кывліс лөöмтор йывсьыс, дыр пукаліс чöv кияс вылас юрсö мыджөмөн. «Аддзöмыд мый йылысь шогсьыны, – öлөдіс мамыс, – котортас-воас бөр ылавлөм кычи моз. Мед сылы бокö эн видзөдлы ни кыв эн шу. Йöзыслы сёрни вöчö, ачыс водзджык яналас. Гыж дон тэ водзын оз сулав».

Куранов стрöка корсис, мед дзик пыр аддзөдлыны гөтырсö, сёрнитны буруника, бергöдны бөр гортас, но некызд эз вевъяв. Оланинас он мун, йöз дырйи он пан сэтшөм сёрни. И кор Уля муніс велöдчыны, мог пунктіс да карö жö веськөдчис. Сэні и улич вылын паныдасисны.

– Колö сёрнитыштны, – первойөн шыасис Куранов, кор пуксисны лабич вылö.

– Абу öмöй ставыс висьталöма нин, – Ульяна веськөдя видзөдліс орччөн пукалысь вылö. – Юав бурджык, мыйла водзджык тадзсö эг вöч? Виччыси, терпиті, мися, вежсян бурланьö, а тэ...

— Но օд абу жօ лօсьыд օтчыдйօн тадзи օрօдны, мыйыс օз օвлы гօзъя кօстын да. օд любов вօлі и быдօн, օні на ме радей-та тօнօ, гашкօ, ёнджыка на, и пи мяян.

— Тօ прав, вօлі и любов, но ставыс тайօ вօлі водзджык, сօк, кор эг на тօд тօнօ помօдз, унатор эг гօгօрво. И став сійօ сօдз думъяссօ тօ тальялн.

— Уля, колօ думыштлыны мяянлы кыкнаннымлы, ковмас Максимкаօс сувтօдны кок йылօ, օтнадлы сьօкыд лоօ. И гажтօм лоօ օтнадлы татшօм том кадсянь. Каганад выльысь панны олօмтօ абу кокни.

— Гажтօм кօ лоօ, пета верօс сайօ дай, ас кодъ сайօ. Кыдз нօ ме верма օвны сօтшօм верօскօд, кодн морт туйօ менօ օз пукты, нэмօс кута пон бօж увтн шондн вылօ видзօдны. Кутшօм сօтшօм грекысь. օнօдз пыр на ворсօдчанторйօн тօныд вօлі, тырмас, водзօ օг кօсйы. օнісянь ми абу օти пыжын кывтысьяс.

— Уля, век жօ директор на ме и օг этша најօвит, верма гօтырօс уджтօг видзны. И радейтны.

— Директорыд тօнад сօмын кышыс, а пытшкօсад мый, некօд օз тօд, ставныд тн рօдпом кыш пытшкօ йօршитчօмныд. И ещօ пօръясянныд. Лаврень Колясянь письмօсօ эн и петкօдлы.

— Кутшօм письмօ?

— Водза зепта дօрօмтօ мыськигօн письмօ усис. Армиясянь-ыс гижлօма.

— Сօки օд օтлаын нин олнм, гօтрасьօмаօсь вօлі.

— Эн пօръясь, ме сօмын на вои школаад тօнад корօм бօрын.

— Гашкօ, и вунօдн сетны суматока удждад.

— А лыддыны абу вунօдօмыд. Вай помалам, ме сօтшօма мудзи талун и асывсянь нур эг лօдзлы.— Уля сувтօм бօрас содтн: — Алексей Петрович, менам боксянь ставыс шуօма. Тօ абу прօстօй морт, директор, тօныд сурас. Ас кодътօ и корсь, али аддзօма нин.

Куранов сувтн жօ, кօсйис кнсօ пуктыны Улялы пельпо-мас, мօдыс вешйыштн.

— И век жօ думыштлы...

— Бօрօ туй абу, эг օд думышттօг пет. Пօлинօ, карօ мунн гօн кежавлн роноօ, օтпуск бօрын, кօть и жаль классօс энօвтны, саднкօ вуджа уджавны.

Нель во кольбօм бօрын медводдза аддзысьлօмыс бара на вօрзьօдн Улялысь сьօлօмсօ. И Николайыс, тыдалօ, весьшօрօ эз козь — казялнсылօн синъяс сертн. Сійօ рытօ Максимкаօс водтօдօм бօрын мамыс дыр пукалн думъясас вօйтчօмօн. Лысь-тас-օ օнн сійօ думайтны гօтыртօм зон йылысь, мօд мортсянь кагаа нывбаба? Вермас лоны снзн, мый օз воны օти кывйօ и дойдас сійօн. Тօдлытօг вазисны синъясыс, сьօкыд лои лов вылас.

Николайлөн начальникыс зэв прамой морт вөлөма. Казялис, дерт, первойя лунсянь сылысь съёлөмсянь удж бердө кутчысьомсö. Отчюд индiс гараж пельöсын сулалысь «көмтөм» «газик» вылө, гашкө пö, ловзьöдан аслыд, позяна кө. Район пасьта пö шоньдөн могмөдан уджсö «öшөдiсны» комхозлөн пельпомгьяс вылө, ковмас пö петавлыны орчча сикт-грездö. Николайлы тöдса уджыс, сэнi мырсьысьяскөд пыр воö öти кывийö, сийөн и пыдди пунктöны. Удж бöрас, энөвтөм «газикөн» ноксигөн, Уляыс пыр сувтö син водзас. Отчюд лөсьöдчылис нин пыравлыны на дорö, рытын прöйдитiс керка дортiыс, но эз смелмөдчы. Да и рад-ö лоö сийö, гашкө, мөдарö ставыс бергөдчас, сөмын сёрни-басни паськалас сиктын. Пес поткөдлiгөн ыджыд вокыс горөдчис:

– Мый сэсся виччысян, мамыд висьöдчö, батыд, ачюд тöдан, кутшөм, отсасьысь колö. Уляыс оз жö нин öтлаась Курано-выскөд-а.

– Код тöдас. Тэныд кокни шуны: вай, кыз на ещö видзöдлас, кадыс эз этша коль.

Тöлысьчöжся ноксьöмыс Николайлөн эз весьшөрö вош. Кужысь киясөн чукөрмөм көрт вöлыс öти рытö «ловзис», эрöстiс гырк пытшкөснас, мөдiс пöлясьны лөз тшынөн. Шуис котрөдлыштны вöля вылын. Сэки гараж дорö котөрөн локтiс Öдью тьötлөн нылыс, Ленаыс, мыкталөм сорөн юөртiс:

– Уля ыстiс машина корсьны, Максимкаыс чорыда висьмөма, лолыштны оз вермы, колö пö райбольничаö нуны. Машина шытö кылi да татчö котөртi. Удж бöрад öнi кытысь мый корсян.

– Ветлам инö, – Николай повзыштiс сöглас сетөм бöрын, шуам, абу ылын кызь верстыд, но котөртас-ö выльөн чукөртөм машинаыс, оз-ö джөмды вөлөкас, сэки лөкджык на ещö лоö. Быттö тай ставсö лючки-бура тэчис-а.

Муртса удитiс сувтны Öдью тьötгьяс керка дорö, фельдшерица гарөвтöма детинкаөс эшкынөн, петкөдiс керкасыс. Улялөн сингьясыс гөрдөдөмаөсь бөрдөмысла.

– Коля!.. – нөрөвтчис Николайлы морөс вылас, – сийö öд менам радлуныс и надеяыс...

– Нем оз ло татшөм багатыркөд, веськалас, мыйыс оз овлы накөд да. Тэ, Лена, кысянькө звөнит больничаас, мед виччысясны, – Николай пöдлыштiс машина öдзөссö.

Максимка, вөлөм, неыджыд көрт шарик нбылыштöма (ичötгьясыд ставсö вомнас видлөны), да горшөдыс абу прöйдитöма, öнi кызмырдөн моз лолалö. Больничаын найөс виччысьöмаөсь нин. Нывбаба-врач видзөдлiс детинкалы вомас, чужөм вывсьыс вежсис, öдйөджык телепон дорö уськөдчис. Регыд мысти пырис дзор тошка мужичöй, пыригмозыс зэвтiс ас вылас

халатсö. Шнур йылын волялысь трубка суйис зонкалы вокас, мöд кинас малаліс голя увсö. Кор бөр перйис трубкасö, көрт торйыс вöлі лемасьöма помас. Максимка пыдісянь ышловзис, восьтіс синъяссö. «Максимка!» – радысла горöдіс мамыс, но мöдыс эз шыась, видзöдліс тöдтöм йöз вылö, нем эз гөгөрво, көні ачыс. Этша дырдзык кө коли кадыс, шуис врач, вермис пö пöдны-джагавны. Николай гөгөрвоис: магнит отсöгөн мездісны пикö воомасö. Слесаралігас на öти трактористлы пытш ыджда көрт чир вöлі сатшöма син аканяс, тадзи жö перйисны.

Бөр воигөн Максимка пыр жö унмовсис мамыслөн водзын. Николай видзöдліс Улялөн синъясö, и мед кыпöдыштны сылысь лоз-русö, шыасис:

– Ичöt дырйи менам тешкодътор вöлі. Батьлысь бритчан лезвिसö курччавсьöма-нъылавсьöма. Аскинас сарайö пыдди мамö петкөдіс асмогасьны кильчö помö. Лючки-ладнö став торпыригйыс пытшкөд прöйдитöма.

– Коля, – Уля пуктіс кисö Николайлы сой вылас, – сё па-сибö жö нин, Енмыс, буди, тэнö талун ыстіс. Господи...

– Гашкö и, – сöмын и вочавидзис мöдыс.

Николай мöдысь пырис видлыны Максимкаöс, сьöрсыйс вайис ыджыд мач, тайöс пö оз кылöд. Ичöt да ыджыд джоджö пуксисны паныдөн, паськөдісны кокъяссö, гөглясьöны. Ичöтыс велалöма, рöд оз тöдтöмась, сьылі вылас дась вожасьны. Ульяна меліа видзöдö вильшасьысьяс вылö. «Тэсянь эськö, Коля, коліс сылы лоны, да мый вöчан, кольöм кадтö он бергöд».

Кор на ордö воö Николай, Öдью тьöt быттьö сэн и вöлöма, пыр кутшöмкö уджтор аддзö, мужик юртöгыд пö абу олöм. Төн утюг вайліс – оз пö шонав. Талун му пуксьöм дырся часі пыртіс, кольмöм петук моз пö кытчöскөрö триньгö. Николай восьтыліс мышсяньыс, кыткö зэлöдыштіс, ачыс ваксьö-сералö: дыр на пö тэныд петкөдлас рыт-асывсö.

Сёрни-басни да тешитчöм сайын кадыс муніс. Кор Николай петіс ывлаö, пемыдыс сэтшöма сукмöма, көть кабрав. Мед синъясыс велалыштасны пемыдас, сулалыштіс кильчö помас. Сэки и кыліс öшинь дорсянь кодлыськö ылыстчöм. Мыгöрыс тай Курановъяслань варччис-а. Кодкөлунö Öльöшыс волöма садикö писö видлыны, чорыда сёрнитöма Улякөд, мед пö пырысь-пыр вöлі бергöдчöма гортас. Керка дорас нин, потшöс пельöссиянь, кодкö бара вуджөрөн торйöдчис, сувтіс воча.

– Вунöдін, гашкö, коркөятö, а ме – эг, – ичөтджык Куранов вöлöма, вина дукуыс ныртö косялö. – Уджйöза тэныд бан бокъястö шонтыны.

– Мыйла вунöді, эг жö. Мыжаыс сэки тэ жö вöлін. Некутшöм уджйöз ог аддзы.

– Он аддзы, аддзан, – негораа сөдзöдіс пинь пырыс, ше-

ныштчис веськыд кинас, но паныд сулалысьыс удитіс пöлыньтыштны юрсö. Куранов öдва кутчысис кок йылас.— Он аддзы... — бара на дась вöлі вöля сетны кийылы.

— Кывзы, Куранов,— Николай матыстчис дзик дінöдзыс, пыркнитіс морöсöдыс,— тэ кодсьö нель вонас эг этшаöс аддзыв, сямма и кулакъясöн вöдитчыны. Он кө бурöн кеж туй вывсьыс, мед эз вöв норасьöма бöрас.

— Висьтав, мыйла вок гозъя костö синтöм гут моз суйсян?— мöд гöлөсөн нин сёрнисö нюжöдіс Куранов.— Уляыс, гашкö, бергöдчас на Öльökсей дорö, а оз кө, гашкö, ичöt воксö сибöдас. Öвсьы ас кадö, а то ордлыястö «лыддям»,— шуис-орöдіс, воськовтіс керка пельöс сайö. Николайлы кажитчис, мый сәні кодкö мöд вöлöма — кыліс гуся сёрни.

Аръявыв зэраліс, туйяс небзисны. Николай öні кольöдліс машинасö кильчö помас. Асывнас тшук сувтыштлас Öдö тьöt керка дорö. Рытнас сідзи жö — неуджыд кытш вöчас, гольгöдас эня-пиаöс горт дорöдзыс. Ичöтыс ньöти оз тöдтöмась, шоперлань нырччö, кутчысьö руль гöгыльö.

— Радейтан кө, мый сәсся он вайöд. Уля зэв прамöй морт, бурлачитігад пыр вöлі тәнö юасьö,— öтчыд гортас воём бöрын шыасис мамыс.

Но пиыслөн пельöдз воліс и мöд пöлөс сёрни: оз пö ли мый öтка нывсö аддзы, кагаа вылö сувтöма. Мед көть водзті тöдсаöсь вöліны. Оз жö пö олöмыс артмы. Курановъяс торкасьны кутасны, оз кө мöдлаö овмöдчыны. Кодкөлунö энъякыс паныдасьöма да туй шöрас, йöз дырйи, сэтшöма омöльтöма вöвлөм моньсö, мöд кө эськö судö сетіс. Повзьöдлöма и — писö пö мырддясны.

Субöтаö Николай водзджык сувтіс детсад дорö, но Уля пыскöд вöліны нин кильчö помас. Максимка кавшасис шоперлы пидзöс вылас, малалö öти-мöдлаті, но машинаыс оз эрöсты и дядя Коляыс оз тэрмась ловзьöдны асьыс вöвсö. Лазгöдöма синъяссö, чöv олö, видзöдö мамыс вылö. Сәсся шыасис жö:

— Уля...

— Нинөм эн шу, Коля, нем оз ков висьтавны.

— Уля... асьтö некор эн сет омöльтны.— Чöv олыштöм бöрын содтіс:— Тöрыт петавлі ю дорö, вугыръяс чövті, аски, буди, ветлам. Юква вылö, көнкö, шедіс жö. Берег йылас зэв мича ягсеръяс мыччысьöмны, чукöртыштам.

— А этійöс? — Уля видзöдліс Максимка вылö.

— Ставөн мунам, семьякодь. Юква пуам, чай юам. Вöрыс öні сэтшöм мича...

— Оз кө мöд зэрны бара,— Улялөн синъясыс дзирдалісны асья лысва моз.

— Оз. Аски оз зэр. Со выль тöлысь чужöма и шондіыс зэв мичаинö дзесбьö.

## ЮРИНДАЛЫСЬ

Сава бать .....	5
Яндысьысь .....	22
Виччысь, вола... ..	35
Дзоль Вань да Флот Иван .....	43
Медводдза любовь .....	60
Вошлём гид .....	71
Аддзысисны .....	81
Кык шойччан лун .....	91
Ловзя кӧч .....	95
Сельӧ баб .....	99
Яран .....	107
Тувсовзя войӧ .....	115
Аски оз зэр .....	119

Литературно-художественное издание

Василий Павлович ТОРОПОВ

**ЗАВТРА ДОЖДЯ НЕ БУДЕТ**

Рассказы на коми языке

Художник Л.В.Юшина

Редактор А.В.Тентлюков. Художественный редактор В.Б.Осипов. Корректор  
Л.Н.Хатанзейская. Компьютерная верстка З.А.Поздеева

Подписано в печать 15.02.2005. Формат 60×84<sup>1</sup>/<sub>16</sub>. Гарнитура «Школьная».

Бумага офсетная. Печать офсетная. Усл. печ. л. 8,37. Уч.-изд. л. 8,5.

Тираж 500 экз. Заказ № 987.


Коми книжное издательство. 167982, г. Сыктывкар, ул. Карла Маркса, 229.  
Отпечатано в полном соответствии с качеством предоставленных материалов  
в ОАО «Дом печати — ВЯТКА», 610033, г. Киров, ул. Московская, 122

ISBN 5-7555-0828-3



9 785755 508285





Василий Павлович Торопов чужис 1929 вося декабр 28 лунö Койгорт сиктын. Коми госу́дарственнöй пединститут помалöм бöрын уджаліс история велöдысьбөн, роноса инспекторён, школаса директорён.

Медводдза висътъяссö йöзöдліс “Войвыв кодзув” журналын 1977 воö. Василий Тороповлөн “Аски оз зэр” небöгыс нельöд нин. Таöдз петавлісны “Менам вөр-ва”, “Медбөръягысь вöралöм”, “Талун и аски” небöгъяс.